

Idem de mutabilibz: principibz: sicut tollat Virtute

Intendit.

Acq: agens non extenditur ad ha: intentione coram

Et deq: in compendio Indulgenciae Dns: Eximet 2. Augusti

So. ap. 22. Indulgentia 40. Dni concessa, qui coram Dni

Ab. cum 21. muneribz: exultabz.

Indulgentia Nerey. inst: Servus Dei maxima se cruci
carere omni cruce.
cum Cruce Dni in invictis

ORATORIVM RELIGIOSORVM,

AVCTORE

R.^{mo} D. ANTONIO DE
GVEVARA, ORD. S. FRANCISCI,
Episcopo Mondonienfi, D. Caroli V.
Imperat. Historico, Confiliario,
Concionatore &c.

INTERPRETE,

EX VARIIS VERSIONIBVS, ET
apographo Hispanico, D. IOANNE, DV
Bois, Bellomontano, apud Auesnen-
ses Canonico.



COLONIAE,

Apud Ioannem Crithium, sub
signo Galli, Anno M, D, CXIV,

Biblioteka
Oleów Kamedulów
w Bieuszwie

A. VI. 48

ADMODVM

REVERENDO

ET AMPLISSIMO PA-

TRI, SVMMATA M PIETATE

quàm eruditione conspicuo Domino, PETRO

POILLEVACHE, Monasteriorum de Wual-

lor & Hastier Abbati longè dignif-

simo,

IOANNES DV BOIS COGNATO

suo colendissimo, S. D.



T hanc huius Oratorij
Religiosorum ex idioma-
te extraneo in Latinum
versionē V. R. inscriberem
Præsul Amplissime, con-
sanguinitas, patria, ordinisq̃ue status
impulere. Consanguinitas inquam: cui
enim conuenientius potiori q̃; cum ra-
tione hâc tantilli laboris mei operam,
hanc vtpotè versionem ex primis inge-
nioli mei fœtibus decerp̃tâ cōsecrassem,
quam ei cum quo eadem deductus sum
origine, germanæq̃ue consanguinitatis
constrictus vinculis? Patria quoq̃; vrbs

A 2

illa

Epistola

illa Bellomontana, ex qua etiamnum cum V.R. sum oriundus, & in qua quandoque familiari colloquio, variaque subinde conuersatione, licet immeritus, sum usus. Cui vrbi profectò gratulor, tum quod illustrissimorum & nobilissimorum istorum Groyorum æternam memoria immortalique nomine commemorandorum dignum fuerit domicilium, tum quod non solum omni scientiæ genere, verum etiã (absit verbo iactantia) omni religionis pietate præcellentes, (vt in quibuscumque totius Belgii monasterijs videre est) genuerit & aluerit homines. Denique ordinis status, qui secundum huius operis Authorem vnus ex antiquissimis est, cui sese V.R. à teneris annis vltro deuinxit, deuouit, dedicauit, & in quo vique adeo se religiosè gessit, vt ad duorum monasteriorum regimen ante ætatis annum trigelimũ dignis sit euecta suffragijs. Hisce ergo & nonnullis alijs rationibus motus, animi mei gratitudo lætabunda prorupit & gestiens compulit, vt hac

Dedicatoria.

hactandem patente via V. R. hoc qualicunque munusculo fidelem amoris mei tesseram præberem. Restanti Antistitis meritis & virtutibus impar est concedo, sed quid? vicit amor supradictæque rationes. Eia agedum dignissime præsul, hoc qualecunque tenuitatis meæ obsequiū sereno suscipe vultu, & eodem quo hactenus Germanum tuum candore prosequi solitus es, prosequere. Vale. Auesnis.

1614. die 3. Ianuarij.

A 3 BENE.

BENEVOLO LECTORI
Interpres.

Miraberis ni fallor, Beneuole Lector, ad primū huius operis aspectum, quod iam post tot insignes, adeoq² eruditos celeberrimi aeternaq² laude condecorandi Authoris D. Antonij de Gueuarā, diuersorum operum Interpretes, quorum primus est Ioannes VVancelsius, qui supradicti Authoris Horologium Principum doctissime & latinissime ex Hispanico idiomate in latinum transtulit, & post quempiam alium Interpretem, cuius nomen est occultum, qui Caluarie Montem similiter latinè vertit, autem ego Oratorum Religiosorum in eandem trāsferre linguam, cum infima fortunae litterariae exiguaeque eruditionis vir sim. Obijcies forsitan me non tali studio natum, multosq² esse qui huic operi latinius multo, perfectiusq² insudassent. Adde me non eadem quā ab Authore citati Authores retulere retulisse verba marginibusq² loca & capita non annotasse hisq^{ue} similia? Quibus respondeo me ingenuè quidem fateri multos esse, qui hoc me multo latinius feliciusq^{ue} pertractassent negotium, sed quid? opus suscepi me ad illud impellente & instigan-

Ad Lectorem.

Egante R. P. Philippo Bosquerio Lectore, qui hoc oneris non detraxisset, imò lubens suscepisset illud ad felicem directurus exitum, si alijs sicuti quotidie occupatur occupatus non fuisset. Porro negotiū suscepi, vel quod is urgeret, cui in re tam pia adeoq; frugifera nihil putavi denegandum, vel quod rem Flandris Germanisq; ceteris deniq; ut rebar Religiosis ingrata futura non existimarem. Quod autem verba Authorum ab Authore citatorum non retulerim, marginibusq; loca & capita semper non apposuerim, ratio fuit quod mea professionis non fuerit: secus enim opinione maior, imò ipsius Authoris labore grauior obeundus erat labor. quæ enim refert, Hispanicè refert, præsertim Authorum citatorum verba. Mibi satis fuit eodem transferre modo, quo Gallici Interpretes, admodū Reuerendus Dominus S. Crispini Abbas, & Dominus Paulus du Mont, verterunt. Ceterum non dubito quin maleuoli aliquot futuri, qui hos nostros labores conuictijs probrisq; insectaturi sint: sed quia veritatis simplex est oratio, tu piè Lector, non hic latinitatem sed veritatem & pietatem spectata: ego enim sic rem tractavi, ut ad simpliciorum captum totam orationem accommodarim. Laudem nihil moror: utinam hinc tantum utilitatis

Ad Lectorem.

& fructus hauriant Christiana militia Religiosi, quantum pro sua insigni & inenarrabili pietate doctissimus & Religiosissimus
Author Dominus Antonius de Gueuara
radesiderauit. Vale &
fruere.

PRAE-

DOM. ANTONII

DE GVEVARRA, EPISCO-
PI MONDONIENSIS, IN LIBRVMqui dicitur Oratorium Religiosorum & ex-
ercitium Proborum. In qua sublimi stilo dis-
serit Auctor quæ debeat esse intentio illius qui

vitæ monasticæ studere vult, & quis finis

illius qui Monasterium in-
gredi.

Pone me vt signaculum supra cor tuum;
inquit Cant. 8. sponsa sponso: quasi
diceret. Tu qui mundo egressus in
Monasteriū mihi obsequuturus venisti,
debes me super cor tuū vt signaculum
collocare, in quod tuarum cogitatio-
num iacula mittere & dirigere debes.
Præcipua intentio tam eorum qui in e-
quis ad annulum, quàm qui sese arcu
exercent, est recta lancearum & iaculo-
rum ad signaculum & annulum in qua
collimant directio. Si secus enim agerēt
illi, honoris quem consequi conantur
iacturam facerent, & nunquam optata
potirentur intentione. Ille cor suum
scopum facit, Deum super cor suum, vt

• signaculum collocans, qui omnia sua
 ad eius obsequium, non autem ad quo-
 piam aliud cōmodum vel incommo-
 dum dirigit: sic vt mortem subire ma-
 lit, quam in Deum vel vnum commit-
 tere peccatum. S. August. in S. Ioānem:
 • Scitote fratres, inquit, salutem aut dam-
 nationem nostram, nō tam in operibus
 • quæ facimus consistere, quam in eo
 • propter q̄ ea exercemus opera. Quod
 si proinde illud propter quod ea exer-
 cemus sit bonū, omnia quæ faciemus
 erunt similiter bona. Sed ne temerè lo-
 qui videar, sacræ quodam scripturæ
 exemplo probabo dicta. Omnibus cō-
 stat magnum illum Ducem Ioab duos
 populi Israel principes, Abner scilicet &
 Amasam interfecisse; (2. Reg. 3. & 20.)
 & S. Petrum Ananiam & Saphiram eius
 vxorem occidisse. (Act. 5.) Ideoque ac-
 cidisse quod Ioab vt homicida mortem
 passus sit; S. Petrus autem ob facinus
 collaudatus: eō quod inimicos vlcisci
 intenderet vnus, alter verō ab Ecclesia
 auaritiam penitus extirpare. Dum A-
 brahamo pollicitus est Deus, quod in
 senectute ei filium daret, qui vsque adeo
 nobilis

nobilis & illustris futurus esset, vt ex eo mundi redemptor oriūduſſet, miro afficiebatur risu probus ille senex, sicuti & vxor eius Sara. Sed à Deo approbatus est Abrahami risus, quod promissis eius fidem adhibuisset; Saræ autem reprobatus, quod tale rideret promissum. (*Gen. 17. 18. & 21.*)

Om nibus quoque clarum est regem Saulem magnum fuisse peccatorem; (*1. Reg. 15. & 24. & 26.*) ipsoq; maiorem Regem Manassen: (*2. Paral. 33*) vterque non solum ob peccata cōmissa doluit, sed & publica cōfessione suam culpam confessus est: exaudiuit Deus regis Manassis cōfessionem eò quod vera esset, & Saulis reprobauit eò quod ficta. Infelix Iudas & S. Petrus fuere Iesu Christi discipuli & collegæ, fuit vterq; peccator & proditor, eò quòd vnus eum vèdiderit, alter verò negarit: sed quod S. Pet. peccatorum pœnitentiam egerit, & coram diuina maiestate suas iniquitates defleuerit, remissa est ei culpa. Iudas verò condemnatus est, eò quod de diuina desperarit misericordia. (*Matt. 26. & 27.*) Hisce notabilibus exemplis

concludere possumus, quod opera nostra merito careant, nisi à bona & sancta ducantur intentione: bona enim intentio nihil aliud est, quam instrumentum quo Dominus fructum quem ei offerimus accipit, & quoddam condimentum sapore plenum, cuius gustu ea quæ ei offerimus comedit. Super verba hæc Psalmistæ, *Anima mea in manibus meis semper.* (Psalm. 118.) dicit S. Hieronymus: Quod dicat Psalmista, Deus animam meam posuit in manibus meis, hoc est, Deum non aliam ob causam homini liberum contulisse arbitrium, quam ut ei ultro inferuiret: Dominus Deus siquidem ita tyrannidis est inimicus, & usque adeo à vi cuiuspiam inferenda abhorret, ut malit sibi nullum, quam inuitum præstari obsequium: Verè hæc vidua pauper plus quam omnes in gazophylacium misit, dicit Christus (Luc. 21.) quasi diceret: Amen dico vobis, quod illa sola viduæ pauperis duo æra minuta, Deo fuerint gratiora omnibus ducatis & muneribus à præcipuis Synagogæ datis & oblatis. S. Hieronymus super hæc verba commentas, consideratione dignum ait, quod Dominus

minus non diuites, qui in templo magnas erogabant eleemosynas; sed inter omnes duntaxat hanc miserā laudat viduam: ratio est, quod diuites offerrent id quod ex nimia abundātia supererat, hæc verò paupercula vidua dabat totū quod possidebat: sic vt apud ipsam maiori in pretio forēt æra minuta duo, quam apud alios duo ducati. Apertè nobis, S. Hilario teste, Dominus Deus in hac viduæ oblatione bonam vel malam intentionem apud se pluris valere indicat, quā omnia nostra opera: quandoquidem frigidā diuitum ob intentionē, non tanti apud ipsum habiti sint ducati eorū, quā illa pauperculæ duo æra minuta. Dicit S. Chrys. Dū Deo animā tuā & corpus & vitā bonatq; tua offers, quid aliud offers quam minutas pecunias & inualidas? Quandoquidem ergo quod Deo offeramus, nihil nobis sit præter nummos fractos & inualidos, decet eos prompto offerre animo, vt diuinæ misericordiæ accepti sint & grati: nihil enim ad cōmodum nostrum acceptat Deus, nī prius sanctam habeamus intentionem. Dum Abrahami

(*Genes. 22.*) brachium tenuit Angelus, ne filium immolaret, sed eius loco arietem, æquè grata Deo fuit gladij euaginato, atque capitis detruncatio, non propter rem actam, sed propter voluntatem quam habebat ad rem exequendam. Christus adolescentem sequi se cupientem non salutaris doctrinæ gratia, sed bonorum dierum & fructuonis eleemosynarum, quæ Christo dabantur, non solum in suum non ascriptum consortium, sed & duro repulit responso.

Primam ergo repetentes materiam, dicimus Dei famulo videndum finem, propter quem primò mundo egressus sit, & intentionem ob quam se religioni vouerit: Si enim Monasterium ingressus sit, non ut melior euaderet Christianus, Deoque liberius obsequeretur, fausto non est illud ingressus omine. D. Bernardus cuidam religioso, Guilielmo nomine, scribens, Si mundo inquit egressus sis, & Monasterium non aliam ob causam, quàm ut S. Benedicti labores cōsumeres, vel ut liberius, & sine tanta sollicitudine viueres ingressus es, equi-

equidem te non S. Benedicti Monachū
dicam, sed Epicuri discipulum, quia
suscepta abusus es religione, & profes-
sionem tuam soluisti. Sic & S. Bona-
uentura, intentio nostra similis est aque
benedictæ, quā nos signamus & san-
ctificamus, & est quoddam signaculum
quo nostra opera signamus, & nomen
eis damus. O Nouitie frater, si finis quo
Monasterium ingressus es, sit vt Deo
magis & melius seruias, nos te Dei filiū
dicemus; si verò ob quempiam alium
finem, diaboli. Ille diaboli filius est, qui
in Monasterium non cum intentione
Deo inseruiendi venit: Diabolo enim
sufficit, nudum præstitum obsequium,
licet sine intentione: Deus autem Do-
minus noster nostram voluntatem po-
tius quam opera nostra in eius gratiam
facta acceptat. Dum dicit Dominus, *Po-
ne me vt signaculum supra cor tuum*, vult
finem & intentionem nostram, quam
in ingressu Monasterij habere debem⁹,
primo ad mandata Dei obseruanda di-
rigi, deinde ad euāgelica consilia, quod
in religione nullus perfectus possit esse.
Religiosus, nī prius perfectus conetur
esse.

esse Christianus. Ad supradicta quæq;
 confirmanda exemplum est apud Lu-
 cam. Rogante quodam adolescentulo
 Dominum, quid faciendo vitam æter-
 nam possideret, dixit Iesus, *Serva man-
 data.* cui iuuenis se ab ineunte ætate ea
 obseruasse dixit, addidit Christ⁹, aliud
 obserues restat: nempe vt vendas om-
 nia & des pauperibus, & veniens seque-
 ris me, & sic ex mundo diuitum, pro-
 borum mundo ascriberis. Narrant
 tres Euangelistæ hanc historiam, simul-
 quæ asserunt Christum voluisse prius
 sua mandata obseruari quam consilia.
 Vnde patet quod iuueni euangelicorum
 consiliorû obseruatio non fuisset com-
 mendata, nisi se exactè legem Moylis ob-
 seruasse dixisset. Suos ergo subditos
 monere debent Prælati, suosque disci-
 pulos magistri prius mandata Dei do-
 cere, quam euangelica consilia; licet e-
 nim votum vnum ab altero depēdeat,
 Christianitatis votum tamen magis ob-
 ligat, maiorisque est virtutis religionis
 voto. S. Bernardus Abbati Donato scri-
 bens inquit, Tibi tamquam amico sua-
 deo Pater Abba, immò vt Prælatus præ-
 ci-

cipio, ne in Monachos nimia vtaris cæ-
 remonia, exigua magni pendens, pri-
 moq; obserues, faciasq; quod iubet Eu-
 angelium, deinde quod S. Benedictus:
 nam fieri Monachum liberæ electionis
 est, necessitatis autē Christianum. Dicit
Iob cap. 30. Mandebant cortices arborum,
 quasi diceret, in talem proruerūt per-
 uersi insaniam & stultitiam, vt fructus
 maturos non comedentes, arborum
 cortices ederent. Tunc os rodit religi-
 osus medullamq; reijcit, paleam seruat,
 & farinam abijcit, pateram reseruat, &
 vinum effundit, folium comedit, &
 fructum retinet, dum pluris suas cōsti-
 tutiones & sui capituli regulas facit, quā
 quod Christus in Euangelio præcepit.
 Petrus Blesensis cuidam Monacho scri-
 bens inquit, Seire debes frater Iesum
 Christum adolescentulo prius dixisse:
Serua mandata, quam, vende quæ possides,
 vt sciremus nos ante omnia debere in
 fide confirmari, si in Monasterio veli-
 mus fieri religiosi: Sicut enim Mona-
 steria pro religiosis perfectis à viris san-
 ctis erecta & constructa sunt, ita non nisi
 summi & boni Christiani in his perse-
 uerare:

uerare poterūt. Dicit in sua regul. S. Bas.
 • Te moneo, imò tibi indico ô Monache,
 • qui è mundo in solitudinem secessisti,
 te debere Dei mādatis obseruādis prius
 studere, quam euāgelicis consilijs, quia
 in tremendo iudicij die tui Christianis-
 mi primo habebitur ratio, postmodū
 • tuæ religionis. *Ibunt de virtute in virtutē,*
& videbitur Deus in Sio, inquit David,
Psal. 83. hoc est, si Deū Deorū videre cu-
 pias, & si Sanctorū sancto frui, i de vir-
 tute in virtutē, i pedetētim per bona o-
 pera, donec ad culmē pertingas: Religi-
 • iosi. n. perfectio non in initio cōsistit, sed
 • in beato fine. Ille it de virtute in virtutē
 qui post baptismū Monasterium intrat,
 vbi reformationi studet, deinde deuo-
 tionis: postquam deuotus est, dignus est
 qui charitatem exerceat, denique qui
 cōtemplatiuus euadat, vt inde summū
 perfectionis culmen attingat. Cassiod.
 hunc in Psalmum, non sine mysterio,
 inquit, non dicit Propheta: Eant de vir-
 • tutibus in virtutes, sed de virtute in vir-
 • tutem, vt sciamus eum qui mūdum de-
 • ferit, & in Monasterium venit, cogitare
 non debere se paucis diebus futurum
 pro-

probum aut perfectum. plures namque sunt implendi dies, vt nos à vitijs extricemus, quam vt virtuti assuescamus. Differentia virtutis & vitij hæc est: scilicet quod virtus naturaliter summa cū difficultate addiscatur, sed nullo negotio ex memoria deponatur; è contra verò omnino vitiū blandè cōmittitur, sed difficulter exiit: quoniam ita rebellis est caro nostra, & sua natura ita ad malum procliuis, vt nullum ferre velit laborem, neq; à suis voluptatibus auocari. Tunc Dei famulus it de virtute in virtutem, dum à se superbiā pellit, & humilitatem sequitur; dum iræ obliuiscitur, & patientiam amplectitur; dum diuitias cōtemnit, & paupertatem colit; dum gulę abrenunciat, & abstinentiæ studet, sic vt indies resipiscat, & singulis horis in melius progrediatur. Sicut adipe & pinguedine repleatur anima mea, dicebat Propheta, Psal. 2. quasi diceret, O summe Israel Deus, te oro & obsecro, vt virtute pinguedinis adherentis carni meæ, & adipe interiorum meorum, animam meam impinguare & vngere digneris, quæ ad te nullo modo ob-

do ob suam debilitatē accedere potest.
 vultūq; tantis circumdata malis emori.
 Notandum, pinguedinē dici id cui ani-
 malium renes inclusi; adipem verò quo
 quid vngere solemus, & perfundere.
 Porro hanc vtramque pinguedinem &
 adipis & seui, ad animam vngendam
 rogare Dominum, est auxilium ad eius
 mandata obseruanda, & consilia adim-
 plenda rogare, quorum auxilio impin-
 guatur anima, & cū Deo reconciliatur.
 O quā felix est illa anima, quæ hoc vtro-
 que vnguento vincta est, & hac pingue-
 dine perfusa! ad vnumquemque enim
 mandatorū Dei obseruatio spectat, euā-
 gelicorū consiliorū autē tantū ad perfe-
 ctos. Christiano, solo op^o est adipe; Reli-
 gioso, & pinguedine & adipe. Ita vt si in
 vita monastica proficere studeas, & ad
 culmē perfectionis pertingere, nō solū
 adipe tibi, ac medulla quæ est Dei man-
 datum, opus est, sed & seuo siue pingue-
 dine, quæ est eiusdem consilium. Super
 hæc verba dicit S. Damascen. quod non
 sine mysterio neq; medullam sine pin-
 guedine, neque pinguedinem sine me-
 dulla Deum roget Psalmista, vt intelli-
 gamus.

gamus amorem Dei nō posse sine amore proximi esse, neque e contra, eo quod cœlestia palatia hisce duobus fundamentis fulti sint. Dicit in Psalmos Aureolus: Quod petat pinguedinē cum vnguento Propheta, innuit se sacrorum desideriorum gratiam vna cum operib. petere: eò quod magni admodum pretij non sit sacrorum desideriorum pinguedo, sine bonorum operum adipe. Mandatum Dei & Euāgelicorum consiliorum obseruatio, D E I amor & proximi, bona desideria & bona opera, per duplicē spiritū quē rogauit Elīas Heliā, præsignata sunt: (4 Reg. 2.) & per duas tabulas in quibus lex scripta erat (Exod. 31.) per duas vaccas quæ arcā vehebant, (1. Reg. 6.) per duo tabernaculi Cherubin, (Exod. 25.) per duo ara minuta viduæ pauperis, (Marc. 12.) per medullam & pinguedinē, de qua hic agit Propheeta: sicut & psalmo 75. Psalmista, *Reliquiæ cogitationum diem festum agent tibi.* quasi diceret, O summe Deus Israel, vsque adeò bonus es, & tantillis rebus tibi satisfis, vt solis bonorum desideriorum reliquijs diem festum tibi agant sancti
cui

tui. Nō dicit Propheta sanctos Dei diem festum sanctis duntaxat cogitationibus agere; sed reliquijs quæ ab eiusmodi cogitationibus redundant. vt intelligamus in religione non sufficere bonam intentionem, nī postea sequatur probitas. In Apocalypsi siquidem S. Ioan. ca. 14. non dicit cogitationes eorum, sed opera eorum sequuntur illos. Ita nostris desiderijs bonis Deus lætatur, sicut de die vno septimanæ, sed de bonorum nostrorum operum diuitijs gaudet, sicuti de Paschali die. Ideoque Iesus Christus tribus duntaxat annis concionatus est, sed triginta bonorum operum vacauit exercitio. Super Psalteriū dicit Cassiodorus: tunc tuarum cogitationum diuitias Deo offers, cum eas in sancte facta commutas, & bonorum operum exercitio concludis. Ex bona cogitatione enim oritur bonum opus, & ex bono opere finis bonus. Sic vt quouis die Deo nostrorum cogitationum reliquias thesaurizare debeamus. Dicit idem Doctor in vitæ solitarię libro, religiosum tunc Domino diem festum agere, dum inspirationibus quibus eum Spiritus

Spiritus sanctus afflat, utitur, sic ut si ab-
stinentiæ spiritu tågatur, statim ieiunet:
si poenitentiæ, continuo resipiscat: si si-
lentij, extemplò taceat: si paupertatis,
confestim omnes possessiones deserat:
si patientiæ, protinus indulgeat: sic ut
suum velle totū ex sancti Spiritus man-
datis dependeat. Dicit S. Bernar. scri-
bens fratribus montis Dei, sicuti de ma-
lo religioso dicit Apost. ad Rom. 2. *quod*
thesaurizat sibi iram in die ire, ita de bono
religioso dicit Psalmista, *quod reliquias*
cogitationum diem festum agent tibi. Quod
exequitur religiosus; dum tam de die
quam nocte bonorum & sanctorum o-
perum reliquias thesaurizat, in dies ma-
gis humilem se præbēs, & se in charita-
te exercens, abstinentiam non soluens,
patiens semper & omnia in obedientia
faciens. Quidam Abbas dictus Sysoy in
Patrum collationib. dicit, Monachum
tunc Deo suarum cogitationum reli-
quias offerre, dum intentionis qua Mo-
nasterium ingressus est, suęq; professio-
nis in manu Prælati factæ meminit, sic
ut semper eiusdem sit feruoris, cuius e-
rat in ingressu suę professionis, memor,

Dicit

Dicit discipulis suis Iesus Christus: *Col-
ligite fragmēta ne pereant, & collegerūt re-
liquias fragmētorum*: quasi diceret, quod
potui feci piscibus benedixi, panes mul-
tiplicauī, populum satiaui, nunc autem
vestrum est quod superest colligere, &
micas quæ ceciderunt, quia maioris
pretij sunt quæ ex mensa mea ceciderūt
fragmēta, quam omnes mundi posses-
siones. Aduertenda hic est diligentia
Domini, quā haberi voluit in fragmen-
tis, & micis in terram lapsis colligendis,
cum tantum panis pereat, & tantū fru-
menti putrescat, hoc est, cum tanti po-
puli in manu tyrānorum tantæq; regna
sub Turcica potestate sint constituta,
cum tantæ in auarorum manibus diui-
tiæ, tantæq; dignitates in peruersorum
hominum potestate sint positæ. Videt
apertè Dominus noster Iesus Christus,
q̃ peruersi ei multa surripuerint, quod
magnam suarum possessionum occu-
pauerit pars Diabolus, & quod exi-
gua sit pars quæ ei superest, sic vt ex
modio vix illi supersit sextarius, ex sex-
tario triental vix illi detur, & hinc vix
panis, & ex pane vix bolus, & ex illo
bolo

bolo multæ cadunt micæ quas magna diligentia vult colligi, & inter suorum thesaurorum reliquias afferuari. Dicente bono Iesu. (Ioan. 6.) Ego sum panis viuus, quid aliud voluit innuere nisi se fuisse panem viuum, verum & æternum? Porro huius panis partes, Deo dicatæ fuerunt personæ quæ approbatas erexere religiones, huius autem panis micæ omnes fuere religiosi perfecti, qui à mundanis selecti in Monasterium missi sunt, velut in corbes ne peruerforum pedibus contererentur, neue à vitijs superarentur. S. Benedictus, S. Basilus, S. Augustinus, S. Hieronimus, S. Bruno, S. Franciscus, S. Dominicus, S. Bernardus quid aliud fuere præter panis partes quibus suam benedictionem contulit Dominus? Quid omnes cæteri religiosi præterquam istius panis micæ fractæ & manu in religionis monasticæ corbes positæ? Sicuti orbem terrarum circuierrunt Apostoli hinc inde micæ colligentes donec suas paruas corbes repleuissent, sic hinc inde discurret Dominus, nos ex omni statu alliciens & deligens donec sua impleat Monaste-

ria, vt illic ei melius inseruiamus, & facilius viam salutis inueniamus. Memor esto vnde excideris dicit in Apocalypsi Deus (Cap. 2.) quasi diceret, Recordare frater religiose quod Deus te mundo eduxerit, & in Monasterium conduxerit, te inquam, qui suæ arboris ramus eras, sui horti fructus, suæ farinae furfur, te inquam qui suæ mensæ mica eras, quibus micis suæ gloriæ sedes replentur, ad quas nos sua gratia perducere dignetur, Iesus Christus
Amen.

LIBER

LIBER DICTVS DO-
CTRINA RELIGIOSORVM
& exercitium proborum, compositus
per Dom. Antonium de Gueuarra,
Episcopum Mondoniensem, Prædica-
torem, Chronistam, & Caroli
Quinti Imperatoris
Consiliarium.

CAPVT PRIMVM.

*Quod Dominus Deus magnum conferat be-
neficium ei, quem huius mundi tumultibus
educit, vt eum ad Religionem perducatur,
& in Monasterium in quo ei
obsequium præstet.*



NAM petij à Domino, & hæc
requiram vt inhabitem in do-
mo Domini omnibus diebus
vitæ meæ, inquit Propheta
Dauid, Psal. 26. quasi dice-
ret, vnice in rem tantum te petij ôsum-
me Deus Israel, & quidem importunè,
vt inhabite in domo tua omnibus die-
bus vitæ meæ. Dominus Deus cum
Propheta Samuele de hoc insigni Rege
B 2 Dauid.

Dauid, aded in suis contemplationibus
 sublimi, & iniuriarum patiente loquēs
 dicit, (2. Reg. 13.) *Inueni virum secundum*
cor meum, quasi diceret, Regem Saulem
 reieci, nolo amplius eum regnare, neq̃
 meæ Reipublicæ dominari, quia ino-
 bediens fuit, eius loco Dauidem elegi,
 qui est secundum cor meum. Poterat
 Regi Dauidi multa præstare Dominus
 Deus, imò & ipse Rex Dauid plura quā
 rem vnā rogare. Credendum est rem
 illā quam rogat magnam esse, & per ex-
 cellentiam bonam, Dominus Deus e-
 nim magna conferre solet, licet exigua
 petantur. Deinde quandoquidem Da-
 uidis animus, ita Dei animo vnitus erat
 & è cōtra, si quid petierit vnus viderim⁹
 & quid cōcesserit alter, facile erit videre
 quid Deū rogare debeamus, quid ve fa-
 cile consequemur. Secundū hanc rem
 dicit Dominus Deus Marthæ, (Luc. 10.)
Turbaris erga plurima: porrò vnum est ne-
cessarium, quasi diceret, si intelligere pos-
 ses ô Martha, quid animæ tuæ cōueniat,
 quid ve libentius conferam, rem vnā
 solūm peteres quā contenta esses. tuæ
 enim sollicitudinis & inquietudinis cau-
 sa hæc

sa hæc est, quod multa petas & desideres; Dauid ergo rem vnā à Domino petit, ideoq; persuadet Dominus Martha vt rem vnā petat. æquum est nos omnes nostras expostulationes ad rem vnā referre, quando quidem ex re illa omne vitæ nostræ bonum depēdeat. Res notatu digna, B. Dauidem Deum non rogare diuitias, qui tamen pauper erat; non honores, qui admodum demissus; non quietem, qui in persecutionibus; non regnum, quod occupabat Saul, sed tantum vt in sancta eius domo habitet, in qua quietus & tranquillius ei inferuiat. Religiosa expostulatio. O felix Regis Dauidis petitio, (1. Reg. 16.) quemadmodū à Deo Rex electus, vinctus, per Samuelem consecratus, à populo acceptatus, omni mundo formidabilis, gaudens tamen imò lætaturus omnibus renunciaturus est, dū modo Dominus Deus ei angulū in domo sua concedat, in quo ab huius mundi tumultibus separatus ei liberius inferuiat. Porro domus quam petebat, & angulus ad quem anhelabat, non erat domus Abinadab, in qua sacra fœderis

area erat, neque domus Iericho qua ex-
communicata erat, sed domus religio-
nis & ordo, vbi suos electos suenit fo-
uere Dominus, & eos congregare qui-
buscum delectatur. (1. Reg. 7. & Ios. 6.)
Sicut arca Noe (Gen. 6.) mansiones ha-
bebat, quæ erāt cubicula ampla, & alias
mansiones quæ erāt tuguria: Sic in Ec-
clesia Dei multe sunt mansiones, in qui-
bus habitat populus, & parua in quibus
status & religionis monastica ordo re-
sident, & illic Dominus Deus summæ
perfectionis & sublimis contemplatio-
nis viros collocat. In vitis Patrum legi-
tur de quodam Monacho, qui Abbati
Pannucio dixit: Quid agā Pater sancte?
Mundo qui suis me illecebris allicit re-
sistere nullo modo possum, neq; carni
quæ me tentat, neque diabolo qui me
decipit, neque huic eremo, quæ me ter-
ret. Cui sanctus senex hoc modo re-
spondit, sicuti diues minutas pecunias
in ampla crumena conseruat, aurum
autem in angustiori; eo modo Deus
Dominus noster, fragiles & imperfe-
ctos in mundo relinquit, perfectos &
probos in eremi asperitatē & rigorem

educit. Sic ut ex vite forma, in qua nos
collocat Dominus, possimus an & q̄ amer
nos cognoscere. Dicit in sua regula S.
Basil. q̄ eos qui eius amicitiam quærunt
ita diligat Dominus, ut ab initio mundi
eos ab isto mūdo educere solitus sit, sicut
in Abraham videre est, quē ē Chaldeā
eduxit, (Gē. 12.) in Iacob, quē ē Syria (Gē.
31.) in Ruth, quem ē Moab (Ruth 1.) in
Moyse ab Aegypto: (Exo 12.) in Dauide,
quem ē Geth terra Philistinorū: in ma
gno illo sancto Elia quem ē Samaria, &
Ioan. Bapt. quem ē Iudēa. Porro quid est
quempiā in religionem aduocare, nisi
eum à periculis & tēpestatibus, in qui
bus Deū offendere poterat; retrahere,
& ei gratiā conferre, qua ei obsequium
præstet? Dic quæso mihi, quādo vidisti
Deū cuiuspiam notabile beneficiū con
ferentem priusquam à mūdi huius tu
multibus eū separasset, vel in solitudinē
deduxisset, vel in religionem? Decem
diebus ante solēnitatem Pentecost. vo
luit Iesus Christus ad instar Religiosorū
discipulos suos alto quodam loco con
gregatos, solitarios, inclusos, orantes &
ieiunantes esse, promissum spiritū san

Etum expectantes: sic vt ante immiffionem Spiritus sancti eos in quodam alt^o cubiculo voluerit effe fratres religiofos. Ab instanti quo Iesus Chriftus fuos Discipulos & Apostolos acceptauit, semper simul ambularunt, sub vno eodemq; tecto coniunctim dormierunt, simul comederunt & manserunt, sic vt si Iesum Chriftum cum Apostolis & Discipulis videres, videres Abbatem cum Monachis, vel Priorem cum suis Religiosis. Statim post Iesu Chrifti mortem elegerunt Apostoli locū ab alijs segregatum in modum Monasterij, ad quem omnes fideles sacramenta susceptri, & officia diuina celebraturi currebant. Illic secretò baptismum conferebant, & illic fideles omnes possessiones suas Apostolis erogabant. Paulo post mortuis Apostolis coepit S. Magni Basilij ordo Monasticus vigere, qui sanctus postea fuit Cæsariensis Episcopus, qui quē in Scythia quoddam erexit Monasterium, quod primum Monasterium Religiosorum fuit, in qua tria Religiosorum millia collocauit, quibus certam viuendi regulam præscripsit.

Magnus ille Origines huius S. Basilij ordinis Religiosus fuit, imò & Cromatius, Pamphilus, Arsenius, & Pannuius. qui vt litteris ita vitæ sanctitate decori fuerunt. Refrigescente S. Basilij ordine viguit S. Benedictus, & alium instituit viuendi monasticum ordinem, quem amplexi sunt S. Gregorius, S. Maurus, multiq; alij præclari viri, quorum consilio longo temporis interuallo gubernata est Dei Ecclesia. Paulo post successit præclarum illud Ecclesiæ lumen S. Augustinus, qui & nouum in Africæ desertis instituit ordinem, in quibus Apostolorum viuendi normam cum suis secutus est, quæ possidebāt pauperibus distribuentes, reliqua in commune. Illis quasi temporibus in Aegypti desertis surrexit S. Hieronymus, in quibus locis quoddam construxit Monasteriū & aliud vnum ad sanctū sepulchrum, vbi ille cum suis Monachis ita asperam trinit vitam, vt potius angelico quam humano videretur viuere more. Diū post anno Domini 1084. sanctus ille Bruno Theologiæ Doctor Coloniz natus, caput erexit, qui ordinem Car-

thusianorum instituit, qui solitudine & abſtinentia inter præcipuos Eccleſiæ Catholice ordines præeſminent. Hiſce extremis temporibus viguere S. Franciſcus & S. Dominicus, qui velut alia duo cœli lumina, & duæ templi baſes, Dei Eccleſiam ſuſtinent, & ſua doctrina illuminant. In antiqua lege (*Numer.*) quoddam pariter erat religioſorum genus Nazaræi nomine, capillos non abſcindentes, neque vinum bibentes, vovebant & particularia offerebant ſacrificia: ſic vt quos nunc dicimus Religioſos, illi Nazaræos dicerent. De Meſſia in lege promiſſo Domino noſtro Ieſu Chriſto agens Propheta dicebat, (*Matt. 2.*) *Quoniam Nazareus vocabitur*: quaſi diceret, Religioſus vocabitur. Dum recepit Moyses legem (*Exod. 19.*) dū Rex David vnctus fuit, (*1. Reg. 16.*) quando per angulum Dei refocillatus fuit Helias, (*3. Reg. 19.*) dum duplicem ſpiritum recepit Eliſæus, (*4. Reg. 2.*) dum digito Dominum noſtrum magnus ille S. Ioannes Bapt. monſtrauit, (*Ioan. 1.*) nunquid queſo in deſertis in modum ſanctiſſimorum Religioſorum recluſi, habitabant?

bitabant? Nunquid & illa virtute prædita vidua Iudith in sui cubiculi penetralibus in modum sanctimonialis erat, dum ei suâ contulit gratiam Dominus, quæ postmodum tyranni Holoferni caput obtruncavit? (*Iudith 8. & 13.*) Nunquid & sacram virginem & immaculatam in oratorio inclusam reperit Angelus Gabriel, dum Dei mater electa fuit? Nunquid D. Ioannis Baptistæ mater in altum Iudeæ montem secesserat, dum eam inuisura & salutatura venit mater Dei? Nunquid & Anna Prophetissa in templo sola orans erat, dum Iesum Christum videre meruit? *Ducam illam in solitudinem, & loquar ad cor eius*, dicebat per prophetâ Oseam Deus, cap. 2. quasi diceret, Animam quam ad meam gloriam prædestinaui; cuiq; meam gratiam communicare decreui, huius mundi periculis & præcipitijs educam, & eam in solitarium deducâ locum, vbi solus cum sola cordis mei, cordi eius secreta aperiam. Super hæc verba dicit S. Bernardus: Deum plurimis signis & verbis loqui; paucis autem sui cordis intimis in cordis interiori, quoniâ ego ipse

pro certo credo, Deum nemini ad cor
 loqui, nisi ei qui toto corde amat illum.
 O felix anima quæ à Deo in religionis
 desertum culmenq; perfectum est vo-
 cata! quoniam ibi es ô bone Iesu, vbi
 tuos electos euocas, vt te cū omni pie-
 tate sequantur, & toto corde inseruiant.
 Dicit S. Hieronymus in Oseam, Parum
 nobis prodest fratres, Deum nobis
 aurem vt audiatur eloqui, nostrosq; di-
 rigere pedes vt eum sequamur, oculos
 nostros vt eum respiciamus, os nostrū
 aperire vt eum laudemus, cordi nostro
 loqui vt eum amemus, quoniam ille
 nūquam corde amare poterit, qui eum
 in corde non gerit. Tunc verò religiosi
 cordi loquitur Deus, dum eum huius
 mundi periculosis tempestatibus edu-
 cit, dumq; ei gratiam in Monasterio
 perseverandi confert, quia ibi potius
 quam alibi corpus in omni munditia,
 animumq; in omni puritate cōseruare
 potest. Dicit quoque S. Anselmus, Te
 scire volo frater religiose nobis parum
 prodesse à Deo in solitudinem vocari,
 nī primò toto corde huius mūdi rebus
 abrenunciemus: experientia enim sci-

mus partem dentis putridam in gingi-
uis relictam, reliqua parte omnino era-
dicata plus incommodi quam cōmodi
adferre. Ille putridam quandam par-
tem in gingiuis relinquit, qui necdum
eradicauit, vel à se penitus omnem re-
rum mundanarum concupiscentiam
eiecit, qui quotidie captiuitatem ele-
ctam deflet, & libertatem perditam su-
spirat, dicens: intentionem suam non
ad tātam vitæ asperitatem dirigi, quam
si adeo strictam cognouisset, non Mo-
nasterium ingressus fuisset. Equidem
incredibile est Deū ei corde loqui qui
se Monasterium ingressum dolet. non
enim religiosi habitus quo tegitur hanc
eremi tristitiam & molestiā gignit, sed
frigidum quo in Deum utitur obsequi-
um. Religioso qui mundum bono ani-
mo deseruit, qui perfectæ est religionis,
qui superioribus obedit, huic inquam,
& nō alteri ex toto corde suo loquitur
Dominus. Quod ad alios enim spectat,
qui in suis verbis nimium factuosi sunt,
quique in actionibus nimium dissoluti
eis non corde loquitur Dominus, nec

eos æquis respicit oculis. Primam ergo
 repetentes materiam, dicente Dauide
Vnam petij à Domino, domum rogabat
 quam incolere cupiebat & mercedem
 quam consequi anhelabat. non enim
 exiguum est Dei munus numero san-
 ctorum religiosorum ascribi, & cum
 electis collocari. Summa Dei famulo
 est consolatio quod idem Deus se ter-
 tium futurum pollicitus sit quoties-
 cunque in nomine eius duo congrega-
 ti erunt, vel quartum quotiescunque
 tres (*Matth. 18.*) ideoq; concludere pos-
 sumus Deum in Monasterijs in quibus
 vigeat ordo manere quandoquidem
 in eis multi diuino officio vacent probi
 & perfecti religiosi. Non sine mysterio
 Iesus Christus se omnibus congregatis
 adfuturum non dixit, sed ijs duntaxat
 qui in nomine eius congregati erunt,
 dicit enim, ijs qui erunt congregati in no-
 mine meo adero. Quibus erudimur Ie-
 sum Christum non adesse congregati-
 oni in qua corruptus est Prælatus, nec
 Monasterio in quo nullus est ordo. Sed
 non propter verba nostra hic debes a-
 nimo deficere, obijciens te in Monaste-
 rio

rio corrupto collocatum: nullum etenim in mundo Monasterium ita corruptum est in quo non quispiam sit religiosus probus & perfectus, cuius vestigia imitari possis: benè viuendi siquidem forma à solo probò desumi potest. Hortatur Dei famulum vitæ solitariae liber, vt quotiescunque surget & ad lectum ibit, dicat, immensas tibi ô bone Iesu refero gratias quod me crearis, me redemeris, & me in statum & religionis ordinem deduxeris, multos (sicuti de more soles) in mundo relinquens, qui tibi me melius fortasse in Monasterio inferuîrét. In vita Patrum fit de insigni Abbatè Arsenio mentio qui singulis annis celebrabat diem illum quo eum Deus mundo eduxerat, & festum illum agebat, communicando, tribus pauperibus eleemosinas erogando, quadam legumina cocta comedendo & aditum omnibus monachis in cubiculum suum concedendo. Si Israelitæ diem illum, quo eos Aegypto eduxerat Deus celebrabant, cur tu frater diem illum, quo te mundo eduxit Deus non celebrares? quandoquidem maius sit beneficium quod

- quod te ad religionem vocarit Deus,
 quam quod Israelitæ in terram promissionis conducti sint. Ad rem dicit Seneca: vnum procurare debet vir sapiens,
 " locum scilicet ab alijs segregatum, siue
 • honestum consortium in quo nullus ei
 • grauis sit, & in quo quietus viuere possit. secundum meam enim opinionem
 • nihil ipsi quod optet superest qui honesto meruit conuiuere consortio. Dicebat in collationibus Patrum Abbas Pānucius, triū semper memini quorum
 " singulis diebus commemorationē facio, baptis-
 " mi scilicet quem vt Christianus suscepi, professionis meæ quam vt
 " religiosus professus sum, & verborum
 " Dei in die iudicij dicendorum, nempe,
 " *Discedite à me maledicti, vbi exacta à*
 " me expetetur non solum maiorum meorum ratio,
 " sed & bonorum
 " omissorum.

Per-

Perfectos homines à Deo electos esse: magnūq; esse in Deum peccatum nō agere gratias quod nos ad Religionem vocarit.

CAPVT II.

Adiuantes exhortamur, ne in vacuum gratiam Dei recipiatis, dicebat Apostolus Corinth. scribens, (2. Cor. 6.) quasi diceret: Videte fratres ne in vacuum gratiam Dei recipiatis, nam in vnum ē totius mundi summis hoc esset incidere peccatum: Dei gratia enim nobis collata est omni beneficio maximo tanquam maius beneficium. Tunc in vacuum Dei gratiā recipit homo, dum pro tanto beneficio ei gratias nō refert. Ille quoque in vacuum Dei gratiam recipit, qui eam secundum dantis voluntatem non exercet, ideoque satius foret Dei dona, & gratias nō recipere, quam ijs acceptis abuti. Ille ijs abutitur qui ijs Domino inseruire nescit, neque suis fratribus prodest: pulchro equo planē non absimilis, qui multi est pretij & nullius valoris, vel arbori floribus onusta, nullos tamen fructus ferenti. S.

Ber-

Bernardus montis Dei Monachis dicit religioſum illum gratiam DEI in vanum recipere, qui quod huius mundi periculofis ærumnis extractus, & in Monasterium à Deo deductus eſt non meminit, quoniam tantæ excellentiæ tantique meriti eſt illud beneficium, vt ſicuti aqua Baptiſmi baptizamus, ita religionis profeſſione regeneremur. Tunc pariter Dei gratiam in vanum recipit religioſus, dum eodem quo in mundo vult in Monasterio viuere modo, eademque vti libertate qua antea. Tali dicit Dominus (Ioa. 2.) noli domum Patris mei & orationis, domum negotiationis facere. Ideoque quid agat ante habitus ſuſceptionem videre debet Dei miniſter, conſiderareque num in monaſticum ordinem propria voluntate aut neceſſitate venerit, quoniam ſicuti omnes mundi religiones à perſonis ſanctis erectæ ſunt, ita non niſi ſanctis & pijs deſtinatæ ſunt. **R**eligioſus, qui tantæ temeritatis eſt, vt in religione profano audeat viuere modo, & res mundanas adhuc ſapere, ſe futurum apoſtata

statam pro certo sciat, nō ab obedientia claustrali se regi patiatur. Tolerantur quidem pro tempore ij qui in religionis ordine ab alijs excipi volunt, & qui alijs præferri, siue in ciborum materia, siue in eo quod conuentum ingredi cum reliquis nolint, sed tales perseuerare, nullo modo pati potest religio. Si mater enim mortua corpora pati non possit, quin statim ea à se reiiciat, multo minùs religionis status & ordo homines male enutritos & corruptos ferre potest. Dicitur ordo, Dei seruorum viuendi forma, quia illic omnia ordinata esse debent, dicunturque religiosi, vt in Monasterio quodammodo ligati sint, alioquin enim non foret ordo, sed inordinatio, non religionis Monasterium, sed confusionis domus. Petenti quondā Deo ab Ieremia Propheeta (cap. 24.) quid esset illud quod videret, respondit: *Video ficus bonas, bonas valde, ficus malas, malas valde*, quasi diceret: *ô Domine duos ficum video in porta templi calathos, quas vt gusto quasdā,*
ita

ita dulces experior, vt ijs satiari nullo modo possim; alia autem ita amaras, vt eas nullo modo gustare amsim: eiusdem tamen erant coloris, sed non eiusdem saporis. Ex hac sublimi figura colligi potest nihil esse religioso suam religionē obseruante melius & pretiosius; nihilq; in toto mundo peius eo qui suā abrenunciat professioni, eo quod corruptus Monachus & apostata, sit diabolici discipulus, non autem Iesu Christi. Ille suam religionem abnegat, apostasiamq; committit, qui quodam sancto religionis habitu sumpto, quidpiam nihilominus rerum mundanarum & leuitatum adhuc retinet, sic vt ab vna parte se Monachū credat & existimet, ab alia verò tanquam profanus viuat. Dic quæso mihi, cur seculares nobis obuiam procedētes se nostris precibus commendant? Cur caput deieciunt? cur nostras deosculantur manus? cur tantam nobis exhibent reuerentiam? Nisi quod nos sanctos existiment, & precibus nostris sperent se saluandos? At si mundani vagas nostras cogitationes cernerent, si vagas nostras per Monasterij

nasterij angiportus deambulationes vi-
 derent, certo scias frater illos non quæ-
 dant daturos, neque nos in tali pretio
 habituros. Caueat ergo Dei famulus
 calatho ficuū quas vidit Ieremias pro-
 pheta inscribi, quæ secundum apparen-
 tiam bonę erant, amari tamen erant gu-
 stus. Pone enim religiosum admodum
 solitariū suo cubiculo bene reclusum,
 pondus probum, præstat eum talem esse, *ne*
 & non videri, quam videri & non esse.
 Notandū seridū est, quod ficus illæ quas
 vidit Ieremias positæ omnes essent in
 calathis & corbis, & quidem in por-
 tatempli, sed non omnes eiusdem erāt
 gustus & saporis. Vnde colligere possu-
 mus Monachi perfectionem non in eo
 quod religiosus vocetur consistere, vel
 quod in Monasterio resideat, vel quod
 nigrum aut fuscum & obscurum gestet
 habitū, sed in bona aut mala vita. Non
 sine mysterio quoque dicit Ieremias fi-
 cus malas fuisse, malas & amaras valde,
 vt sciamus perfriatæ frontis Manachū.
 suæq; propriæ repugnantem consciētig
 in omnia vitia omnesq; mundi iniqui-
 tates proruere. *O bone Iesu, ô animæ* *Oras.*
meæ

mæ amor, placeat immensæ bonitati,
& clementiæ tuæ me sanum conserua-
re, non autē putridum racemum quan-
doquidem me nunc in corbem sub re-
ligionis clausura colligare dignatus sis,
fac ne amarus sim racemus, sed dulcis,
fac ne reiiciar, sed in torcular deferar,
in quo dignè præparatus in tuam glo-
riam velut vinum purum admittar. Vi-
sus est quidam religiosus ardenti febre
vexatus à quodam sene haustum aquæ
frigidiæ rogare, cui hæc protulit senex.
X Licet fili mi æger & debilis sis, non ideo
tamen eremi rigorem & asperitatem ti-
bi licet prophanare & remittere, opa-
cum quærendo locum vel aquam fri-
gidam expetendo, quoniam vt verè
dicam Euangelij doctrina, mundi quæ
libertas non se in religione compatiun-
tur. Cuidam Monacho tristi scribens
S. Bernardus, dicit, non miror frater
Guilliberte te tristem, sed miror te non
desperatum, quandoquidem audiam
te nihil nisi mundana suspirare, te quæ
nullis nisi ijs qui in mundo sunt inuide-
re. Quod equidem magnæ leuitati de-
puto, quia æquiori cum ratione hic
probis

probis inuidere deberemus, quàm in
sæculo diuitibus & potentibus. Tu ve-
rò cum tuis similibus maximè decipe-
ris, si ob longiorem Monasterij inhabi-
tationē reris te laxius posse viuere. nam
religionis perfectio à paucis obtinetur,
& multo cum labore comparatur. Non
culpa an vitio Domini Dei accidit, si
quadam necessitate & afflictione pre-
mamur, quandoquidem suis famulis
se eos auditarū pollicitus sit, seq̃ue illis
subuenturum dixerit, & quod pretio-
sius est maiori nostrę necessitati, suam
maiores referuet charitatem. Scias
Guilliberte non solum rerum munda-
narum procurationē esse prohibitam,
sed & ipsam cōcupiscentiam quam ha-
bes. Magis quandoque in concupiscen-
tia peccat cor, quam manus in tactu.
Hebræis prohibita sunt bona eorum
qui habitabant Iericho, immo idē ex-
communicati sunt supradicti Hebræi,
vnde miser Achan filius Charmi ob
surreptā quandam bonā togā, & quan-
dam pecuniæ partem, statim morti ad-
iudicatus, & ab omni populo lapidibus
obrutus est. (Iosue 7.) Caue tibi frater
Guille-

Guilleberte à bonis Iericho, hoc est, ca-
ue quandam seruare vestem vel quas-
dam ad voluptatem pecunias; si enim
in vsque adeo inordinato casu cū Achā
lapidibus non obruaris, cum Iuda ta-
men condemnaberis. Hæc supradicta
à S. Bernardo desumpta sunt. *Sint lambi*
vestri præcincti, & lucerna ardetes in mani-
bus vestris, dicebat Dominus, (Luc. 12.)
quasi diceret, si, ô discipuli mei me se-
qui, mihi inservire velitis, lumbos ve-
stros ritè præcingere debetis, lucernā-
quæ ardentem in vtraque manu tenere,
in modum eorum qui vigilant, domi-
numque ex improviso venturum ex-
pectant. Hoc consilio nixi Elias in de-
serto, in carcere S. Petrus, Ephesi S. Pau-
lus, in cœna Iesus Christus lumbos de-
bitè præcinxerunt etiam si malè vestiti
essent. Vt sciremus veros Dei famulos
nunquam animo deficere debere, neq;
à benè inceptis desistere pro qualibet
infamia & pro quolibet aduerso labo-
re. Quid aliud imperat Dominus dum
nos præcinctos deambulare voluit nisi
ut nos impigros & diligentes præbere-
mus

mus in eius obsequio? Præcincta toga
 non vento plena utilis est. His inferre
 volo Monachum Domino inservire
 volentē debere ab initio se reprimere
 & recolligere, & tunc illum cinctū dice-
 mus, dum iustus euadere conabitur.
 Præcincta tunica incessum non impe-
 dit, nec multum occupat loci: significās
 Dei famulum ita honestē se in suis acti-
 onibus & ita sincere in suis verbis gere-
 re debere, vt, qui eum ad Monasterium
 ablegarunt, vel qui ei habitum dede-
 runt non habeant quod doleant; sed ē
 contra quod Deum laudent, nempe
 quod talis in Monasterio benē viuat.
 Non sine mysterio nos pedes nostros,
 vel manus quæ sunt corporis extremi-
 tates præcingere noluit Iesus Christus,
 sed lumbos duntaxat, qui medium
 corporis locum occupant: vt doceat
 vitandas esse & in cibo, & in vestitu, &
 in conuersatione inordinatas actiones,
 sed omnia in pondere & mensura exe-
 quenda religiosus enim qui in suis acti-
 onibus excedit, nullum bonum potest
 seruare medium neque ordinem. Su-
 per hæc Iōannis verba scilicet *Sint lum-*

bi vestri præcincti dicit S. Gregorius, Quid aliud imperat Dominus dum lumbos nostros præcinctos esse vult, nisi ut puri & casti à planta pedis vsque ad verticem simus? Lumbos præcingebant agnum Paschalem esuri Hebræi; (Ex. 12) tu verò frater altare accessurus, cogitationes tuas tantummodo cingere & recingere debes; quia Dei minister tali corporis & animæ sinceritate & castitate viuere debet, ut ne vel vnum ab eius ore emanet infame verbum, vel ab eius corde sola mala cogitatio. Super hac re dicit S. Augustinus, illum lumbos præcinxisse, qui mulierum conuersationem fugit. Quod ad me (inquit) fateor & dico me nullam maiorem ad conseruandam castitatem reperire virtutem, quam dum occasiones fugio, & ab eis recedo. O bone Iesu, ô animæ meæ amor, si fateatur S. Augustinus se castum esse non posse nisi dum occasiones euitat, quid de me miserrimo fiet? Quid ero mundi medijs concupiscentijs circumdatus & obrutus? Videat ergo Dei famulus ne discinctus erret, hoc est, ne vanus, negligens, & sine cura ad castitatem

tem seruandam ambulet. Visu enim solummodò peccant oculi, verbis lingua, cogitatione intellectus, consensu cor, delectatione autem & opere caro. Non etiam sine mysterio voluit nos Dominus, præcinctos esse priusquam lucernam ardentem in manibus teneremus; insinuans, debere nos mundi diuitias & vanitates subterfugere, ne illæ nos in religione comitentur, neve vnquam illas in memoriam reuocemus. Quid est in manibus lucernam ardentem tenere, nisi sanctis nostris operibus insudare? Sicuti ille qui præ manibus candelam habet, differt ab eo qui lumē ab ea procedens recipit; ita religiosa persona, & bonum opus differunt: nam hoc non solum ei qui illud exercet prodest, sed & eum qui illud respicit, ædificat. Ad rem dicit S. Chrysostomus, sicuti ille peccato non caret, qui alteri est occasio peccandi; sic ille sine merito non est, qui alteri est occasio merendi; secundū illud Psalmistæ enim (Psa. 118.) *Particeps sum omnium sumentium te*, valde participes boni sumus, cuius boni facti sumus occasio. Super hæc verba dicit S.

Fulgentius, quod lumbos præcinctos
esse velit Iesus Christus, priusquam cā-
delas accendas, clarè & apertè tibi indi-
cat primo à malo declinandum esse, de-
inde bonis operibus studendum: expe-
rientia enim scimus nullum agrum
fructum ferre, nisi prius malis herbis
& vrticis eradicatis, & terra exculta.
Dicit S. Augustinus, Deum nobis sua
pretiosa nunquam conferre munera
nisi nostris malis & peccatis eradicatis:
Deique dona & munera tunc crescere,
dum imperfectiones nostræ & peccata
nostra decrescunt, sic vt eius bonis per-
fectè non vtamur, nisi consumptis &
delectis peccatis nostris. Serio quoque
aduertendum est Iesum Christum v-
nam tantum nolle nos præ manibus ge-
stare candelam, sed plures: vt Monachū
& Dei famulum ad magna præstanda
obsequia & multa hortetur, quando-
quidem Dei beneficia nobis collata
magna sint & incomprehensibilia. Nec
sine mysterio vult nos Iesus Christus
candelas ardentes præ manibus nostris
tenere, non autem in candelabro vel
per alium: vt intelligamus, præstitisse
nos

nos ad monasterium non venisse, si in eo resipiscere, bonique religiosi opera exercere non velimus. Dicit sacra scriptura (*Ioan. 5. cap.*) S. Ioannem Baptistā fuisse lucernam semper *ardentem & lucentem*: quibus instruimur religiosum ita probum esse debere, vt nunquam ad comburendum cera, neque ad purgandum lixiuio vel cinere careat. Religiosus qui præter scapulare, cucullum, habitum & cordam nihil habet, non est candela viua, sed mortua: nec est quod quis ideo se magni pendat; ante Deum enim parum admodum est nihil nisi Monachum dici; sed multum, bonum dici Monachum. Candela extincta & mortua conditio hæc est: decrescit ellychnium; locum in quo posita est frustra occupat; nullum eam respicientibus lumen præbet; manus palpantium sordidat. in tantum vt quantis ardens afficit voluptatibus, tantis mortua & extincta molestijs. Religiosus malus qui in diuersa trahitur & diuagatur, eadem cum cereo mortuo & extincto habet conditiones: labores aliorum comedit, probi hominis occupat locum,

toti conuentui importunus est, nihil quod ad bonum religiosum spectat agit, per Monasterium effrenis licentiosus & dissolutus vagatur: postremus & quasi hora vndecima ad opus properat, & vult tamen primo sibi satisfieri. Dicit in quadam Homilia S. Anselmus, quod virgines quæ lampades ardentes non habebant, ad nuptias cum sponso non intrarint: eodem modo homo qui vt Christianus suo officio non satisfacit, quique quæ vt religiosus promisit non adimplet, certo scire debet se vltima hora, non cum alijs nuptias ingressurum, sed excludendum. O quantum confert Dominus Deus beneficium ei quem è mundo educit vt fiat religiosus? certior enim facit vocationem suam in religionis statu Monachus, tranquilliore est conscientia, minus labitur, sepius resurgit, promptius de commissis dolet. Concludendo igitur, dicimus istum quem sub religionis habitu superbum, carnalem, peruersum viderimus, esse inter filios Dei dæmonem, inter Israelitas Dathan, inter Prophetas Saulem, inter Apostolos Iudam.

*Dei famulum tunc inire viam quam debet;
dum quæ ipſus vult non agit: & taliter
aberrare, eſſe ſcopum
attingere.*

CAPVT TERTIVM.

Cum non facis vias tuas, & non inuenitur voluntas tua, tunc delectaberis ſuper Domino, dicebat Dominus Deus per Iſaiam Prophetam: (Cap. 58.) hoc eſt: O Iſrael, dum quæ velles non agis, viam quam deſideras non ingrederis, tunc per ſemitas meas tuto progredieris, & erunt tua opera Deo grata. Tuæ viæ ſunt, quæ regales viæ ſunt & generales. prima via eſt Deus, quæ recta in cœlum tendit, ſeconda eſt diabolus quæ recta in infernum, tertia eſt homo, quæ in mundum, & ex mundo in peccatum, & ex peccato in infernum: ſic, vt magnum ſit interitus hominis indicium, dum eum ſuam ſequi voluntatem videmus. Ieſu Chriſti via charitas eſt, diaboli malignitas, mundi vanitas, carnis turpitudine. Ideo frater quam velis deligere & ſequi

viam vide, quam enim ingrederis hæc
in vita viam, eandem & in morte man-
sionem & requiem recipies. Seneca in
libro de Irâ dicit, quatuor esse admodum
dulcia & amabilia, & quæ difficulter
relinquuntur, scilicet terra in qua edu-
cati fuimus, diuitiæ acquisitæ, honos &
amicus comparatus. Difficulter admo-
dum deserit homo patriam suam, vt
terram alienam incolat. Nihilominus
Abraham & Iacob nepos patriam de-
seruere. (*Gene. 12 & 25.*) Ille propria vo-
luntate, Iacob necessitate. Durum quo-
que est statum & honorem in quem
quis erectus fuit deserere. deseruit
Cincinatus Consul, & Diocletianus Im-
perator, quorum vnus se consuliatu ab-
dicauit, alter verò imperio. Molestum
quoque homini est diuitias acquisitas
& bona quorum legitimus erat hæres
deserere: deseruit Socrates & Demo-
sthenes, vnus Athenis, alter in Tinacria,
vnus cōmunitati omnia quæ possidebat
contulit, alter omnia proiecit in mare.
Porro ergo ad rem redeunt, dicimus
verum & essentialem religiosi laborem
non in patriæ, neque diuitiarum, neque
ami-

amicorum contemptu consistere: hæc enim tandem à memoria recedunt, & temporis successu mitescunt; sed continuus, horribilis & penè intolerabilis religiosi labor est, sui ipsius & propriæ voluntatis abnegatio. In Ezech. dicit S. Gregorius, inter lachrimas quas fundimus, & inter sacrificia quæ offerimus, nullum Deo gratius est sacrificio proprii nostri cordis, quod quispiam tunc agit, dum sensualitati quæ petit denegat, & rationi subiacet. *Solue calceamentum de pedibus tuis, locus enim in quo stas terra sancta est* dicebat Dominus Deus Moyse, quasi diceret, si me audire & conuenire cupias, solue calceamentum tuum, & ad me pedibus nudis accede; homo enim calceis suis me conuenire non potest. Dicente Domino Deo hæc verba Moyse, in rubo viuis flammis ardente consistebat, sic vt calcæos exuens Moses adustionis periculo se exponeret, imò & læsionis inter spinas. Quid sunt quæso calcei ex bestiarum mortuarum corio confecti, nisi appetitus bestialis noster, & propria nostra voluntas? Porro calceis suis incedit ille, qui suos sequitur

appetitus, & ille pedibus nudis incedit, qui rationis freno eos regit, ideoq; nullus se in rubo cum Domino Deo videre potest, nisi calceos exuat, & propriam abneget voluntatem. Quid aliud rubus ille spinis & carduis plenus est, nisi religio & Monasterium pœnis & laboribus onustum? quid denotant omnes anime disciplinæ, quid secessus, quid nostrum silentium? Quid abstinentia & omnes tentationes nostræ, nisi locum rubis plenum & spinis quæ carnem nostram pungunt (Tu frater mi qui suscipienda religionis ergo in Monasterium venis, ne delicatam induturus vestem venias, ne mensam politam, nec molle & iucundum in quo dormias cubile, neque domum voluptuariam reperturus accedas: venias autem ut viuas, immo potius ut moriaris in loco dumoso & spinis referto, in quo delitijs non frueris, & quo egredi non est quod speres. Non sine mysterio bonus ille Moyse in rubo illo valde intricato spisso & molesto Dominum vidit: ut scilicet dæmoni, ad nos torrendos religionem locum esse valde spinosum obiecturo, respondeamus,

mus, Dominum Deum nullibi libētius
quam inter spinas & rigores commo-
rari. Crede mihi quæso frater, & nulla-
tenus dubites, quod sicuti sub offe me-
dulla, sub nucleo amygdalū, sub cortice
fructus, ita monasticę vitę perfectio sub
rubi spinosi asperitate cōsistit: nūquam
enim in cubiculo religiosi suis volupta-
tibus addicti repertus est Iesus Christus.
Nullibi nisi inter spinas arietem reperit
Abraham, nullibi nisi inter spinas Do-
minum conspexit Moyses. Iesus Chri-
stus similiter inter spinas in cruce mor-
tuus est: & tu frater vis delicatas &
molles in religione gerere vestes? vis
cibis delicatis uti? Dic quæso mihi,
nunquid S. Basilius, S. Benedictus, S.
Augustinus, S. Hieronymus, S. Franci-
scus, S. Dominicus fuerunt inter du-
mos spinosos velut rosę pretiosę odore
plenæ, & suauiter olentes educati? Dicit
in suis meditationibus S. Bernardus;
O bone Iesu, o animæ meæ amor, quo-
ties te in tugurio, in clauistro, in horto,
in choro quæsiui, & postquā te diligēter
quæsieram, te in monte retro Thymū,
vel quandā paruam quercū reperiebā.

Quicumque igitur te reperire, vel tua
præsentia frui cupit, te cum Iona sub
hædera, te cum Helia sub Iunipero, te
cum Moyse inter spinosos dumos, te
cū Abrahamo inter spinas quærat, quia
in loco deserto est habitatio tua, & deli-
tia tuæ esse cum corde contrito & af-
flicto. Non sine mysterio ex rubo illo
viuis ardente flâmis, in quo Moyses Do-
minum, & Dominus Moysen vidit, nul-
la adurebantur folia neq; spinæ: vt do-
ceremur Dei famulum, qui in se quen-
dam pietatis ignem, vel quendam con-
templationis ardorem fouet, nūquam
corpore vi laboris, neque animo vi af-
flictionis frangendum. Sicuti neque
solitudine deserti, neque ignis rigore,
neque loci spinosi asperitate territus
fuit Moyses, sed à Deo vocatus sua sol-
uit calceamenta, & recta ad locum te-
tendit; sic frater mi, neque Monasterij
rigore, neque Prælati obedientia, neq;
secessus solitudine terreri debes, præ-
terquam enim quod illic sis Iesum Chri-
stum reperturus, modò etiam illic quo
Aegypto debers egredi, & in desertū ve-
nias, addisces. Aduertere quoq; debes
frater,

quod Dominū Deū conuenturus, solus
& calceis exutus ad rubum accesserit
Moyſes, vt ſcias te ſolum in religionem
venire debere, omni mandanarum re-
rum affectu procul à te miſſo, ſi Ieſum
Chriſtum illic reperire velis, & nudis
pedibus propriaque abnegata volunta-
te incedere. Hugo Doctor in li. de arrha
animæ, inquit, Multo cum labore huius
mundi poſſeſſiones deſeruntur; ſed
maiori multo, affectus noſtri corrigun-
tur, & in Monasterio obeditur: ita enim
quæ vult, agere; & experiri quæ poteſt
deſiderat homo, vt ſi hac in parte diffi-
culter claudantur oculi, difficilius ſon-
ge ſe continet cor. Tu igitur qui in Mo-
naſterium venis, tecum cogites oport-
et, immo & ſtatuas in illo melius & vi-
gilantius cum omni honeſtate viuere:
quoniam Monasteria in quibus ordo
eſt magnos quidē admittunt peccato-
res, ſed non magna patiuntur committi
peccata. Porro ille magnum commit-
tit peccatum, qui ſe in religionem voca-
tum non meminit, & qui apud Deum
promiſſis ſtare non poterat; ſed in mo-
dum mundani hominis per mundi pla-

teas, & fora vagantis; ita remissè & pigrè per Monasterium deambulat. Dic quæso mihi dum in Monasterium venisti, ignorabas quid susciperes: Si quid ageres sciebas, & quid promitteres intelligebas, dic fallax hypocrita, cur ea non adimpleres & obseruas? Ne succenseas frater religiose, quod te fallacem dicam; quandoquidem non dubitaris iusiurandū & promissum violare: vnicuique enim secundum vitam attribuit nomen sacra scriptura. Liber solitariae vitæ dicit: Quid aliud innuit Deus præcipiens, vt in terra promissionis lapidibus obruatur ille, q̄ die festo ligna colligeret, nisi religiosum dicendum sacrilegū, qui in Monasterio, quod pro terra sancta habetur, peccat? Si ergo melius acturus Monasterium intres frater, debes imprignis tuam propriam abnegare voluntatem: ille enim in religione perijsse dicitur, qui se proprio iudicio regit. S. Hieronymus expendens hæc verba scilicet: *Si quis vult venire post me,* (Matth. 16.) inquit: si sanè hæc verba intelligere velimus, equidem videbimus quod ad Iesum Christum sequendum
nos

nos ipsos persequi debeamus, & ad eius iter amplectendum à nostra debemus aberrare via, & ut sui dicamur, nostri non amplius esse debemus, denique ut Deum amemus nos ipsos odio persequi debemus. In suis meditationibus dicit S. Augustinus, O bone Iesu, o animæ meæ amor, si primo mihi gratiam meipsum abnegandi non contuleris, nunquam te amare potero : si enim à me incipiat amor, nunquam in tuum amorem resoluitur; si verò à te, nunquam in meipsum amorem resoluitur, sic ut tui amoris fundamentum nihil aliud sit, nisi ut meipsum non amem. Et paulò inferius persequitur dicens, Tu scis o bone Iesu quod te nunquam quæram nisi dum à me absum, & quod te nunquam reperiam, nisi dum à meipso recedo, nunquam tui memor sum, nisi dum mei immemor, nunquam tui particeps, nisi dum mei non particeps. *Lacta super Dominum curam tuam, & ipse te enutriet*, inquit *ebat Psal. (Psal. 54.)* quasi diceret, si Deo inservire velis, paterere te suo regi consilio, hoc si feceris te fouebit & defendet. Tunc curam, cogitatum suum & spem
ponit

ponit in Domino religiosus, dum sui
Prælati iudicio patitur se regi: e contra
tunc in mundo, dum se sua propria re-
git voluntate: Aduersarius enim dia-
bolus nos nostra propria gaudet vti
voluntate, ne officio nostro fungamur.

II. Fuit quidam in vita Patrum Monachus,
qui Abbati Simeoni dixit, Dic mihi be-
ate Pater, aude bone verba nostræ reli-
gioni & professioni non conformia
proferre? Cui respondit bonus ille se-
nex. ¶ Perfectus Monachus, & Deo deuota
persona non debet in Monasterio
quid bonum aut malum est examina-
re: quoniam illud ad Prælatum, non
autem ad subditum spectat: sæpe enim
magis murmurando peccat Monachus,
quam quod iussu exequendo. ¶ Si ergo
te filium in religione recte gerere velis, &
ad perfectionis culmen pertingere au-
res obtura, linguam custodi, oculos clau-
de, cogitationes retrahere, Prælati obæ-
di, confratrum tuorum non examina-
vitam, si enim præceptis eorum acqui-
escas, nullo modo aberrare potes; si
verò agas quod vis, nihil boni facere
poteris. Notandum & ponderandum
est

est Prophetam non dicere, *Iacta opera tua in Domino*, sed *iacta curam siue cogitatum tuum in Domino*. hoc est, quod Deus neque bona opera, neque pedes, neque oculos, neq; manus sibi dari ex-
petat, sed cogitationes nostras duntaxat: his nos erudiens, Dominum non tãti facere nostrum esse, quam id quod cupimus esse. Non dicit quoque Psalmista, *iacta cogitationes tuas*, sed *iacta cogitatum tuum in Domino*; insinuans, in Dei famuli animo vnicam esse debere cogitationem, & vnicum ibi regnare debere desiderium, quod Iesu Christi amor esse debet & obsequium, quoniã secundum amoris legem, in amore vnicum esse debet, ad aliud vnum duntaxat amandum. Nunquid quãso vacce, quã sancti testamenti arcam vehabant, ad Hebræorum terram non appulere quamvis velatis incederent oculis? Ex hac figura colligere possumus Dei famulum non posse ad interitum ruere, immo ad optatum portum non posse non peruenire, si argę regulę pōdere se premi patiatur, & si se sui ordinis currui iungi, si suorum desideriorū
oculos

oculos occludi, & si se à Prælatiſ regi
permittat. Dicit S. Chryſoſtomus: Quid
aliud imperat ſanctū Euangelium dum te
Ieſum amare & proximū, & inimicum,
& te ipſum abnegare vult, niſi quod no-
bis innuat hominē nullum propria ſua
voluntate peiorem habere inimicum?
Nulli ſuo vitæ tempore minus debet fi-
dere homo, quā ſuo proprio deſiderio
& appetitui: credendum enim eſt quod
Deus meipſū abnegare non præciperet,
ſi meipſū vt decet amare poſſem, ſi me-
ipſū amare decēter poſſem, certum eſt
quod nunquā peccare poſſē, ſed ſicuti
ego meipſum amo, ideo etiā ſæpius in
meipſum pecco. Iacta ergo frater, iacta
cogitatum tuum in Domino, reuera
enim omnis vita monaſtica in hoc con-
ſiſtit, quod nullus experiatur vel agat
quod poteſt, neq; agat quod vult, quo-
niā ſi Ieſus Chriſtus meipſum amandi
licentiam non concedat, multo minus
me proprio iudicio regēdi facultatem
concedet. *Ego ſum via, veritas & vita*, di-
cebat in ſuo Euangelio Ieſus Chriſtus
(*104.14.*) *Ego ſum via* quā incedas opor-
tet, *veritas*, qua loqui debes, & *vita*, qua
viuere

viuere te decet, si incedere velis sequere me, si veritatem nosse, mecum loquere, si viuere desideras, mecum viuere. Dicit super hæc verba S. Cyprianus: Mundi viam nouit mundanus, peruersam viam nouit peruersus, inferni viam nouit diabolus, sed quod ad coeli viam attingit, nullus præter Iesum Christum nouit. Ideoque æquum est nos suis obtemperare mandatis, & per viam quam monstrat incedere. Cassiodorus Psalmos exponens inquit: Nunc verè scitis ô Christiani, coelorum iter esse ad ambulandum clarum, ad ascendendum sublime, ad prætereundum angustum, ad retinendum difficile, & ad pertinendum parum tritum. Sapienter àperito viæ, illa petetur via, cognita, tenenda est: pauci enim illam norunt, pauciores illam reipsa reperiunt, & paucissimi ad illam fausto omine perueniunt. Quod dicat Iesus Christus, *Ego sum via, veritas & vita*, hoc est, quod verè loqui non possumus, nisi cum illo loquamur, neque nisi in ipso viuere, neque nisi cum ipso incidere, & quod nihil boni possideamus, nisi ab ipso procedens.

cedens, denique quod nullius sumus pretij, nisi per ipsum. Quamobrem si ita sit quod nullius sumus pretij, nisi per ipsum, aut in ipso, aut cum ipso, dic quaeso mihi, cuius est valoris libertas nostra, aut cuius æstimationis dexteritas nostra? In S. Ioannem dicit S. Augustinus, Quandoquidem Iesus Christus Deus noster vita sit quam vivere debemus, veritas quæ nobis prodesse potest, & via quam incedere debemus, eum flexis ora genibus, vt te benè dirigat, & lachrymis roga, vt te in illo itinere ducat: si enim tibi manum non præbeat, certò scias mundum acturum te præcipitem, carnem te offensuram, & dæmonem te in animi & intellectus deliquium inducturum.

De fallacijs mundi: & quid utraque littera, tam sacra quam profana doceant.

CAPVT QVARTVM.

Ego Dominus qui eduxi te de terra Chaldaorum, dicit Dominus Deus Prophetæ Abraham. (Gen. 15.) quasi diceret,

ceret: Ego Dominus & Deus qui eduxi
te à terra Chaldæorum, in qua omnes
idololatræ eratis. Nō sine mysterio vo-
luit Deus Abrahā meminisse, quod eū
à terra Chaldæorum eduxisset, & in Iu-
dæam conduxisset, hoc est, quod terra
perditionis eum eruiisset, & in promissi-
onis terra collocasset: maximum enim
omniū quod Deus nobis potest cōferre
beneficiū est, nos à malorū euocare cō-
sortio, & bonorū ascribere. Maxima est
Deum offendendi occasio, malorū co-
habitatio. Ideo Deus Domin. noster suis
familiarib. amicis particularia non vult
cōferre dona, quā diu malis cohabitāt.
Nihil magno illi & diuino Abrahæ cō-
municauit, donec Chaldæa exiliisset.
Honestam illā mulierem Chananzam
exaudire noluit (Matth. 15.) donec pro-
pria terra egressa esset. Non passus est S.
Thom. manus in pectus iniicere, Ioā. 20.
antequam Apostolico associaretur col-
legio. Dicit filio suo Ioseph Patriarcha
Iacob (Gen. 47.) *Facies mihi misericordiā,*
ut non sepelias me in Aegypto, tanquā dice-
ret, In tuę generationis, & tuę educatio-
nis, & lachrymarū pro te effusarū mer-
cedem

cedem nihil aliud exigo, nisi vt in terra
Aegypti me nō sepelias. Agyprus enim
& Babylon in sacra scriptura semper in
malā sumuntur partem: ideoq; ad imi-
tationē Iacob à filio requirentis vt ossa
sua ab Aegypto auferret, Deum rogare
debemus, vt nos mūdi erumnis & peri-
culis educat, in quo à peccatis abstinere
nullo modo possum⁹, sicuti in Aegypto
ab idololatria præcaueri non pōt. No-
tandum & serio ponderandū est, ma-
gnū illū Prophetam non renuisse in
Aegypto viuere, sed sepeliri, quoniam
in hoc consistit periculū, quod ad instar
peregrinorū in hoc mūdo viuamus; sed
in eo, quod instar naturalīū & munda-
norū hominū sepulturas eligamus. bo-
nus enim Christianus ita peregrinando
viuere, & ita se benè huius mundi rebus
vtēdo accōmodare debet, vt similis sit
ei qui sub vesperū ad hospitīū accedit,
quo ante lucē egredi debet. Ille in Agy-
pto sepultus est, qui adhuc mūdi gustū
sapit, & qui suarū vanitatum desideria
reijcere non potest, sic vt potius eū Ae-
gyptium quā Christianum dicere possi-
mus, quia à Chaldaea Abrahami, & ab
Aegypto

Aegypto Iacobi recessus (vnus in hac
vita, alter post mortem factus) nobis
egressum & abnegationem quam in
mundo admirandum Iesum Christum
facere debemus, repræsentant. Aequū
est hic scire & examinare, quid sit
mundus, quo egredi, & cui abrenunci-
are debemus, & quæ in eo sint mala à
nobis fugienda. Plato, Aristoteles, De-
mocritus, & Empedocles de mundo &
eius principijs scribentes ita sibi ipsis cō-
trarij sunt, vt quisque suam tueatur opi-
nionem, & superior euadat, & sic rigide
suis pennis inter se decertant, sicuti Cæ-
sar & Pompeius suis lanceis. Pythago-
ras vult probare, vniuersum quid vnū
esse, & mundum quid aliud vnū.
Thales tenet, vnicum esse centrum, v-
num Septentrionem & vnicum mun-
dum. Methodorus asserit contrarium:
dicens duo esse centra duos Septentri-
ones, & duos mundos. Aristoteles dicit
mundum æternum; Plato dicit habu-
isse principium ideoque non æternum.
Socrates dixit quod elapsis triginta sep-
tem annorum millibus, omnia in pristi-
num statum reuertentur: ipse iterum
ergo

ergo docturus, Dionysius in Sicilia; Cæsar Romæ dominaturus, Hannibal Italianam subacturus, Scipio Carthaginem inuasurus, Et quid non? O quantum temporis in talibus vanitatibus & curiositatibus triuerunt, & multos conscripsere libros! pauca vera, sed multas in mediū produxere nugas: veritas quam detexerunt exigua fuit, magna autem valde quæ litteris mādarent mendacia. quoniam rerum incomprehensarum minima pars, longè maior fuit parte comprehensarum. Mundus de quo tam diu loquuti sunt, & disputarunt Philosophi, terra est, aer, ignis, & aqua: & sic sumentes mundum, non est quod de eo conqueramur, quandoquidem sine eo nullimode corporaliter viuere possemus. Dum redarguebat mundum Iesus Christus, non aquam redarguebat super quam ambulabat, neque aërem siue ventum qui ei in mari obædiuit, neque terram quæ in eius morte tremuit, neque petras quæ scissæ sunt, neque arbores quæ siccatae sunt, neque denique monumenta & sepulchra quæ aperta sunt. Multos plerumque dicentes
audi-

audimus. O munde tristis, ô munde
 perversè, ô deceptabilis & instabilis
 munde: sic vt ab vna parte se ab eo de-
 cipi patiantur, ab alia non de eo cōque-
 ri cessent. Mundus in quo nascimur &
 viuimus, ab eo de quo conquerimur, &
 in quem decertamus longè differt. sine
 priori enim viuere non possumus, alte-
 rum verò vix exsuperare. Porro vt ad
 rem veniamus: malus ille mundus ni-
 hil aliud est, nisi mundanorum in pec-
 catis viuentium vita: vbiterra, auaritia:
 ignis, concupiscentia: aqua, inconstan-
 tia: aer, ira: lapides, superbia: sol, pro-
 speritas: luna mutabilitas. *Venit Princeps*
mundi huius, & in me non habet quidquam,
 inquit Dominus apud Ioannem, cap. 14.
 quasi diceret: Dum huius mundi Prin-
 ceptus suos requiret, nihil in me neque in
 meis reperiet. O tristia verba, ô ver-
 ba dolore plena, quibus hunc malum
 mundum procul à se reicere videtur
 Iesus Christus, ei pro magistro & domi-
 no inferni dominum conferens, quan-
 do quidem dicat, neque perversos, neq;
 mundi principem in se habituros quic-
 quam. Super hæc verba dicit S. August.

Iesum Christum tunc mundanos, & eos qui secundum mundum viuunt, mundi ciues vocare, dum eos peccati seruos vocat, & eis pro magistro & domino diabolū confert. Qui sunt quæso ciues & huius mundi incolæ, nisi superbia, auaritia, ira, inuidia, blasphemia, gula, vanitas & stultitia? Nescis quod hoc in mundo boni & probi vitia detestentur, & quod vitia peruersis dominantur? Si pœnas & labores quos cum elementis patimur, pœnis & laboribus quos cum vitijs patimur cōparare velimus, equidem videbimus nullam pœnam neque laborem comparandum ei quem malè viuēdo patimur. Dic quæso mihi, nunquid peius est profundè in superbiam labi, quam è summo huius culmine præcipitem dari? Nunquid periculosius est ab inuidia torqueri, quam à petra obrui? Nunquid quæso inter vitia & voluptates magis periclitatur homo, quam inter sæuissima animalia? Nunquid qui auaritiæ igne aduruntur maiori sunt in periculo, quam qui apud montem Aetna habitant? Est enim hic mundus ille lethalis noster inimicus,
ami-

amicus fallax & decipiens: ille ipse est, qui nos angit, qui nobis quietem aufert, ille est qui a bonis formidatur, & a malis amatur. Denique dico, illum esse vitiorum instigatorem, & proborum carnificem. Quid insuper dicam? Ille est qui omnium actionum rationem vult sibi assignari, nemini autem ille assignat. Hæc supradicta ex sancto Anselmo desumuntur. Mundo igitur rectè considerato, si eum ita sagaciter considerarent homines, sicuti leuiter eum sequuntur, viderent *vtq;* eum nunquam voluptatem cum prosperitate conferre: quin potius minari aduersitatem: quia vel in lusu alex maximum numerum, qui est sex-tenarius, semper subsequitur minimus. De domo Dei loquens, inquit Prophe-
ta, (*Psal. 83.*) *Ibunt de virtute in virtutem,* & loquens de domo diaboli dicit: (*Psal. 41*) *Abyssus abyssum inuocat,* hoc est, mun-
danorum vnus alium ad malitiam ex-
citatur, vna stulticia aliã allicit, vnum pec-
catum aliud peccatũ, vna vanitas aliam
vanitatem: sic vt non ratio rationem,
sed confusio confusionem sequatur.

Mundus inter suas deceptiones efficit
vt homines (qui iuste à vitijs declinare
debeant) maiori vitiorum igne in-
flammentur , vt de nouo in mundum
reuertantur, sic vt diuites senes, noua a-
uaritiæ concupiscentia inflammet. Di-
cet S. Augustinus in suis meditationi-
bus , O munde quam breui temporis
spatio, ad nos accedis, & à nobis recedis,
nobis appropinquas & deferis, nos lēti-
ficas, & tristitia afficis, nos exaltas & hu-
milias: fur es quē tenemus, & vt domo
eijciamus quærimus. In quadam episto-
la dicit S. Bernardus , mundum longā
doctum experiētiā omnibus pro sin-
gulorum ore abundare ferculis ; Pro
superbo habet honores , pro guloso
cibos, pro auaris diuitias, pro luxurio-
sis carnalitates , pro inquiete & perti-
naci labores : Sic vt ijs omnibus ab
hamo captis, in eos postea sua retia &
laqueos vitijs plenos immittat . Si tan-
tum voluptatis quantum laboris su-
is amasijs conferret mundus , si eos
consolaretur sicut torquet , si eos
comitaretur sicut deserit , si eos per-
petuū foueret sicut opprimit , indubiē
credo

credo quod Dei nulla fieret mentio, neque quemquam peccatorum puderet.

In quadam epistola dicit Marcus Aurelius Torquato, O munde quam longè ab omni quod iustum est alienus es. ille qui iustus esse cupit, ita à te alienus est, sicut rerum nouarum amans es, & sicuti virtutum inimicus. Si velis ergo nosse mundum, dico peruerforum esse incantatorem, proborum carnificem, vitiorum carcerem, pacis inuidũ, belli amicum, aquam luto plenã, & fel proborum. Idem ut est mundus vt nos decipiat, sed vt nobis succurrat piger. Quod patet: si enim quandã iniuriam vlcisci hortetur, hoc agit vt accipiamus nouam: sic vt maledictus ille ductor fingens per planitiem tutam se nos ducere, in foueas precipitet. Dicit in quadam epistola S. Hieronymus: Si primis mundi tentationibus resisteremus, non adeò frequenter nos aggredi auderet: dicitq; eius audaciam à nostra procedere pigritia & pusillanimitate. In quadam Homilia dicit S. Ioannes Chrysostom. Lic mihi quæso mundane, quam ab

hoc mundo mercedem expectas, quandoquidem tanto cum sudore ei inferuias? putas dare tibi vitam, potest æternam? stultum est cogitare, fatuum sperare. quo enim tempore, huius vite dulcedine fruimur, tunc nos rapit mors. videat quisque quid agat, & quid cogitet: nam cum nos turos esse plane opinamur, & cum fortuna conuenisse, tunc nos ab alia parte opprimit. *Dedit semetipsum pro nobis ut eriperet nos de presenti seculo nequam* dicebat Apostolus ad Galatas scribens, quasi diceret: tantus fuit Iesu Christi in nos amor, ut ad liberandum nos à mali mundi potentia, passus sit corpus suum crucifigi. S. Augustinus scribens in epistolas Pauli inquit, Quis auderet mundum dicere bonum, quandoquidem asserat illum esse nequam & peruersum Apostolus? Obluit Iesus Christus vitam suam, ut te ab hoc mundo liberaret; tu verò non vis animam tuam ei dare, ut eam ab inferno liberet? Mundus malus est, dies hesternus præterijt, hodiernus præterit, crastinus necdum eluxit: quod solidissimum est cespitat, quod durissimum comminuitur,

tur, qui benè sanus est, statim in mor-
bum incidit, quod maxime appetimus,
nunquam accidit: sic vt vel centum an-
norum spatio, ne quidem vna hora no-
bis ad voluptatem certa sit. Non ergo
sine causa, ô munde, te iniquum & per-
uersum vocat Apostolus: capis enim
nec dimittis, soluis nec dissoluis, mole-
stus es nec consolaris, furaris nec resti-
tuis, vexas nec pacificas, decusaufers
nec reddis, & quod omnium grauissi-
mum, enecas nos non audiens, & ante
mortem sepelis. Hæc ex S. Augustino
desumuntur. Hugo in libro de arrha
animæ dicit: Desere me & te deseram
ô munde, quando quidem neque in te,
neque propter te, neque apud te vllum
fit sine sollicitudine gaudium, vlla sine
discordia pax, vllus sine suspitione
amor, vllæ sine paupertate diuitiæ, vllus
sine infamia honor, vlla sine litib. bona,
vllus sine querela status, vlla sine mali-
tia amicitia. S. Hieron. in S. Paulū dicit:
nō sine causa Apostolū vocare mundū
malū: cum in domib. eius promittatur,
nec stetetur promissis, inferuiatur sine sa-
tisfactione, vocetur q̄ deceptionis ergo,

extollatur vt humilietur, vt moriatur, perigilet: Sumitur ibi nec datur, commodatur nec restituitur, & quod omnium grauissimum est honor exhibetur ad infamiam recipiendam, & castigatur sine venia. Inter elegantes suas sententias dicit S. Prosper, quod mundus deiciat eos qui in honore sunt constituti, extollat abiectos, tribuat proditoribus mercedem, fideles negligat, infames honoret, probos diffamet, pacificos vexet, seditiosos placet, peruersos liberet, simplices damnet, doctorum mercedē retineat, & stultis præbeat. Vnde sequitur, quod omnes suam exerceant voluntatem non autem debitum officium. S. Bernardus in libro considerationem dicit, quod inter mundi morbos hic sit vnus, scilicet quod temerarius, dicatur fortis & audax: solitarius timidus: importunus, diligens: desidiosus, pacificus: auarus, frugi: prodigus, liberalis: loquax, eloquens: stultus taciturnus: dissolutus, amator: honestus & modestus, phantasta siue imaginofus: timidus, patiens: peruersus, simplex: simplex, stultus. S. Chrysostomus in libro

bro myſterij Crucis, inquit, Qui in te
viget ô munde, ad interitum ruit, qui te
inuenit malè dirigitur, qui tibi ſubuenit
nihil niſi dedecus refert, qui tibi aliquid
confert malè ei ſatisfit, qui tibi placet
ſibi diſplicet, qui tibi admodum famili-
aris eſt, ſibi minus familiaris eſt, & qui
tibi multum fidit, ille minimè tutus eſt.
In Ezechielem dicit S. Gregorius, quod
rota quam alteri intricatam vidit Pro-
pheta Ezechiel, ſit deceptio intra aliam
deceptionem quam mundus in ſe ha-
bet, quia uſque adeo peruerſe & frau-
dulenter in eos qui ſecum negotiantur
agit, ut nullum reperiant commodum,
neque donis, neque quouis obſequio,
neque adulatione, neque congratulati-
one, neque ſemitarum veſtigio, neque
fidelitate, neque quauis amicitia. Quidā
in vita Patrum Monachus cuidam ſeni
dixit, ſe velle mundum repetere, ut ali-
quid addiſceret, quod alijs reuerſus a-
ppririt: cui bonus ſenex reſpondit: caue
fili, tentatio diabolica eſt quod velis in
mundum litteris operam nauaturus
reuerſi: quia iſtius mundi doctrina, eſt
mendaciū, eſt ad mortem perſequentio.

est amor desperatus, est ad vomitum e-
fus, ad excessum potus, ad furtum ne-
gotiatio ad deceptionē importunitas,
ad lites contentio, ad mortem læsio.
Interrogatus Philosophus Chilon num
in mundo viueret quispiam homo sua
sorte contentus, dixit: Neque vidi, ne-
que dici audiui: si enim pauper sit, cu-
pit fieri diues: si diues, cupit fieri potēs:
si humilis, erigi: si oscitās, diligens: si de-
bilis, firmus: si iniuriam passus sit, cupe-
ret vlcisci: si vitiosus, vult in delictijs &
voluptatibus viuere. Euripedes Philo-
sophus à rege Demetrio interrogatus,
quid ipsi de hominis debilitate, & de
huius vitæ breuitate videretur, respon-
dit: Illa mea est opinio ô Rex, quod ni-
hil sit in hac vita tutum, quâdoquidem
omnia indies deficient: tunc subiunxit
Rex & dixit: Quam bene Euripedes di-
xeras, si singulis horis sicuti singulis die-
bus omnia deficere dixisses, nihil enim
in mundo certius & tutius dici potest,
quam omnia esse incerta. Glorianti
quodam die Alcibiade Græco de di-
uitijs suis, quas ita magnas esse dicebat,
vt mortuis desiderium conferrent, &
vixis

viuis largam computandi materiam,
dixit Aristarchus Philosophus: Scias
Alcibiades, quod in maribus profundi-
oribus periclitentur naues, quod feri-
ant summos fulgura montes, quod vi-
ridioribus ramis appendeant aues,
quod ab hamo fallaciori capiantur pis-
ces, quod venti in altiores & solidiores
arbores bella gerant: ex quibus infero,
fortunam neminem deicere, nisi eum
quem primo in honorem euexit.

*De diuersis iugi generibus, quorum mentio-
nem facit scriptura: & quod solum le-
su Christi iugum sit leuius &
minus ponderosum
magisque me-
ritorum.*

CAPVT QVINTVM.

Graue iugum positum est super filios Adæ
à die natiuitatis vsque ad diem sepultu-
ræ inquit (Cap. 40.) Ecclesiasticus, quasi
diceret: O quam graue & luctuosum
est iugum quod filijs Adæ à tempore
quo matris ventre egressi sunt vsque in
diem sepulturæ impositum est. Non si-

ne mysterio, quamuis de more iugum
vnum ferant duo animalia, dicit hic
scriptura vnicum esse iugum: & quam-
nis vnicum sit, tamen illud ab omnibus
tollendum est. Vnde concludere licet,
quod iugum illud sit admodum graue
& onus quod summa cum difficultate
geritur. Porro æquum est nunc scire
quale sit illud iugum, & vbi factum, ac
cuius humeris primo impositum, quan-
do quidem ita graue sit & ponderosum,
& ab omnibus ferendum. Non audeo
dicere esse matrimonij iugum, quia nō
omnes matrimonio iuncti sunt: Non
religionis, quia non omnes religiosi
sunt. Non nautarum, quia non omnes
nautæ: Non militum quia non omnes
milites: non aratorum, quia multi sunt
otiosi. Sequitur ergo quod iugum sit
omnibus his grauius, cum illud omnes
gestare debeant. Querendum ergo est
hoc iugum, sub quo suis cum coronis
currunt vehunt Reges, suis sceptris
Principes, suis vexillis Duces, suis habi-
tibus religiosi, suis remis nautæ, suis ara-
tris aratores, & suis colibus mulieres.
Porro dicimus iugum illud, esse ferui-
tutis

tutis iugum, quod communiter gerimus inuicem subditi, quoniam Prælatorum & Regum mandatis regimur & gubernamur, à quo iugo & labore hactenus nullus liber fuit à tempore quo Adam peccauit. Omni ætate fuere qui præciperent, & qui obedirent; qui regerent, & qui regerentur; qui ducerent, & qui sequerentur: & quod magis mirum est, nullum videmus huic tributo & obsequio non subditum, quia nullus in hoc sæculo ita potens est, qui currum hunc non duxerit, & sub istius iugi funibus non sudarit. Notabile est quod non dicat scriptura simpliciter iugum, sed graue ratio est, quod à mundi initio liberi creati simus, à peccatis & tributis immunes, sed seruitus in mundum per peccatum introducta est. Equidem graue est iugum: certum est: si enim non peccasset pater meus, neque seruus, neque ulli subditus essem, neque ullius egerem auxilio: sed quia inhibitu primus ille meus parens comedit fructum, & mandatum transgressus fuit, paradiso expulsus & velut seruus condemnatus fuit. Graue est inquam iugum:

cum sub ipso pacificus per tumultuosum regatur, per superbum humilis, per tyrannum iustus, per crudelem benignus, per timidum animosus, per ignarum doctus, quod accidens non accidisset si defuissent peccata & peccatores. Beatus Augustinus apposite dicit, hominem ideo miserum & tantis malis subditum, propterea quod se peccato subiecerit, eumque ideo multos agnoscere dominos & dominationes, quia vni soli non voluit subijci, & multa obseruare mandata quod vnicum noluerit obseruare: sic vt propterea quod voluntatem sequutus sit, suæ libertatis iacturam fecerit. Dicit S. Bernardus, Miserum est hominem, hominem inquam quondam in paradiso positum & beatitudinis capacem nunc in mundo præsentem videre, immo post mortem adhuc futurum, quoniam in paradiso innocens fuit, & in cælo beatus fuisset, nunc verò in mundo seruus est, & in sepulchro à vermibus comederetur: mille enim necessitatū quæ eum circumdant municipiū est homo, mille quæ eū sequantur infortunijs subditus,

mil-

mille anxietatū quæ eū enecant seruus,
inimicorum eū persequentiu captiuus,
mille vermiū eū expectantiū cib. futu-
rus: sic vt inter omnes creaturas subdi-
tissimus sit homo, & omniū animalium
quoad libertatē minimus. O q̄ graue est
iugū q̄ suis humeris imposuit homo!
quia q̄ pedibus subiecerat Deus, nā cer-
uicib. imminet, & q̄ in eius obsequium
creatū erat in ipsū insurgit: sic vt timeat
& nō timeatur, inseruiat & nō inserui-
atur, loquatur & non audiat, laboret
nec ei satietat, cōqueratur & doleat, nec
tamen ei fides adhibeatur. O quā graue
securitatis iugum; Si enim aquam ingre-
diar, mergor; si ignē tangā, vror; si cani-
miner, me mordet; si vrsū prosequar,
me enecat; si diu operi manū ad moueā,
fatigor; si nimium osciter, stupeo; si vo-
luptatibus meis fruar, tandem ab eis at-
horreo, sic vt omnia ita audacter me ag-
grediantur, ac si animo defecissem. Dic
quæso mihi quid est in mundo quod
hominem timeat? quid ē contra quod
non timeat & formidet homo? Homo
muscam veretur qua ei importuna est,
culicem timet, qui pungit, cimicem
quā

qui adrodit, pulicem qui mordet, tere-
dinem quæ comedit. cum tam parua
timeat, nunquid & maiora timebit? In
hoc ergo cognoscantur Dei amici, & ij
qui sua gratia in Monasterium venerunt:
nam eos sua manu conducit, & si fortè
in quandam negligentiam labi patia-
tur, hoc agit vt eum agnoscant, non ta-
men patitur eos in graue quoddam ru-
ere peccatum. *Onus Babylonis, onus Moab,*
onus in Arabia, onus Aegypti, onus Damasci,
onus deserti maris, onus Tyri dicebat Pro-
pheta Isaias in suis visionibus, quasi di-
ceret, Babylonem vidi onere oppres-
sam, vidi Moab, vidi Aegyptum, Arabi-
am, Damascum & Tyrum onustas. De-
nique dico me omnia mundi regna
grauo onere oppressa vidisse. Conque-
ritur pariter Propheta (*Psal. 37.*) dicens,
Sicut onus graue grauatum est super me,
quasi diceret: Quamuis à Deo Rex sim
electus, à populo acceptatus, à legibus
immunis, nihilominus humeris meis
tributum impositum est, & visceribus
meis vectigal, quæ excutere nequeo.
Iugum de quo loquebatur Sapiens su-
perius, non est illud de quo hic agit Da-
uid

uid, & Isaias: quoniam hoc antiquæ legis est iugum, & duræ ille præceptiones quibus tractabantur: quæ si nunc cum molestiis enarrantur, quantâ ergo cum maiori molestia tunc obseruabantur? Antequam in mundum venit Iesus Christus, grauis erat lex & arummosa, magna & laboriosa: cogebat suos ferre onera, quia admodum in transgressores aspera erat, nec admodum in obseruatores benigna. In mercedem moralium mandatorum quæ obseruabant, & legalium mandatorum quæ adimplerant, & ceremoniarum quas exercebant, & sacrificiorum quæ offerbant Dominus Deus eius victorias duntaxat in Reipublicæ bonum, & sanitatem & temporalia bona conferebat. Valde graue iugum erat veteris testamenti iugum, quando quidem sacrorum editorum transgressor ad inferos migrabat, nec illorum obseruatoribus paradisi patebat aditus. Quid aliud indicabat (Nu. 19.) rufa vacca quam sibi offerri imperabat Deus, quid propitiationis vitula, quid duæ vaccæ vitulos habentes quæ Arcam vehabant, iugo carêtes.

im-

immo nec laboribus vnquam addictæ;
 (Deut. 21.) nisi quod qui Moysis iugum
 ferrent, ad cœlum tēdere non possent;
 sed tantummodo ad limbum? Non si-
 ne mysterio in antiqua lege volebat
 Deus animalia quæ iugo oppressa fue-
 rant, vel quæ terram ararant sibi offer-
 ri: vt cognosceremus aliud esse iugum
 quod tollere debeamus. & legem quā
 obseruare, per quæ salui & ab omnibus
 alijs oneribus immunes essemus.

*Authoritas supradicta excellenti sententia
 exponitur: lege cum attentione.*

Venite ad me omnes qui laboratis, & o-
 nerati estis, & ego reficiam vos, iugum
 enim meum suauē est, & onus meum leue di-
 cebat quodam die concionando Iesus
 Christus, Matth. 11. quasi diceret: Venite
 ad me omnes qui onerati estis, & ego
 vos onere leuabo venite ad me omnes
 egeni, & ego vobis succurram: venite
 ad me omnes qui magistro & domino
 caretis, & ego vos excipiam: scīatis do-
 mus meæ iugum quod vos tollere fa-
 ciam valde suauē esse, & onus quod
 vobis imponam valde exiguum. O ex-
 cel-

cellentissima sententia ! O nunquam
 auditum verbum ! O promissum nun-
 quam antea factum ! O inauditum edi-
 ctum, quod hodie per totum mundum
 Iesus Christus proclamat ! Ita enim dul-
 cia sunt eius verba , & adeo sublimia
 promissa , vt incredibilia forent si ab al-
 io proferrentur, licet ille se illa adim-
 pleturum iuraret **Venite ad me** dicit
 mundus, & ego vos stultitia onerabo : **Venite ad me** inquit diabolus, & ego vos
 malitia onerabo, **Venite ad me** inquit Ie-
 sus Christus , & ego vos omnibus oneribus
 exonerabo ; si enim omnibus istis
 oneribus te nos exoneraturum pollici-
 tus non fuisses, potuissent illa onera nos
 præcipites dare, immo vero condemnare .
 Primus qui in mundo quietem
 annunciauit, qui se oneribus nostris nos
 exoneraturum promissit, & qui se affli-
 ctos nūquā deserturū iurauit, Dei filius
 fuit ab æterno benedictus, immo, q̄ no-
 tabilius est, onus q̄ ab humeris meis de-
 ponit, suis imponit. **Venite ergo ad me om-
 nes** ; nō vos otiosi, sed qui laborib. op-
 pressi estis ; nō vagabūdi, sed qui labo-
 rib. insudatis ; nō exonerati sed onerati,

non

non liberi, sed subditi, eo quod eorum qui libertatem quærunt onus non tollit, sed eorum qui virtutem magni faciunt. *Venite post me* inquit (Matth. 19. & 20.) Dominus noster Iesus Christus Apostolis: *Ite vos in vineam meam, operarij: Discedite à me* inquit damnatis: *Venite ad me, electis:* (Matth. 25.) ita ut nisi vocatis portas eius ingredi non liceat, neque sine timore coram illo comparere, neque sine mendacio nos suos dicere possimus. Mirum in modum ponderandum est quod vnum duntaxat in aqua Siloe sanarit, (Ioan. 9) quod in domo Simonis leprosi vni tantum peccata remiserit, (Lucæ. 2.) quod adulteræ vnius solum susceperit causam, (Ioan. 8.) quod inter diuites vnum approbarit; (Lucæ. 19.) sed per hæc verba, *Venite ad me omnes*, nos omnes vocat, nos omnes inuitat nemine excepto. S. Bernardus super hæc verba, *Venite ad me omnes*, inquit: Ut te ô bone Iesu aperto ore clamantem audiui, & te omnes peccatis oneratos vocantem auribus excepi, accessi: ego enim Domine omnium oneratissimus sum, ideoque tua maxime e-

geo

geo opera, quia nullum in mundo grauius onus onere meæ conscientia. Notandum quoque Iesum Christum non eos qui laborarunt, vel qui laborare debent, vocare, sed eos duntaxat qui de facto laborant; dicit enim, *Venite ad me omnes qui laboratis*. Ex quibus colligere est, non sufficere Domino Deo tempore præterito inseruisse, vel tempore futuro cupere ei inservire; sed in præsentino nos debere ei inservire, cum sine mora nos vocet, & auxilium adferre non differat. Non sine mysterio non dicit Iesus Christus omne iugum esse suaue & leue, sed suum tantummodo iugum esse suaue; si enim non indicasset de quo iugo loquutus fuisset, ignorassemus sub qua lege illud nobis gerendum præcepisset. *Iugum meum suaue est, & onus meum leue* inquit Iesus Christus: dum enim suum iugum esse suaue dicit, innuit alia esse graua, & dum onus suum esse leue dicit, insinuat alia esse ponderosa. ratio est: quod nos onustos onere leuet, & ab eo liberet, dum illud humeris nostris imponit. *Iugum meum suaue est*, dicit iugum suum suaue esse non iuga sua: ita

ut numerus singularis non contineat
pluralem. quoniam in domo sua nolit
Deus nos sub pluribus iugis operam
dare; neque patiatur nos multas onero-
sas functiones suscipere. Diabolus no-
bis multa inculcat & persuadet vitia,
mūdus nos multis ingurgitat negotijs,
caro vult nos multas sibi conferre de-
licias: Iesus Christus autem Redemptor
noster nos sibi soli amoris iugo deuin-
cit, etiam dilectionis inimicorum onus
nobis imponens. Mundi iugum non est
leue, sed laboriosum, quandoquidem
velit iniuria affectos vlcisci, & inimicos
odio haberi, & eos qui graui incommo-
do vexantur, occidere, nolitque offen-
dētibus ignoscere: & quod omniū gra-
uissimū, sicuti apud bonos summa clem-
entiæ ignoscere est, ita apud peruer-
sos summa verecundiæ est non vlcisci.
Iugum meum suauē est inquit Iesus Chri-
stus, neminē enim ad homicidium pa-
trādum, siue ad odiū, siue ad persecuu-
tionem, siue ad incommodum inferen-
dum prouocat; sed ad proximi dilecti-
onem, & Dei solius obsequiū, quod ani-
mæ plurimū prodest, corpori autē non
admo-

admodum graue & laboriosum est. *Iugum meum suauē est*, quoniam amoris iugum est, non timoris. proprium amoris est, asperum reddere planum, crudele benignum, amarum dulce, insipidū sapidum, molestū acceptabile, peruersum sincerū, stupidū promptū, graue leue. *Iugum meum suauē est*, me toto corde amanti scilicet **Q**ui enim perfectē amat, nescit pro qualibet molestia obgannire, neque petita abnegare, neque furi sese opponere, neque contradictionibus respondere, neque quasuis iniurias vlcisci, neque expulsus abire. Dic quæso mihi quid nescit qui obnixē amat? Quid omittit, qui non omittit amare? De quo conqueritur, qui semper amat? Si, qui amat, quod conqueratur habeat, non est quod conqueratur quod amet, sed de seipso solo, qui quoddam in amore commisit vitium, quod vitium ei potuit accidere vel ob desidiā, vel ob importunitatem. *Iugum meum suauē est*, si vt te Christianum gaudes, ita te mei amantem præbere gauderes, si non sis animo angustiat, morosus, desidiosus: animi amanti
tis

tis enim proprium est, non pericula fugere, neque animo deficere, neque in laboribus contristari. Non sine mysterio, omne iugum dum nouum est, ex seipso graue est, sed dum aliquamdiu humeris impositum fuit, facilius toleratur, & leuius tollitur: ratio est, quod gestationi assueuerit amans, ideoque ficcius & leuius remanet iugum. O quā immensa est tua bonitas, ô Deus: cum nascens humeris nostris tuæ legis iugū imponere nolueris, sed prior tibi imposueris, & illud triginta trium annorū spatio gesseris, sic ut illud dulcius & leuius effeceris. Quod iugum Dei filius humeris nostris primo imposuit, quod suis non imposuerit? *Iugum meum suauē est* inquit Iesus Christus, quoniam si ieiunia præcipiat, prior ieiunauit: si orationes, orauit: si condonationes, condonauit: si mortem, & mortem passus est: si amorem, amauit: sic ut si quādam potionem medicinalem nos haurire velit, illam in seipso prior expertus est. Notandum serio est, quod Iesus Christus suam legem non ligno, non petra, non plantis, non ferro comparet, sed iugo

iugo duntaxat. Ratio est, quod illa omnia ab vno solo gestari possint; sed non hoc quod dicimus iugum; opus est enim duobus. Secundum quod dixit Iesus Christus, *iugum meum suauē est*: quia ea hora & eo instanti quo Dei famulus caput demittit ad tollendum iugum, statim ab alia parte vt auxilio adsit, adest Iesus Christus. Quis ille quæso qui huc vsque bonum opus exercuit, cui non subuenerit Iesus Christus? *Iugum meum suauē est*: nullus enim me vocat, quin respondeam; nullus loquitur, quin aures præbeam; nullus se commendat, quine i suppetias ferā; nullus mihi gratis inseruit, immo nullus operatur quin operi intendam. *Iugum meum suauē est*, quando quidem lex quam electis meis confero, & iugum quod amicis meis impono magis ignoscat quam puniat, magis dissimulet quam accuset, magis terreat quam fatiget, magis consoletur quam oneret: quod si illud graue esse velim, gestanti tamen subuenio. O bone Iesu, ô animæ meæ delitiæ, quis à via aberrare timebit tali cum duce? Te Nauta, quis mare

E

trans-

transmeare dubitabit? Tæ vexillifero,
quis de victoria ambigat? Qui fieri po-
test quod graue sit iugum tuum, quan-
doquidem tu mihi & ego tibi affigar?
O amabilis lex, ô beatum iugum! ô be-
nè impensus & mercede plenus quem
pro te patimur, labor ô bone Iesu! nam
tu te non solum nostris laboribus ad-
futurum promittis; sed nos solos non
derelicturum asseris. non credis eum
qui in horto Gethsemani occurrit ijs
qui eum capturi veniebant, statim oc-
cursurum eis qui eius obsequio vacare
voluerint? Malorum iugum graue est,
& bonorum leue: nam in mundo pro
obsequijs nostris multo cum sudore
impensis merces non datur; in domo
Dei autem non bonorum nostrorū o-
perum tātum: sed & cogitationum no-
strarum mercedem recipimus. Moyses
Hebræis legem conferens dicere non
potuit, *iugum meum suauē est*, neque So-
lon Græcorum, neque Phoroneus
Aegyptiorum, neque pariter Numa
Pompilius Romanorum legis latores,
eò quod legibus suis multa scandalosa
& scriptis indigna apposuerint & adiun-
xerint

xerint. Cuius valoris esse poterat Mo-
 yſis iugum, quod in alienigenas vſu-
 ram, & repudiationis libellum, & ma-
 trimonij diuortium permittebat? Cu-
 ius & Phoronei, quandoquidem Aegy-
 ptijs & rapinas & furta concedebat? Cu-
 ius & Lyeurgi, homicidium non puni-
 ens? Cuius quoque Solonis Salaminij,
 adulterium diſſimulans? Cuius deni-
 que Numæ Pompilij, ſub quo licitum
 erat omnia quę harpagari poterāt rape-
 re? Iuga erant concedo, ſed grauia ad-
 modū iuga legesq; pernicioſæ: vitia e-
 nim diſſimulabant: atque hoc præte-
 xtu vitioſi homines tolerabantur. Sed
 Ieſu Chriſti lex ita in hoc quod con-
 cedit, recta eſt, & in hoc quod per-
 mittit pura, vt neque vitia, neque
 vitioſos patiatur, quia *lex Domini*
immaculata. (*Pſal.* 18.) Hebræi
 & Pagani, qui noſtram calumni-
 abantur legem, eam duritiei & aſperita-
 tis accuſantes, ſine ratione & cauſa id fe-
 cêre: vitia enim ſi quæ oriantur, non
 quod mala ſit lex oriuntur; ſed quod
 malè obſeruetur. Nunquam ad iuſti-
 tiâ tota mente aſpirâtibus Dei mandata

dura & aspera esse videntur : quia Iesu Christi iugum non est pro illis, qui se secundum suam opinionem & propriam voluntatem regunt; sed pro ijs qui rationi conformiter viuunt.

Quomodo examinandi sint qui in Monasterijs religionis habitum suscipiunt : & quomodo diuisiones & interstitia Arcæ Noë præsignarint religionis ordines in Ecclesia Catholica.

CAPVT SEXTVM.

FAc tibi arcam de lignis lauigatis : manſ-
unculas in arca facies, & bitumine limes
intrinsecus & extrinsecus, dicebat Deus
Noë (Genes. 6.) quasi diceret, Scias
velim si nescias amice mi Noë me ma-
lorum malis admodum indignari, dis-
plicere quæ mihi eos respiscere nolle.
decreui per vniuersum mundum gene-
rale diluuium immittere, quod malo-
rum nullus euadet, & in quo proborum
nullus peribit. Quoniam verò mea illa
est consuetudo, & ille iustitiæ meæ or-
do,

do, quod sine misericordia nunquam puniam, ideo volo vt ante omnia tibi arcam magnam in modum nauis construas, quo te & omnes qui tecum in me credunt, salues. . Hanc arcam construes eo quo tibi præcipio modo, ex lignis solidis, sanis & integris, quæ nullo modo putrescere possint, & ex tabulis & asseribus lauigatis vt melius per aquas diuagetur. Centum & vnus annorum spatio eam conficies, vt tanto tempore videam num peruersorum aliqui resipiscant, quibus misericordiam conferam. Etiam consulo charissime Noë, vt in arca quam ædificabis mansiones quasdam angustas facias in modum paruulorum cubiculorum, quas exterius interiusque bitumine solido & benè composito libras: sic vt tu & alij electi mei ibi nedū à naufragio, sed & à pluuiâ conseruemini. Rem ergo tangentes fratres amantissimi, hac figura docemur, & intelligere possumus quo in periculo sint qui in mundo viuunt, & quantum conferate eis Deus noster beneficium quos in Monasterium per mundi abnegationem condu-

xit, in quo velut alter Noe cum bonis nos saluare vult, nolens cum peruersis mundo nos immergi. Quid aliud est arca Noe in qua ipse cum tota sua familia saluatus fuit, nisi sancta & benedicta religio in quam quisque nostrum animam suam saluaturus secedit? Quid aliud innuit Deus dum Arcam tabulis & asseribus leuibus puris leuigatis, aptisque per aquas fluere & solido ligno quod non putrescit fieri imperat; nisi, nouitios quibus fundari & componi debet religio, Christianos integros ante omnia & obsequi Dei cupidos esse debere? Quid quaeso dum mansiones & Arcæ cubicula angusta & infirma esse vult, nisi eum qui in Monasterium religionis ergo venit debere inuitas delicias vitare, multamque libertatem? Quid aliud, dum arcam intrinsecus & extrinsecus bitumine linitam esse vult, nisi religiosum interius charitate ardere debere, & exterius humilitate praelucere? Quid similiter dum vnam portam & vnum egressum dantaxat in arca esse vult, & quidem eum demissum & exiguum

Ide,

valde, nisi in tota Monasterij congregatione vnicam esse debere voluntatem. quæ Prælati debet esse voluntas? Quid denique dum dicit vnumquemque mergendum qui in arca non reperietur, & omnes qui egredientur perituros, nisi quod Deus religiosum qui suam sequitur concupiscentiam, & qui Monasterio egreditur, vagari, immo in pericula & huius mundi ærumnas incidere patiatur? Porro si magnum sit illud quod contulit Noe Deus beneficium, eum è profundis abyssi gurgitibus quibus immerfi erant peruersi extrahens: nunquid quæso par est aut maius quod religioso quem è mundo ad eum saluandum educit confert beneficium Dominus Deus? In mercedem tanti beneficii construxit Noe altare lapideum, in quo de cunctis animalibus ei offerret. Quibus erudimur, debere nos qui huius mundi diluuiò liberati sumus, in religionis Arca non solum cor nostrum quo eum amamus, sed & omnia membra nostra quib⁹ ei interuimus, offerre.

✠ Notandum quoque est Deum non imperare Noe ut Arcam ex omni lignorum genere construat, sed ex illo solo quod ipsi assignarat. Quibus docet nos non omnibus personarum generibus religiones & Monasteria replere debere, sed homines immaculatos eligere, qui à Deo electi dici possint & ad sacrum eius vocati obsequium, non autem diaboli. Tunc ex ligno solido & non putrido construitur Arca, dum qui fideles Catholici sunt in illam commigrant, & qui mūdo corde sunt, qui omnibus membris sani & iudicio sunt: sic ut talium receptione adificetur mūdus, & promouetur religio. Filius Adæ fuit Cain sicut Abel: pependit in cruce malus latro, sicut bonus: Iudas Apostolus fuit, sicut S. Petrus: sed scimus quosdam sanctos fuisse, alios verò diabolos. Vnde concludere licet, non omnes qui habitum petunt isto dignos, neque omnes admissione qui religionem ingredi volunt. Non nisi è bono ligno construitur domus, non nisi bona chalice conficiuntur cultri, non nisi fructi-

fera

etiferae plantantur arbores, non nisi raræ & bonæ in horto voluptatis conferuntur plantæ . Nullus lubens nisi perito nauæ nauem committit: si secus enim quispiam ageret, neque per mare nauigare, neque à tempestatibus se tueri posset . Qui superbum quoddam & excellens vult ædificium erigere, prius de bono & profundo fundamento cogitat, quod duris & solidis lapidibus est repleturus; si enim aliter ageret, fortè domus in qua setutissimum arbitraretur rueret: & sic suæ domus & vitæ iacturam faceret. Hæc omnia fratres amantissimi dicimus ad Abbates, Prælatos & Monasteriorum Priores commendos vt feriò nouitiorum receptioni ante admissionem inuigilent: cum in hominum spiritualium qui religionem promoueant, non autem dissolutorum iuuenum, qui eam perdant & destruant receptione, omne religionis bonum consistat. **M**alum ouum, mala placenta: modicum fermenti totam massam corrumpit: putridus racemus alios putrefacit: ouis scabiosa totum inficit

E 5 gregem:

gregem : sic vel vnus peruersus nouitius totum Monasterium corruperit. A tempore quo infelix ille Iudas dignitate apostolica per apostasiam cecidit , Apostoli non habitum & apostolicum locum vlli conferre , neque quempiam alium suo collegio ascribere ausi sunt, donec S. Matthiam per Dominum confirmatum elegerunt. (*Act. 1.* Legimus Apostolos ad septem nouitios Diaconos admittendos non solum aliorum discipulorum voces collegisse , sed oēs vnanimiter orasse, vt eis reuclaret Dominus Deus, num eius consensu admitterentur , & num maiori decoraretur honore apostolicus cætus. (*Act. 6.*) In libro Iudicum (*Cap. 7.*) fit mentio quod ex triginta hominum millibus qui in Madianitas præliaturi conuenerant, trecenti duntaxat electi & ascripti fuerint, quorum nullus canum instar in terra aquam bibiturus genua flexit , sed erecti omnes illam manu hauriebant. Ab Aegypto amplius quam sexcenta animarum millia eduxit Deus , quas incolumes per alium maris rubri marginem

nem transire fecit ; sed ex tanto hominum numero solus Iosue & Caleb Dei gratia Iordanem pertransierunt. & terram promissionis ingressi sunt. Hisce notabilibus exemplis colligere possumus non omnes statim in religionem admittendos , qui sese offerunt : quoniam multi in ea se benè gesturos pollicentur , pauci tamen illic perfectè viuunt . Si in mundo nullus equum emere velit , quin eum prius expertus fuerit , neque vinum , nisi prius gustatum , neque pannum , nisi prius visum , neque vllam nisi prius inspectam dactylothecam , neque vllum nisi manibus admotum pharmacum : rectè ne ageret Prælatus si nouitium antea non benè examinatum admitteret. **N** Prælatus qui inconsideratè eos qui è mundo veniunt admittit, seipsum decipit , suoque male fungitur officio, & nouitio quem acceptat obest : Monasterio enim est inidoneus , religiosis scandalo , eis malum adiungens consortium : immo, quod peius est, Monasterium suum

corrumpit , dum in eo malum adeo fructum plantat. Decipior, si certo quodam loco bonos quosdam & pacificos vicinos, cuiusdam domus vicinæ reditum soluere non viderim , non aliam ob causam nisi vt mali vicini viciniam fugerent , se aliquid in bonis iacturæ pati malle dicentes, quam quendam litigiosum in viciniam asciscere. Hæc in sua regula profert verba S. Basilii: Nolumus sine Conuentus licentia Prelatum nouitium admittere, & si præiudicio facto diligenti examine dignus acceptatione videatur, debent omnes Deum orare , vt ab inceptis non desistat nouitius, sed promissis stet . Merito certè ita serio nouitiorum receptionem Prelatis commendabat S. Basilii, quoniam omnium maximum quod Monasterio inferre potest detrimentum Prelatus, est religiosis malum adiungere consortium , & in religionem hominem quicquam pordet & destruet inducere.

Quod

*Q1 0^o ad seruiendum Deo in Monasterijs non
sunt acceptandi ij qui in mundo ab-
iectissimi sunt.*

CAPVT SEPTIMVM.

Sapiens & prudens Prælatus videre
debet vt omnes qui habitum sus-
cepturi in Monasterium veniunt, à spi-
ritu S. ncto conducti veniant. **1** quos-
dam enim eò properare videmus ob
quandam in mundo commissam in-
famiam, **2** alios ob egestatem **3** quosdam
ad graue quoddam vitandum suppli-
cium **4** alios ob quosdam corporis
defectus **5** reliquos denique ob simpli-
citatem vel inhabilitatem conuersatio-
nis cum mundo. Tales non possumus
charitate motos venire dicere, sed qua-
dam necessitate coactos; non enim
mundum dereliquerunt, sed dereli-
quit eos mundus. Prælatus, qui Domini **7**
Dei loco est, non debet tolerare Religi-
onem esse sterquilinum an purgamen-
tum mundi: mundus enim potius reli-
gionis debet esse sterquilinum: quod
tamen patitur, cum in Monasterium

admittit eos qui mundo nō sunt digni, quos in mundum remittere deberet, cum Monasterio inidonei sint. In antiqua lege neque monstruosi, neque gulosi, neque claudi, neque lippi ad templi obsequium admittebantur. vnde coligere possumus nouitios mundo egredientes & in religionem venientes debere diligenter examinari, & esse magnam in eos adhibendam cautelam, vt appareat quis sit eorum in Monasterij ingressu animus. ¶ Non enim in Dei obsequium admittendus est ille, qui in eo se probare tantummodo vult; sed qui cogitat, & in eo perseverare decreuit. Multi parentes pro filijs, & filiabus importuni sunt, vt scilicet in Monasterium admittantur: quidam quia dote, quam eis in matrimonium conferant, carent, quidam verò quia sumtibus sustentationis. Sic, vt si mundo adhiberetur fides, religionis domus quæ ad saluandas animas ab Ecclesia ordinatæ sunt, prouisionum domus pro mundanis fierent. Porro qui hoc faceret vel permetteret Prælati, non verus pater, sed vitricus foret: non reformator, sed
dissi-

diffipator : quandoquidē in religionis
domū non quos elegit Deus ; sed quos
ei offert mundus conducere auderet.
Debet omni diligētia eorū qui ē mūdo
in religionē veniunt capacitarē exami-
nare : imprimis scire nū in orationibus
feruidi sint, nū laboribus sustinendis i-
doner: post religionis ingressū siquidē si
pietate careant, in viros dissolutos eua-
dū: si infirmi & debiles, tandem ordini
inutiles sunt. Quādoq; pietate moti no-
uitios acceptāt Prælati, quādoq; impor-
tunitate coacti, qui sciētia qua cōcionē-
tar, carent, & deuotione qua orent, &
virtute qua laborent, & iudicio quo se
regant . Quorum receptione multæ
postea oriuntur molestiæ & multa in
Monasterio scandala . Diligens & cu-
riosus sartor prius creta pannum sig-
nat, & manu metitur, quam scindat, &
forcipem apponat. Cuius exemplo de-
bet Prælatus diligenter examinare &
pulsū eorum qui ē mundo habitum
suscepturi in Monasteriū veniūt palpa-
re, vt sciat nū à Deo vocati, vel à mūdo
eiecti veniant: tali enim casu nō deceret
Monasteria farinæ fursurē suscipere, &
fari-

farinam in mundo remanere. **I** Narrat Abbas Cassianus eremi Scythiæ Monachos non statim secularibus habitum postulantibus dare solitos; sed quod eos retinebant, & in porta subsistere iuebant, ubi eos verbis iniuriis afficiebant, & rigidè excipiebant; ut dignoscerent num animo & spiritu perseverantiæ & laborum suscipiendorum intentione venirent. **I**n collationibus Patrum de receptione novitiorum agens dicebat Abbas Panutius: Caueat Abbas eos qui in monasterium veniunt admittere, priusquam verbis duris & asperis audiendis, & laboribus assuescere eos fecerit; quibus dignoscere postmodum facile erit, num eadem sint futura opera, qualia tunc erant verba. **I**n libro solitariae vitæ legitur moris apud Palestinæ Monachos fuisse, eum qui è mūdo in Monasterium veniebat, vno anno in porta collocare, & rursum in habitu novitiatus trib. annis, ut quatuor illorū annorū spatio experiretur novitius, nū Monachorū illic residentiū more vivere posset, si admissione dign⁹ reperiretur. **I**n duobus hominum generibus

bus suū Monasteriū replere debet Præ-
latus, doctis & prudētibus scilicet viris,
& simplicibus & robustis; doctos &
prudentes in ordinis regimē assumet;
simplices ad subeundos labores. Dū di-
cimus quosdā simplices in religionē ad-
mittendos, intelligimus simplices dul-
ces, discretos, & colūminos, sic vt quid
promittant norint, & mādāta obseruēt.
Præcipue cauere debet Prælatus, ne
quēquam admittat qui simplicitatis &
sinceritatis prætextu malitia compensat
discretionis defectum. Male facit Præ-
latus omnino simplicē & planē hebetē
admittēdo, qui fortē à parētibus in Mo-
nasterium nō vt Deo facilius inferuiat,
sed vt illo liberētur adduct⁹ est. Turpi-
ter falluntur qui Monasteriū fratribus
simplicibus & hebetibus complent, ita
quippe magnę & vehementes Monaste-
riorū sunt asperitates, & adeo frequētes
diaboli tentationes, vt nisi maxima de-
uotionis vi & pura dīrēctione tolerari
nequeāt. Religiosus qui deuotione ca-
ret, diu in Monasterio perseverare non
potest, vel si perseveret, ad ordinē per-
turbandū perseverabit, nihil siquidē re-
ligio-

ligionis pernicioſius eſt homine ſtulto
malitia referto. Redarguendi quoque
ſunt religioſi qui ſine ratione & impor-
tunè Prælatos rogant vt nouitios ſibi
ſiſ affines vel conſanguineos admittât,
quos ad religionem inducere volunt,
non ad animas eorum ſaluandas, ſed ad
expectandum ab eis obſequium. *Va qui
adificat in ſanguinibus*, dicebat Propheta
Habac. 2. Et Mich. 3. quaſi diceret, *Va*
vobis paſtoribus qui oues meas & gre-
ges paſcitis, vobis inquam qui vine-
am Eccleſiæ meæ non ex electis meis,
ſed veſtris parentibus & amicis planta-
re vultis. Grauitèr fallitur Prælatuſ,
magnoquè ſe exponit periculo, qui re-
ligionis habitum amici ſui filio dat, vel
cuiuſdam religioſi nepoti, quem, etſi in
Nouitiatu malè ſe habeat, nō idèd ex-
cludit à Profeſſione: neque poſt hanc,
vitioſum & incorrigibilem monaſte-
rio eiſcit, ſuam conſcientiam dede-
cori alterius poſtponens. Proſecto dum
conſanguineum vel nepotem quem pi-
am in in Monafterium aſcribi cupit re-
ligioſus, non à minima diaboli tentati-
one tentatur: quia dum illius leuitates
excu-

excusare conatur, & ei quandam procurare libertatem, omnibus obmurmurandi ansam præbebit, immo & frequenter propter ipsum in Prælatum insurget.

De conditionibus quæ requiruntur in ijs qui alios in Religione docturi sunt.

CAPVT OCTAVVM.

FECIT Ioas rectum coram Domino cunctis diebus quibus docuit eum Ioiada Sacerdos: & quadraginta annis regnavit in Ierusalem. Hæc verba habentur in libris Regum: (4. Reg. 12.) quibus declaratur quod Rex Ioas filius Reginae Sebia, quadraginta annorum spatio in Hierusalem regnarit, & quod duntaxat rexerit, siue rectè imperarit ac egerit quanto tempore sacerdos Ioida eius fuit magister & rector. ¶ Dicit Quintus Curtius quod eo tempore quo Olympias Regina magnū Alexandrū peperit, his verbis pater eius Philipp. Rex Aristoteli Philosopho scripserit, Philip. magna Græciæ Rex, & totius Asiæ dominus, tibi Aristot. Philosoph. salutē, & p
ma-

magnos Deos consolationem. Vxor
mea Olympias tua domina & magistra,
partus periculo euasit, & Principem ta-
lem qualem desiderabat Asia peperit:
ideoque Dijs gratias immortales ago,
quod te superstiti illū mihi donarint.
certo enim scio, illum maiori decoran-
dum honore & gloria, quod te Pæda-
gogum & magistrum habiturus sit,
quam quod meus sit dicendus filius. In
Apostolorū Actibus cap. 22. gloriatur
S. Paulus se ex tribu Hebræorum esse,
sequē in Tarso Ciliciæ natum, se ma-
gnum Gamalielem in lege benè peri-
tum, in patriæ consuetudinibus exper-
tissimum magistrum habuisse. Laudat
magnum Pythagoram in suo Biblio-
rum prologo S. Hieronymus, quod in
antiquam Mempheos Academiam o-
peram studijs nauaturus profectus sit,
& quod pro Pædagogis diuinos illos
Memphiticos habuerit, ex quibus elo-
quentiæ artem & philosophandi formā
didicerat. In eodem prologo laudat
quoque famosum illum & diuinū Pla-
tonem, qui in summo periculo à tem-
pore quo ē patria profectus erat, & Ae-
gyptum

gyptum & Siciliam per mare per terras
peragrarit, vt peregrinus Philosophi
Architæ discipulus fieret potius quam
in propria Academia magister. **M**irum
in modum pariter Apollonium Tianeū
laudat, qui Asiæ regna penetrauit, do-
nec ad Indiæ vltimos fines pertigisset,
non aliam ob causam, quam vt istius
famosi Philosophi Hiarchæ, quem in
throno aureo sedētem reperit, discipu-
lus fieret, qui de motibus celi tractabat,
& cum discipulis disputabat. **O**b tria
Dijs gratias agebat Agathocles quon-
dam Sicyoniorum Rex, scilicet 1. quod
se hominem fecissent 2. & quod homi-
nem doctum 3. quodq; magistrum Chi-
lonem Philosophum præbuisent, qui
tanti fuit consilij, vt quamdiu eius late-
ri adhæsit, nulla ceciderit victoria, ne-
que vlla ei inobediens fuerit Respubli-
ca. **A**d rem ergo redeuntēs fratres amā-
tissimi, hæc ante oculos exempla & cō-
silia proponere volui, vt per ea cognos-
catis, & nos ipsi cognoscamus quam
necessarium sit bonos & probos ma-
gistros quærere, qui nouitios strictā suæ
religionis regulam quam Deo vouere,
& cæ-

& cæremonias quas in ordine obseruare debent doceat. ¶ Philosophus qui Roma in Asiã, & ex Asia in Indiam proficiscebatur non aliam ob causam nisi vt Philosophiã addisceret id laboris subibat: qui autem è mundo in religionem venit, non nisi ad salutem quærendam, non autem ad philosophandum venire debet. Ideoque æquum est vt ei magister & pædagogus sufficiens tradatur, qui viam salutis eum doceat, & laborum reperiendorum admoneat. ¶ Qui è mundo in religionem veniunt similes sunt tabulæ nudæ, non nihil planæ velut ceræ mollis. His similitudinibus inferre volo, illum non posse Nouitiorum esse peritum magistrum, qui periti magistri discipulus non fuit; quod enim ad modum agendi & religionis perfectionem attinet, non est lectoris & auditoris tantum illa rectè docere, sed illius qui in se expertus est. ¶ Si forsitan in Monasterio quidam equus sit claudus, tradetne eum curandum quæso equario medico ignaro Prælatus? Si ita fit, quemadmodum verè est, quod periti magistri manibus equum committat, qua conscientia suum innocentem Noui-

Nouitium imperiti magistri & nō probati manibus cōmittere. Si nullus panno suo fidat neque patiatur quemquam togæ forcipem apponere nisi sartorem suæ artis expertissimum, quomodo tu Prælate Nouitium iā iā è mundo venientem dissolutissimi & perditissimi religiosi directioni audebis cōmittere? Qui aliquam habet domum caducā, & pluuiæ expositam, non imperitum quærit artificem qui regulas magis frangat, sed qui pluuiæ impedimentum & remediū adferat. Quibus monemur, religiosum qui alios docere debet, ita probum esse debere, vt ei non sufficiat eos verbis docere, sed & suis operibus ædificare.

† Cum Patriarcha Ioseph Iacob patrē suū cū vñdecim fratribus in egyptū vocauit quā artē exerceat Pharaon rogauit: responderunt se greges seruare & in cāpis habitare solitos. (Genes. 47.) Tunc dixit Rex Iosepho. Si nosti in q̄s esse viros industrios, cōstitue illos magistros pecorū meorū, quasi clarius diceret: In pratis meis magnos habeo greges bouum, caprarum, ouium: si ergo è fratribus tuis quidam sint industrij & in seruandis gregibus

gibus experti, meorum gregum curam
 eis committas volo. Hic maturè notan-
 dum est, nec leuiter prætereundum. Re-
 gem Pharaonem non cuius fratrum
 Ioseph gregum suorum curam imponi
 voluisse, sed ijs solum qui boni pastores
 erant. Vnde concludere possumus iu-
 uenum curam non nisi honestis, & in
 religione benè versatis, & expertissimis
 viris committendam. Pharaon Rex suas
 oues & capras non nisi perito & labo-
 rioso pastori committere vult, tu verò
 Prælate educandos Nouitios tuos mi-
 nus in religione probatis, immo fortas-
 se maximè temerarijs committes? Non
 sine mysterio eis Pharaon gregum suo-
 rum curam non committit, eo quod fi-
 lij Iacob essent, vel quod sui magni fa-
 muli & amici Ioseph fratres essent; sed
 quod in ista arte benè versati isto offi-
 cio digni essent. Hinc sciendum Præla-
 tum non maxime pio Nouitiorum cu-
 ram committere debere, sed ei quem
 totius Monasterij maxime solitarium,
 honestissimum, & probissimum noue-
 rit. Indiscrete Monasteriorum officia
 dispensare, non esse peccatum non di-
 cimus;

n. otandissimum notandissimum

cimus; sed insuper afferimus, quod indignum, Prælatum siue magistrum eligere, non solum sit peccatum, sed sacrilegium: quoniam omnibus alijs Monasterij officarijs, clauium & portarum s. la cura est, sed Prælato & Magistro animarum. In secundo libri Danielis capite aperte recitatur Regis Nabuchodonosor terribile & horrendum somnium, quod nemo intelligere neque interpretari præter Danielem Prophetam potuit, qui in tanti obsequij mercedem à Rege omnium Prouinciarum moderator, & omnium Doctorum illic residentium magister est constitutus. Hic notandum est quod Dominus hanc gratiam Prophetæ Danieli idè contulerit, quod in regio palatio educatus, sapius alijs gallinas & capones comedentibus, herbas & legumina comederet, & alijs vinum bibentibus aquam ille biberet: ita vt quoniam omnium maximè sobrius erat, ideo magistrorum magister factus sit. Hocce notabili exemplo docentur Prælati non debere educandos & informandos in Monasterio Nouitios vlli committere,

nisi ei qui omnium optime viuit, & qui
 virtute abſtinentiæ cæteris præluceat. In
 ſua antiqua Regula dicebat S. Baſilius:
 A Domini noſtri diſcipulis dici audiui-
 mus, quod religioſus qui in Monaſte-
 riũ habitũ ſuſcepturus venit, adeo ſin-
 ceræ debeat eſſe vitæ, vt Monachus re-
 center factus debeat magiſter eligi, &
 Nouit. magiſter Abbas. Secũdũ hæc di-
 ctum eſt quoq; in vitæ ſolitariæ libro,
 tunc benè ordinatũ eſſe Monaſterium
 cũ Abbas Religioſ. doctiſſimus & pru-
 dentiſſimus eligitur: Nouit. magiſter,
 omniũ reformatiſſimus: omniũ dulciſ-
 ſimus, ianitor: honeſtiſſimus, qui extra
 domũ negotietur: maxime caritatiuus,
 qui ægris inferuiat. Ioannes Climachus
 Abbas inquit, q. in Monachorũ Aegyp-
 ti cõgr. omniũ præcipuus eligere t̃ No-
 uitiorũ Magiſter, ab hoc ſecundus Ab-
 bas, poſtea ianitor, & omniũ hone-
 ſtiſſimo dom⁹ negotia cõmittebantur.
 S. Hier. cui dā Monacho qui vocabatur
 Rultic⁹ ſcribēs, hoc modo dicit: Si ma-
 giſtrum meũ & aliorũ Monachorũ hac
 in eremo reſidentium noſſe deſideres,
 ſcias Rogerum Abbatē fuiſſe, hominẽ
 condi-

conditione sua benignū valde, consilio
doctum & valdè prudentē, annis anti-
quum, sobriū, vigilem & taciturnum,
valdè pium, & in disciplinis suscipien-
dis asperrimum, deniq; admodū obe-
dientē, & continuò in charitate se exer-
cētem. Porro secundū huius sancti viri
consiliū, debet Nouit. magister admo-
dū reformatus esse, & in suis perfecti-
onibus integer; dedeceret enim illum
dissolutū discipulū redarguere, si ab a-
lia parte ille per Monasteriū sæpius dis-
currere videretur! Dū incessū paruulos
suos docēt matres, neq; ab eis oculos a-
uertūt, neq; manus, vt intelligamus bo-
ni magistri officiū esse, sēper omnibus
in rebus discipulis adesse, tā in cubicu-
lis dū student, q̄ in officijs dū operātur.
Nō temerè diximus Nouit. magistrum
non solum debere esse reformatū, sed
& in suis perfectionibus integrū & cō-
templatiuum: nam maximè pietas & o-
ratio in religione necessariæ sūt: ideōq;
si pius est magister, suos discipulos in pi-
etate fouebit, si hac in parte remissus &
piger, suos pigros reddet discipulos! In
libro vite solitarię legit de Abbate Se-
rapione, q̄ 46. annorū spatio quo in re-

ligionē Nouitios docuit, nunquam e-
um Nouitius in tugurio repererit quin
viminum corbes conficeret, vel lachri-
mas effunderet, vel sacras scripturas le-
geret. Ille qui tali est alijs exemplo qua-
li fuit bonus ille senex, & qui tantis sa-
cris exercitijs se totum mancipat, non
solum Nouitios docere meretur, sed &
omnium sanctorum Monasterij magi-
ster fieri: adeò longinquā enim in lecti-
one, & in oratione perseveratio, & la-
boris assiduitas non nisi ab heroico o-
riebatur animo, & à viro maximè ap-
probato.

*Quid suos Nouitios Magistri docere debe-
ant, figuris notabilibus mani-
festatur.*

CAPVT NONVM.

DEbet insuper iuuenum magister
homo maturus, & sedatus esse reli-
giosus, quia in studijs & Academia A-
theniensi docebant Philosophi suos
discipulos eloquentiam & subtiles dis-
putationes; sed in scholis & Iesu Christi
Mo-

Monasterijs non debent magistri suos
discipulos disputationes, sed bonas a-
ctiones, non facundiam linguæ, sed ta-
curnitatem docere. ¶ Primus magister
& primus religionis Christianæ discipuli
fuerunt Iesus Christus & Apostoli: de
quo priori bono magistro dicitur,
quod prius fecerit quam docuerit, nā
hominum animi remissi, potius operi-
bus quæ vident persuadentur, quam
verbis quæ audiunt. ¶ Religiosus qui in
religione aliud dicit, & aliud agit; non
est prædicator sed præuicator; non
docet, sed scandalizat: non est bono ex-
emplo, sed scandalo; non plantat, sed
eradicat; nō ædificat, sed destruit. ¶ Quia
otium maximè animæ est inimicum, &
quod inter religiosos nullius debet esse
fidei, ideo credibile est iuuenem Noui-
tium, Magistrum per Monasterium va-
gare videntem, non libenter manum
operi admoturum: quia magistrorum
nostrorum magis actiones imitari de-
bemus, quam eorum verba memoria
nostræ infigere. Prouideat quoque No-
uitijs de necessarijs oportet Nouitio-
rum magister: scilicet vestitu si nudi

sint & laceri, cibo si debiles, & præcipue sanitati si ægri sint: non enim honestū esset eos similia rogare, ecōtra crudele esset eis ista nō dare. In libro doctrinæ Nouit. dicit S. Bonauentura, q̄ Nouitiorum magister in eos se gerere debeat sicuti pater in filios, eos educando, sicuti mater eos recreando, sicuti frater eos corroborando, sicuti magister eos docendo, sicuti rector eos corrigendo, sicuti Dux eos conducendo, sicuti gubernator eos defendendo. In libro doctrinæ religiosorū dicitur, immo as-
 ritur, q̄ Monasterij magister teneatur discipulū suū attētionem in choro docere, in altari pietatē, in oratorio contēplationem, in refectorio honestatē, inter socios pacē & taciturnitatē, inter laboriosos labores, in cubiculo occupationes, in egros charitatem, & in omni loco mortificationem. In vita Patrum fit mentio, quod Abbas Arsenius cuidam religioso quendā Nouit. cōmiserit: rogauit religiosus, quomodo in illū Nouit. se gereret, dixit sanctus senex, q̄ in ipsū se eodē modo gereret q̄ capitaneus in milite, & nauta in nauē, tutor in pupilum.

lum, dux in viā. Debes insuper inquit Nouitij recēter mundo egredientis curā gerere, ei ceremonias mōstrando, eū in laboribus consolando, in tentationibus confortādo, in excessibus corrigēdo, & prācipue vt videat ad quid teneatur, nec quid deseruerit curet. O qui felix ille magister esset, qui cū Propheta dicere posset. (*Pf. 116.*) *Particeps omniū timentiu te*, hoc est particeps sū Domine omniū in religione tibi obsequentiu, & omniū te mea doctrina sequentiū: q̄ verē dicere poterit, si integre in suos Nouitios officio fūctus fuerit suo, & hi tales euaserint, quales debent. Sed contrarium omnino magistro accidet qui negligētia aut suo malo exemplo, Monasterio Nouitium egredi compulerit, & in perditione & dissolutione eū viuere fecerit: q̄ in extremo die iudicij corā Deo strictissimā redditurus est de eo rationē. Nō sufficit si graues in suos Nouitios se exhibeāt magistri, sed religioni fideles debēt esse, Prælatis Nouit. cōditiones & inclinationes declarātes, vt ex relatione sciat Prelatus, nū sint admittēdi, vel reijciēdi. Debent & huiusmodi magistri tēpore q̄ suos discipulos

examinant videre, ne in discipulos suos se cholericos vel nimium amicos exhibeant: sed Deum ante oculos sibi proponentes maturo iudicio quod dicendum dicant, non autem quod sensualitas dicat. homo nihili, immo & nequam & proditor Nouitiorum magister dici potest, qui ex affectu amoris, aut odij Nouitium laudat vel accusat: eum dissolutum dicens qui verè probus est, & eum probum cui nulla virtutis apparentia est. *Væ qui dicitis malum bonum, & bonum malum*, dicebat Deus per Prophetam Isaiam, (Cap 5.) quasi diceret: *Væ vobis magistris & religiosi qui malum loco boni probatis, & bonum pro malo condemnatis, non cum iudicio & ratione, sed cum affectu consules.* ¶ Quod hic magistris dicimus, omnibus religiosi pariter dicimus, ut cum prudentia & maturo iudicio iudicent num retinendus aut dimittendus sit Nouitius. si enim malus sit Nouitius, ordinem produnt eum admittendo; si verò bonus, magnum patrât peccatum si eum dimittant. Maledictus Iudas, pessimus fuit Nouitius, qui

q̄ etsi necdū in Monasterio & Iesu Christi Collegio professus esset, nihilominus summus ille creator & benignus redemptor noster illum tolerabat, de die in diem conditionis commutationem expectans vt mereretur profiteri; sed miser & infortunatus antequam reiperetur in apostasiam incidit, & nemine eum persequente desperauit. In primo regni & Saulis Regis nouitiatus anno, flēte Propheta Samuele eo quod eum amaret, & quod eum Regem vnxisset, semiiratus dixit Dominus, (1. Re. 16.) *Vsq̄ue quotu luges Saul cum ego proiecerim eum ne regnet super Israel*; quasi diceret Cur dic quasō mihi Samuel tamdiu flēs & luges, quod discipulo tuo Sauli habitum abstulerim, & Monasterio elecerim, quando quidem mādatis meis obedire noluerit, nec consilijs tuis fidem adhibere? Ex me scias volo nihil esse sanum nisi quod sano; nihil iustum, nisi quod approbo; nihil electum, nisi quod volo; nihil eternum, nisi illud cui manum appono. Si discipulum tuum Saulem deslere velis, ne illum deiectum desleas, sed quod illum hoc mereri

reris scias: quoniam inter aduersa quæ
 hominibus accidunt, non bonū cuius
 iacturā faciunt descendū est, sed culpa
 propter quā illius iactura fit descendenda est.
 12 Omnino hisce superioribus contrariū
 in conuersione & electione Apostoli S.
 Pauli accidit; (Acto. 9.) cū enim Anani-
 am discipulum suum Christiani habitū
 Saulo (qui postea dictus est Paulus) cō-
 ferre vellet Dominus Deus, dixit ille
 Domino, Domine audiui à multis de viro
boc, quanta mala fecerit sanctis tuis in Iera-
salē, quasi diceret: Domine Deus Israel,
 quid mihi iniungas vide, & quid mihi
 præcipias aduerte: vis enim per me Sa-
 lē in nouitiatum admitti, & Christiani
 habitū ei tradi, scias velim huic ab Iero-
 solymitanis gubernatoribus mandatū
 esse, vt omnes qui in nomē Iesu Christi in-
 uocant, & qui baptizati sunt rapiat &
 male excipiat, ideoque multi fugerūt dis-
 cipuli, qui nūc per Sinagogas rigide ex-
 cipiuntur. Responso Ananiæ subiunxit
 Dominus, *Vade quoniā vas electionis est mi-*
hi iste, quasi diceret: Siue Hebræus sit
 Paulus, siue tuus inimicus, volo illū à te
 Christianū fieri, vt in Apostolico resi-
 deat

deat collegio, quia inter electos meos,
vas electissimū est, in q̄ omnia coelorum
secreta condere statuit. Hæc sunt fratres
amatissimi duo notabilia exēpla, quorum
cūctis diebus meminisse debet bonire-
ligiosi, dū Monasteriorū Nouitios exa-
minant, vt hac in parte illuminetur, ne
cū Samuele Saulē defēdant, & ne cū A-
nania Paulū reijciant. Hic omittere no-
lo vitium quod in Monasterijs patratu-
re de more, quod præsertim magistros
tangit, qui se vsque adeo benignos &
cholicos in Nouit. cuius gerunt curā
exhibent, vt si eorum gratiam non i-
merit, nō cessēt donec eijciatur: si verō
inierit, non altū dormiant, donec de il-
lius admissione certi sint, sic vt ab opi-
nionē magistri bona vel mala depēdeat
Nouitius. Nō minus quoq; redarguēdi
sunt Prælati, iuuenū Nouit. curam iu-
ueni religioso ipsis simili committētes,
qui cum suis Nouitijs quasi paruulis
pueris ridet & cachinatur, & quod gra-
ui⁹ est, qui eos nō vt magister docet, sed
eorum tamquā famulorum opera vtiur.
Vt ergo concludantur quæ dicta sunt;
nunquā religiosus Nouitiorū magister

ridens appareat, sed flens; nunquam otiosus, sed laborans; nunquam loquax, sed taciturnus; nō vagus, sed continēs; non molestus, sed dulcis; non vorax, sed sobrius; non inuidus, sed charitate præditus; non piger & remissus, sed pius.

*Qui Domino inservire solunt magno opus
ijus est animo, vna hoc libri Levitici
figura probatur.*

CAPVT DECIMVM.

Homo qui immolat vitulum coram Domino, offerent sacerdotes sanguinem eius fundentes per altaris circuitum: detrahetque pelle hostiæ artus in frustra concidet, inquit Dominus (Leuit. II.) quasi diceret: Si Israelitarū quispiam cupiat Domino vitulum offerre, eum ad ostium tabernaculi mactabūt sacerdotes, & sanguinem prope altare effundent, eundem omnino excoriabunt: ex carne eius multæ abscinduntur partes, quæ ligno accenso appositæ comburentur. Si hoc mysterium mature ritè velimus speculari,

lari, videre erit Dominum multa in sacrificio præcepisse vt illud ipsi gratum esset. Primò fieri debebat sacrificium ex vitulo bono, sano, immaculato, iugulato, denique exusto ¶ Porro hic sciendum est quod insipienter admodum ageret nauta si vela tenderet, & terminum ad quem tenderet ignoraret ⁊ Si Capitaneus exercitum duceret, in quos decertaret nesciens ¶ Si peregrinaretur peregrinus, nec quo tenderet sciret, & si quis statum mutaret, & alium sumeret habitum, nesciens cur mundum deferat, curue religiosus fiat ¶ nostræ enim vitæ meritum vel demeritum non in operibus quæ facimus consistit, sed in fine & intentione propter quam facimus ¶ Non sine causa magnus ille Propheta David dicit (*Psal. 118.*) *Vtinam dirigantur via mee* ꝑ nec sine mysterio suadet Isaias ne in vijs nostris ambulemus, impossibile est namque quin in istis deflectamus, & nos ipsos condēnemus, quoniam tot viæ sunt quot vitia 7 Dicit in quadam epistola Seneca, Ne fidas amice, Lucili mūdo adeò male conditionato, qui etsi nos defunctos

quadam sollicitudine dormire permit-
 tit, cum alia noua tamē excitat: alteri
 assignat q̄ primò nobis tradiderat. Ro-
 gāte Imperatore Traiano Plutarchum
 magistrū suū, cur plures in mundo per-
 uersi essent quā boni, dixit: excellentis-
 sime Princeps, q̄ tū à natura corrupta
 magis ad malū quam bonum proclives
 sumus; tum quod homines homines
 sequantur, non autem ratio rationem.
 Tu qui è mundo venis, tu inquam qui
 ad Monasterium properas, cur quāso
 habitum mutare vis? Si quid sit religio-
 sus, ignoras: si quid suscipias nescis, cur
 suscipis? si quid relinquant nescis, cur re-
 linquis? Putas religionis perfectionem
 consistere in hoc, quod alias vestes pre-
 tiosas tuleris, nunc verò habitū religiōsi
 geras? In hoc, q̄ alias homo dicereris,
 nunc verò Monachus? Quod ante pro-
 pria habitares in domo nunc verò in
 Monasterio resideas? In hoc, quod eum
 cui inserviebas dominum vocares, nūc
 verò Abbatē aut Priorem vocare com-
 pellaris? Toto cœlo à via aberras si hac
 intentione & cogitatione in Monaste-
 rium venias: nā tuæ saluationis siquid ē
 bonum

bonum, non in nominis mutatione vel
veterum habituū desertione, sed in no-
ua vita cōsistit. Dū religiosus diceris, dū
Monasterio includeris, dum nigrum
aut album habitum geris, dum Mona-
sterio in mundum reuersurus amplius
non egrederis, facile tibi male agen-
di occasiones auferētur: sed illa nō suf-
ficiunt vt sanctus & perfectus reddaris:
si enim cū istiusmodi rebus in proximū
nō sis humilis, Præfato obediēs, laborū
patiēs, corpus in Monast. benè reclusus
castigans, in orationibus pius, in fratrē
charitate vtens, cur dic quæso mihi in
illum locū è mundo migrasti? O frater
qui in religionem venis, cogites oport-
et te non solū venisse vt Domino bona
offerres & sacrificares, sed & animam:
nec solum animam, sed etiam corpus:
nec tantum corpus, sed corpus & vitā:
nec solum vitā, sed honorē similiter, sic
vt cum Apostolo (Gal. 2.) dicere possis,
*Viuo iā nō ego: viuit verò in me Christus qui
tradidit semetipsū pro me.* Dū in mūdo e-
ramus maximum quod Deo offereba-
mus sacrificium hoc erat, nepe Eccle-
sia frequentatio, munitio sanctę crucis,
genuflexio, aquæ benedictæ sumptio.

eleemofinæ erogatio ; ſed hic in religione debes frater manus ad laborandum offerre , oculos ad plorandum , corpus ad ieiunandum , os ad orandū , cor ad amandum . Dum in mundo eras , Deo decimas , primitias & oblationes , & alia ſimilia offerebas ; ſed hic in religione debes teipſum offerre , qui pretioſiores omnibus alijs rebus : maius enim ſacrificium Deo offerri non poteſt proprio corde . Ad rem ergo redeuntes , in hac ſuperiori figura præcipit Dominus vt animal quod ei offerendum erat vitulus maſculus foret , & qui illud offerret vir eſſe non puer , & illud animal debebat ſanum eſſe & integrum ſine vlla imperfectione . Quibus innuit religionem viros examina-
tos aut ſuis voluptatibus addictos non expetere , ſed homines fortes & robuſtos , ad labores Monafterij ſuſtinentes , & animoſos & probos ad diaboli tentationes ferendas . Si ad docendum alios peritiſſimus eligatur magiſter , ſi ad nauigandum expertiſſimus nauta , ſi ad pugnandum animoſiſſimus , ſi ad proficiſcendum & currendum leviſſimus ,

mus, ac velocissimus, cur ad religionē
suscipiendā inhabilissimus & imper-
fectissimus assumatur. Profecto ad per-
fectionis culmen pertingendum, & ad
labores Monasterij sustinendos opus
est corpore robusto & forti & recto &
constanti animo. Vnde concludere
possumus paucos esse religioni idone-
os, quamuis omnes & singuli particu-
lariter Christianitati idonei sint. Porro
si benè illam figuram intelligere veli-
mus, sciendum est, quod Deus dum a-
nimal quod ei offerimus robustum es-
se vult, nihil aliud insinuet quam No-
uitium in religionem admittendum
debere esse virum: si enim puer sit vel
iuuenis valde, debet magister tem-
pus quod eius doctrinæ erat impendē-
dum, enutritioni & educationi impen-
dere, vt noscat iuuenis ille quomodo
obseruanda sint ieiunia, quomodo pro
matutinis & pro primâ inter primos sit
surgendum, quomodo domus verren-
da, quomodo paranda culina, quomo-
do Nosocomio inseruiendum, & quo-
modo omnia in obedientia facienda.
Dic quæso mihi suntne à pueris & iu-
uenibus.

uenibus isti labores sustinendi? Nunquid ad robustos & benè sanos Monachos isti labores spectant? Nihilominus verbis nostris omnino cōtrariū quibūdā in Monasterijs dissolutis fit, in quibus Prælati quosdam adhuc pueros & alios senes & debiles admittunt, vnde post receptionem maximam temporis partem iuuenum educationi, ægrorum sollicitæ curationi, & senum recreationi & consolationi impêdere coguntur: æquissimum enim est religiosos qui in religione senes euaserunt, & in morbum inciderunt, tolerare, & sollicitè curare vt restituantur sanitati, si fieri possit: sed quando quidē satis multi suppetunt qui prouectæ ætatis sint, cur quæso Monasteria iuuenibus qui nutriendi sunt & debilib⁹ qui tolerādi sunt replēt Prælati? Iesus Christus Deus noster & Dominus cuius vestigia sequi & opera imitari debemus non sacrum suum collegium pueris neque senibus repleuit, sed hominibus pedibus nudis ambulare valentibus, & stomachos granā spicis euulsa digerētes habētibus. Vnde cōcludere possumus, religiosum vel religiosam religionē ingredi volentē isti⁹ ætatis

at atis esse debere, vt quid deferat intel-
ligere possit, & quid suscipiat obserua-
re. Tunc Deo animal magnum & sanum
offertur, dum vir, nō autē puer in reli-
giōē venit, & dum robustus, non autē
tener & debilis: alioquin enim si puer
vel debilis sit, potius religioni est impe-
dimento, quam auxilio: nā pueris col-
luditur, & cum ægris semper est q̄ aga-
tur & curetur. ¶ Dicit Cassianus Abbas
Aegypti religiosos neminē in religionē
admittere solitos, qui vigesimum non
attigisset annū, neq̄ vllum qui quadra-
gesimū præterisset: ita enim nec iue-
nis suā allegare poterat ignorantia, neq̄
senior religionis iugi tolerantia. Sed &
aliud in recipiendis iunioribus filiis vel
filiabus inconueniens occurrit, q̄ eo ab-
instati q̄ magistris creduntur, debeāt ma-
gistri eos recreare conari, & religionis
iugo leuare: & vt viris quæ expetūt co-
niedēda tradere, cum vt pueri iugo re-
ligionis velint liberari. Ad hoc, si quan-
dā in choro committant insolentiam, si
quandā in refectorio gulæ actū perpe-
trēt, si inciuiile quoddā cuidā seni pferāt
verbū, si quādā in Monasterio exerceāt
leui-

leuitatem, si eos ideo punire velit Prælatus, statim se opponunt magistri dicentes illa puerilia esse, & tali & tali conformia. Accedit, quod ita plerumque teneri & delicati sint pueri ad Monasterij iugum ferendum, vt necessario debeat eos Prælatus dimittere, ita vt in mundum reuerti cogantur, vbi non virtutes quas in probis annotarunt, sed debiliū & imperfectorum imperfectiones parentibus & amicis referunt.

Aliam quoque notaui hic negligentiam: scilicet, quod in Monasterijs quibusdam quosdam iuniores filios vel filias recipere soliti sint Præfides, non vt religiosi vel religiosæ fiant, sed vt illic conseruentur & educantur: qui dum parentes vel amicos inuisunt, enarrare solent quæ illic fiunt, sic vt parentum confabulationibus scandalizentur Monasteria. Prælatus qui ob pecuniam vel amici fauorem religionem profanari patitur, eodem modo Monasterio expelli meretur, quo venditores & emptores à Domino nostro Iesu Christo templo expulsi sunt: grauius enim nunc peccat qui Ecclesiam offendit, quam qui

qui tunc Synagogam. 7 Secundo imperat in lege Deus, ut animal quod offerendum erat non tantum masculum & sanum, sed & vnus coloris esset, non verò diuersi: eo quod Aegyptij idololatæ pro Deo bouem qui vocabatur Isis adorarent, qui in Nilo flumine nutriebatur diuersis tinctus coloribus.

19 Quod Deus animal quod ei offerri debet vnus coloris esse velit, innuit nulum debere religionis suscipiendæ ergo Monasterium ingredi, quin vnus sit propositi, quod propositum in Dei obsequio fundetur, & in animæ salute: si enim malè fundata cum intentione in religionem veniat, statim Monasterio egredietur, vel eū tamquam mortuum corpus claustro eiicit religio. 2º Vnus coloris tunc est religiosus, dum vnus est fidei, dum vni credit Ecclesie, dum vnā obseruat legem, dum ad vnicū tendit scopum, dum solum Iesum Christum quærit, & vnicū agnoscit Prælatus. 3º Dic quæso mihi si in Monasterium Iesu Christo obsequuturus non venis, cur mundum deseris? cur Monasterio te inclusisti? Qui reli-

notanda. 3º. m. u. h. i. gio-

gionem intrant, dicentes se poenitentia
acturos; & tamen non alio fine illam
adeunt, nisi vt de victu certi sint, vel vt
inhonestam deuitent paupertatem, dia-
boli discipuli sunt, qui Iesum Christum
in eremi desertis quaesuit non ei obse-
quuturus, sed tentaturus. Tunc Deo no-
stro gratum & acceptum est sacrificiū,
dum omnes religiosi vno vestiuntur
panno, in vno eodemque comedunt
refectorio, dum in Monasterio simul
pacifici commorantur, dum vni soli o-
bediunt Prælato, dum omnes in choro
comparent, & simul preces fundunt,
dum omnes eiusdem sunt opinionis in
capitulo 23 Satis videre est nunc quod
sanctum præterierit tempus, sæcula au-
rea elapsa sint in quibus omnes perfecti
religiosi & approbati homines vnicum
habebant domicilium, vnicam volun-
tatem, vnā charitatem, vnā confor-
mitatem, sic vt eorum nullus propriū
suum commodum & consolationem
quaereret, sed proximi. O quam pauca
impio hoc tempore Domino vnius co-
loris offeruntur animalia, sed quanta
diuersi? hoc est, quā sunt pauca Mona-
steria

steria in quibus Iesu Christi obseruentur mandata, & in quibus Prælati desiderium adimpleatur; sed è contra plures sunt nunc in Monasterijs inter religiosos iudiciorum diuersitates, & voluntatum discordiæ, quàm in psittacorum plumis colores. Tunc diuersi coloris est sacrificij animal, dum quidam honestis vestiuntur vestibus, alij verò laceris; dum quidam cellis exsiliunt, alij verò non egrediuntur; dum quidam ab officio absunt; alij verò interfunt, dum quidam benè excipiuntur, alij vero male, dum denique quidam Prælati obediunt, alij verò necdum audire, nec æquis oculis cernere possunt. Tunc diuersi coloris est sacrificij animal, dū religiosi inter se de maiori Abbatia, de præcipuo Prioratu, de commodiori cubiculo, de meliori in mensa loco decertant. Dic quæso mihi frater, si mūdū deseras, & in religione istas dignitates & præminentias quæsiturus, & istas leuitates & vanitates procuraturus venias, nunquid hoc summæ infamiae loco & bono conscientiae vitio reputabit? Interrogatus Abbas Archimius, quis esset

esset omnium religiosi labor maximus, Maximus inquit labor noster, non est solitudo, qua fruimur, non eremus, in qua sumus, non fames, quam patimur, non disciplina & exercitia quæ sumimus, non tentationes, quas ferimus: sed nostri diuersi appetitus, & exigua quam eis facimus resistentia, unde religioni tantummodo non sumus graues, sed & nos ipsi etiam deludimur. (*Psal. 26.*) Vnam petij à Domino, hanc requiam inquitabat Propheta David, quasi diceret, Vnum peto scilicet vt me in tua gratia conserues, ne cadam, & si cecidero, vt mihi manum qua resurgam præbeas: scis enim ô bone Iesu si tuis non innitar humeris, quod peream & dissoluam, & quod surgere non possim nisi auxiliatrici manu tua adiutus.

*Quomodo Dei famulus propria voluntate re-
nunciare debeat, quod probatur in
prosequutione figura supra
allegata.*

CAPVT VNDECIMVM.

Imperat tertio in sua lege Deus, ne animal ei offeratur nisi iugulatum: insinuans eum qui mundum deserit, & in Monasterium vestem suscepturus venit, debere primo suam propriam abnegare voluntatem, & in Iesu Christo & pro Iesu Christo mortificari. Quod animal viuum sibi offerri nolit, sed iugulatum; innuit, nos debere imprimis viscera nostra dirumpere, & omnes venas nostras aperire, Domino Deo non sanguinem quo viuimus offerentes, sed propriam nostram voluntatem, si boni & perfecti religiosi fieri velimus. **T**e itaque qui in Monasterium ut professionem facias venisti, primo iugulare debet Prælati nulla motus misericordia in oculis tuis, ne vllas videant vanitates, mundanum ex ijs sanguinem extrahens: & in pedibus, ne per leuitates incedas: in lingua, ne vino fa-

7
sint verba: in corde, ne inhonesta redames. Dic quæso mihi nunquid ab instâti quo pedē in Monasterium intulisti, tuis leuitatibus & mundi vanitatibus (animum tuum Iesu Christo offerēs & corpus tuum Prælato) abrenuntiasti? Quandoquidē igitur Iesu Christo voluntatē tuā dederis, & Prælato commiseris, cur quæris in quo lubet habitare loco? cur placita retines, cur quod tuis gratum est oculis peragis? Nescis te iugulatum? nescis te iā mortuum? Ignoras te tuum non esse, & tibi nihil tua cum voluntate esse negotij? Religiosus qui in Monasterio nihil nisi quod lubet agit, merito fur & vicorum obsessor dici potest: quia cor quod Iesu Christo vitro obtulit, aufert: & voluntate prius Prælato data, in eundem illa eadem insurgit & obmurmurat. *Manus habent, & non palpabunt, pedes habent, & non ambulabunt, non clamabunt in gutture suo: domus Israel sperauit in Domino* inquit Dauid, (Psal. 113.) quasi diceret: In domibus vel Monasterijs in quibus religiosi oculos habent & non vident, aures & non audiunt, pedes & non ambulant, linguas & non loquuntur,

manus que innocētes sunt, & cor quod
nō dissoluitur, certō certius sciendum
est talium religionem perfectam esse,
& talesque salutis semitam ingressos. No-
tandum serio est Prophetam prius dix-
isse quod pedibus & manibus carerent
Religiosi, quam eosdem esse Monachos
bonos & perfectos. Quibus innuit, quod
oculorum oclusio, pedum abscissio,
manuum ligatio, orium frænatio, cor-
poris inclusio, affectuum correctio, in
Iesu Christo sola spes, religiosos nos
reddant, & de salute nostra nos certos
efficiant. Si medicus siue chirurgus ægri
sui corpus malo sanguine infectum sci-
at, statim ei venā aperiri imperat; eodē
modo in religiosos sese habere debet
Prælatus, si vt cunq; libertari deditos ag-
noscat. Si malus .n. sanguis & putridus,
non ita corpori obest sicuti religioni
propria volūtas. Credite mihi fratres &
quidē indubiē, ligari debetis: vena vo-
bis vena aperienda: iugulari oportet, si
salui fieri & perfectionis viam ingredi
velitis: q̄ fiet dum vos angusto cubiculo
includi, & affectiōes vestras viæ asperæ
& durę norma mortificari permittetis

mortui enim estis, & vita vestra abscondita est
 cū Christo, ait Apost. (Col. 3.) quasi diceret,
 Ne tristemini fratres, si in mūdo mortui
 videamini: scitote Iesum Christum ve-
 stram conseruare vitā, vel nemine ve-
 strum cogitante, mundanorū finietur
 vita, & à morte absorbebitur; vobis autē
 nihil tale forte cogitantibus adueniet
 vita morte prauia. Si verus es Christia-
 nus, non tā terreri debes Apostoli dicto
 quod mortuus sis, atq; delectari eo quod
 vita tua abscondita sit in Christo: tuto enim
 in illo bono Iesu vitam tuā consignare
 potes, quādo quidem pro tua suam ob-
 tulerit. Nisi quia, vt Dauid dicit, Do-
 minus erat in nobis; dic quæso mihi qd
 de nobis fieret? Si ad domandam car-
 nem nostram nō adiuuisset nos Domi-
 nus; si è mundo non eduxisset; si à dia-
 boli malicia, qui vt leo rugiens circuit qua-
 rens quem deuoret, (1. Pet. 5.) non defen-
 disse, ne vel vnus elapsus fuisset dies,
 quin perisset vita nostra vna cū anima.
 Tibi ergo frater qui in religionē venis
 suadeo, & moneo, vt eo instanti, quo à
 Præfato iugulaberis propria ablata vo-
 luntate, tuā vitā Iesu Christi directioni
 com-

committas: quia tutior illo illic cōmit-
titur, quam voluntati tuæ. Dic quæso
mihi, si cū religionem ingressus es te-
ipsum abnegasti, si omne tuū scire. om-
ne posse, omne velle, deniq; omnia tua
Prælaro cōmiseris, quam omniū harum
rerum iacturam facies, quādoquidem
centuplū sis accepturus? Nota, Aposto-
lum non dicere, quod Iesus Christus vi-
tam nostram furatus sit, vel ceperit, vel
interneccioni dederit, sed tantū quod sit
abscondita, & manibus eius velut in de-
positum & tutelam cōmissa. Nunquid
quæso eam repetētes non reperiemus?
Ad rem ergo reuertētes, Dominas do-
cet & dicit (dum non nisi iugulatū sibi
offerri vult animal) bonum & perfectū
religiosum debere se iam mortuū, imō
sepultū credere: quod credet, dum Ab-
batis mandatis non cōtradicit, nec eius
volūtati resistit. Monachus siue religio-
sus qui cum Prælaro contendit, vt sci-
at num licita sint eius mandata nec ne, ille
non tantum non mortuus est, sed nec ei
bene est secta vena: & tali in casu recte
gutturum rursus apponetur culter, vel
cordis vena aperietur, vt correctione &

disciplina cognoscat religionem bene
ordinatam disputatoribus non egere,
sed Monachis & religiosis obediētibus.
Viuo ego, iam non ego, dicebat Apost. quasi
diceret apertius: Viuo ego, nō ego: quia
quod ad aduersitates & iniurias quibus
afficior, & ad tētationes quas à diabolo
patior, quasdam vt Christianus patior,
alias vt discretus dissimulo. Viuo ego
dum meis mēbris impero: & viuit in
me Christus, dum illa eius obsequio im-
pendo: viuo ego dum pecco, & viuit in
me Christus, dum eius obsequio vato:
viuo ego, dum rebellis & inobediens
sum, sed viuit in me Christus, dum obe-
dio: viuo ego dum me amo, viuit in me
Christus, dum me ipsum abnego: sic vt
tutissima sit tunc vita mea, cū in ea ni-
hil proprii habeo. O quam futurus est
ille beatus, qui cū Apostolo dicere po-
terit: *Viuo ego, iam non ego*, hoc est; Viuo
ego dū esurio, sed non viuo dū ieiuno;
viuo ego dum dormio, sed nō ego dum
vigilo; viuo ego dum frigeo, sed nō ego
dum pedibus nudis incedo; viuo ego
dum in mundo ambulo, sed nō ego dū
includor; viuo deniq; dum ago quod
volo,

volo, sed nō ego dū correctioni me sub
mitto. n mūdo dicitur vita spiratio, &
spiratiōis priuatio mors: sed nō sic apud
Dei famulos, qui eū pro mortuo habēt
qui iniuste uiuit: nullam enim credunt
vitam, nisi bonam: ita vt nulla pro benē
uiuentibus & morientibus flendi nobis
detur materia, sed pro male uiuētibus.
Patere ergo frater tibi abscindi guttur,
cōmitte Prælati manibus tuam volūta-
tem, te .n. si piger & remissus sis, vt Iesu
Christi vicarius excitabit: si debilis con-
fortabit: si dissolutus corrigit: ē contra
te si bonus sit, honore afficiet. Tibi sua-
deo, teq; obnixē rogo frater, vt te iugu-
lari patiaris, & te alterius voluntati sub-
ijcias: quoniam in die iudicij à Prælato
ratio exigetur, num benē pręcepisse no-
uerit, à te verò num benē obediuisse.
Nūquid quæso alterum pro te strictam
gaudebis reddere rationē, nō gaudebis?

Hic quoque sciendum, quod ani-
malis sanguis canibus dari non pote-
rat, neque in domum referri, neque in
loco publico effundi, sed conseruari
& in Synagogæ templo offerri debe-
bat: sic vt sic carnes pro se seruarent

sacerdotes, supererat tamē pro Domino Deo sanguis. Quo mysterio intelligimus nihil esse nostra propria voluntate Deo gratius: quod euidenter vel hinc apparet: si enim animalis sanguis ei gratus erat, ille noster quem ē proprijs nostris visceribus promimus nunquid ei gratior erit? Quid Deo ē visceribus meis gratius conferam quam illa ipsa? Dic precor mihi, quid de nobis miseris foret, si Dominus Deus nostram voluntatem floccipendens, nihil à nobis exigeret aut acceptaret præter nostra bona opera? quæ tamen adeo exigua sunt, tantillique meriti, vt non solum ea non acceptare; sed ne quidem æquis oculis respicere vellet. si enim forte quadam diei hora illius meminimus, tamen omni vitæ nostræ tempore illum offendimus. Dic Christiane, dic mihi religiose quid ei offeres, si tuam voluntatem non offeras? Si corpus tuum offeras; tuum non est, sed vermium: si honorem, tuus non est, sed mundanorum: si bona, amicorum sunt: si vitam, hodie vel cras eam tibi adimet mors. Nihil est ergo quod ei conferre possis, nisi tantillum obsequium quod tibi

tibi sacris desiderijs obstricto superest.
 Dicebat S. Lucas, (Cap. 22.) *Quod factus
 est sudor eius sicut sicut guttae sanguinis decur-*
rentis in terram, quasi diceret: Dum in
 horto in terrâ prostratus esset Christus,
 charitas qua Deum patrem orabat, &
 timor mortis quem secundum huma-
 nitatem concepit, adeo magna erant,
 vt sanguinem sudaret, & lachrymarum
 fontes ex oculis defluerent. ¶ Quid sibi
 vult ô bone Iesu, quid sibi vult ô animæ
 meæ delitiæ, quod priusquâ Iudæi san-
 guinẽ in Pilati cõsistorio tuum poscant,
 tu in horto sanguinis guttas sudas? Re-
 serua ô bone Iesu reserua; tenera enim
 & delicata est tua caro, & quandoqui-
 dem magnum plagarum in ea sis recep-
 turus numerum, tibi adhuc eo opus est.
 Tui lâguores ista infelici hora ô animæ
 meæ redemptor admodum magni fu-
 ère, quandoquidem lachrymis tui suffo-
 carentur oculi, tristitia repletur cor
 tuum, tui dormirent discipuli, Iudas
 autem vt te proderet excubias ageret,
 & Iudæi vt te caperent accederent: quæ
 omnia ob meam culpam, & non tuam
 fiebāt, Appositè dicit (1. Cor. 6.) Aposto-
 lus,

Ius: quod magno empti sumus pretio : magnum verè magnique ponderis fuit pretium , sui sanguinis enim thesaurum formauit spiritus sanctus, educauit virgo , sudauit corpus , nobis cor large effudit, accusauit sinagoga, condemnauit Pilatus, effuderunt Iudæi , collegerunt Christiani, & sibi ipsis reseruauerunt. Quod prius sudare , in hortoque sui cordis sanguinem Patri offerre voluerit Christus , quam in cruce effundere, est docere verum & perfectum religiosum debere imprimis ante habitus in Monasterio susceptionem in corde propriam qua in mundo utebatur abijcere voluntatem: quod perfectio quam quesiturus venit non in habitu quem induit consistat, sed in voluntate qua spoliatur. O quam felix ille est, qui suæ voluntatis sui que appetitus sanguinem sui Prælati in manibus collocat: nullum enim Deo maius sacrificium offerre potest homo, quam seipsum . In antiqua lege volebat Deus vt animali quod sibi offerebatur non solum guttur abscinderetur, sed & excoriaretur sine vlla corij nota siue vestigio. In scripturis sacris

corium

corium siue pellis quandoque pro vita nostra siue pro sanitate quam optamus sumitur . Ideo dicebat Domino de S. Iob diabolus. *Pellem pro pelle dabit homo* quasi diceret : Omnes eius boues occidi, pastores abstuli, euerti domum, omne exussi armentum, camelos furatus sum, omnesque pueros enecauis; sed quia corium eius aut carnem tangendi potestatem non dedisti, hoc est, quia vitam eius aut propriam personam lædere mihi non licuit, ideo meas tentationes flocci pendit. **¶** Quandoque etiam pro bonis & diuitijs sumitur corium, sicuti dum Adam & Eua peccarunt, ad quos tegendos, & uerecundiora eorum, animalium pelles & coria sumpsit Dominus. Vnde colligere possumus nihil aliud esse diuitiarum curam quam generalem poenitentiam peccato iniunctam. Necessario ergo debet qui è mundo in Monasterium venit primo iugulari aut excoriari; excoriatur, veterem habitum deferens, & nouum induens : iugulatur, propriam mundi abnegans voluntatem.

3 Postquam ergo Iesus sanguinem sudasset, corporis meatibus apertis, ossibus
G 6 fractis

fractis venisq; carne quasi excoriata & spoliata vestib⁹ i crucis arborē ascēdit: vt doceret, nos sine avaritię pelle & peccati onere crucis religionem iubire debere. Non sufficit, vt ei qui ē mundo in Monasterium venit guttur abscindatur & propria auferatur voluntas; sed & malis debet spoliari cōsuetudinibus & diuitiis: contra siquidē religionis statū est, credere, religiosum posse Deo obsequi, nī prius propria spoliatus sit voluntate. *Non potestis Deo seruire & Māmona,* dicebat Christus, (Matth 6.) quasi diceret: Sicuti magna cum delectatione bona temporalia retinentur; summo cum sapore gustantur; magna cum difficultate deferuntur; & cum molestia diuiduntur; hinc fit quod cordi perfecto impossibile sit Dei & diuitiarum mandatis obsequi. Dic quāso, quid deceptor & propriarius Christum quidpiā rogas? Quid crucifixum nudum benē vestitus possis? Quid liber eum qui clauis cruci affixus est postulas? quid sanus lacerum petis? quid satur famelicum, & siti oppressum clamantem sitio flagitas? quid bona tunica oculisque plenis
cum

eum qui quo suam tegat carnem, imò
ne panni filum haber oras. ¶ Erogat di-
ues in mundo pauperi eleemosinam, &
tu qui in religione es, vis miserū illum
Iesum Christum crucifixum tibi ele-
emosinam erogare, tibi inquam diuitis?
Permitte frater permitte te spoliari, per-
mitte quæ tibi propria sunt, imò & co-
rium tuum & pellem auferri, permitte
te deijci. ¶ Cum enim monastica religio-
nis iter valde asperum sit & coeli angus-
tum, si per illud onustus ambulare ve-
lis, scias te in via defecturum, & optato
fine nō fruiturum. Si saluus perfectus-
quē religiosus fieri desideres, debes si-
ne pelle sequi eum cui ablata est pellis,
debes omnibus spoliatus sequi eum qui
omnino nudus fuit, debes crucifixum
qui pro te se crucifixit sequi. ¶ Si Deus in
veteri lege nisi excoriatum non accep-
tarit animal, multo minus religiosum
suis appetitibus onustum acceptabit.
¶ Quod Dominus Deus animal iugulari,
ei quē à planta pedis vsque ad verticem
corium auferri velit, inlinuat, nos nul-
lis licet paruis commaculandos vani-
tibus & curiositatibus: ita enim per-
valde notabile

uersus & subtilis est diabolus, vt sapius
 religiosum in parui cuiusdam cultri vel
 libri amorem plus inducat, quam vel in
 mundo in torquis auree gestanda amo-
 rem. Debet ergo nouitiorum Magister
 a planta pedis vsque ad verticem Noui-
 tios excoriare, hoc est non solum super-
 flua eis rescindere, sed etiam necessaria:
 religioso enim perfectionem quærenti
 nō sufficit si ab eis quæ nullo modo ha-
 bere pōt absterneat; sed & ab eis quorū
 eget, abstinere debet. Tunc pelle sua se
 exuit religiosus, & perfectionis semina
 ingreditur, dū nihil superflui in cubicu-
 lo detinet, dū nihil occulti in arcis ha-
 bet, dum nihil vani aut curiosi secum
 gestat: in mundo enim de rebus quibus
 abundat gloriatur mundanus: ē.
 contra religiosus admirati-
 oni est in ijs quo-
 rum eget.

*Figuris & autoritatibus probatur. perfectos
magis quàm imperfectos obli-
gari, ad optima.*

CAPVT DVODECIMVM.

Vir siue mulier, cum se voluerint Domi-
no consecrare, à vino & omni quod ine-
briare potest, abstinebunt. (Num. c. 6.) Di-
uina sunt verba à sacro Moyſis ore pro-
lata, quibus hoc innuere voluit Domi-
nus Deus : Viro siue mulieri Israeliticæ
mundo egredi, & Deo in Ecclesia ali-
quid possessionum suarum offerre vo-
lentibus indicabis, ne illic quidquam
nisi quod præcipiam comedant, & ab-
stineant ab omnibus quæ ipsis inhi-be-
re debent enim sedulo & summo cum la-
bore sancti Nazareni nomen sibi compa-
rare, qui illud comparare desiderant.
Volebat insuper Deus à vino, aceto, ra-
cemis & vuis passis & conditis, denique
ab omni quod inebriare, & quod iudi-
cium turbare, & stomachum corrum-
pere poterat abstinere. Porro ad hanc
figuram intelligendam, sciendū est quod
illi quos nunc in Ecclesia Christiana re-
ligiosos dicimus, illi ipsi in Sinagoga
de more Nazaræi dicebantur, qui ad
cuius-

euitandos domesticos labores, & magnos Reipub. tumultus in quendam locum vitæ monasticę normę satis exemplari, & religiosa vsuri secedebā. Nul-
 lus in veteri testamento ad religionem Nazaræorū suscipiendam inuitabatur, imò minus cogebatur; sed quicumque illam sanctam vitæ normā susceperat, debebat volens nolens eam obseruare.
 Nunc hic aduertendum & notandum, quod vltra communia præcepta quę præcipiebat Deus, etiam suis particularibus amicis particularia præciperet.
 Quibus insinuat, Christianum & Dei famulum cupientem quoddam gratiæ singularis à Domino donum recipere, particulariter etiā debere ei inferuire.
 Generaliter omnibus Israelitis gulam prohibebat Deus, & immunda; sed Nazareis qui se religiosos habebant, nō solum immunda, sed & delicata: docens hominē sanctū non debere opinari perfectionem in curta tunica gestāda consistere, sed in stricta vitæ norma. Nazarei consecrati magis ad humilitatem, charitatem, honestatem cæteris popularibus obligati erant; quod verò eis
vinum

vinum & omne quod inebriare potest, inhiberetur esset, ex hoc erudimur multa mundanis licita & honesta esse, quæ nobis religiosis prohibita sunt. *7 Omnia mihi licent, sed non omnia expediunt*, inquit bat S. Paulus, (1. Cor. 6. & 10.) quasi diceret: Possem quidem ad populi Israelitici imitationem multa agere, sed mihi homini Apostolico illa non conueniunt: decet enim Apostolicam vitam non solum mandata sed & consilia Evangelica obseruare. Vt homo, cibis me replere & satiare possem; sed vt Apostolus ieiunare debeo, vt homo quiescere, & frontem exultare possem; sed vt Apostolus, precibus & concionibus vaco; vt homo, me iniuria afficientibus possem respondere; sed vt Apostolus, ne quidem me cadentibus resistere ausim; vt homo, me quodam loco includerem, sed Apostolus totum orbem terrarum baptizans, & officio meo fungens circumeo; denique inquam, vt homo edere; bibere; ludere possem; sed vt Apostolus, ne quidem corpori meo necessaria ausim suppeditare: quia illa sola dicitur Apostolica
vita,

vita, quæ valde stricta est. Ex his aded sublimibus Apostoli verbis colligi potest, quanta sit inter mundanorum & religioforum vitam differentia: mundanis non indecens est si eis aliquid superabundet; sed nobis religiosis aliquid semper deesse debet: *Nisi abundauerit iustitia vestra plus quam Scribarum & Pharisaorum, non intrabitis in regnum coelorum*, dicebat sui Collegij Apostolici religiosis Iesus Christus, (*Matt. 5.*) quasi diceret: Quandoquidem in religionis habitu sitis, & ad comparandam perfectionem vigiletis, certò scitote hic vos non vocandos religiosos, & regnum coelorum non ingredituros, nisi vita vestra & obedientia, & abstinencia mundanorum in republica viuētium vitam & ceteras dictas virtutes superet. Quod dicat Christus Apostolici hominis iustitiam debere mundanorū excedere, indicat, nos non solum in religione bonos comparatione malorum mundi esse debere; sed meliores mundi optimis: nam in perfectionis statu etsi non sit religiosus perfectus, tenetur tamen conari fieri, & se talem gerere debet.

Die

8 Dic quaeso mihi si mundanorum meliorib. melior euadere non decreueris, cur tãto labore Monasterio te includebas? Si ad mandata Dei duntaxat obseruanda, & ad articulos fidei credēdos religiosus fiebas, nunc scis cassum laborem tuum, cum mundanorum multi articulos credant, & mandata ad instar religiosorum obseruent. ¶ An ignoras illorum vitam nostrę planē dissimilem? quoniam si bonus fieri religiosus desideres, te ipse ignores necesse est: nihil tibi ipsi tecum negotij sit: nullam de te ipse curā habeas, sed in te se gerat Prælati, vti in hominē mortuum! Nescis Iesum Christum Deum nostrū sui Collegij discipulis altiora reuelasse, duriora præcepisse & acerrimē eos redarguisse, permississeq; cæteris magis tentatos fuisse, vt dignoscerētur ab alijs, eo quod perfectiores essent? ¶ Eo tempore quo Dei filius concionabatur, cæteris scientia Scribæ & honestate vitæ Pharisei prælucebant: nihilominus vult vitam nostram, Scribarum & Phariseorū meliorem esse: docens vitam nostram vsque adeo bonam esse debere, vt eam
omnes

omnes laudent, & quidam imitentur, 9.
12 Tunc iustitia mea Phariseorum iustitiam
excedit, dum mundanis iustior & ho-
nestior sum; sed prohi dolor tantum
abest, ut religiosi in Phariseos commutati
sint, & multi reperiantur in mundo se-
culares, quorum vita religiosis dedeco-
ri est. ¹⁰ Sapienciam loquimur inter perfectos,
dicebat Apostolus Paul. (1. Cor. 2.) quasi
diceret: Neque sapienciam diuinam que
sublimis est intelligentie, neque cõtem-
plationem caelestem quæ difficillimæ
est consequutionis, neque sanctissimam
charitatem, quæ est summi meriti op^{us},
nisi summæ perfectionis viris, & nota-
bilibus, & probis religiosis concionari,
multo minus cõmendare assueuimus.
Quam hoc pulchrè Apostolus! non nisi
heroicis viris alta mysteria communi-
canda, cum enim initium retributionis
meritoriorum operum sint cõsolationes
diuinæ; non merentur his frui, qui la-
borare recusant: cœlestia mysteria, &
gaudia quæ suis amicis confert Deus,
ne ruditer quidem eloqui; ne dum cõ-
municare vult Apostolus, nisi cum viris
sanctis & pfectis. Hunc dignosci potest,
multa

multa inter Deū & electos cadere, quæ capere non possunt imperfecti, etiam si vel minima sint. ¶ Neque sine mysterio se taciturnum, & sobrium in istis sublimibus præbet Apostolus cum imperfectis: nam cum apostata de merito obedientiæ, cum gulosos de abstinentiæ mercede, cum furiosos de patientiæ bono, cum dissolutos de temperantiæ virtute verba habere, oleum & operā perdere est. Iesus Christus Deus noster vnicum & summum bonum nostrum, cum in maris profundissimo consisteret præcepit S. Petro vt retia & laqueos ad piscandum in mare mitteret. Dū esset in monte, eò Moysem ascendere iubet (Ex. 19.) vt ei legem cōmunicet: insinuans quod oporteat nos in huius mundi rebus extraneos exhibere, & in modum paruulorum meritorum in hoc q̃ eius obsequium tangit nos gerere, si saluationem nostram piscari velimus, & in perfectionis culmen ascendere. Ille in mari profundissimo cum S. Petro, & in altissimū montis culmen cum Moyse conscendit, qui nihil præter Deum amat, qui solum Deum vult & quærit, qui solo Deo

Deo contentus est, qui neque mundi delitijs decipitur, neque vitæ monasticæ laboribus terretur, dumdo tantum inseruiat Domino.

Agit de virtute abstinentiæ : multas sacras scripturas in medium adducens figuras, ad sublimitatem illius demonstrandam.

CAPVT XIII.

PORRO vt particularius loquamur, sciendum quod ad perfectionis virtutem, ad religionem in nobis cōseruandam tutissimum fundamentum & rectissimum iter est corpus multo labore, & stomachum paucō cibo assuefacere. Cinerem tanquam panem manduca-
bam, & potum meum cum sletu miscbam, (Psal. 101.) dicebat sanctus ille David, quasi diceret: Nunquam cibum comedi, quin cibo cinerem miscuerim, nunquam sine lachrymis effusis bibi. Ille panem cineribus pinsit, & vino lachrymas miscet, qui se peccatorē recordans ob sui creatoris amorem quantum po-
test

refrēnat, & à cibis quos licitè edere
posset abstinēt: quia nulla abſtinentiæ
ſublimior & pretioſior ſpeciēs, quam
os in menſa bonis cibis referta refrēna-
re. ¶ Tunc Monachus panem cineribus
mixtum manducat, dunt Deum pro
benefactoribus orat, qui iam cineres
facti, Monasterium viui, in quo religio-
ſus eſt erexerunt: neque enim ſolum
pro ijs orare tenetur, ſed & flere & di-
ſciplinam pati. ¶ Ille cineribus panem
pulueribusquē mixtum comedit, &
cum lachrymis vinum bibit, qui non
ſolum ob peruerſam ſuam vitam ſeca-
ſtigat, ſed etiam ob Reipublicæ pecca-
ta. quod vel idē agere tenetur, eo
quod ſuis ſudoribus nos foueat Reſp.
vt cum ea peccatorum cinerem come-
damus. ¶ Ille cum cineribus panem co-
medit, & cum ſuis lachrymis & gēmi-
tibus bibit, qui nullius pretij cibos co-
medit, qui quē inſipidos, paucos, malè
conditos, & menſæ inidoneos. ¶ Ille pa-
nem tanquam cinerem manducat, &
nihil præter lachrymas ſuas bibit, qui
Deo gratias agit, qui cibis abundans aut
carens in Prælatus non inſurgit, bene
namq̃

namq; moratus Monachus non nisi vt
vivat edit; gulosus verò non nisi vte-
dat vivit. Ille panem cineribus permix-
tum edit; qui non ad modum impeditur,
vel cibus comedendis studet, qui his pa-
randis non valde inuigilat, & qui eos
vorare non festinat: eo quod Derquip-
pè famulus nō nisi naturæ satisfactorius
comedere debet: Deum autem serio
orare tenetur. Ille panē cinere plenum
comedit, qui frigus passurus sua se ex-
uit toga, & dormituriens surgit, refe-
ctorio famelicus egreditur, & sitibun-
dus à mensa recedit: quoniam cer-
d scire debet Dei famulus, quod nulla re
egeat, si ad seruiendum charitate mu-
nitus sit, & si ad ferendum patientia. Si
tibi regis David dictum & consilium
graue videtur: dic precor mihi alienū
ne tibi à ratione videtur, si cinerē man-
duces, cum ē cineribus nati sumus, &
ipsi cineres sumus, & in cinerem reuerti
debeamus? flentes etenim nascimur,
clamantes enutrimur, plorantes & ge-
mentes viuimus & morimur: durum
ne tibi ergo videatur, si eodem modo
edamus & bibamus? si forsitan cinerem
edere

edere non potes, aut lachrimas effundere, nihil à te exigimus nisi vt gulam refranes, & abstinentiæ assuescas: eius siquidem est qualitatis nostri stomachi calor naturalis, vt quamuis dum comedis, multos expetas cibos; gaudeat nihilominus postmodum se paucos edisse.

¶ Abstinentiæ virtus ita antiqua, aded honorabilis & pretiosa est, vt in primo gratiæ statu ea sola data sit, & in paradiso terrestri canonizata: dedit enim Dominus Deus primo parenti nostro arborum fructus edendos; sed vnum solum quem sibi reseruauit prohibuit. O nos miseros & infortunatos! ô casum transgressionis miserandum, & infelicem horam! non legimus parentes nostros fructus permixtos gustasse, sed prohibitum duntaxat. ¶ Abstinentiæ e- quidem præceptum obseruassent, si fructum illum non comedissent: nos in hunc diem non dentes stupidos gestassemus! ¶ Sanctus ille vir Moyses non solum Aegypto egressus est, sed & mare rubrum pertransijt, per deserta ductus est, à populo recessit, in montem ascendit, immo illic ieiunium meritorium &

diuturnum ieiunauit ab oculis imbrem
lachrymarum fundens, & cœlum su-
spiriorum & singultuum vi frangens.
Hocce notabili exēplo cōcludere pos-
sum^{us} Moysen nomē mediatoris meru-
isse, per quē legē Synagogæ propagauit
Dominus Deus, nec aliam ob causam
nisi quod abstinentiæ legem suo corpo-
ri imposuisset. In libro Iudicum *cap. 13.*
legimus Angelum Domini cuidam no-
mine Manue, & eius vxori apparuisse,
quibus ex parte Domini præcepit, ne
vinum aut omne quod inebriare pote-
rat biberent, neque pariter quid immun-
dum aut prohibitum ederent, eò quod
ex ijs sanctificatus nasciturus erat, spiri-
tu fortis & robustus filius, cuius mani-
bus populus Hebræus liberandus erat,
& omnis eius progenies in honorem e-
uehenda. Eodem quoque libro legimus,
quod vndecim Tribubus à sola Benia-
min tribu deuictis, unanimiter omnes
decreuerint ad tabernaculum oratum
ire, & sancto ieiunio se dedere. Quod
ad eò feliciter peregerunt, vt duabus
victorijs, quarum antea armis iacturam
fecerant, potiti sint lachrymis. In libro
quoque

quosq; Iudith. cap. 4. reperimus, quod
 (Bethulia per Holofernē obfessa, cuius
 vires lōgē Synagogæ superabāt potētīā)
 cōmuni consensu omnis populus in tē-
 plū iuerit, sacco se vestierit, preces fude-
 rit, cineribus se texerit, ieiunans & à vi-
 no abstinens: sic vt istius poenitentīæ &
 abstinētiæ merito non solū per Domi-
 num Deū ciuitas ab obsidione liberata
 fit, sed & superbi Holoferni caput fue-
 rit obtruncatū.¹⁰ Loquutūra regina He-
 ster marito suo magno Regi Assuero, vt
 iram quā sui magni amici Aman cōsilio
 in populū Israeliticum cōceperat, leni-
 ret, orauit, & ciuitatis Susæ populo im-
 perauit, vt triū dierum spatio neq; panē,
 neq; vinum gustaret, & in terrā nō sur-
 gens se prosterneret. Quod actū fuit, &
 vix cōpleto ieiunio exaudita fuit proba
 Regina, sic vt Regis ira pacata sit, Aman
 verò patibulo suspēs°. (*Esth. 4. & 5.*) Post
 quā Regina Iezabel innocentē Nabath
 lapidari iussisset ad occupandā ei⁹ vineā
 q̄ horro regio cōiūgi Achab volebat; co-
 gnito rex vxoris suæ peccato, & Dei cō-
 minatiōe, cilicio se induit, & cinerib. te-
 xit, à cibo abstinuit, & flere cepit amarē:

abſtinentiæ & poenitentiæ virtute, meruit
 ſuorum peccatorum veniam, ſententiæq;
 executionis dilationem obtinere. (3. Reg.
 21. Jeremias cap. 35. Rechabitarum ſtrictam
 abſtinentiæ memorans obſervantiam,
 qui neq; vinum bibebant, neq; domos
 ædificabant, neque vllas plantabant vi-
 neas, neque terram arabant, neque pec-
 cunias tractabant, neque vllas delica-
 tos edebant cibos, dicit Dominum Deum
 ita obnixam iſtam vitæ formam & hone-
 ſtatem amiſſe, vt ſuo diuino verbo eis
 promiſerit, ex eorum familia nunquam
 ſanctos defecturos. Sanctus Propheta
 Ezech. trecentorum & nonaginta primū,
 dein adhuc quadraginta dierum ſpatio
 totidē ſeccos panes duntaxat comedit,
 qui neq; frumento aut ſiligine, ſed fabis
 lente & vicia conditi erant: imō vt inſi-
 pidores fierent ſub cinere decoquebā-
 tur: potus eius ex quinque aquæ vncijs
 erat, ideo in huius abſtinentiæ mercedē
 omnes Synagoga diſcurſus, omniagūe
 Eccleſiæ ſecreta meruit intelligere. De
 S. Ioan. Baptiſta legimus (Luc. 1. Mar. 1.)
 quod à iuuentute in deſerto māſerit, &
 ſolitarius vixerit, quod ſe camelorum
 pelli-

pellibus vestierit, siluestres comederit locustas, aquam purā biberit, inter spinas & dumos dormierit, siluestrib⁹ circumdatus bestiis, cuius abstinentiæ virtute proprijs oculis Iesum Christum videre, & digitis monstrare, & suis manibus baptizare meruit.²⁹ Legimus Iesum Christum, (*Luc. 4. Mar. 1.*) post sacrum susceptum baptisma, & sancti Spiritus apparitionem statim eremum à tumultibus recedendo ascendisse, non aliam ob causam quam vt oraret, ieiunaret, & pro peccatis nostris poenitentiam ageret: vt sicuti primus parens noster Adā gula Synagogam plantarat; ita Ecclesiam abstinentia secundus Adam fundaret & stabiliret. Ex his liquet quā per totam scripturam laude, æstimatione, celebratione afficiatur hæc benedicta abstinentia, cuius habitatio in sanctorum hominum à peccatis abstinentiū cordib. est, & in corporib. proborū à cibo abstinentiū: licet. n. omnib. mundanis necessaria sit inordinati appetitus refrenatio, tamē vitam monasticā profitentibus multò magis: eo quod Irreligionis vita, continua poenitentia & volun-

taria abſtinentia ſit.²² Qui quoddam propugnaculum, vel quandam ciuitatem bonis mœnijs circumuallatam obſidere volunt, primo aquarum & annonæ meatus ſedulo occludere conantur, vt obſeſſos fame oppreſſos in ſuam diſitionem redigant. Porro nihil in hac uita nobis grauius aut iucundius hac noſtra carne eſt, cui integrè complacere impoſſibile eſt, multo minus eius appetitui ſatisfacere: quia ſumma cum moleſtia ei ſatiſſit, & magna cum ingratiſtudine ei obſequium præſtatur, indefinenter importuna eſt, ſemper quod petat habet: illa inquam noſtra caro, nunquam conqueri deſinit, quod experientia ſcimus: neque enim eius aut ullis quæ ei conferimus beneficijs, aut vlla quam ex ea patimur deſidia, gratiam inimus, ſuccenſet pro ſolo appetitu ſibi denegato grauius, quam omnibus infamijs, quas ex ea patimur ſit contenta.²³ Et quia caro & diabolus in nos inſurrexerunt, & in noſtrâ ruinam conſpirarunt, ideo ſæpius nos ad peccatorum ſaturitatem, non autem ad fugam hortantur: dicentes, nos poſtea

stea ad meliorem vitam reuersuros.
Quibus verbis verè mentiuntur, & ap-
pertè decipiunt, eò quod nostræ carnis
planta ab adeò mala origine oriatur,
vt si hodie ei quodam in vitio consen-
tiamus, statim ad alterum reuerti velit.
Nescis frater si carnem lauto excipias
prandio, non idè eā cœnam relicturâ?
Nescis eam vna de die requiescere vei-
le hora, licet noctu octo dormierit?
Nunc ergo scias oportet eam citius tu-
mulo includendam, quam adulterij
appetitu careat, si semel eo imbuta sit.
Dic mihi precor, nunquid quàm im-
portunè frequenter te delicatos roget
cibos experiris, & quidem adeò miro
appetitu, vt neque facultates tuæ, ne-
que stomachus pati possint? Non est
tali fidendum inimico: satius est cum
eo contendere: non est quod tali te
dedas inimico; sed cum punias o-
portet: & quandoquidem nos à cœ-
li via deflectere faciat, æquum & iu-
stum est, vt cohibeatur & refrænetur.
¶ Consilium hoc Apostoli erat dum
diceret: *Castigo corpus meum, & in
seruitutem redigo*: quasi diceret,

Quod ad me, ita me in corpus meum
gero, vt illud edere non patiar, sed ie-
iunare; non dormire, sed vigilare; non
quiescere, sed operari: & si forsitan
quandoque rationis limites transgre-
diatur, statim illud disciplina excipio:
ita vt illud quasi mancipium habeam:
tunc autem sic se mecum gerit velut fa-
mulus in dominum. *C*eterum cum
in mundo pauci sint Apostoli, multi
verò apostata, idè nihil nisi animam
peccatis onerare norunt miseri homi-
nes. O non iterum atque iterum, sed
felix millies, qui mundo est corde, &
corpore temperato! nam libertate fru-
iturus non est animus, nisi prius in ser-
uitutem redigatur corpus. Quomodo
cum Apostolo dicere poteris: *Casti-
go corpus meum*, cum ei esurienti cibum,
sitienti potum, frigenti vestes, dormi-
turienti lectum præbeas? Quomodo
ille cum Apostolo dicere poterit. *Ca-
stigo corpus meum*, qui suum nunquam
fatigari, madere, imò ne vel minimam
maculam illud pati patitur? Quomo-
do ille corpus castigat, qui propterea
quod stomacho lauti nō sint parati cibi,
siue

siue quod palato suaue non sit paratum
vinum, murmurat? Equidem non il-
lum corpus castigare, sed fouere dice-
mus; non disciplina afficere, sed deli-
catè enutrire; non illum dicemus il-
lud in seruitutem redigere, sed pro do-
mino habere. Si sanctus Apostolus Pau-
laus thronus & sapientiæ sedes, qui in
gratia confirmatus erat non à lachry-
mis, neque à corporis castigatione ab-
stinebat, quid de te & me non in gra-
tia confirmatis, & quorum culpa velut
sanguis fluens ante diuinam iustitiam
est, fiet? Serio ponderandum est Apo-
stolum non dicere se vicini corpus ca-
stigare, sed suum duntaxat: quibus in-
nuit abundè esse in nobis, quod casti-
gemus vitia nostra, nec æterorum vitia
corrigenda suscipiamus. O quam mul-
ti proprio honori incommodant, dum
aliorum vitia corrigenda suscipiunt!
Certo certius scio, quod moderatius
proximum iudicarent, & se ipsos gra-
uius torquerent, si sua mala quæ in se-
metipsos dissimulant, æterorum ma-
lis multo maiora esse prospicerent.

28 Nec sine mysterio non dicit Apostolus

se corpus suum velut filium aut fratrem, aut amicum aut vicinum excipere, sed velut seruum, immo velut seruum sapius virgis exceptum: vt intelligamus ne vel vni qualicumque debere nos consentire, vel ignoscere vitio, si multis liberari molestijs; si à corpore nostro ad nutum nobis inseruiui velimus. *Deus qui culpa offenderis, & pœnitentia placaris*, dicit in quadam oratione Deo loquens S. Gregorius: quasi diceret, O summe & æterne Deus, cuius clementia & bonitas adeò immensa est, vt eo modo pœnitentia placeris quo culpa offenderis, te lachrimarum copia suppliciter rogamus & petimus, vt iustam tuam iram nostra exigua abstinencia moderari digneris. ³⁰ Dicit quoque in Præfatione S. Ambrosius: *Qui corporali ieiunio vitia comprimis, mentes eleuas, virtutem largiris & præmia per Christum Dominum nostrum*: tanquam diceret, O bone Deus, ita bonus es, & tantillo tibi satisficit obsequio, vt solo simplici à nobis tibi oblato ieiunio vitia nostra debilites, & animos eleues & corroborea. nos virtutib, dices, & magnas pollicearis retribu-

tributiões. Auderet ne ꝑcor nostra mater Ecclesia ita ieiuniũ extollere, nisi summi esset meriti, & nisi corporali abstinẽtia & gulæ cohibitione, magnum consequi speraret præmium? Auderent ne sancti eam ita toto corde amplecti? Lingua quæ detrahit, & in sanctam abstinẽtiam insurgit, occludi profectò, immo ferro signari, denique abscindi meretur: nullus enim de adeò necessaria virtute, & ita à tantis sanctis viris approbata malè dicere posset, nisi dissolutus plane & omnibus suis voluptatibus deditus foret. Nunquid quæso imprudens ille & omnino amens foret, qui corpori delitias & arma in seipsum coniuratura præbere contenderet, quandoquidem hac in vita nullum ipso capitaliorem habeat inimicum homo? Deinde dum oculo videre quæ volunt patior, & aures quod eis gratum est audire, linguam quicquid venit in mentem eloqui, animum quicquid eum delectat cogitare, corpus delitias sumere, nunquid quæso arma in meipsum & non in aliũ coniuratura excudo? Sanctus ille rex

Dauid (1. Reg. 17.) dum cum Goliath in
æquore campi eum petra non autē gla-
dio in terrā prosteruens contenderet, ei
eodē quo cingebatur gigas gladio caput
amputauit. Vnde concludendum est,
quod si miser ille Goliath petris, nō autē
gladio & armis acutis in Dauidē contē-
disset, capitis lesionē tantum, non autem
obtruncatioem passus fuisset. Hinc in-
ferimus mundum, carnem, diabolum
posse quidem nos molestia afficere, sed
non prosternere, nisi ad id agendū ei ar-
ma subministremus. Tot arma & bacu-
li ad nos debellandos diabolo conferi-
mus, quot ciborum genera corpori no-
stro comedenda tradimus: quoniam ab
instanti quo hæc nostra mortalis & be-
stialis caro saturata est & cibus contenta,
dic quæso nunquid pugnae magis ideo-
nea est, quam Dei obsequio? S. Bernar-
dus in concione quam ad religiosos su-
os habuit, inquit: Abstinete fratres à
multo cibo & potu; scitis enim & nos
scimus quod corpus post lautam educa-
tionem, & post stomachum repletum,
non nisi dormire & litigare velit, non
quiescit,

quiescit, non nisi brachia extendit, im-
mo vix se mouere potest. Quæ omnia
in huius mundi hominibus pro pecca-
to habentur, in religiosis autem pro sa-
crilegio. *Impinguatus, incrassatus recalci-
travit dilectus* ait Moyſes (*Deut. 32.*) quasi
diceret. Ne ad ea quæ agebam, neve ad
malum quod mihi accidit cogites, pas-
sus sum corpus meum impinguari, re-
creari; nunc autem in omnium volup-
tatum mercedem, neque ei satisfacere,
neque illud domare possum. Multi ho-
die eodem modo quo Propheta de ijs
qui in Prælatum insurgunt conqueri
possent: qui neque noctu decumbunt,
neque mane surgunt sine ciborum illo
die comedendorum cura. Ille qui se ad
corpori voluptates tradendas abijcit,
miro se deuincit labori, & horrendum
sibi imponit vectigal & tributum; nam-
que post lautam exceptionem & volup-
tates collatas, si quidpiam ei imperet,
dicit se illud agere nolle, si oret, se
exequi non posse respondebit. Libertas
qua hominem pinguem redarguens
Propheta vititur, à nobis quoque sumi
H 7 potest,

potest, ad hominem debilem, continen-
 tem, sobrium extollendum: absti-
 nentia moderata siquidem inter alia
 tanti est pretij, vt animæ meritoria sit,
 & corpori medicinalis. Quid aliud in-
 nuit Propheta dicens, corpus suis vo-
 luptatibus deditum vitiosum esse & re-
 calcitrare, nisi in lautæ refectionis mer-
 cedem illud in nos insurgere? **34** Tunc
 nos pedibus proterit corpus nostrum,
 dum omnes labores nostros eius obse-
 quio, & omnes sudores eius educatio-
 ni emancipamus. Hinc fit quod pluri-
 mi ita gulæ dediti, & ita abstinentiæ in-
 imici sint, vt omnia perijisse putent, si
 illa in mensa non comedantur & con-
 sumantur. & vt particularius loquar;
✕ licet in omni statu detestabilis sit gula,
 maximè tamen in religiosis, qui vitam
 monasticam professi sunt: quorum est
 data à corporis delitijs abhorrere, sicuti
 à diabolo: Ego in hunc usque diem
 non vidi Monachum refectionis ami-
 cum, quin oratorij inimicus esset. Cre-
 de precor mihi frater, & nullatenus du-
 bites, si nusquam gula & abstinentia, vi-
 gilia

gilia & somnus. quies & labor, cibus & ratio se compatiantur, maximè tamen in Monasterijs illa incompatibilia sunt: quia in Dei domibus nunquam vitio locus datur, neque vnquam excluditur virtus. Qui recenter religiosus fit, & qui perfectus euadere contendit, ante omnia à gula cauere debet, & abstinentiæ assuescere: certum enim est, cibis corpus impinguantibus debilitari animum, & cibis animum impinguantibus mortificari corpus. Tu ergo qui è mundo in Monasterium venisti tuæ salutis ergo, non autem voluptatum, modico an minimo esui, potui, somno assuescere debes; è contra autem multo labori: si enim à tui nouitatus initio corpori tuo abstinentiæ legem non imponas, & disciplinæ subdas, tota desperabis vita, neque mirum si tandem apostata euadas. Vide seridè ne à diabo- lo decipiaris, qui dicit, te sanum & incolumem facilius Monasterij labores tolerare, & Prælati mandatis satisfacere: tentatio enim est, cui neque consentire, neq; locum dare debes, eò q̃ verus Dei filius cū diaboło decertaturus, non nisi qua-

quadraginta dierum ieiunio decertauit. Iesus Christus in diabolum non nisi ieiunio contendere vult, tu verò eum ventre pleno expectare audes? Aues quæ carnis multum habent, parum autem plumarum, vix volant; è contra quæ multas pluinas habent, & parum carnis, diu volant. Qua similitudine bonâ sequela concludimus, bonos religiosos potius disciplina carnem macerare debere, quam eam recreare, & impinguare, quoniã quod ad ordinem graduum perfectionis attinet, nullus vnquam, nisi abſtinentiæ & ieiunij via, contemplatiuus euasit.

*Quod Dei famulus in religione teneatur esse
melior omnibus his qui in mundo
superſunt.*

CAPVT XIV.

Separauit vos à cæteris populis, ſeparate & vos mundum ab immundo dicebat Dominus Deus filijs Iſrael, (Leu. 20.) q. d. Cum vos à gentilibus ſelegerim, vt Hebræi fieretis, cum vos ab Aegypto edu-
xerim,

xerim, vt in deserto maneretis, & ab idolorum errore, vt vnum Deum adoraretis: denique cum vos à captiuitate liberarim, & vos liberos fecerim, equum esset vosmetipsos ab immundo & malo separare, & nihil cōtra id quod obsequium meum respicit agere. Si maturè hæc verba cōsiderare velimus, equidem videbimus, ea potius religiosos quam alios concernere. Sicut enim eos sua misericordia à periculis & huius mundi æumnis eduxit Deus, idcirco etiam eos vult in summa puritate perfectione quæ in Monasterio viuere. Loco singularis & summi beneficij apud Dominum Deum hoc est, quod Hebræos ab Aegypto eduxerit: sed hoc pluris multo religiosus æstimare debet, quod se mundo eduxerit, cum eorum qui suam professionem observant plures saluentur, quam qui in terram promissionis ingressi sunt. Porro in huius tam admirabilis beneficij mercedem solummodo à nobis Dominus Deus exigit, vt immundum à mundo separemus, id est, bonum à malo, iustum ab iniusto, profanum à sancto, approbatum

batum à reprobato, rectum ab obliquo, probum à vitioso.] Tunc mundum ab immundo separat religiosus; dum in mundo superbiam relinquit, & humilitatē secum gestat; dum illic iram, & secum patientiam; dū illic gulam, & secū abstinētiā; dum illic inuidiam, & secum charitatem; dum illic auaritiā, & secum paupertatem confert: sic vt nihil de mundo possideat, quod ei præiudicio esse possit, & nihil in Monasterium quod eum cōdemnare possit, deportet.

2 Cum Gedeon purgaret frumenta in torculari, ait ei Angelus: Dominus tecum. virorum fortissime inquit scriptura, (Cap. 6.) quasi diceret: frumentum in torculari Gedeoni purgāti dixit Angelus: O populi fortissimorum fortissime & potentissime, gaude, quia Dominus tecum. Non sine mysterio non Gedeoni edenti vel dormienti, vel otioso, vel negotiāti; sed frumentum purganti apparuit angelus: vt cognosceremus Dominum nos non visitaturum, & sua gratia nos confirmaturum, n̄ prius nostræ conscientie puluerem & culpæ paleam excutiamus. Excute igitur frater mi à te auaritiæ pul-

puluerem & sordes, immo & luxuriæ
foetorem, superbiæ petras, vanæ gloriæ
paleas: vt enim non nisi repurgatum
frumentum edere aues; ita non nisi
mundo cum corde vult conuersari De-
us. Tunc suam conscientiam purgat re-
ligiosus, dum omni nocte suæ vitæ sta-
tus rationem reddit, quod periculosum
est fugiens, quod malum est corrigens,
quod remissū & debile est corroborās,
& quod bonum est confirmans. Nō sa-
tis fuit Psalmistæ dicere, *Declina à ma-
lo*, sed addidit: *Fac bonum*: vt intelligere-
mus non satis esse homini religioso &
perfecto culpa notabili carere; sed &
eum ad opus meritorium teneri, quia
in perfectionis via non deficere, profi-
cere est. Sciendum quoque, summam
inter vannum & cribrum esse differen-
tiam: quippe vannum puluerem excu-
tit, & grana retinet, cribrum verò grana
emittit; & paleas retinet. Hinc infero re-
ligiosum tunc cribrare, non autem vā-
nare, quando quod sibi gratum & dele-
ctabile est procurat, alios Monasterij la-
boribus onerans. Simon, ecce sathanas
expectauit te, vt cribraret sicut triticum
dicebat

dicebat Iesus Christus suæ passionis vigilia Petro, quasi diceret: Expergiscere Petre, expergiscere. rogauit enim Patrem meum Sathanaste, sociosq; tuos cribrandi potestatem. Super hæc verba dicit S. Ioannes Chrysostomus, Domini Dei esse vannare & purgare; Diaboli autem cribrare, hoc est, nos ad virtutum paleam retinendam adiuuare, vt à nobis virtutis frumentum eiciamus: sic vt ex vniuscuiusque vita dignoscere sit, num eam Deus vannarit, an verò diabolus cribrarit. 7 Tu ergo qui in Monasterium venis, scias nihil profuturum tibi fortasse mundi abnegatione, nisi teipsum purges, ab animo tuo tuæ propriæ voluntatis paleam excutens: vita siquidem monastica & religiosa, non tantum in possessionibus nostris deferendis, quantum in propria nostravoluntate non agenda consistit.

¶ Dicenti cuidam Monacho Abbati Arsenio se pauxillum campi aëre frui velle, respondit sanctus vir: In ore Monachi graui dignum censura esse verbū *volo*, siue *nolo*: *placet*, vel, *non placet*: quia religiosus qui quod vult exequi audet, *fero*,

fero, vel nunquam quod debet agit.
Mutatus est in virum alium, Rex Saul à
tempore quo Dominus eum Regem e-
legit. (.Reg. 10.) Vnde concludere licet,
debere nos alios de facto esse, alioque
quo antea viuere modo cum Monaste-
rium intramus: eo quod religio non in
vestibus mundanis, sed in malis con-
suetudinibus quas in mundo addidice-
ramus deponendis consistat. ¶ **S**umma-
sane inter vite mundi normam, & eam
qua in Monasterio viuendum, differen-
tia est, quandoquidem illic diuites ma-
gni fiant, hic verò pauperes: illic nobi-
les & generosi, hic autem probi: illic
eloquentes, hic taciturni: illic subtiles,
hic reclusi & solitarij: ita vt quod in
mundo rectum, hic obliquum censea-
tur. Non passus est Dominus Deus fi-
lios Israel eodem in deserto, quo in Ae-
gypto viuere modo: nam post eorum
exitum eis legem suam seruandā dedit,
alia sacrificia offerenda, Presbyteros
quorum consilium sequerentur, alias
ceremonias, alios duces qui eos duce-
rent. Poterat Iesus Christus vestitus
mori, sed nudus voluit: docens nobis
non

non solum ſæculares veſtes eſſe deſe-
rendas , ſed & propriam voluntatem
priuſquam religionis crucem adgredia-
mur abnegandam: eò quod religioſus
non magis ſeipſum in Monafterio noſſe
debeat , quam in ſepulchro mortuus.
Sicuti in bello maioris eſt vnum ſequi
ducem, in mari vnum nautam, in ſchola
vnum magiſtrum; eodẽ modo in Mo-
naſterio neceſſario vnus ſequendus eſt
Prælatuſ. Via enim & religionis ſtatuſ
ſumma cum aſperitate geritur, & ſũma
cum difficultate intelligitur. Non eſt q̃
quiſquam iã ſe ſuo proprio ſenſu regere
putet & ſuę opiniononi fidat, eò quod decẽ
aut viginti annis religioſus fuerit; huiuſ
enim qualitatſ eſt religio, vt in ea nul-
luſ euadere melior, immo minus ſalua-
ri poſſit, nĩ alteriuſ voluntati & iudicio
ſe ſubmittat , & niſi propria abnegata
voluntate viuat. O quam infelix eſt ille
cui Ieſuſ Chriſtuſ velut iſti cœco de Ie-
richo dicit, *Quid tibi viſ faciam?* (*Marc. 10.*)
Nam noſtrę ſalutſ ſcopuſ non in eo cõ-
ſiſtit, vt Deuſ quid velimuſ roget ; ſed
in hoc, vt ei dicamuſ, *Domine quid me viſ
facere?* (*Acto. 9.*)¹¹ Dum ægro quicquid
lubet

Tubet conceditur, indicium est despera-
re vitæ. Consequens est nullum nostri
interitus euidētius esse indicium, quam
dum nos quicquid lubet agere patitur
Dominus Deus! Dominus Deus liqui-
dem non solum suos amicos & electos,
erectos ne cadant sustinet; sed & eos vt
dirigat manu ducit. Appositè in suarum
Confessionum libro dicit S. Aug. O bo-
ne Iesu, o animæ meæ quies, quas tibi
primo gratias reddā ignoro, vel ob sū-
ma quæ mihi contulisti beneficia, vel q̃
à multis liberaris malis; planè enim tibi
deuincior q̃ me cadere nō sineris. Ecō-
tra, felix ille qui Iesu Christo cū S. Pau-
lo dicit, Domine quid me vis facere, cū mi-
hi ad surgendū manū auxiliatricē prę-
bueris! Cuius impossibile est hanc peti-
tionē, *Fiat voluntas tua* adimplere, nī pri-
mo suā propriā abneget voluntatem, eò
quod tanta cœli à terra non sit distantia,
quanta differentia inter Dei præcepta &
voluntatis nostræ sensualitatem. Dum
discipulis suis Dominus suæ perfe-
ctionis regulas indixit, scio prius di-
xisse, *Abneget semetipsum homo*, quam,
& sequatur me; (Matth. 16. Luca 9.)

ut intelligeremus Dei voluntatis ad im-
 pletionem à suis ipsius abnegatione de-
 pendere. Dei famulus qui sua non vti-
 tur voluntate dicere potest, *Fiat volun-
 tas tua*, sed non alius. Nullus in recitati-
 one orationis Dominicæ vel symboli
 Apostolorum hauriri potest fructus, ni-
 prius Dei voluntas adimpleatur. Fertur
 in vita Patrum quendam Monachum
 Abbati Serapionis dixisse, Quid beate
 Pater faciam? Dum Deum oraturus ac-
 cedo, frigescō, operaturus pigrescō. Cui
 Pater, Ne propter frigus ab oratione
 abstineas, neue propter fatigationem
 ab opere cesses: Deus enim non nos
 quales simus respicit, sed quales esse ve-
 limus: non quid agamus intuetur, sed
 interiorē affectum quā quidpiam a-
 gimus: sic ut Deus & Dominus nobis
 sit, cui æque bonis desiderijs satisfat, at-
 que alijs magna nummorum summa,
 Refert sacra scriptura (1. Reg. 30.) Regis
 Davidis in exercitu milites annonam &
 munitiones custodientes, consimilem
 militibus in hostes decertantibus mer-
 cedem recepisse: id est infirmos & debi-
 les tantundem mereri operantes quæ
 possunt,

possunt, quantum robustos adimplen-
 tes quæ debent: Dominus siquidem De-
 us potius vim quam appetitibus nostris
 inferimus, quam labores quos in Mo-
 nasterio sustinemus respicit. *¶* Dicit S.
 Bernardus, nihil in inferno ardere &
 comburi præter propriam voluntatem:
 quasi diceret, Non vitia commissa
 in inferno ardent, sed voluntates
 quibus commissa sunt. O quam verè
 hoc dixit sanctus ille vir! si enim chri-
 stianè culpam & peccatum propter
 quod in inferno puniuntur damnati vi-
 dere velimus, videre erit non in corpo-
 re illos illa pati, sed in voluntate qua illa
 commiserunt. *¶* Si orans & flens in horto
 Gethsemani dixerit Iesus Christus, *Non*
mea, sed tua voluntas fiat, quis Monacho-
 rum aut religiosorum in Monasterio
 suam voluntatem agere audebit? Quis
 in Prælati mandata obgânire? In solita-
 riæ vitæ libro dictum est, religiosum
 qui quo vult habitat loco, qui quod ex-
 petit habet, qui quod debet non agit, non
 cum Iesu Christo in horto orare, sed
 cum diabolo in inferno: Iesus Christus
 enim vult nos agere quod debemus,

diabolus verò quicquid volumus: *Descenderunt cum armis suis*, dicebat Christus per Ezech. (cap. 31.) quasi diceret, Affur & Moab, Tubal & Ammon, qui Respublicas meas euertere conati sunt, in infernum proprijs armis missi sunt. Nos ad sumenda arma inuitat Apostolus ad (Ephes. 6.) dicens: *Induite vos armaturam Dei*. Et alibi, *Assumite scutum fidei*. Et alio in loco, *Arma militia nostra non carnalia*, sed *spiritualia*: sic vt nos esse in periculoso bello iudiciū sit, cum nos toties ad arma sumenda prouocet diuinus Apostolus. Equidem diuturnū est bellum: nam nobis in carnem, mundum, diabolum dimicandum est. singulis diebus dimicamus, & nihil consequimur: & quod magis nos terret illud est, quod nullus inter nos, & hostes istos, pacem componere, aut inducias facere, præter mortem & sepulturam valeat. Arma ergo manibus nostris sumenda hæc sunt, videlicet in superbiâ humilitas, in inuidiam charitas, in iram patientia, in gulam abstinencia: sic vt tot sint armorum genera, quot virtutes, & tot hostes quot vitia. Sicuti Iesu
Chri-

Christo sufficientia sunt pro suis arma,
scilicet & diabolo, quæ imprimis hæc sunt;
scilicet superbia, qua superbos armat
gula qua gulosos, blasphemia qua detra-
ctores & magniloquos: ita ut rex vexillo
& armis nostris dignosci possit, sub quo
duce dimicemus. Dum diceret Ezech.
Descenderunt in infernū cū armis suis,
de armis inquis & peruersis agebat, a-
gebat inquam de mundanis & vanitate
plenis, qui plane armis similem quæ hic
gesserunt alio in mundo recipiūt mer-
cedem. *Arma Monachorum*

Sed ut particularius loquamur, non
debet Dei famulus præcipua sua arma
reri esse habitum, cordam, cucullā; sed
humilitatem, charitatē, patientiā, qua in
religione dimicare & p̄seuerare debet.
Nescis frater habitū, cordam, cucullum
te ad sepulturā solūmodo conductura?
E contra, humilitatē, charitatem & pati-
entiam vsque in gloriam? De Monachis
indisciplinatis, volūtarijs, & ppriarijs
agit Propheta dū dicit: *Descenderunt in
infernum cum armis suis*; nihil enim hac
in vita iustius esse potest, imò iustissimū
est, eos qui hic armis culpæ & peccati
I a se arma

se armarunt, alio in mundo in domum
pœnarum & doloris mitti. Ille in do-
mum pœnarū & doloris mittetur, qui
Prælati mandatis contradicit dicēs no-
lo, non possum. Dei quippe famulus
debet saltem mandata experiri, licet ea
exequi non possit. Super hæc verba di-
cit S. Bernardus: Mihi Nuntio semel
dixit Abbas Ignatius magister meus,
Dominum Deum mihi ad instar boni
religiosi in ordine viueri, & more bo-
ni Christiani moriendi gratiam daturū,
dummodo diabolo me tentanti respo-
derem, *nolo*; & Prælato mihi quidpiam
imperandi, *volo*: & dummodo hæc ver-
ba in memoria haberem: *Discedite à me*
maledicti, & conarer hoc ^(Iesu C)risti
dictum adimplere: *Venite post me*. ¹⁰ *Visi-*
tabo omnes qui induti fuerint veste peregri-
na, dicebat Dominus per Sophoniam
Prophetā (*cap. 1.*) quasi diceret: Omnes
qui è populo meo nouam quandam in-
duerint consuetudinem, corrigam, vel
eos qui se veste peregrina induent, ille
in ecclesia Dei vestem peregrinā induit,
qui maledictam quandam sectam, vel
peruersam heresin inducit. Et rectè di-
cit

cit Propheta, quod talē visitabit Deus, id est quod talem puniet & exterminabit; nunquam enim hæreticus vel hæresis visa est, cuius infelicem exitū non inuenerit Ecclesia. Tunc peregrina induitur veste Monachus vel religiosus, dum propria in Monasterio utitur voluntate: peregrina enim Dei famulo debet esse propriæ voluntatis adimpletio, sed propria e contra obedientia.

¶ Tunc quoque peregrina induitur veste religiosus; dum subtiliori quam decet vestitur rogā, dum curioso nimis utitur cubiculo, dum hinc inde ē cellā discurrendi procurat libertatem, dum mensam bonam cibus refectam parat, & nullo modo paupertatem pati vult: sic vromnibus non ob poenitentiam, sed ob suam dissolutam vitam notus sit.

¶ Dixit Abbatr Sisoy quidam in vita Patrum Monachus: Dic benedictē Pater: Quis inimicorum nostrorum; scilicet carnis, diaboli & mundi maior est? Cui bonus senex respondit: Scias velim filii mi, periculosissimum non esse Dei famulo bellum carnis, diaboli, mūdi: sed suipsius in seipsum: nos enim ad labo-

rem inuitat ratio; sensualitas autem nihil nisi quieté expetit: ita vt nullus ipsi ita grauis sit sicut ille ipse sibi ipsi, ideoq; nullius tãtam quantam sui ipsius curam habere debet. Dicit in libro de arrha animæ Hugo doctor: Scis frater carnem nobis impedimento non esse dũmodo corrigatur, & diabolus neminem decipere, nisi ei fides adhibeatur, & mundum neminẽ ad interitum perducere, nisi is sequentem: sola illa nostra tristitia & propria voluntas corpus laboribus conterit, & animũ sicutitudine excarnificat. Seneca Lucilio scribens, inquit: Scias amice mi Lucili, me hoc quinto Claudij Imperat. anno Romæ multas passum contradictiones, & me multos Capuæ perdidisse hortos: tamẽ vt breuiter absoluã, licet homini suas possessiones sit perdere laboriosum, laboriosius tamen ei est non posse agere quod vult. Superiora ergo nostra dicta repõnentes, dicimus, illum multa dare qui se ipsum dat, & illum multũ afferre, qui se ipsum offert: tantæ etenim generositatis hominis animus est, vt nulli subijci neque ab villo contradici cuperet.

De quatuor notabilibus sacra scriptura figuris, quibus inobedientie periculum probatur, & obedientiae fructus ostenditur.

CAPVT XV.

Nunquid vult Dominus holocausta & victimas, & non plus ut obediatur voci Domini? (1. Reg. 15) sancti Prophetæ Samuelis verba sunt, in informatum Regem Saul prolata, dum in regno Amalec scabiosos & debiles occidit greges, in sacrificium pinguisimos & firmissimos reseruans: quasi ei dixisset, Putas Saul Dominum tuis holocaustis odore refertis, aut tantis sacrificijs quibus placatus honoretur, & iratus placetur egere? Non equidem non est horum Deus Israel cupidus. Scias oportet o summe rex Saul hoc potissimum Deo placere & gratum esse, dum ei velut Domino reuerentia exhibetur, & dum ei velut gubernatori obedientia præstatum. Non sine mysterio in tota sacra scriptura reperire non est Saulem in superbiam, iram, luxuriam, gulam.

gulam, vel in quampiam aliam tyrannidem incidisse; sed hoc tantum commisisse, quod Moabitas delere noluerit, & quod in sacrificium pinguiſſimum reſeruauerit gregem; quod potius clementia quam concupiſcentia motus fecit: nihilominus ei grauiter ſuccenſuit Dominus, eumque puniuit. Hoc exemplum profeſſo nos mirum in modum terrere debet; & ad obedientiam incitare: quoniam Sauli primo regi Iſrael à Domino electo, viro animoſo, & bono, ſuæ Reipublicæ regimen abſtulit Dominus Deus, non aliam ob cauſam quàm ob inobedientiæ peccatum. Putabat Saul clementiam coram maiestate diuina obedientiæ præferri. Volens igitur eum erudire Dominus, & nos à tali deceptione liberare, protulit & dixit, *Melior eſt obedientia, quam victima*: quaſi diceret, Non doleo homines benignos & clementes eſſe, volo tamen præſertim mihi obedientes eſſe; non doleo illos pios & mihi multa ab ijs offerri ſacrificia, ſed malo eos mihi obedire, meaque obſeruare mandata: eo quod in ſacrificijs mihi mortua animalia offerant, in
obedi-

obedientia autem ~~cor~~ proprium, Haymonis glossa super hæc verba, *Melior est obedientia*, dicit, Dominum Deum obsequio, timore, amore, honore & sacrificiis quidem gaudere, præsertim tamen obedientia. Ideoque in tota sacra scriptura vix locus est in quo de non oblatiis sacrificiis conqueratur Dominus; sed vbique locorum quasi de non præstita sibi obedientia conqueritur. Quantumvis pius sit homo, eleemosinarius, abstinens, continens, non ideo tamen ab Ecclesiæ ductu se remouere debet, neque in Prælatum insurgere, quia hæc sententia, *Melior est obedientia, quam sacrificia*, decretum & conclusum est nullum posse meritorium esse opus nisi obedientia comite. **T**ertio Regum libro cap. 13. scriptum est. *Vir Dei qui inobediens fuit ori Domini, tradidit eum Dominus leoni*: quasi diceret sacra scriptura, Præcepit Dominus Deus cuidam prophætæ & viro sancto vt in Bethel, Regis Iudæ Iosifæ natiuitatem, & sacerdotum Regis Ieroboam deletionem annuntiaturus proficisceretur: quibus actis per aliam viam nullo cibo aut somno in Regis palatio

latio sumpto, in domum suam reuerteretur. Porro huius mandati causam & rationem solus ille qui imperabat noverat. Accidit itaque munere suo completo per aliam viam rediisse Prophetam, cui quidam Propheta eius amicus occurrit; à quo deceptus est: persuasit enim illi alter ille Propheta vt in Bethel reuerteretur, cibum sumeret & accumberet; quod fecit & adimpleuit; Quam ob rem cum iter suum perageret, à leone occisus est. Hoc exemplum profectò non minus formidandum & notandum, quam Regis Saulis exemplum est, quandoquidem dicat scriptura illum Prophetam verum fuisse Prophetam & sanctum virum, eumq; sua munia rectè adimpleuisse, nihilquè in Bethel cibi sumpsisse, & per aliam viam reuersum fuisse; meruit tamè à leone vita priuari, quod sui amici precibus se accommodarit, & non per obedientiam præceptum Dei adimpleuerit. Quid isti boni homini sua sanctitas, abstinencia & prophetia profuit, cum ei suà inobedientià ablata fuerit vita? Putas quod vitæ iacturam fecisset ille, & quod à leone
inter?

interfectus fuisset, si æque bene suam obedientiam adimpleuisset, atque prophetiam. De damnatione Balaam, Saulis & Caiphæ, (Prophetiæ spiritu aliquando prædicatorum) certiores sumus quam de saluatione: eo quod hac obedienciæ virtute caruerint. Ideoque concludere possumus maioris esse pretij obedientiam, quam prophetiam. Serio quoque considerandū est, quod hic sanctus Dei Propheta à manibus Ieroboam, in quæ prophetarat, & ab ira populi Israel quæ commouerat & turbauerat, liberatus, mortē subierit, nō cuiusdam sui inimici astutia, sed cuiusdam Prophetæ amici consilio. Vnde liquet arctā amicitiam esse quandoque perniciosam, & sicuti vterq; Propheta, ita vterq; amicus notus erat. Porro propheta qui in vrbe Bethel residebat, hunc obtinixē rogat, vt in domū suam requiem paucillulum sumpturus, & vxorem eius & familiam inuifurus reuertatur: petitioni acquieuit Deus mulus, ideoque condemnatus est, quod contra conscientiam eo ausus sit, potius ire, quàm antiquam

violare amicitiam .4. Appositè dicit
 S. Hilarius: Ius diuinum aut humanum
 sibi amicum comparare, aut opus ami-
 ci agere non prohibet: nulla tamen fo-
 uenda amicitia, quæ infamiae aut vio-
 lentiae occasionem præbeat: quia illa
 non est dicenda amicitia, quæ in virtu-
 te & bonitate non est fundata. *Filius*
qui contempserit imperium patrie ad portam
ciuitatis lapidibus obruatur, dicebat (Deu-
teronom. cap. 21.) Dominus Deus Moyse:
quasi diceret, Impero tibi Moyse, vt
filium patri (quem propter nimiam
dissolutionem & superbiam corrigere
voluerit) resistentem, & se emenda-
re nolentem à populo separe, eum-
que extra portam ducas, vbi lapidibus
obruetur, vt meritam recipiat puni-
tionem, sitq; alijs iuuenibus exemplo.
 Notandum seriò est, quod in antiqua
 lege posset pater filio furi, ebrioso, gu-
 loso, scortatori, & moroso parcere; sed
 non superbo & irreuerenti: tali enim
 casu licet dissimulasset pater, tenebatur
 tamè populus eum lapidare. Non poterat
 grauior malo sacra scriptura peccati in-
 obedi-

obedientiæ punitionē præcipere, quam patri imperare vt filio inobedienti vitā adimeret. Vnde concludere possumus, inobediētiæ peccatum admodum graue esse, cum illud tanto rigore corrigi velit Dominus Deus. Videtur quid nouum & inhumanum esse, scilicet antiquam legem imperare patri, vt proprii filij carnifex esset: sed cum plus pietatis quam rigoris contineat lex diuina, credendum nobis est exiguam fuisse poenam, quam filio patrem infligere præcepit Dominus comparatione peccati inobediētiæ, quod Deo valde exosum est. Dic quæso mihi, Dominus Deus noster, qui me de nihilo creauit, nunquid patre meo qui me de quadam natura genuit magis meretur? Si ergo ille mortis poenam meretur, qui patri inobediens est, quam non merebitur poenam, qui in creatorem suum insurget? Porro toties in Deum insurgis, quoties eū offendis, quoties eius mandata transgrederis. Vnde sequitur, si hic vt Hebræus lapidibus non obruaris, quod in illo seculo velut nequam

condemnaberis. Ex hoc exemplo exemplum ad filios regendos parentes, & ad discipulos instruendos sumere debent magistri, vt obedientes fiant, & non incorrigibiles: nisi enim à teneris annis curuentur iuuenes, difficulter postea à parentibus corriguntur.

¶ Fauū mellis contra patris Saulis mādatum comedente Ionatha, statim eum occidi volebat Saul, nō se opposuisset Synagoga, quod licet patris mandatum transgressus fuisset, tamen populū Israeliticū sua virtute liberasset. (1. Reg. 14) *Præualuerūt sermones Ionadab, qui præcepit filijs suis, vt non biberent vinum, nec ædificarent domos: dicebat Dominus per Prophetam Ierem. cap. 35. quasi diceret, Scias oportet ô Ieremia antiquū virum Ionadab suis filijs & successoribus præcepisse, ne vllas plantarent vineas, nec vinum biberent, ne agris semen mitterent, ne vllas ædificarent domos, & ne in Republica habitarent, sed in cauernis & tabernaculis, in modum hominum vitæ prodigorum, & diuitias contemnentium. Iam à multis diebus hoc suis successoribus præceptum præcepit Ionadab,*

nadab, tamen ne vel vnus in hunc vsque diem illud transgressus est. O Ieremia, pluris fit Ionadab testamentum, quam Dei in lege mandatum. **¶** Obijcit insuper Ieremiæ Deus, quandoquidem in Israel maior Ionadab reuerentia exhibeatur quam mihi, immittam in omnes inobedientes Israel inimicos, qui eos castigent, & ne amici eis suppetias ferant, impediam: sciunt enim se à me vocari, & tamen audire nolunt, sciunt me eis præcipere, tamen mihi fidem adhibere nolunt; meam aperio eis clementiam, illi verò obstinationem. Contrarium omnino filijs Ionadab accidet, qui propterea quod patri obediens fuere, ne vel ad vnum mandati verbum musitantes, in inimicorum manus non incident, nec ab amicis deferentur, immo nec eorum progeniem perire permittam, eos semper conseruabo, ne à gratia mea recedant. Profectò hæc Domini Dei Ieremiæ dicta verba, & hæc filijs Ionadab datæ promissiones mirum in modum rebelles terrere debêt,
& bo-

& bonos obedientesq; solari, quando-
quidem loco amicorum asseribat Do-
minus obedientes, & inobedientes ini-
micos declaret. Ille ergo cum Israelitis
malediceretur, qui Prælato inobediens
erit, & ille cum filijs Ionadab benedi-
cetur, qui obediens in Monasterio per-
manebit; cōtulit enim Dominus Deus
singulare obedientibus priuilegium,
nempe quod eos à sua gratia nunquam
recedere permittat. ¶ Magnum certè
Christianis, filiorum Ionadab incutit
pudorem obedientia; maiorem religi-
osis: eò quod ita asperam & strictam
duxerint vitam, nihil in modum pere-
grinorum, ne obulum quidem possi-
dentes; & hoc ex solo patris mandato,
non autem Dei vel Euangelij. Si hæc
sacræ Scripturæ sententia, nimirum
Beati pauperes spiritu, quoniam ipsorum est
regnum cælorum, auribus eorum excepta
fuiſſet, tanti non fuiſſet meriti fortasse
eorum obedientia, neque tanti pretij
eorum paupertas, cum in istius rigoris
mercedem eternam beatitudinem pol-
liceretur Deus: sed ita liberaliter pos-
ſeſſiones patris deſeruiffe, cum proprij
effent.

essent filij, sine vlla remunerationis promissione, imò cum causas penitus ignorarent, cure eis bona illa auferretur, sublimè quid est, & à multis laudatum, à paucis nihilominus imitatum.

Aduerte quæso sacra Scripturæ sublimitatem, vide illius pulchrum ordinem. Suscepit Ionadab imperandi actionem, filij eius autem obediendi: ideo eis mercedem promisit, & suam gratiam Dominus Deus, & quod semper coram illo ambularent. O quam felix ille est qui filius Ionadab? ô si quis tantæ paupertatis amator, tantæ obedientiæ executor? qui enim fecerit quod Ionadab fecere filij, in domo Domini residebit, & beatissima eius gratia decorabitur. Offer ergo te frater ad perpetuam obedientiam, & ad voluntatem & superiorum mandata sequenda: vides. n. Dei promissum, & Prophetæ Ieremiæ assertionem, & vel filiorum Ionadab experientia nunquam Dei gratia deesse, vbi non deest obedientiæ virtus.

*Probatur insignibus sacra scriptura, figuris,
quomodo Dei famulo omnia
postponenda sint.*

CAPVT XVI.

Postquam fratres Machabæos morti ad iudicasset rex Antiochus, quod porcinas carnes edere nollent, dixit è septem vnus. *Non obedio praecepto Regis, sed legis, (2. Mach. 7.)* quasi diceret Putas ô Rex Antioche me carnes porcinas nobis à Deo nostro prohibitas ad mandatum tuum comesturum? scias certò me potius mortē subiturū, quam legem Moysis soluturū: inter Hebræos etenim maioris virtutis est legis mādātum, quam Regis. Porro ad hoc heroicū opus & sublimem obedientiā laudādam dicit sacra scriptura Machabēū illū cum quo Rex de hoc negotio verba habebat, fuisse è septem fratribus iuniorē, omniumq; debilissimū, hoc quē astutia fuisse tyrānum, persuadens sibi hunc facilius cæteris vincendum ob tenerimam ætatem. Notandum hic, quod si rex Antiochus huic iuueni adolēcenti, in templo offerre, decimas

solvere præcepisset, vel negotiationem cum ceteris inhibuisset: videretur iuvenem sustinere poenam maluisse, quã tantæ submitti ditioni! malle autem potius mori, quam laridi bolum comedere, stupendum est: non mortem patitur, vel in partes dissecatur iuuenis eo quod illi incommodi quicquam gigneret laridum. vel quod nullam illud comedendo sumeret voluptatẽ; sed probus & fidei zelator, suæ vitæ iacturam cum gloria facere maluit, quam legem transgredi. Hoc exemplum magni ponderis est ad iuvenes incitandos ad obedientiam, & ad senes indomitos, & rebelles confundendos: cogitur enim senex esse quietus & Prælato obganire, tum propter ætatem præteritam, tum propter experientiam, quam è mundi deceptionibus habet, sed iuveni adhuc feruenti, cui modestia vt mors est, se regi, & duci permittere, vt apud Deum suis promissis stet magnæ laudi ducendum. Non sine mysterio carnes porcinæ edendi aut non edendi præceptũ, decem præceptis legis non annumeratur: sed

sed legale præceptum erat, inter legem ceremonialem & moralem medians: mori tamen illi maluere, quam istam carnem comedere. Vnde concludere possumus Dei famulū debere, æquē Dei consilia atq; mandata obseruare. Credendum nobis est, eodem modo in inobedientes Machabæos insurrecturos, quo Niniuensium impœnitentes, eo q; inter peccata maius sit peccatū inobediētia, quàm impœnitentia. non hic de peenitentia finali sine qua nullus saluari potest, ago; sed de ordinaria, quam quisq; plus minusve habet: hæc enim quandam patitur moram, non autem obediētia. Incredibile profectō est eum qui laridi partē comedere non audet, fornicationē, furtū, falsum testimonium, imò minus homicidium committere audere: vt enim, inquit S. Gregorius, bonarum conscientiarum priuilegium est quādoque in rebus quibus nullum periculum inest scrupulum habere. Verò multo minus perasōnem non edendo peccabat Hebræus, quam Euangelium transgrediendo Christianus. Sed & nos miseros, mortem appetiit iuuenis Hebræus,

Hebræus, quod legem transgredi noller, nec re ipsa transgressus est: mihi autem Euangelium transgressuro minæ incutiuntur, nihilominus tamen repente illud transgredior: sicut in me maioris vigoris non sit Iesu Christi amor, quam virtutis fuerit in isto Machabæo tyrâni crudelitas. Quam multi in mûdo sunt, qui pro re laridi bolo minori Euangelium transgrediuntur, & promissam Deo factum solvunt? Oculis nostris hæc apparent: eo quod quovis die f. Iſa iuramenta proferri proximum decipi, publicè mendacia iactari, virtutē contemni, tumultus agi, populū in seditionem, in peccata agi audiamus, nulla Regis Antiochi mouente aut agitante ira, videamus. Præcipiēte Domino Deo Abrahamæ ut filium suū immolaret, & S. Petro ut retia desereret, non id iterū iterumquē rogauit an præcepit Dominus. Dato. n. præcepto illi acquieuit vterq; quamuis præceptum satis laboriosum esset, præcipere scilicet vni, filium offerre, alteri patrimoniū deserere. Exiguū erat Dei Abrahamo datum præceptum, scilicet ut filiū immolaret, si ad eod huius præcepti

cepti graues non fuissent conditiones ;
imprimis enim primogenitus erat fi-
lius ille, & vnicus, dilectus, exoptatus,
vltachrymarum, & quidem in senectute
impetratus. His nihilominus omiſſis,
mandato dato statim ei caput obtrun-
care decreuerat pater. Filij oblatio, pro-
prij cordis denotat sacrificium : Nauis
porro & retium derelictio, diuinarum
& omnis possessionis desertionem : sic
vt vtriusque obedientia probaret Deus,
vni filiorum amorem euellens, alteri
bonorum & pecuniarum cupiditatem.
Tunc nos retia deferere vult Prælati,
dum nos dirigit & corrigit, ne ab huius
mundi negotijs opprimamur : quia la-
quei & retia quibus mundus venatur,
sancti Petri retibus peiora sunt : illis
enim pisces capiuntur, his vero homi-
nes. Tunc filium nostrum dilectum
cum Abrahamo decapitamus, dum
animum nostrum ad non exequendam
propriam voluntatem cogimus : & vt
in rei veritate loquamur, si magnum
fuerit Abrahamo voluisse filium suum
morti tradere, non minus est religio-
so pati se regi à Prælato & duci. Seme-
dun-

Antaxat est passus Abraham, dum videlicet filio caput amputandum erat, probus autem Monachus sibi toties guttur abscindit, quoties quidpiam contra voluntatem suam imperat Prælati. Ideo dicit S. Bernardus, quod **N**ille se singulis diebus sacrificet, qui simpliciter & reuerenter Prælati mandatum adimpler.

4 Præcepit (*Genes. 2.*) filio suo Iacob Rebecca vt arctumissio, & venatione posthabita, pergeret statim ad gregem: propterea autem quod statim matris mandatum adimpleuisset, sua obedientia patris benedictionem consequi meruit. Ab instanti quo magnus ille Apostolus S. Paulus in terram prostratus est, vouit in campi planitie Deo obedientiam dicens: *Domine quid me vis facere?* (*Actor. 9.*) Quasi diceret, Domine fac de me quod lubet, me tibi in obsequium tuum & sempiternum timorem, & perpetuam obedientiam verò offero. **F**ili hominis ad gentes apostatrices mittote, quæ prauaricate sunt pactum meum, dicebat Prophetæ Ezechiel Dominus Deus, (*cap. 2.*) quasi diceret,

diceret, Mitto te ô Ezechiel, gēti rebellī
 & apostatrici vt cōcōiones habeas, quē pa-
 ctum meū prānaricata sunt, & pmissis
 suis non steterūt. Notandū hic est quod
 ille in Synagoga apostata dicebatur, qui
 legē deserebat, in Euangelio autē ille a-
 postata dicitur qui Euangelium deserit, &
 in religione denique ille apostata dici-
 tur, quē Monasterio fugit: sic vt aposta-
 tæ & apostasiæ nomen nihil aliud indi-
 cet, quam se ab Ecclesiā separare, vel al-
 iquid contra propriæ conscientie cō-
 siliū agere. In Synagoga Pharisei hy-
 pocritæ, apostatæ habebātur, in Ecclesia
 verò infelices hæretici, in religione de-
 nique, Monachi siue religiosi rebelles
 & inobediētes. Ideoq; idololatriæ, hæ-
 resis, inobediētia, in religione apostasia
 sunt. S. Bern. cuidā Monacho qui cōtra
 voluntatem suā aliud adibat Monaste-
 rium scribēs dicit: O frater, neq; preces,
 neq; quæ indicauī inconuenientia tibi,
 profuere, vt hic mecum maneres, neq;
 quas fudi lachrymę, q̄ potius charitate
 motus, quam necessitate feci: ex animo
 tuo siquidē & complexione cognosco
 diabolū, non autē Iesum Christū te in
 eremum

eremum ducere : ided illam non intra-
bis melius oraturus, sed minus operatu-
rus. Memini te mihi in descessu tuo di-
xisse, quod eo tranquilliori ires consci-
entia, quia cum Prælato tui licentia: ide-
oque dixi, me tua importunitate tibi li-
centiam concessisse, non autem mea
voluntate: quo in casu non tam dicenda
est licentia quam violentia. Genus apo-
stasiæ est aliquam à Prælato vi obtinere
licentiam, eo quod obedientiæ perfe-
ctio non in hoc quod agit Prælatus cō-
sistat, sed in hoc quod ageret si posset.
Multi sunt Monachi qui pudore ducti
apostasiam forinsecus committere non
audent; sed in conscientia non veren-
tur: quæ tamen apostasia in religione
desidium gignit: à choro enim Mona-
chos educit, & oratorio, eos Prælato fe-
opponere compellit, & per Monasteri-
um diuagari, vt cum obuijs confabu-
lentur, & absentibus detrahant. Dic
quæso mihi vter peior apostata est, qui
Monasterij muris exilit, an qui choro
non nisi corpore interest, habens aliam
sui cordis partem in mundo fixam? Il-
le apostata est qui noctu muris exilit.

sed ille peior apostata qui de virtutum gradu : vorum enim , me clausuræ tantum deuincit, Euangelium autem me fidei Christianæ ꝓ Percutiente Domino Deo cor Dauid , visus est ille dicere, (2. Reg. 4.) *Inuenit cor suum seruus tuus* , hoc est , seruus tuus cor suum reperit : indicium ergo erat illum Apostatæ more prolapsum fuisse , quandoquidem tam amplas Deo referat gratias quod illud repererit & Proditor Iudas licet Dominum & magistrum prodidisset, nunquam tamé à domo eius egressus est , neque ab eo, neque ab eius mensa , eiusq; consortio abfuit , quis illum tamen apostatam & excommunicatum non dicet, cum diabolo cor suum, & Iesu Christo corpus suum duntaxat obtulerit? Crede mihi quæso frater , & nullatenus dubites, si primo Iudæ cor non vicisset diabolus, quod nunquam magistrum ac Dominum prodidisset. Vnde concludimus, periculosiorem esse apostasiam diabolo cor tradere, quam è Monasterio fugere. Monachi perfectio non consistit in hoc quod corpus sit muris inclusum , sed quod

quod bonis sit anima associata virtutibus : si enim in clausura solummodo, non autem in bonæ vitæ illic transactæ beneplacito consisteret perfectio, qui obscuris includuntur carceribus multo magis religiosis suis Monasterijs inclusis mererentur. E filiis Israel nullus religionis habitum gestabat, nulla reclusa erant Monasteria, nulli professi religiosi, non obstantibus his, tamen per suum Prophetam Ezechielem Deus gentes dissolutas, gentes apostatrices vocat, quod in Synagogis residentes ad Babylonem nihilominus suspirarent. Quam multi religiosi se magni faciunt dicentes se nunquam Monasterio egressos, vel habitu exutos, sed bono in religione fuisse exemplo qui tamen re diligentius perspecta in cibis gulosi, in vestibus curiosi, in verbis peruersi, in opinionibus admodum passione pleni sunt. Sed de huiusmodi hominibus dicere possemus, minus esse malum eos semel apostasiam commisisse, quam semper secundum suas affectiones viuere.

*De dignitate Prælatuſe, & quantum à mun-
do diſcrepare debeat qui vult bonus
eſſe Prælatus, exemplo S. Petri
& Regis Saulis.*

CAPVT XVII.

D'ligis me Simon plus his. (Ioan. 21.) Sunt
filij Dei, S. Petro dicta verba, quaſi
diceret, Scis frater mi Petre me mor-
tem paſſum, & reſurrexiſſe, ſcis me ad
coelum aſcendere paratum, meumque
ſacrum Collegium ſine Prælato eſſe, i-
deo que te in mei vicariatus officio pro-
bare volo. A te ſcire cuperem quando-
quidem omnium ſis futurus Paſtor, nū
me cæteris plus diligas. Hæc Ieſu Chri-
ſti petitio myſterio plena eſt, & S. Pe-
tri reſponſio mirum in modum ſubli-
mis, eo quod Chriſtus vt homo igno-
rans num ametur, loquatur, S. Petrus
autem Deo reſpondet ſciens à quo a-
metur: ſic vt per Ieſum Chriſtum ſe à
Ieſu Chriſto amari cognouerit S. Petr^o,
Chriſtus autem S. Petri fidem agnoue-
rit. Dum autem S. Petrum rogat Chri-
ſtus num eum plus cæteris diligat, rogat
num

num eum magis cæteris ardeat . Vnde colligere possumus Prælaturū ante omnia examinari debere, num fideliter sanctæ & Catholicæ fidei adhareat, & num ei iusta Ecclesiæ videantur mandata: si enim eum firmum & solidum Christianum agnouerint peruersi, velut dæmonem fugient. Quod autem Christo dixerit S. Petrus, Scis Domine ante amem nec ne, boni Christiani & animi verè Christi amore ardentis responsio fuit: vt enim in Deo magis & perfectius sum quā in me; ita scit Dominus Deus multo me melius quid amem. Non melius in mundo probari posset amor, quam alterius animo subiacere, qui amoris testimonium perhibeat: sæpius enim in amoris materia, id quod dilecti animus meditatur & cogitat certius est, quam quod amantis lingua loquitur. Iterum dico, responsum fuisse verè Catholicum, & verbum magno amore plenū, quod scilicet potius Iesu Christi cordi confisus fuerit S. Petrus, quam suo: etiam si enim quis amantem se agnoscat, non potest tamen quantum amet scire, aut scrutari. Notandum hic quoque &

ponderandum est, quod antequam S. Petrum suum vicarium constituisset Christus, eum de sua fide examinarit, vitam quoque eius & patientiam probauerit: sic, vt animarum regimen ei commissurus, eum primò in magnis & arduis rebus probare voluerit.

S. Petrum in mundi contemptu probauit Christus, eum à mari recedere voluit: eum in amore diuitiarum probauit, dum se sequi voluit: patientiam eius probauit, dicens, *Vadere tro me satana*: in oratione probauit, dum eum orare voluit: eius fragilitatem tentauit, dum eum labi passus est, & eius contritionem dum fleuit: sic vt eum ad vicariatus munere fungendum, expertum elegerit. Secundum igitur S. Dionisij dictum quo quid in scripturis sacris maioris est commendationis, eo sublimioris est mysterij: ideo his verbis concludi potest, Prælati officium magni esse momenti, siquidem tanto examine præuio illud S. Petri manibus commissum est. A tempore quo sanctum Petrum suo sancto Collegio associauit Iesus Christus, in eum

um oculos fixit quem suum vicarium constitueret. Veruntamen ne hæc nimium affectata videretur electio, sed æquitati conformis, S. Petrum in maximis laboribus probavit, & sublimia quæque rogavit, ut omnes aperte intelligerent illum tali dignum Prælatura. Non à mari S. Petrum eduxit Christus, ut in terra quiesceret, sed ut diligentius operaretur: à piscatorio et si eum onere liberarit, pastoris tamen munere oneravit. Quid aliud est S. Petrum à tempestuoso educere mari ante vicariatum ei datum, nisi innuere, eum qui Prælatus fieri voluerit nihil rerum mundanarum sapere debere? Non dedit terræ sanctæ dominium Abrahamo Dominus antequam à patria & parentibus recessisset: non Synagogæ curam Aaroni contulit, priusquam Aegypto egressus esset: nec sanctum Petrum suæ Ecclesiæ præcipuum constituit Prælatum, nisi postquàm illum è mari tempestuoso eduxisset. Quibus nos docet, non sine scrupulo & periculo procurare Prælaturam, qui suum nunquàm visitat Episcopatum, & qui nunquàm in Monasterio residet

Eugenio Papæ scribens S. Bernardus inquit: Licet plura non feceris, multum tamen feceris, si Romæ resederis, & in cathedra tua manseris. ita enim tene-
rum est Prælaturæ officium, vt inter omnia mundi officia nullum maiorem requirat diligentiam. Eo ipso instanti quo oraturus montem ascendit Moy-
ses, statim idola colere cœperunt sub-
diti: ita vt idololatriam commissa non fuisset Synagoga, si præsens fuisset Præ-
latus. Si suum prælatum huius mundi negotijs immiscendi cupidum viderit subditus; caueat imitari; præstet tamen ipsi obedientiam: indicium enim naui mergendæ est gubernaculum dimit-
tente nec regente nauta. Hæc ex Sancto Bernardo desumuntur verba. Porro non solum S. Petrum mari in quo erat egredi voluit Iesus Christus, sed & re-
tia & nauem quam habebat deferere: credibile proinde est eum qui tantis periculis per mare ad capiendos pisces te-
nebat, non multas possedisse vineas aut redditus: sic vt retia & nauem dese-
rendo, omnes mundi possessiones dese-
reret. Nihil aliud sancto Petro innuit
Chri-

Christus, dum eum sua retia deferere
vult, priusquam animarum regimen
fufcipiat, nifi neminem in Ecclesia Dei
Prælaturam fufcipere debere nifi huius
mundi concupifcentijs & auaritia prius
abiectis; nihil enim scandalofum ma-
gis & pudendum effe poffet, quam male
fano & mifero grege, Prælatus loculos
conferuare plenos. Quod fanctum Pe-
trum retia quibufcum in mari tempo-
ftuofos pifces capiebat deferere velie
Christus, imperare eft vt mundi com-
mercia deferat. Vnde inferri poteft,
quod Prælatus qui fe negotijs, non fu-
um Epifcopatum vel Abbatiam & Mo-
nafterium concernentibus immifcet,
potius præuaricator legem fuam trans-
grediens dicendus fit, quam pastor gre-
gem fuum conferuans. Ille legem fuam
transgreditur, & iufurandum fuum fo-
luit, qui cum vxore Loth fe inuertit, &
illicitis immifcet negotijs. Licet enim
exigua fit cuius pastor es Ecclefia, &
pauper cuius administrator es Monafte-
rium, tanta tamen tibi funt quibus va-
ces negotia, vt ne vna quidem hora alijs
intendere debeat. Abunde profecto eft q
K 5 cures

cures, situis ouibus inuigilare velis. Sed pro dolor, multi hodie in Ecclesia Dei sunt, qui aliorum oues regendas suscipiunt, suas autem mercenarijs committunt: sic vt se aliorum oneribus onerantes peccent, & offendant se proprijs oneribus exonerantes. Dic quæso mihi, præcipiente Iesu Christo S. Petro retia deferere, eidemne præcipiebat vt se aliorum retibus oneraret? Super hoc dicit S. Chrysostomus, ideo S. Petrum retia quibuscum piscabatur deferere vult Christus, mundi negotijs extricari idem, vt liberè subditorum curæ studeat: quia tunc verè Dei memor est Prælatus, dum sui immemor. Dicit S. Hieronymus: Non vult Christus, Prælatum nauem qua suos subditos in gurgitem demergat habere, neque mare in quod eosdem suffocet, neque retia quibus decipiat: hoc est non vult eos habere negotia, quorum causa & ipsorum & Dei obliuiscatur: eo quod difficulter admodum quierus viuere possit subditus, sub Prælato inquieto & negotiorum amatore. Notandum quoque serio est, quod non solum S. Petrum na-
uiam

ui in qua erat egredi, & retia deferere
völuerit Christus, sed & se sequi: in do-
mo enim Dei iubemur complexionem
sicuti & conditionem mutare. *Saul*
cum regnare cœpisset mutatus est in vi-
rum alterum (1. Reg. 10.) sic vt ab instanti
quo Rex creatus est neque quod solit-
us erat ageret, & plane alter à seipso
appareret. Magna verò Saulis fuit mu-
tatio, eo quod ex aratore dominus fa-
ctus sit: nihil nisi arare nouerat, ramen
pugnare didicit: ex timido audax eua-
sit, ex crudeli benignus, ex rustico
doctus, ex impatienti patiens: dicit hac
in parte textus, quod non solum iniuri-
as illi illatas non vlcisceretur, sed & eas
non audire fingeret. *Hac mutatio dexte-*
ræ excelsi (Psal. 117.) iniurias enim non
vlcisci sanctum est, eis ignoscere angeli-
cum, ijs non respondere, potius diui-
num quam humanum: eo quod secun-
dum sapientis dictum *Proverb. 6* diffi-
lius sit linguā gubernare quā animā præ-
parare, hoc est, vitā emendare. Hoc exē-
plū profectò dignū est q̄ à Prælatīs nos-
ceatur: ad imitandum siquidem vtile ad-
modum est ipsis, vt accepto Prælaturæ

officio, alio se gerant quo antea modo:
 suo enim officio satisfacit subditus
 dum mandata obseruat; sed Prælatus
 debet & mandata simul & consilia ob-
 ſeruare. *Mutatus est in virum alterum* Præ-
 latus, dum lacer alijs benè vestitis ince-
 dit, dum alijs saturis esurit, dum nudis
 pedibus, alijs calceos & tibialia habentibus
 incedit, dum alijs quietis inquietus
 est, dum alijs sine cura & sollicitudine
 existentibus sollicitus est: boni Præ-
 lati enim est corpus labore cassum ha-
 bere, & animum cura & sollicitudine o-
 nustum: *Mutatus est in virum alterum*
 Prælatus, dum in choro cantans reperitur,
 in oratorio orans, in Nosocomio
 visitans, in cubiculo legens, in porta ne-
 gotians, vel cuiusdam Monachi tentati
 consolationi euigilans: eo quod vero
 patri & pastori vnius Monachi tentati
 & afflicti maior debeat esse cura, quam
 cæterarum omnium rerum Monaste-
 rio necessariorum. *Mutatus est in virum*
alterum dum nulli rei nisi Nouitiorum
 consolationi & iuuenum correctioni,
 officiariorum visitationi, debiliū le-
 uamini studet & dum denique anti-
 quo

quorum subiacet consilio: nullum enim
 grauius Monasterio accidere potest in-
 commodum quam dum ita temerari-
 us est Prælatus, vt se suo particulari au-
 deat regere iudicio. Vtinam atque vti-
 nā hæc à bono Prælato ad instructionē
 mali in praxim redigerentur verba: ma-
 lus tunc in *virum alterum* mutatur, cum
 ex humili fit superbus, ex charitate præ-
 dito peruersus, ex patienti furibundus,
 ex abstinenti gulofus, ex casto dissolu-
 tus, ex pauciloquo multiloquus. S. Bér-
 nardus dicit Abbati Rogerio: O Abba
 Rogeri, Platonis dictum, scilicet *quod*
potentatus ostendit virum, verè in te mani-
 festatur & verificatur, quando quidem
 insolita agas, & sis longe alius quàm ap-
 parebas: videbaris enim doctus & pru-
 dens, tamen te vanum præbes; videba-
 ris solitarius, tamen te vulgarem exhi-
 bes; pius apparebas, tamen impius &
 remissus es; videbaris nobis patiens, sed
 furiosus euasisti: sic vt tua bonitas eò vf-
 que tantum donec Abbas factus es per-
 seuerauerit: antequam Abbas eligerer-
 is, & in statu illo confirmareris, secun-
 dum bonitatis quam demonstrabas ap-

parentiam, & secundum virtutes exteri-
ores, nullus à te non fuisset deceptus,
nihilque quamuis magni ponderis non
fuisset tuis manibus commissum; sed vt
te iam cognoui, & vt quomodo sese
omnia in tuo Monasterio haberent au-
diui, te quidem loco proximi habeo, ta-
men nunquam tibi vocem meam qua
Prælatus fias impofterum daturus sum:
& sicuti nullū malum est ex quo quod-
piam bonum non promat bonus, ided
hac tua infami Prælatura liberabitur
Monasterium, & hac in parte prudētior
fiet Superior tu⁹, & à te deinceps ego nō
decipiar, tu autē ab omnib. dignosceris.

Secundum huius sancti viri senten-
tiam multi hodie sunt, qui in mundo
admodū solitarij existunt, pietatem si-
mulantes, loca sacra inuiscentes, castos se
exhibentes, zelo pleni, & summi ap-
parentes eleemosinarij, donec quen-
dam Episcopatum, Abbatiam vel Prio-
ratum obtinuerint, sed postquā cupitis
fruiuntur, ad peruersam redeunt incli-
nationem. *Vix unius anni erat Saul cum
regnare cœpisset*, id est dum Saul ele-
ctus est Rex, & Dominus Israel, ei-
usdem

usdem simplicitatis & innocentiae
erat cuius esset infantulus adhuc
matris vbera sugens. Sed de illo
insuper dicitur, primo anno quo
regnare coepit in deterius progres-
sum esse, suorum nolens subiace-
re consilio. Porro omnino con-
trarium S. Paulo accidit, qui ante-
quam ad Apostolatum vocaretur, ty-
rannorum Christianos persequentium
caput & duxerat; at postquam
ad Prælatum vocatus, defensorum
fidelium princeps factus est, ita im-
peius ad regnum vocatus proruit
Saul; Apostolus Paulus autem in me-
lius ad apostolatum vocatus. Super hæc
dicit S. Hilarius: Plures hodiè sancto
Paulo habet discipulos Saul, cum e con-
tra Saulo plures debeat habere S. Pau-
lus; è centum enim Prælati, si in Eccle-
sia Dei decem bonos reperiamus, ab alijs
nonaginta nouem decipiemur. *Mu-
tatus est in virum alterum* Prælati dū Præ-
laturam in hoc consistere cogitat, quod
Dominum nunc titulo honoretur & Re-
uerendæ Paternitatis, ubi alias Pa-
ter tantum & Reuerentia, audiret:
vel

vel in hoc quod nunc ab alijs segregetur, cum alias in dormitorio cum alijs dormiret: siue quod nunc altissimo sedeat loco, cum alias infimo: aut in hoc quod nunc ab eo venia & licentia expectatur, cum alias ille eandem soleret expectere: hec enim omnia potius ceremonie & bone educationis ciuilitates sunt, quam Prælaturę perfectiones. S. Gregorius in suo Pastoralis dicit: Videat Prælatus quid agat & ad quod se deuinciat; si enim quod debet non agat, vel saltem quod potest, tot erit dignus infernis quot negligentiarum accusabitur. Super hæc Ezechielis verba, *Vapastoribus Israel* dicit S. Hieronymus: Deus rarò subditis hoc aduerbio ve minatur, es contra sapius malis Prælati, sicuti in Prophetarum Prophetijs videre est, vt intelligeremus subditorum mala & peccata à Prælatorum negligentia oriri.

*Graue & periculosum esse Prælati officium:
 & quanti ponderis verbis Sinagoga
 Prælatus Moysen, & Ecclesiæ S.
 Paulum constituerit
 Dominus Deus.*

CAPVT XVIII.

Ego dispono vobis ; sicuti disposuit mihi
 Pater meus Regnum. (Luc. 22.) dice-
 bat vltimo die , vltima hora & vltima
 coena discipulis suis Iesus Christus, qua-
 si diceret : Vos de Prælatura decertatis,
 vt sciatis quis meus futurus sit successor
 & quis præcipue in Ecclesiâ imperabit:
 respondeo vobis, & dico quod secun-
 dum mensuram & pondus primogeni-
 ti mihi ab omni æternitate à Patre da-
 tum, secundum illud inquam & non al-
 liud, regnum cœlorum vobis conferre
 volo, vt sicuti ego magnis pœnis & infi-
 nitis tormentis illud mihi comparauî,
 ita & vos magnis laboribus compare-
 tis. Hæc Iesu Christi sententia sublimis
 est & profunda, qua suæ Ecclesiæ pasto-
 ribus indicat quanti sit valoris Præla-
 turæ officium, quod non precum aut
 magna

magna pecunię copia comparari debet, sed meritis & laboribus duntaxat, eo quod in Ecclesia Dei officia & dignitates non qui plura possunt, conferri debent; sed ijs qui plus merentur. Quod discipulis suis dixit Christus, *Ego dispono vobis regnum*, indicauit se male conferre non posse Prælaturam, quandoquidem in omnes ei dominium & potestatem contulerat Pater, quia bonus erat: siquidem inter Ecclesię officia, Prælatura ipsi maximè curę est, & cuius strictissima est reddenda ratio. Super hæc verba, *Ego dispono vobis regnum*, dicit S. Chrysostomus, quod ille qui bonus non est non debeat Prælaturam in Ecclesia præsumere acceptare: quoniam bonę vitę contemplatione filio suo Prælaturam contulit Deus Pater: sicut enim oculi puritas ne vel vnā in se tolerare potest paleam, sic ne vnum quidem vitę peruersę virum pati potest Prælaturę officium. Dicit in suo pastoralis S. Gregorius, quod prius multo sancto Petro dixerit Christus, *Sequere me*, Marci. 2. quam, *Pasce oues meas*. I. o. a. 11. Vnde innuit nulli ouium curam com-

mittere.

mittendam, nisi ei qui primo Christum
sequitus est: Prælatuæ enim officium
non ei qui bonus putatur futurus
commitendum est, sed qui de fa-
cto bonus & talis approbatus est. O-
quara multi pro tempore in Ecclesia
prius hanc Iesu Christi vocem, *Pasce
oves meas* audire cupiunt, quàm, *Seque-
re me*: id est qui prius Prælati fieri cu-
piunt, quam boni probari & de facto
tales esse. Vanum est profectò hoc cogi-
tare, immo temerarium magis id idem
acceptare: eo quod multi sua liber-
tate & dignitate vti nescientes ex bonis
mali euaserint, cum è contra ex malis
boni euadere debuissent.

Dum Sancto Petro dicebat Christus,
Sequere me, exhortabatur eum ad be-
nignitatem, humilitatem, castitatem,
patientiam, abstinentiam, & obedienti-
am, & sic sciebat Sanctus Petrus nulli
ouium committendam curam nisi ei
qui Christi vestigia sequebatur. Scien-
dum primum Iesu Christi verbum S.
Petro dictum hoc fuisse, *Sequere me*, &
vltimum, *Pasce oves meas*, & quod inter
hæc duo verba S. Petrum in multis
rebus

rebus probauerit Christus, quodque cum Christo multos arduos labores tolerarit. Vnde concludere possumus, nullum in Ecclesia Prælaturam acceptare debere, nisi prius in multis heroicis actibus probatus sit. In S. Mattheum dicit S. Hieronimus, multos S. Petri cathedræ succedere cupere, paucos autem cum illo Iesum Christum sequi velle: ratio est, quod scilicet non vt diligentius laborent Prælaturæ officium acceptent; sed quo commodius quiescant, meliusq; genio suo indulgeant. Scribens Eugenio Papæ S. Bernardus inquit: Crede mihi & nullatenus dubites sancte Pater Eugeni, si S. Petri successoribus sedes & cathedra cōferretur conditione eius imitandi vitam, quam si non imitarentur, illa sede priuarentur, ego miser peccator iuro, plures futuros aratores quam pastores, *Vade & precede populum; vt possideant terram quam iuravi patribus eorum dicebat Dominus S. Moyse. (Exod. 33)* quasi diceret: In Aegypto cum filiis Israel pepigi me terram promissionis daturum, illos que meos semper futuros, ideo te eo-

rum Ducem elegi, illi autem te Prælaturum elegerunt, quod obsequio meo bene cedit, & tui officij conditioni, ut scilicet semper eos præcedas, & te subsequantur illi, quo in difficilioribus vijs tecum tuti sint, & te ante inimicos conspiciant. Super hæc verba dicit Origenes, Credendum, inquit est, è sexcentis hominum in deserto existentium milibus alios alijs fortiores fuisse, alios alijs ditiores & opulentiores, & quosdam Moyse magis expertos, Moyse tamen imperatum est ut populum præcederet. Quibus docemur bonum Prælaturum debere primū in laboribus & periculis esse. Tēpore quo Dei filius passionē inchoaturus & nostrę redēptionis mysterium completurus erat, discipulis suis imperavit, non solum ut à pugna abstererent, sed & ab euaginatione gladij, ille enim ut bonus Prælatus & pastor periculis se obiecit, discipulos tuto exponens loco. De magno illo duce Alcibiade narrat Plutarchus, quod in nullis vnquam bellis siue periculis dixerit, Ite, sed eamus: pugnate, sed pugnemus: facite, sed faciamus: ideo à suis maxime

me dilectus est, & ab alienigenis super omnes Græcos magni habitus. Debet ergo suos in oratione & horarum recitatione, in labore aut vigilia, ieiunio & disciplina, omnibusque actionibus bonus Prælatus præcedere, eo quod magis Prælati factis quam dictis moveri soleat humanus animus. S. Anselmus super hæc Christi verba, *Venite post me*, dicit, non sine mysterio Deum Moyse præcepisse ut præcederet, & sancto Petro ut sequeretur: per hæc enim monemur bonum pastorem ita oves suas quas regit debere præcedere, ut Iesum sequi non omittat, ne aberret, sic ut ad viam cæli capeffendam debeat in Prælatum oculos figere subditus, & Prælati in Iesum Christum. Inter Prælatos hodiè plures cum Moyse præcedunt, quam cum sancto Petro Iesum sequantur. Sed in hoc præcedunt, ad primò introeundum, ad bonum & suaue hauriendum vinum, ad delicatos comedendus cibos, ad curiosas vestiendas vestes, ad mundum sapius frequentandum, ad liberius viuendum, ad regulas monasticas minus seruandas

wandas cæteris: sic vt ad voluptates sumendas primi sint, ad sustinendos labores autem vltimi. *Simon dormis* inquit Christus S. Petro, *Marci. 14.* quasi diceret, Si sacri mei Collegij Prælatus esse cupias meique gregis suscipere curam, alijs quiescentibus tibi orandum est, & illis dormientibus vigilandum: sub pigri enim custodia Prælati, tutus non potest esse grex. Non sine mysterio cæteros in terrâ cū S. Petro sine cura prostratos nō redarguit Christus sed S. Petrum duntaxat. Quibus insinuat, Prælatos laboribus maioribus q̄ subditos astringi. mori enim nō tenetur subditus nisi ob suæ legis confessionē, sed Prælatus tū propter legē cū propter gregem mori tenetur. Quam multis pastoribus hodie posset Christus obijcere, *Simon dormis?* quibus nulla subditorum est cura, ni eos sibi vtilis esse conspexerint, immo sepius sui religiosi peccatū dissimulabit Prælatus dūmodo sibi obsequio sit. *Simon dormis,* poterimus obijcere Prælato qui videns subditum pacis fractorem, honoris cupidum, denariorum possessorē, lasciuū, Monasterio egredientē, in verbis impudicum,

dicum, quem tamen ob familiarem
 quandam amicitiam vel commodum
 ab eo acceptum tolerat. *Simon dormis*
 obijciemus Prælato cui nulla oues in-
 uisendi cura est, sed tondendi; non pas-
 cendi, sed lac mulgendi; non sanandi, sed
 deglubendi; non scabiem vngendi, sed
 lanam abscindendi; non eas à lupo de-
 fendendi, sed eis sua auferendi: sic vt
 omnem curam, non earum animabus
 saluandis apponat, sed suis redditibus &
 commodis augendis. Si de somno tem-
 porali agamus, æquè eo grauatur S. Pe-
 trus atque alij, quandoquidem labore
 cassus cæterorum more foret. Sed eum
 solum redarguere voluit Christus,
 vt per illum omnes alios Prælatos su-
 per gregem vigilantie moneret, ne eum
 exedat & deuoret diabolus. Dicit S. Ba-
 silius in regula sua: Pudendum est dice-
 re, sed facere magis pudendum, scilicet
 multos in Monasterijs Monachos &
 plures in mundo sæculares scientia &
 bona conscientia pudore & experientia
 carentes, audere multa importunitate
 Prælaturas in Ecclesia Dei procurare, ac
 in religionis asperitate & rigore ex-
 pertissi.

peritissimi essent. Quamuis ergo vt Saul electus sis, vt Dauid vnctus, vt Moyse signatus, vt S Petrus probatus, tamen tremere & vereri debes in Prælaturæ acceptatione; ideoque minus eam sollicitare. Prælati officium non debet desiderari, sed ab animo excludi & non peti; non procurari, sed reijci; non acceptari, sed negari; non humeris imponi, sed deponi: si. n. probus sit Prælatus, nō carebit inuidis ac æmulis, si peruersus, non conscientia offendiculis. Quid quærit quæso ille qui Prælaturam quærit? vicinorū, vt illi de vitijs ipsius inquirant inuidiam procurat, amicorum animaduersionem, & pro honore suo periculum, pro persona laborem, pro conscientia offendiculum, pro inimicis occasiones; à subditis visitatiōes & à Prælati punitiones. Si quondam laboriosa fuit Prælatura, nunc multo laboriosior est, quod gubernantium finierit charitas, subditorum perierit obedientia, mundanorū refrixerit pietas, sicut hodie nihil aliud sit prælatura, quàm longum martyrij genus. De laudibus S. Pauli agens S. Chrysostomus, inquit:

L

cum

cum sancto Petro huius mundi mare
 delere, deferre occasionum navem, de-
 fere deceptionum retia & laqueos, de-
 inde Iesum Christum adi, & eum pas-
 sim sequere, si tibi postmodum dicat,
pasce oves meas, pascere poteris, sed vide
 ne illud officium procures: Prælatūra
 enim officium est ad eò offēdiculis ple-
 num, ut simul ac illud quispiā procurat,
 se illo statim indignum reddat. In sua
 regula dicit S. August. magnū esse peri-
 culum cum Monacho prælaturam an-
 helanti vivere, quod nunquā vllā sit in
 Monasterio futura pax: talis enim si præ-
 latus evadat, ambitiosus erit: si subditus,
 bulliens & inquietus. Super hæc verba,
Simon Petre dilige me plus his, dicit Gre-
 gor. Nazianz. Non sine sublimi myste-
 rio S. Petrū nō rogavit Dominus, volēs
 eum suum cōstituere vicariū, num be-
 nignus, pius, castus & sobrius foret: sed
 num se obnixè cæterisque sui collegij
 magis diligeret: docens, nulli suæ Eccle-
 siæ prælaturam cōmittere velle, nisi qui
 eum maxime diligeret. Si dixisset dū-
 taxat Christus: *Simon dilige me*, sine par-
 ticula

scicula hac, *plus his*, solito famuli in herum amore contentus videretur, sed addendo *plus his*, Sanctum Petrum ceterosque praelatos successores ad Dei filium prae ceteris omnibus amandum ei que obsequendum deuinxit: secus enim praelatus non foret, sed tyrannus, si subdito melior non esset. *Plus his*, hoc est, quod praelatus ceteris humilitate & mansuetudine praelucere debeat, nunquam enim debite suo fungeretur officio Dei famulus, si credat praelaturam officium adeo altum & sublime ei ob sua merita datum. Debet esse *plus his* praelatus, hoc est, debet ceteris omnibus magis pius maiori que charitate praeditus esse: non enim se bonum habere debet Praelatus, qui charitate caret. Debet *plus his* esse praelatus, nempe laborum & poenarum ceteris omnibus magis patiens. Sicut enim incus esse debet, in qua elaborandum & malleo cudendum est ferrum, scopusque in quo collimatur: si suorum Monachorum fragilitates & iniurias dissimulare nequeat, semper agitur & turbabitur, ideoque nunquam pace & quiete fruatur Monasterium. Debet *plus* ~~his~~ *his*

his esse prælatus. hoc est, in vitæ norma omnibus magis sobrius, magisque in cibo temperatus: nullum enim Monasterio maius posset accidere scâdalum, quam prælatum eructantem crapulam, X vinoq; plenum videre, murmurâtib; interim subditis & fame oppressis vociferantibus. Debet *plus his* esse prælatus, scilicet cæteris omnibus in verbis sagacior, & in orationibus prudentior, ex ore prælati, siquidem non solum malitiosum non debet emanare verbum, sed nec otiosum. Debet *plus his* esse prælatus, videlicet in cōuersatione rectior, in affectu complexioneq; cæteris tene-rior & benignior: huiusmodi enim debet apud subditos esse fidei, vt suas necessitates ei declarare non vereantur proibi, & nihil inhonestum rogare peruersi. En hic superabundantē Iesu Christi in S. Petro requisitū habes amorem, virtutesq; prælatis requisitas. Vnde concludimus, in prælaturæ collatione, non quodd'apparet, sed quod mereatur vitâ, spectandum esse.

*Pericula Prælaturas ambientium: peccata,
tum negligenter id officij exequen-
tium, tum impositum de-
rectantium.*

CAPVT XIX.

TV pasces populum meum Israel, & tu
eris dux super Israel, dicebat regi Da-
uidi Dominus Deus: (2. Reg. 5.) quasi di-
ceret, Non te latet Dauid, quod inter
duodecim tribus tuam regalem consti-
tuerim, & te è septem fratribus elege-
rim, vt Rex Israel fieres. Quod autem
te Dominum constituerim hæc causa
est, vt pastor ouium factus, earum curam
geras, ne à lupis deuorentur. Hic duo-
bus verbis complectitur sacra scriptu-
ra, quod multi multis scripsere libris &
sententijs, hoc est, Prælati esse ouibus
quæ ad victum necessaria sunt. submi-
nistrare, & eas è locis periculosis educe-
cere. Sciendum ergo imprimis est, quod
debebat bonus Prælatus & pastor ad
pascendas oues bonis muniri herbis, &
vias callere quib⁹ eas ducat & reducat,
luposque cognoscere, à quibus eandem

arceat, & vigilare vt sciat qua sint illi
 lupi venturi. Qui vno horum carebit,
 videat ne se in pastoralis officio deci-
 piat: summæ etenim leuitatis esset se
 rei impossibili deuincire, & magnæ re-
 meritatis non intelligenti talem con-
 ferre curam. Notandum hic quod non
 dixerit Deus: *Tu pasces teipsum*, sed:
Tu pasces populum meum; quibus infi-
 nuat, quanta Prælato suæ familiæ de-
 beat esse cura, & quam exigua suiip-
 sius: minor enim suiip sius quam alio-
 rum ipsi debet esse cura, cum publicum
 sit prælati officium. Cuidam Abbati
 suis voluptatibus addicto scribens S.
 Bernardus inquit: Te Abba Maure cõ-
 iuro, vt tui tantam non habeas curam,
 quando quidem mei curam susceperis:
 quoniam ego vt subditus tibi soli de-
 uincior, tu autem vt Abbatisti con-
 uentui. Super hæc verba: *Simon dilige
 me*, dicit S. Chrysostomus: Non ioga-
 uit sanctum Petrum Christus, num pin-
 guiorem Episcopatum, Abbatiam, aut
 Prioratum desideraret, sed duntaxat
 num eum cæteris omnibus magis dili-
 geret: nunquam enim viro maioris

præsumptionis, sed melioris vitæ con-
fert prælaturam Deus. S. Bernardus
super hæc verba, *Pasce oues meas*, disse-
rens inquit, quomodo eum Iesu Chri-
sti pascere oues credam, qui nullum
quærit Episcopatum nisi pinguem, nul-
lam Abbatiam nisi locupletem, qui
nullo vult residere loco nisi populofo,
qui nullum nisi suum familiarem ami-
cum, vult habere prælatum? Quis eum
Iesu Christi pascere oues credet, qui
nullam prælaturam in Monasterio,
in quo nihil ad expendendum ar-
genti est, nihil annonæ, nulli ad e-
quitandum equi, nulli ad deambu-
landum horti, in quo nihil ad comē-
dendum grani, & nihil ad bibendum
vini est acceptare vult? Quis eum Iesu
Christi pascere oues credet, qui præla-
turas non ut operetur, sed ut quiescat
quærit, & non ut suam salutem pro-
cure, sed ut suo indulgeat genio?
Quis eum IESU Christi pascere oues
dicet, qui ex pauperum bonis lau-
ta facit conuiuia, & qui è Monasterij
reditibus sibi hoc in mundo ami-
cos comparat, & ad quendam suam

cognitionis educandum ac promouendum, iustam & ordinariam Monachis rescindit portionem? Huiusmodi bestiis suarum ouium curam committi non vult Christus: eo quod boni Prælati & pastoris scopus esse debeat, vt sue animæ, & suæ Reipublicæ saluti inuigilet. Hæc supradicta à S. Bernardo desumuntur. Idem S. Bernardus super hæc verba Apostoli ad Timotheum, 1. cap. 3. *Qui Episcopatum desiderat, bonum opus desiderat*, hæc ait: sententia quæ dicit, quod ille bonum opus desideret, quicumque Prælaturam desiderat, temporis isti conueniebat: eo quod in primitiua Ecclesia primo sedens loco, primus martyrium subibat: sic vt ille qui tunc Prælaturam desiderabat, martyrium desideraret. A Iesu Christi morte vsq; ad Constantinum elapsi sunt: recenti & viginti amplius anni, quorum spatio nullus in ecclesia Dei fuit Episcopus, qui nō graui aliquo malo vexatus, vel martyrij corona sit coronatus: adeo vt prælatorum præcipuus tunc reditus mors foret. Quoniam autem in primitiua Ecclesia prælatis nulla erant quæ mere-

rent.

rent, & in honoris reponderent grana,
sed solæ pascendæ oues, ided eas do-
cere, & ad earum defensionem mori
tantum, parati erant. Sed, pro dolor,
vbi eos dirauit Constantinus, statim
martyrium pati defierūt. Ille equidem
bonum opus desiderat, qui *Episcopatum de-*
siderat; qui Prælaturam assumit, vt ope-
retur, non autem vt liberè viuat: si au-
tem ob libertatem, non verò ob laborē
illum acceper, se profectū turpiter de-
cipit, & omnium totius mundi maximē
seruus viuīt: maior quippe est seruitus,
animo esse molestia & solitudine o-
nusto, quàm pedibus cōpedibus. Dum
autem dicit Apostolus, quod *bonum opus*
desiderat, qui *Episcopatum desiderat*, innuit
eum magnam suscipere curam, qui ani-
marū regimen suscipit, eo quod toties
mori dignus sit Prælatus, quoties suo
malo peccant subditi. His verbis, *Bonum*
opus desiderat, qui *Episcopatum desiderat*,
Prælatum perpetuo deuincit labori A-
postolus, sine vlla quietis obtinendæ
spe. Permittuntur quædam subditis re-
creationes, quibus vti non sine scanda-
lo possent prælati. Sicuti sanctus ille

Moyſes & magnus ſacerdos Aaron niſquam tabernaculo egrediebantur, ſic nunquam vel raro bonum prælatum Monafterio egredi decet: ſi enim quid ſibi incumbat videre velit, cognosceſſe plane ſimilem ingredienti honeſtum & religioſum carcerem.

Duo in Eccleſia Dei Prælatorum reperio genera: primi, potiri poſſunt, & digni ſunt, ſed nolunt: huiusmodi mereri dicere poſſumus, ſi prælaturam humilitatis via acceptare nolint: peccare autē ſi pigritia & timiditate. Cum enim omnes Domini vineam colere debeamus, non ille vna hora duntaxat laborabit, qui toto poteſt operari die. Ille cui contulit Dominus Deus laborandi vires, regendi talentum, non minus peccat ad prælaturam vocatus eam reſnuens, quàm in idoneus eandem procurans. Quemadmodum in corpore humano indecenter oculi pedum fungerentur officio, & pedes oculorum: ita in Eccleſia Dei non poteſt ille qui idoneus eſt ut fiat ſubditus, fieri prælatus, neque e contra. Horum Exodi cap. 4. exempla habemus, ubi aperte declaratur,

sur, quod magnus ille Moyses se à Præ-
latura quam ei in Synagogâ contulerat
Dominus Deus excusaret, dicens se bal-
bum, & illius incapacem: tandem tam
post longiusculam disceptationem, &
detractationem, vt vidit Moysis capaci-
tatem Deus, & Dei voluntatem Moyses,
eam acceptauit. In suo pastoralis S. Gre-
gorius inquit, illum, cui contulit Deus
cordis humilitatem, amorem poenit-
entia, in laboribus patientiam, in ci-
bo sobrietatem, in periculis prudenti-
am, in infirmos benignitatem, in rebel-
les & indomitos asperitatem, & tamen
munitus hisce omnibus gratijs & donis
prælaturam renuit, vt tanto quietius &
magis odiosè viuat, æquè in die iudicij
reum futurum esse, atque qui magna
frumenti abundans copia, populum
fame ferire finit. Addit insuper ille
idem Doctor, quod dum dicit S. Petro
Deus: *si diligis me, pascere oues meas*, idem
sit ac si diceret, Dum ego alicui gra-
tiam & priuilegium me amandi con-
fero, dum ad vicariatum meum & pa-
storatum destino, & tamen qui eo
dignus est, illum respuit, indicat se

non amare me, quandoquidem otiosus
meæ vineæ fructum comedit.

Per legem suâ præceperat (Deut. 25.)
Dominus, vt frater fratris vxorem vi-
duam sine liberis relictam in vxorem
duceret: si nollit, vidua de pede eius
calceamentum solueret, vocareturquæ
domus eius, domus discalceati. Hac in
parte Iesum Christum fratrem nostrum
dicere possemus, & viduâ matrē Eccle-
siâ, cū qua matrimoniū cōtrahere, eius-
q; regimē suscipere tenemur. Qui verò
ab hoc labore non conscientia scrupu-
lo motus, sed quod vereatur ne minor
aliqua pauperiorū ei conferatur Præ-
latura, vel quoniam nō ita liberè & de-
licatè viuere posset abstinere, equidem
ille vno pede nudo incedit, quādoqui-
dem sibi ipsi soli viuatur. Ille in sinistro pe-
de calceos gerit, qui sui ipsius duntaxat
curam habet, & ille dextro, qui pro-
ximi salutem procurat. Ephesijs hac de
causa mandat Apostolus, cap. 6. vt in v-
troque pede calceos gerant. Aliud Præ-
latorum genus est, qui Prælatura adepta
eam neque exercere possunt, neque
sciunt, cum tamen prælati esse velint,
pro-

proueniens hinc, quod stulti & ambitiosi sint, curam qua ritè vti nō possunt suscipientes, & onus quod gestare nequeunt humeris suis imponentes. Toleratur qui ex paupere diues, ex humili honestus, ex aratore eques euadere cupit; sed eum qui inidoneus est, & incapax Prælaturæ, neque vlla patientia tolerare potest, neque vlla lingua tacere. Non enim sine euidenti ratione omnium mūdi optimus eligi deberet, quoties Prælatus quispiam est eligendus: iterum iterumquē dico, quod in quauis electione omnium mundi optimis melior eligendus sit Prælatus. Vt enim omnes simul verum Iesu Christi corpus sumus, ideò omnes ex parte nostra vnicum istius corporis numerum referimus, solus Prælatus integrè Iesum Christum refert, legem suā prædicando, fidem suam defendendo, sanctum nomen eius commendando, sedens in ipsius cathedra. Vnde concludere possumus, tale officium nō nisi familiarieius amico debere committi, quandoquidem Prælatus sit Dei vicarius. *Ego sum pastor bonus, & bonus pastor ani-*

nam suam ponit pro ouibus suis dicebat Christus, (Ioan. 11.) quasi diceret, Pastor sum, & quidem bonus, quia opera boni pastores exerceo, nulla siquidem in mudo ouis, licet scabiosissima, pro qua animam meam non ponam. Super hæc dicit S. Chrysostomus, Non dixit Christus, Princeps sum qui impero, Capitaneus qui pugno, generosus eques, nobilis qui seruiro, ab officijs sum qui laboro, dicit duntaxat sum pastor, qui greges seruo: docens nos, pastorale officiũ inter omnes Ecclesiæ status & uocationes sublimissimum esse, quoniam eo & non alio functus sit Iesus Christus. Si nos tantum pastores esse uoluisset Christus, parum fuisset, sed quod nos oues cognoscere, & ab eis cognosci, immo eas pascere, & animam nostram pro ijs ponere uoluerit, hinc uerè officium est magis horrendum quam desiderandum.

In quadam epistola S. Bernardus inquit: O quam arcto se ligat ille nodo, qui se pastorem futurum profitetur, quandoquidem publicè honorè suum exponat, vitam & animam periculo, &

omnia

omnia sua bona licibus, sic vt à die quo praelaturam acceptat, omnia quæ in hac vita habet periculo exponat. Ille inquam honorem suum periculo exponit, quia in ipsum conuitia iactabuntur; vitam, quia eam exponere, & pro subditiis perdere debet; bona iurgijs, quia pauperes fouere debet, animam quoque periculo, quia si malus fit, condemnabitur: sic vt si qui tale officium procurat, quid agat sciret, illud etiam oblatum, renueret. Sanctus Gregorius in suo Pastoralis inquit, Tunc animam suam pro ouibus ponit pastor, dum eas, vt animam suam amat, dum eas vt vitam suam defendit, dum eas velut propriam personam excipit, dum eas nunquam ne vel ictu oculi deserit. In sanctum Ioannem S. Augustinus inquit, Ille cum Iesu Christo animam suam pro ouibus ponit, qui in periculis primus est in luctu mediator, & qui adulationes flocci pendit: ille inquam, qui pauperes curat, & bonos protegit, e contra malos punit & flagellis excipit. Hugo de Monachorū clauistro loquens inquit, quod

quod Prælatus animam suam pro omnibus donat, dum pusillanimes confortat, debiles solatur, dum ab iracundis patitur, dum cum superbis & ambitiosis dissimulat, dum laboribus oppressos iuuat, & pro egris operatur, dum rebelles & indomitos corrigit, & dum in subditos se benigne habet.

Quomodo obligetur Prælatus quid in Monasterio fiat videre, & subditorum lapsus in charitate corrigere.

CAPVT XX.

Ecce constitui te super regnum, ut euellas, destruas, ædifices, & plantes, inquit Propheta Ieremias, cap. i. quasi diceret: Tu Ieremia Propheta es super duodecim regna Israel, & istius magni populi Hierusalem prædicator. Quod verò tibi illud officium onusque cōtulerim, hæc ratio fuit, ut funditus euellas, & destruas quod malum est, cuius loco omne quod bonum est, ædifices & plantes. Hic aperte Prælato finem, cur eum

Præ-

Prælatum constituerit, designat Dominus Deus, & has esse officij pastoralis conditiones dicit. Nihil erit Iesu Christi Prælato, qui hæc intelligere & ruminare voluerit, quod amplius scire vel inquirere necesse habeat: quoniam his verbis quid agere, & à quibus cauere debeat videt. Norandum & pōderandum est, quod Ieremiam ad eradicandum, destruendum & dissipandum mittens Dominus Deus ipsi non dixerit quid eradicare, demoliri & extirpare deberet: sic vt eum hortulanum esse voluerit, antequam ei hortum assignasset. Hoc mandato nobis declarans, hoc in mundo quouis die tot peruersos reperiri homines, tantaque oriri delicta vt vix mundari possint, multo minus eis remedium adferri, deoque ille Prælatorum discretionis, & iudicio relinquit, vt sicuti singulis diebus illa vitia nascuntur & crescunt, ita ab eis eradicentur & dissipentur. *Hoc mare magnum & spatiosum, illic reptilia, quorum non est numerus, inquit salmista: (Psal. 103.)* quasi diceret, Huius vitæ res consideranti, mihi visa est terra mari periculis plenior.

plenior, & quod plures in ea quam in
manis gurgitibus perirent aduerti. Vi-
di coeli numeratas aues; per terram au-
tem vagantes innumerabiles. Per coeli
aues denotatur iusti, per animalia terræ
peccatores. Quod autem dicat Prophe-
ta se plura auius vidisse animalia, in-
nuit quod multo plures peruersi homi-
nes per res terrenas ambulent, quam
probi & boni per legis Dei mandata.
Toto militantis Ecclesiæ tempore fari-
næ admiscetur furfur, aurum rubigine
commaculatur, rosa spinis circum-
datur, medulla ossibus includitur,
vinum spinosis racemis, & peruer-
sus homo bono & probato miscetur: nec
enim Prælati in sua Ecclesia ob alium
finem constituit Dominus Deus, nisi ut
his malis mederetur, hoc est, ut corre-
ctionis fornace aurum à rubigine se-
paretur, bonâ disciplinâ rosa à spinis,
pastorali cultro ab ossibus medulla, &
bonæ vitæ cribro à farina furfur se mo-
ueretur.

Porro qui his malis medendis non
se occupat, cur quæso se prælaturis
onerat? Hunc potius furem & vagum,
quam

quam verum pastorem & Prælatum dicemus, qui à Deo vt hortolamus fiat vocatus, sit mundanus : & cui vt vrticaseuallat præcipit idem Deus, se rebus prophanis tamen occupat, & cui hortum colere, incultum tamen finit, & cui agrum diligenter conseruare, ne semel quidem eum visitat, nisi dum redditus fructuum est collecturus. Nec quoque sine mysterio non simpliciter Ieremiæ præcepit Deus, vt euelleret & dissiparet omne id quod malum erat, sed vt sic euelleret, ne vel vna superesset radix, qua cum herbis eradicata nihil amplius cresceret, nedum vlla reliquiarum pars. Hoc adeò notabili exemplo sui officij commonefieri debet Prælatus, quatenus sic graua peccata puniant, & ita viuaciter enormes extirpēt excessus, vt eorum omnes patratores puniantur & terreantur, ac omnes qui eos viderint resipiscant, & melius agāt. Cum verò multa sunt peccata, & à personis magnis commissa, si ea corrigi & extirpari non possint, præstat dissimulare, quàm ea punire : si nullum enim ex correctione possit promi commodum.

modum, cauendum est à scandalo. Non est pastor; sed prauaricator qui bona sibi commissa inutiliter dissipat propriamque suam personam, non ut subditis remedio sit futurus exponit sed ut inimicos vleiscatur; & quod omnium est grauissimum, qui iniurias Deo illatas dissimulat, sibi que illatas nullis ignoscit. Porro contrarium nos docuit Dei filius, qui proprijs manibus flagellauit, tēplo patrē suū offendentes expulit, & in cruce pro crucifigentibus orauit, volens hoc aded heroico actu omnes praelatos iniuriarum sibi illatarum statim obliuisci, sed vleisci eas quæ Deo inferrentur: siquidem praelati officium nihil est, nisi æquilibrium pondus iustificans, & amussis recta ædificium pulchrè consummans. Ille profectò reprehensione immo punitione dignus est praelatus, qui inordinata quadam affectione, se inordinare in subditos gereret: ed quod nihil sit vnde de praelatura praelatus deponi mereatur magis, quàm dum in conuentu factiosus & seditione plenus reperitur.

In Domini nostri Iesu Christi Collegio,

legio, illius particulares & familiares
amicierant, & S. Petrus & S. Ioannes
eius cognatus, quorum vnus dum non
quod debebat rogasset, & alter quod
non conueniebat dixisset, S. Ioannem
monuit dicens: *Nescitis quid petatis*, &
S. Petrum arguit his verbis: *Vade retro
Sathana*. (Matth. 20. & Marc. 8.) Hoc
exemplo omnes discant Prælati, quo-
modo se in familiares amicos habere
debeant: vt scilicet nullam amicitie
cum eis legem seruent, dum eos Deum
offendere, & regulam transgredi vide-
rint. Habeant illum sibi duntaxat in
Monasterio amicum, quem omnium
maximè probum nouerint.

Secundum ergo præceptum Domini
Ieremie factum, debet Prælatus à cor-
de omnem euellere affectionem & pas-
sionem: vt verè enim & liberè loquar:
Ille potius tyrannus quam prælatus di-
cendus est, qui ab omnibus sibi obse-
quium præstari vult, à tribus autem vel
quatuor tantum diligi. Propterea quod
nullus bonus fieri prælatus possit, nisi se
à passionibus & affectionibus liberum
reddat: ideo etiam aduertere debet,
quod

quod statim vt sibi aliquem familiarem
amicum elegit, se seruum & mancipiū
efficiat: amoris enim iugum, longè o-
bedientiæ humeris nostris iugo impo-
sito grauius est. Quocirca animo ab
omni affectione & passione immuni,
seriò sui Monasterij correctioni & re-
gulis inuigilare debet: aduertendo sci-
licet, num subditi Euangelium quod se
in baptismo obseruatueros iurarunt, &
regulam quam profitendo polliciti sunt,
obseruent. In his duobus enim nulla
debent dissimulari vitia, neque impu-
nita relinqui. Immoderum dico, Prae-
latos verè de vitijs inquirere debere &
peccata viuaciter euellere: si enim ea
cognoscat, & ijs non medeantur, sta-
tim ea ab eis probari dicentur, quan-
doquidem illa non corrigantur. Sicuti
modicum fermentum totam massam corrumpit. (1. Cor. 5.) & olei guttā tota com-
maculatur toga, & exigua scintilla to-
ta incendio conflagrat domus. sic con-
suetudine remissa, vel vitio abscondito
& dissimulato integra domus & fami-
liæ in interitum prouunt. Dicit in
Psalmos S. Ambrosius, Prælatū magni
ca fa-

ea facere debere que mūdus floccipendit, veluti temporis iacturam, inordinatam loquacitatem; nimirum esum, curiosas vestes, dissolutas deambulationes: nam hæc omnia ita Dei famulo ad perfectionem tendere volēti necessaria sunt, sicut Dei mādāta ei qui Christianus fieri vult. In vitæ solitariae libro reperiuntur hæc scripta verba: nimirum, quod bonus pastor à suo confortio omnem nouam consuetudinem, omnem antiquam passionem, omne inueteratum vitium, omnes incorrigibiles religiosos eiicere debeat, quod vnumquodque horum ad dissoluēdum & ordinem bonè vnitum exterminandum sit sufficiens, quanto magis ergo vnicum Monasterium? In pectore Aaron erat rationale, & nomina duodecim Tribuum scripta in eo, inquit scriptura, (*Exod. cap. 28.*) quasi diceret, Magnus sacerdos Aaron, nunquam tabernaculum sacrificia oblaturus ingredi audebat, sine rationali eius pectori adfixo, & duodecim Patriarcharum nominibus scriptis. Super hæc in suo Pastorali dicit S. Gregorius, quod Prælatum

tunc

tunc cordi suo rationale imponere, di-
omnes suas actiones rationi submittit;
& tunc duodecim Tribuum nomina
pectori suo insculpta habere, dum se
secundum suorum prædecessorum re-
gulas gerit, quod agendo neq; in mari,
neque in terra à vera via deflectere po-
test.

Lycurgus magnus ille Philosophus
suis Lacedæmonijs sub graui pœna pro-
hibuit, non tantum externas consue-
tudines, sed & extra patriam peregrina-
tiones: dicens, nullas vnquam in Re-
publica oriri seditiones, nisi per eos
qui nouas conantur introducere con-
suetudines. Nulli vel nobili, vel seni-
ori permittet Prælatus, in victus & ve-
stitus communi norma, singularem.
Verendum enim est, ne libertatem
quærendo, se à conuentu eximant:
nobili enim sufficere debet, si ei reue-
rentia exhibeatur, & seni si toleretur.
Videbit etiam prælatus, ne vilo modo
eum qui in sua familia nouam quan-
dam consuetudinem introducere vult,
audiat: noua enim illa, nunquam
inuenta, aut in medium producta sunt,
nisi

nisi vel per ambitiosum vt promoueretur; vel per cholicum, vt vindictam sumat; vel per seditiosum, qui sese ostentare vult; vel per ignarum, qui quod agit ignorat. Scribens Lucilio Seneca inquit; Ne homines molestos & inquietos ames, te enim decipiant: ne te nouis applices rebus, te enim omnino immutabunt, vt verè enim loquar, nunquam in Republica nostra noua vidi quin quoddam generarint scandalum, vel quin ea à stulto inuenta sint. Dum quispiam in Monasterium vestem suscepturus venit, non vt illud reformet ingreditur, sed vt seipsum: & dum proficitur, non pollicetur se eam quam ipse instituet obseruaturum regulam; sed quam in Monasterio institutam reperit: sic, vt si talis quidpiam noui introducere conetur, hoc non nisi à leuitate & summa stupiditate oriatur. *Cumq; minasset Moyses gregem ad interiora deserti apparuit ei Dominus*, inquit sacra Scriptura, *Exod. 3.* quasi diceret, Cum sanctus Moyses, sui soceri Iethro oues pasceret, ac in interiora deserti introduceret, in rubo ardenti apparuit ei Dominus, cumq; tunc tē-

poris mille ouium dūtaxat esset pastor, factus est sexcentarum millium animarum postmodum ductor. Porro cum in tota sacra Scriptura nullum sit non vtile & mysterio plenum verbū, equum est, vt ex hoc adeo notabili exemplo aliquem fructum referamus. Notandum sermo est quod Moyse Dominus non apparuit, nisi cum solus esset, cum in deserto esset, cum pasceret gregem. Quibus insinuat Dominum non se vitiosis neque vagis, neque ijs qui suo proximo familiariter non vtuntur communicare: non enim nisi ijs qui se familiariter suam gratiam confert Dominus. Gregem suum pascendum Præbato otioso, & rebus mundanis immerso non committit Dominus, neque tali in rubo apparebit, neque talem suæ Ecclesiæ Pastorem constituet, sicuti in sancto Moyse patet, cui sui populi regimen non commisit, nisi cum solum & suo officio fungentem reperit, (1. Reg. 16.) Custodiebat Dauid oues dum Rex Israel vnctus est: Pascebat oues Moyses dum Synagogæ cōstitutus est princeps: Vigilabant super gregem pastores, dum
eis

eis apparuit angelus : Conseruabat oues Amos, dum eum Prophetam constituit Dominus. Quibus exemplis concludere possumus, Dominum non otiosos, & vagos suæ Ecclesiæ Prælatos constituere velle. Notandum quoque est Dominum Moyse in rubo non apparuisse, neque suæ Ecclesiæ Prælatum constituisse, dum deserto gregem educeret, sed dum in interiora deserti deduceret. Vnde concluderelicet, quod sicuti remisso & pigro suarum ouium curam non committit agricola, sic desidi animarum cura non est committenda. Suum gregem è deserto educi non petit Iesus Christus, sed eum in medio illius foueri: hoc est, boni Prælati esse & pastoris, zelo quodam suos subditos in Monasterio custodire; non autem pati eos per mundum ad eorum interitum diuagari: voluptuosus enim est mundus, peruersus diabolus, suis appetitibus agitata caro. Dei famulus maior detrimentum sibi vno die suo Monasterio egrediens conciliat, quam decem in illo inclusus. In interiora deserti suum

M 2 gregem

gregem conducit Prælatus inquit Hugo in animæ clauſtro, dū plus temporis in conſolationibus ſpiritualibus, quam in corporis recreationibus impēdit, dū magis ad ſubditorum proſectum operatur, quā ad complacentiā: quo ſapidi-
or enim eſt animæ cibus, eo difficilius obtinetur. Tūc in interiora deſerti gregem ſuum ducit Prælatus dū ſuū Conuētum & Monaſteriū reformare conatur: bona enim fama coram hominibus
X præluce nō minus tenetur Dei famuli, quā corā maiestatis diuinæ oculis bona conſcientia. Tum quoq; in interiora deſerti ſuum gregem ducit Prælatus, dū ſubditos mundi huius negotiationibus ſe immiſcere non compellit: dum eis nihil cōſcientię noxiū imperat, dum eis peccandi nullam præbet occaſionem, dum eis licentiam per mundum diuagandi non concedit: eo enim apud Deum in minori eſt pretio Dei famulus, quo apud mundum in maiori eſt. In interiora deſerti inquam ſuum gregem ducit Prælatus, dum ſubditos humilitatem in officijs, in laboribus patientiam, in cibis abſtinentiam, in tentationibus reſi-

verbum tuū Prophetam ordinasti: sed scias me balbum & lingua impeditum Domine, sic vt neque concionari, neque loqui valeam. Dum cum Moyse loquutus fuisset Dominus Deus, & ei sua arcana communicasset in rubo apparens præcepit, vt ad Pharaonē suum populū captiuitate & seruitute liberaturus accederet: at ille se balbum talis, quē propter impedimentum lingue officij incapacem respondit, cupiens id officij audaciori & eloquentiori committi. Non sine mysterio loquela caruit Ieremias, dum cum suū Prophetam constituit Dominus Deus, & loqui non potuit Moyses loquente cum ipso Domino: vnde, quam dispar cum Deo & hominibus sit loquendi modus colligi potest, eo quod cum hominibus verba habētes perpetuo loquamur, cum Deo autem taciturnitatē addiscamus. Longe ergo Dei agendi modus mundanorum modo differens est: cum in nulla re se sanctificatū ostendit Ieremias, nisi quod statim mutus factus sit: & se cum Deo loquutū non aliter ostendat Moyses, quā quod statim balbus factus sit: nec

nec se sancti Spiritus gratiam recepisse.
alio signo demonstrent Apostoli, nisi q.
alio quam antea loqueretur modo. His
exemplis aperte docet scriptura, primò
linguâ refrenare maximè necessarium
esse ei qui suam vult corrigere vitam:
incôpatibilia enim in homine sunt ma-
la lingua & bona cōscientia. *Mors & vita*
in manibus lingua (Pro. 8.) inquit Salomō,
quasi diceret, desiderabiliū, vt vita opti-
mū, ita nihil morte terribilibus est: vin-
cere enim omnia vegetat: mors autem
absumit. Dum dicit (Matt. 26.) Christus
Transseat à me calix iste, ostendit se mor-
tem timuisse, & dum dicit Apostolus,
(2. Cor. 5.) *Nolumus exspoliari*, declarauit
quantū vitam amaret. Vnde mirum nō
esse colligere possumus, si quod amarūt
& horruerunt iusti, idem ament & ex-
horreant peccatores. Quod dicat Salo-
mon mortem quam ita formidamus, &
vitam quam vsque adeo amamus à lin-
gua qua loquimur dependere, profectò
hoc & experiri dolédum, & molestum
audire est, eo quod illud quod à nobis
tanti fieri debebat, poterat tutiori loco
quam lingua manibus committi.

Ad hæc dicit S. Chrysostomus, linguam eodem in ore fungi officio, quo in demo porta. Quod dicat proinde Sapiens, *Mors & vita in manibus lingua*, hoc est, quod quavis hora ad nos deferendos portæ immineat vita, & quod eidem mors adstet ad ingrediendum. In nulla corporis parte periculosius, quam in ore & lingua collocari potuissent vita & mors, eo quod per illa à nobis sine loquela recedere possit vita, & mors non vocata ingredi. *Habemus thesaurum in vasis fictilibus*, inquit bat (2. Cor. 4) diuinus ille S. Paulus loquens ut tristis: quasi diceret, Nobis Christianis admodum graue est, quod in adeo fragilibus & perituris vasis thesaurum nostrum gestemus, in intellectu fidem videlicet, in voluntate charitatem, in oculis notitiam, in auribus auditum, in manibus misericordiam, in ore abstinenciam, in corde & corpore castitatem, in animo amorem, in lingua vitam. Equidē vellemus, si valeremus tam pretiosas & exoptatas virtutes in vasis tutioribus, nec ita corruptibilibus velut in membris nostris quæ putrescent gerere, eo quod

eo quod cum summo periculo attingantur illa, & facillimè frangantur. Perfectò sub potestate linguæ constituta vita nostra summopere periclitatur: cum enim ossa quæ eam firmam teneant non habeat, sed duntaxat neruum, ideo sæpè neque quod ei imperamus pronuciare valet, neque quod eius fidei committimus conseruare. Quod dicat Salomon, inquit S. Gregorius: *Mors & vita in manibus linguæ*, hoc est, quod quibusdam benè loquendo salutis occasionem contulerit lingua, & quibusdam perditionis: molestum enim quoddam verbum, magis nobilem & generosum animum lædit, quàm rusticum hominem cultri ictus.

Rogante Deo Cain cur fratrem suū Abel interfecisset, indebitè respondens ait, *Maiores iniquitas mea, quam ut veniā merear*. Super hæc verba dicit S. Augustinus: Mentiris proditor Cain, mentiris; longè enim Dei misericordia iniquitate tua maior est: ipsi enim indulgere proprium est, & vlcisci impropriū. Evidenter apparet quod longè grauius in suis verbis quàm in factis peccarit mi-

ser ille Cain : fratri enim letali verberavit amem, se ipsum autē propria lingua iugulavit. Turpe & infame peccare est ; sed de Dei misericordia desperare diabolicū est : eo quod gravius peccemus Deum nimij rigoris accusantes, quam in ipsum quoddam committentes peccatum. Dicit Evangelistarum vnus, (Mar. 15.) Iesum Christū hora tertia crucifixum, alter verò (Luc. 23.) hora sexta. Huius autem difficultatis nodus est, quod hora tertia Pilatum rogarint Iudaei vt crucifingeretur, & hora sexta eum crucifixerunt: sic vt hora tertia eū lingua, hora sexta verò clavis crucifixerint. Graue oportet sit linguae peccatū, quandoquidē illi qui eum linguis crucifixerunt æque criminis rei sint, atque qui ipso facto cruci affixerunt. Secundum S. Augustinum. verò in Psal. 42. *Domine exaudi orationem meam*, magis rei sunt qui linguis eū crucifixerunt, quam qui clavis, vti apparet ex eo quod pro carnificibus orarit Dominus, quia ignorarent quid agerent, non autē pro Hebraeis, qui quod peterent sciebant. Sui exercitii & bonorum, imò honoris &

vita iacturam fecit rex Sēnacherib, nulla tamen in urbem Ierusalem depopulatione & direptione, vel nece facta, non quidem propter acta, sed propter dicta. Plurimi ante Sennacherib illo grauiora multa commiserē mala & incommoda: nihilominus non adeo grauius plexi sunt, quod quamuis lanceis & armis hostiliter egissent, linguam tamen à malis verbis custodissent: sed grauius ille plexus, quod indecenter loquutus fuisset. Hoc exemplo docemur, æquum & iustum esse, in suo regno Reges, & in suis Monasterijs Prælatos & quā vti iustitia, inhonestū autem eosdem peruersis vti verbis: Frequentius enim de verbis iniurijs illatis conqueruntur subditi, quā de disciplinis acceptis. Dicebat Nicias dux ille Atheniensium, boni esse militis se suo gladio formidabilem exhibere, & lingua laudabilem. *Pater Abraham, miserere mei,* inquebat Patriarchæ Abraham diues ille epulo: quasi diceret, *Pater Abraham miserere mei, impera dilecto tuo Lazaro, vt extremam digiti sui partem in*

aquam intingat, qua linguam quæ hac in flamma vritur refrigeret. Hic consideranda epulonis exigua petitio, quamquæ exigua re contentus foret ponderandum; sola scilicet aquæ gutta, qua linguam suam exardescentem refrigeraret: sed Deus iustus eum exaudire nolens, petitioni non acquieuit: æquum enim erat ei tamen illum aquam denegare, qui micas de mensa cadentes Lazaro denegauerat. Mysterio plena res est, quod de nullare sic conquereretur infelix ille diues, & in nullo membro ita loqueretur, sicut in lingua, causa erat, quod grauius lingua, quam alijs membris peccasset. Mirabile est, diuitem illum non de oculis quibus respexerat conqueri, neque de auribus quibus audiuerat, neque de gutture quo se repleuerat, neque de manibus quibus palpauerat, sed de sola lingua qua offenderat. Vnde quanto-pere ab isto declinare vitio debeamus serio monemur, cum illud adeo grauiter in alio mundo puniat Dominus. A multo & quidem antiquo tempore moris fuit à refectione ludere, nugari, ridere, & genio indulgere, viuos vt aiunt sepeliendo,

peliendo, & mortuos infamijs & detractio-
 nibus è terra educendo: sic vt sapius
 in mensa non amplius quam tria cibo-
 rum sint genera, cum tamen amplius
 quam sex. dentibus deuorentur, perso-
 næ. Huius diuitis epulonis æmulatores
 hodie in mundo multi reperiuntur di-
 uites: hoc est multi sunt edaces, pota-
 tores, loquaces & detractores, qui ad
 eum locū in quo nunc est cum eo ituri
 sunt, cum hic eum sequantur: æquum
 enim est, vt qui eum in culpa sequuntur,
 eadem & poena puniantur: Agens de
 lapsu Luciferi S. Augustinus inquit:
 Quod dixeris Lucifer te in cœli empy-
 rei culmen conscendere velle, & te illic
 sedem tuam collocaturum, te quæ fu-
 turum altissimo similem, æquum fuit
 te è tuo statu labi, quandoquidem vo-
 lueris quod nō eras esse. Addit insuper
 S. Augustinus quidpiam nobis notan-
 dum, scilicet quod Lucifer non è cœlo-
 rum culmine delapsus sit propter gulā
 aut avaritiam, aut acediam, sed ob ni-
 miam superbiam: vnde quod ex angelo
 diabolus euaserit, non ei propter acta
 hoc accidit, sed ppter dicta, dololatriæ

Babylonij dixerant (*Genes. 11.*) se turrim adeo altam structuros, ut cœlum tangeret, qua se impoſterum à diluvio liberarent, afferentes ſe propria virtute mortem euafuros, & Dominũ non amplius iſis vitam adempturum. His porro notandum, quod Dominus Deus pro tã enormi facinore, eos in proprijs perſonis, & bonis punire noluerit, noluit eorum agros deuafare, neq; eis vitam adimere, ſed eos in linguis duntaxat punire. Vnde concludere poſſumus, Dominũ Deum non ita eis ſuccenſuiſſe ob ædificatam ex parte turrim, quam ob verba ſuperbè ab eis prolata. Priuſquam fatui illi Babylonij turrim erigere, & dicta dicere præſumpſiſſent; vno eodemque modo loquebantur omnes: ſed commiſſo peccato ſtatim eis vſum loquendi ademit Dominus. Poterat Dominus Deus eos omnes aquis immergere ſicuti Aegyptios, vel excẽcare ſicuti Sodomitas, ſed hoc ei nõ placuit, voluit eos duntaxat in lingua, qua eum mirum in modum læſerant, & non in alio aliquo membro punire. Sed uti-
niam

nam atque vtiā omnes loquaces & obmurmuratores eodem in lingua plecterentur modo, quō ſit Babylonij: aſſeuerarim: ego miſer peccator, plures tribus linguas ſuas refrēnatos, & à multiloquio ceſſaturos. Iuueni Amalechitæ regis Saulis ei mortem annuncianti dixit Dauid Rex: (2. Reg. 1.) *Sanguis tuus ſuper caput tuum: os enim tuū loquutum eſt aduerſum te, dicēs: Ego interfeci Chriſtum Domini: quaſi diceret, Hic coram Maieſtate diuina proteſtor, ne me vitæ tuæ reum condemnēt, quandoquidem te tuo ore morti adiudicaueris, dicēs: ego interfeci Chriſtum Domini, cuius togam ne quidem tangere debebas, multo minus ei vitam adimere. Notandum quod dum iuuenem illum Amalechitā morti tradi præcepit bonus ille rex Dauid, hoc præceperit nō tam propter homicidium ab eo patratum, quā propter gloriam, quam ex eo facinore ſibi attribuebat: ſic vt ſi miſer iuuenis ille lancea regem Saulē occiderit, ſeipſum quoq; propria lingua enecarit. Supradicta itaq; recolligētes, dicim⁹*
iuu-

inuidum illum Cain, & superbum Luciferum, vanum Sennacherib, Babylonios, iuuenem Amalechitâ forsan vita non priuandos in hoc mundo & in alio gloria fuisse, si suæ vitæ malo regimine contenti, insuper mala & iniuriosa verba non protulissent.

Quod malæ linguæ quæ in mundo sunt, sint ranarum plagis, quas Deus in Aegyptum misit longè peiores, & quid super hac recitant Doctores.

CAPVT XXII.

*E*Go percutiam omnes terminos Aegypti raris, inquit Dominus Deus Moyfi, (Exod. 8.) quasi diceret; quandoquidem mandata mea rideat rex Pharao, nec dimittat populum meum, effundam omnes ranas quæ in lacubus & stagnis, in fluminibus & riuibus sunt, in eorum domos, & in populum: sic vt comedere cogitantes suas mensas eis refertas, & dormire volentes iisdem cubilia plena sint

fiat reperturi. Hoc sine magno mysterio factum non fuit : quandoquidem enim veneno quo obfint, dentibus quibus mordeant, vnguibus quibus decerpant, cornibus quibus nocent careant ranæ, cur quæso eas ad puniendos Aegyptios misit Dominus, cum eis nullo modo nocere possent? Ad hoc respondeo & dico, quod quamuis armis nociuis careant ranæ, linguis tamen quibus molestæ essent, non carebant. Ut enim clamosæ sunt (præter quod eorum domus, & arces eis repletæ essent) ita tamen Aegyptios suis clamoribus vexabant, ut neque seipsos audire, neque convenire possent. Quod ad me, hanc Aegyptiorum plagam, hodiernam malarum linguarum plagam non incongrue puto dici posse, quæ non adeo exigua est, quin Aegyptiorum plagam superet : tolerabilius enim est ranarum rumores audire, quam malarum linguarum detractiones. Ranæ conditio ad malæ linguæ naturam convenienter referri potest ; sicuti enim non in nitidis, sed immundis & sordidis aquis

aquis clamat, ita garrulus homo non de bono quod videt, sed de malo quod scit simpliciter loquitur & obgannit. Atque vtinam ranarum more dūtaxat diceret, nec ita clara voce publicaret: sed pro dolor ita enorme est malum, vt loquax, neque quod agit tacere valeat, neque quod in amicis videt dissimulare. Solet quoque rana tam de die quam nocte clamare nulla intermedia quiete aut somno, imò nec patitur alios dormire: quæ conditio etiam malæ linguæ conuenit, quæ nunquam loqui aut oblatrare cessat. Lucilio scribens Seneca inquit: Pâsseres sub vesperum in nidos suos secedunt, & cetera animalia ferocia in cauernas suas, prohi verò homines in domos suas, solus homo malam linguam habens, non cessat neque quiescit, sapius loquendo dormitat, & obganniendo ieiunium soluit. Insuper addit Seneca: Amicus tuus & vicinus meus mihi aliquando lepidè respondit: vt enim sapius eum à cibo abstinere quo libertus loqueretur vidi, seriusquæ ad lectum properare, vt commodius mur-

murmuraret, obiurgare eum cœpi dicens, hoc illi malè cedere: respondit, tace pro me Seneca¹, & ego pro te loquar: ille enim gaudia non nouit, qui murmurare nescit. Pythagoram Græcū summopere laudat magnus ille Plutarchus & Herculem Thebanum, Sertorium Romanum, Lycurgum Lacedæmonium, aliosquē quod ita breuitatis amatores essent, & prolixitatis inimici, ut maiora multo signis quam verbis docuerint & dixerint. In Prophetam Amos scribens S. Hieronymus inquit: Si rectè aduertere velis, videbis Dominum Deum, non aliā ob causam ad eum eminenti loco posuisse linguam, nisi quod ei sublime cōmitteret officium. Infra cerebrum, in quo residet intellectus collocauit, & supra cor in quo dictamen & rationis origo est, ne quid loqueretur nisi quod intellectus ei suggereret, & nihil diceret nisi quod præciperet ratio. Considerandum quoque est, quod natura homini duos pedes, duas aures, duos oculos, duas manus cōtulerit, sed unicam linguā duntaxat.

Vnde.

Vnde inferre possumus, quod nobis multa videre, multa audire, & multa operari licet, sed pauca loqui. Nihil in aurum, manuum, pedum custodiam contulit natura, linguam verò circumvallauit maxillis, gingiuis, labijs & dentibus: quasi quidpiam foret quod magna egeret clausura, dum solet stultescere. Prudentum est cogitare prius quàm loqui: ideoque dicebat Macrobius, quod dū lingua præcederet mentem, statim subsequeretur poenitentia. Hæc supradicta ex S Hieronymo desumuntur. Antiqui Lacedæmonij, qui suis virtutibus tanta vicerunt regna, & quorum memoria in sæcula seculorum diffusa est, quamuis Græci forent, nihilominus in suos fines Rhetoricę artem nunquam admittere voluerunt, dicentes Respublicas non eloquentię, sed malorum actionū defectu perire. Cuidam græco Philosopho dicenti Lycurgo, se Reipublicæ ipsius ciues elegatē eloquentiæ modū docturum, eo quod rustica nimis foret eorum lingua, respondit Lycurgus: Vade frater, vade in Lycaoniam, vbi subtiliter & artificiose

tiôsè loqui moris est, quod ad me & meæ Reipublicæ ciues, malumus prudentiam rusticam quam vanam eloquentiam. Hoc responsum profectò tali dignum fuit viro : magna enim est affinitas & similitudo inter id quod arte fit, & deceptione : ideo prudentium verba cum simplicitate proferri debêt, non autem cum compositione & arte. Magnus Orator Sophista publicè ab vrbe Athenis in exiliũ missus est, quod nunquam in sua Academia suos discipulos bonam benè viuendi normam docuisset, sed eloquentiam duntaxat. Si vigeret adhuc, & hoc nostro tempore in praxim redigeretur Græca ista lex, equidem certo certius sciremus multos litterarum professores in exilium mittendos, quod maxima professorum pars in suis Academijs curiosius artem periculosæ litis defendendi doceant, quam Iesu Christi legem obseruandi. Habuit quondam quidam Abderitarum Legatus ad Regem Agrin orationem longam & prolixam : petebatquæ suæ legationi responsum : respondit Rex, Reipublicæ tuæ incolis
dices,

dicer, respondere mihi non licuisse,
 quod tuis verbis finem non feceris. Ap-
 pud Aristotelem Philosophum dicenti
 cuidam, suo iudicio, verba quædam
 magni ponderis & momenti, petenti-
 quæ ab eodem Aristotele, num ea ver-
 ba magni faceret, necne respondit Phi-
 losophus, se non ea mirari; sed mirari
 hominem pedes ad fugiendum haben-
 tem, posse tam prolixos audire discursus.
 In solempni quodam conuiuio quo
 Lycaonios legatos excipiebat Senatus
 Atheniensis, omnibus lepidis & iucun-
 da proferentibus solus tacebat Zenon
 Philosophus, cui legati dixerunt: Quid
 de tua persona Zenon Regi nostro re-
 feremus? respondit Zenon, Regi vestro
 dicetis vos vidisse senem in conuiuio
 iucundum, vitris circumdatum, & non
 bibentem, loquacibus & non loquen-
 tem. Narrat Quintus Curtius quædam
 Regis Darij ducem, eiusdem Darij fa-
 miliarissimum amicum in Alexandrum
 magnum murmurasse: cum hoc ferre
 non posset Rex, lanceæ cuspide eum per-
 cutiens dixit: Sile, sile, non tibi in Alex-
 andrum murmurandi & obblaterandi
 licet.

licentiam concedo, sed cum eo decer-
tandi. Narrat in quadā Comædia Plato
de quodam coquo, qui in solenni quo-
dam conuiuiō multa verba habuit, cui
dominus qui eam eo duxerat, dixit: In
nomine Dei nōs hic loqui permitte; tu
verō ad culinam tuam perge. non enim
linguam tuam qua hic vtaris, conduxi-
mus, sed manus tuas quib⁹ cibos pares.
Ferunt Epiminondam græcum sapius
dixisse, omnium hominum inutilissi-
mum huic esse, qui sua lingua eo tem-
pore quo manibus vti deberet vtitur.
Prudentum hominum est, tempore pa-
cis consilium quærere, & periculi reme-
dium. In libro iræ dicit Seneca: Meo
quidē iudicio, inquit, nullus lingua sua
molestus esse deberet, cui sua lancea re-
sistere nullo modo potest: timidi enim
est animi quidpiā aggredi, vnde felicē
non possit reperire exitum. Consulēti-
bus quibusdā Alcibiadi, diuersis modis,
negotijs belli periculoso in statu existē-
tibus, dixit: Si in verbis & nō bello con-
sistat victoria, ne animo deficiam⁹, ecō-
tra vires duplicemus: multi. n. qui cōsu-
lant sunt duces, sed pauci qui dimicent:
si au;

fi autē belli neruus in armis & non verbis consistat, inite bellum, & à consilijs abstinete.

Laudabant quidem mirum in modum Ciceronis eloquentiam eius amici, vt refert Plutarchus, nihil tamen ei secreti aut magni momenti communicare audebāt propter suam linguam, dicentes illic prudentiæ & constantiæ nihil esse vbi magna erat eloquentia. Narrat Plato omnes homines in suis actionibus constantes, & in suis dictis eloquentes, natos ad magnum patriæ commodum vel incommodum: sicuti videre est in Alcibiade, Themistocle, Catilina, Dionysio tyranno, Cæsare, Alexandro, quorum aliqui ita patriæ perniciosi fuere, vt eos non natos præstitisset; cæteri verò ita boni, qui mori non debuerant. *In ore fatuorum cor eorum, inquit Sapiens, & in corde sapientium os illorum.* Quibus innuit quempiam tunc animum in lingua habere, cum quid agat nescit, & tunc linguam in animo, dum quid loquatur verè scit. Dicit S. August. nullū esse in mundo venū, in q̃ remedium nō sit adinuentū,
præ-

præterquam in murmuratoris linguam
contra quam in hunc vsq; diem reme-
dium deficit. Ad hæc dicit S. Bernard.
multas prouincias venenum ignorare,
sed nullum in toto mundo esse angu-
lum, qui malis linguis non sit plenus.
In suis Etymologijs dicit S. Isidorus,
nullum animal venenosum aliud ve-
nenosum mordere, excepto homine
loquace & malitioso, qui amicum per-
dere mauult, quã vnicum sui oris ver-
bum. Dicebat Philosophus Bias omnes
homines vitiosos suis vitijs frui, excep-
tis maledicis & loquacib. quos omnes
vt pestem fugiunt: quod enim omnes
omnia scire velint, ideo nullus eorum
suomet socio fidit. Poetã Philippi dem
tantopere amabat Lyfimachus Rex, vt
ad mercedem petendam eum impule-
rit, quam ei pollicebatur, dummodo
peteret. Cui Poeta, nullam inquit in
obsequiorum meorum satisfactionem
mercedẽ peto, nisi vt nihil mihi secretũ
reueles: eo quod in Principum domi-
bus nullus magis pericletur, quam qui
à secretis est. Mirificè Socratis dictum
laudatur, qui dũ corã illo quidã scitus

N

puer

puer statueretur, vt physionomiae & continentiae consideratione eius naturam & inclinationem cognosceret. Loquere inquit, vt te cognoscam; insinuans, hominem melius verbis quàm vultu cognosci.

Periculosum esse cum multiloquo & malitioso verba habere: & tutissimum, huiusmodi homines fugere.

CAPVT XXIII.

Isti de mundo sunt: ideo de mundo loquuntur, dicebat suis Euangelista Ioannes, (1. Ioan 4.) quasi diceret, Nolite mirari amici, mundanos de mundo loqui, & & diuinos de Deo. nam in nulla re melius quam in lingua animae potest bonitas vel malitia cognosci. Docemur hic modum, bonum aut malum hominem cognoscendi: ex verbis quae profert scilicet, & non ex veste quam gerit: sicut enim corpus tegunt togae, ita animum detegunt verba. Quod dicat Apostolus: Qui de mundo sunt, de mundo loquuntur, hoc est,

est, non nisi de superbia & ambitione loquitur superbus, de malitia inuidus, de vindicta cholericus, de gula gulosus; vnusquisque de re quam magis diligit, loquitur, quia lingua nihil agit, nisi quod ei imperat animus, ideo pauciloquium, sapientiæ est indicium, & multiloquium stultitiæ. Narrat Plutarchus, magni istius censoris Catonis pretiosiora fuisse verba omni merce, quæ in officinis Romanis venalis prostabat: tamen quæ dicebat, quamuis breuia forent, erant auditoribus gratissima. Sit licet quis maximè animosus & liberalis, castus, in pauperes liberalis; si tamen garrulus & maledicus sit, hoc solo vitio magis vituperatur, quam alijs omnibus virtutibus laudetur. ita enim est perniciosum linguæ vitium, vt denigret & omnes cæteras virtutes deleat. Interrogatus Pitracus Philosophus, quam de lingua haberet opinionem, dixit: Lingua meo iudicio similis est lanceæ ferro, sed est ipsa lancea periculosior. solam enim carnem vulnerat lancea, maledica verò lingua animum tangit, & conterit.

Sum eiusdem cum hoc Philosopho opinionis: nullus enim est, qui in sua carne minus gladij ictum non faciat, quam in sua fama linguæ: rādem enim serius aut citius, sanatur plaga; sed infamiæ nota nunquam deletur. Benè facit homo qui propè ignem nimium non accedit, ne comburatur, vel bellum non aggreditur, ne moriatur: sed melius multo, qui se à mala lingua abstinere, ne bonam famam lædat: honestus enim & generosus animus, pluris muscæ punctum facit, quæ eius honorem tangit, quam lanceæ ictum qui vitam adimit. Huius erat opinionis. Iudas ille Machabæus, qui suadētibus quibusdā Bacchidem & Alcimū, ut è bello quod in Demetrii duces gerebat fugeret, dixit: (1. Machab. 9.) *Si appropiauit tempus nostrum, moriamur: & nō inferamus crimen gloriæ nostræ, quasi diceret: Non vult me fugere Dominus, neque me hinc secedere: si nunc nostræ mortis hora est, moriamur, & adinstar generosorum militum dimicemus. minus est enim mori, quam gloriæ nostræ crimen inferre.* Rogatus Phormio philosophus,

CUR

cur homines fugeret, & cur inter animalia siluestria in montibus deambulare, respondit: Animalia siluestria me tantum dentibus aut cornibus offendunt, homines verò omnibus suis membris. vident me enim inquit oculis, & pedibus tridunt, manibus percutiunt, animo deiciunt, lingua me infamia afficiunt: ita tutior inter animalia siluestria sum, quam inter homines malitiosos. Nihil hoc in mundo periculosius, quam pro vicino linguam malam habere. Si enim cum ea versaris te oblatrare docebit: si eam fugias, te infamia afficiet. In suis moralibus inquit S. Gregorius: Non eum bonæ conscientiae habeo hominem, qui malam debet linguam. Si. n. vt inquit Christus, (Matth. 12.) de omni verbo otioso reddenda sit ratio, quanto strictior de malitioso? Dicebat Dauid, *Cum sancto sanctus eris.* Dic quaeso mihi, Si cum sancto sanctus fias, nunquid cum garrulo garrulus, & cum malitioso malitiosus euades? Si diu maledico & malitioso aures praebeas, qui grauius peccat, tu qui audis, & eius verbis fidem adhibes, an ille qui solū dicit?

Porro si benè viuere velis, fuge malè loquentem. bona etenim vita, facilè amicitia & malæ linguæ conuersatione corrumpitur. Hæc ex S. Gregorio. Lex apud Lydios erat, in detractores & malitiosos loquaces ad triremes dānari, vel certo quodam tempore in populo filere. **I** Narrat Plutarchus plurimam eorum partem maluisse tribus annis in triremibus agere, quam vno anno in Republica filere. Secundum hanc legem Senatori cuidam intemperantioris linguæ, Tiberius Imperator præcepit, vt vnius anni spatio signis tantum loqueretur. fama est illum reuera plura signis præstitisse, quam alij omnes verbis. His ex exemplis colligi potest, nulla meliori iusta ratione huiusmodi hominum malitiam corrigi posse, quàm eorum verbis fidem non adhibēdo. linguis namque eorū nullimode imperari potest, nec silentio, nec triremiū minis. Vbi ceperit in populo alicuius fidei esse impudens quispian garrulus, statim omnia incendio, & sanguini exponantur. Sobrio non conuenit

uenit cum ebrio. inuidus cōtendit cum
eo qui magis abundat, cholericus cum
eo qui ei grauis est. auarus cū eo qui ex-
pēdit: garrulus autem & inquietus ho-
mo omnes accusat, de omnibus con-
queritur, & in oēs insurgit. ita vt non
parū lucri fecerit, qui ab eius lingua se
redemerit. ¶ Possunt quidē, in suo capi-
tulo Prælati, in Collegio Rector, in
Monasterio Abbas subditos tolerare,
& eorum quasdam dissimulare fragili-
tates; sed nullo modo malam lin-
guam. Aequum est enim, vt eorum
carpantur inprimis, & curentur vitia,
qui aliorum vitam non curant, sed car-
punt. ¶ Magnus ille Orator Demo-
sthenes magnæ in suis actionibus gra-
uitatis erat: magnæ virtutis & effica-
ciæ erant eius verba; sed cum in ijs
quæ aggrediebatur nimium audax
foret, & in ijs quæ dicebat nimium
pertinax, certum salarium ex Reipu-
blicæ ærario ei contulit Senatus Athe-
nienſis, vt taceret. Famosum illum
Ciceronem in bello dexterrimum Rei-
publicæ amicum, linguæ latinæ princi-

pem tandem enecari iussit eius amicus Marcus Antonius, non propter facta, sed propter dicta. Narrat Plutarchus Lydios æquè morti adiudicasse honorum fures atque homicidas: paria reputantes vitia infamiam & homicidiū. Imperatori Theodosio scribens Ambrosius, inquit: Quam benè illustrissime Princeps ageres, si ut arma abijci imperas, ita & malas linguas putari & circumcidi præciperes: nam in aulis & palacijs, plura è verbis gignuntur mala, quàm ex actionibus malis. Nihil in mundo peius, quam conditionis esse feruentis & calidæ, & verborum multorum. Loquitur quis de omnib. male? omnes de illo. Non solum ergò male, sed & multum loqui vitandum tibi frater: multiloqui enim rarò magnæ fidei & reputationis sunt. Narrat Plinius quadam in epistola, magni principis Pithiæ omnes, illustres victorias nimia loquacitate subuersas fuisse, quamuis tamen sapientissimus, & ad regendam Rempublicam prudentissimus, & ad suscipienda bella expertissimus foret. Loquacibus & magniloquis non creditur, neq;
eis

eis à quoquā fides adhibetur: eo enim quo loquuntur tempore, omnes eos rident. Omnes rabulam rident, quidam à tergo, alij oculorum signis, alij aſini auriculas digitis imitando, alij eius verba referunt, non vt ea laudent, ſed derideant. Iure profectò ridetur homo loquax: nullus enim ante ipſum, licet de materia admodū peregrina & paucis notis loqui audeat, quin ſtatim de ea ſuā opinionem dicat: ad quam probandam in medium proferat exemplum, quod ſe vidiffe aut legiſſe aſſerit, aliquid ad rem fingens, vt mentiatur. Rogatus Athaicus philoſophus, cur in conuiuijs & congregationibus non loqueretur, dixit, ſe plus temporis ad cognoscendū loquendi tempus impendiſſe, quam ad diſertè loquendum, eo quod facunde loqui Oratoris ſit: loqui tempore & loco, ſolius prudentis viri. In chalybe videnda eſt temperatura, & in potu medicinali tēporis punctū: ita qui aliquid proponit, tempus oportet, & occaſionē obſeruet: quod enim tempore oportuno non ſit, importunum habetur. Rogantibus quodam die obnixè Epimeni-

dem pictorem Rodijs, vt quid per maria & terras vidisset & legisset, enarraret, respondit: Duobus annis per mare piscationi vacans errauit, per Asiam sex annis, vt picturam addiscerem, octo annis Athenis mansi, vt silentium docerer: plures à me eieci mœrores filendo, quam sim in arte picturæ denarios lucratus. ideo rogo vos ô Rodij ne in officinam meam nuncios sciscitatum mittatis, sed picturas meas potius empturi. Non est dubium, quin ille Epimenides post tantorum regnorum circuitiōnem quædam digna recitatione & auditiōe vidisset, sed vt prudēs homo ea enarrare noluit, multo minus referre, ne fidei suæ iacturam faceret, neve de narrantis fidelitate dubitaretur. Hoc Epimenidis exemplum sæpius animo reuoluere debent, quicunque peregrinas terras inuiferunt, ne multa aliena & inaudita enarrent, qui enim enarrabit illa, noua quædam & rara se enarrare rebitur, auditores autem illa vt fabulosa habebunt. Decet quoque prudentem in ijs quæ propo-
nit

nitconstantem esse, & in ijs quæ dicunt
breuem: si enim eius inexcultus sit
sermo, isti medebitur si breuiter eum
proferat: si autem excultus, saporem
in ore relinquit, vt alias libentius audi-
atur. Quidam ea conditione sunt ho-
mines, vt in medium prolatum ver-
bum, dirigere aut finire non possint,
donec fessi dormitent auditores, aut
tristes recedant. Videmus temporis
successu omnia in homine præter cor
& linguam inueterascere, quæ indies
magis quasi renouantur: & quod om-
nium grauissimum est, audet publicare
lingua quicquid mali cogitat animus.
Rogatus Pythagoras Philosophus, cur
in sua Academia suos discipulos duo-
rum annorum spatio silere vellent, re-
spondit: Non sine causa discipulos me-
os taciturnitati assuescere compello, &
silentium doceo, cum nulla in mundo
sublimior sit Philosophia, quam suæ
linguæ refrenatio. Ille reuera nō solum
Philosophum caller, sed & sublimem
& profundam Theologiam, qui bene
suā nouit refrænare linguā: experientia
siquidem cernimus maximam poena-

rum, & laborum partem hominibus
accedere, non quod audiant vel videant,
sed quod loquantur.

*De pluribus & diuersis modis quibus suos
conuocat Deus: & quomodo quoque
suos diabolus vocet, & qua in-
re hi ab illis dignosci
possint.*

CAPVT XXIV.

Non enim vocauit nos Deus in immu-
ditiam, sed in iustificationem, inquit S.
Paulus Apostol. (Thess. 4.) Ecclesię Theſ-
salonicenſi scribens, quasi diceret: Sci-
re vos volo ô Theſſalonicenſes, Domi-
num vos non ad suam Ecclesiã vocasse,
vt mali essetis, sed boni: licet enim in
Iesu Christi lege quædam mala, & im-
perfectiões tolerantur & dissimulen-
tur, tamen non ideo approbãtur. Licet
hæc Apostoli verba omnes fideles Chri-
stianos concernant, præcipuè tamen so-
litarios & perfectos tangunt: quibus
satis esse non debet, si ab impudicis &
scandalosis operibus abstineant: quo-
niam

nam ceteris suis heroicis & perfectis operibus prælucere debent. In quadam epistola S. Bernardus inquit: Mūdanis satis est, vt mandata obseruent, & Christiani dicantur: nobis verò, nobis inquam Monachis non sufficit, si mādata seruemus; sed vt boni religiosi debeamus Euangelica consilia obseruare. Illa siquidem non est dicenda religio, vbi nulla est perfectio. Non sine mysterio nō fuit Apostolo satis dixisse nos à Deo vocatos, sed insuper prosequens addit causam, propter quam & ad quā simus vocati: scilicet vt mundi, pacifici, iusti & perfecti, sicuti Dei electi simus. Cassianus in libro collationum patrū dicit homines perfectos tribus modis vocari, à Deo tantum scilicet sanctis inspirationibus, vel ab hominibus suis cōsilijs, vel coguntur inquit religiosi desperatione quadam ex infortunio fieri. vnica est quidem Euangelica perfectio, sed plures ad eam consequendam viæ. Prima vocatio est planè diuina, quæ fit dū animum tangit Dominus, vt quæ agit non agat, & quod debet, exequatur. Hoc modo piscans à Iesu Christo vocatus

tus est S. Petrus, & similiter S. Paulus Damascum proficiscens.

Secunda vocatio humana est, quæ fit dum quis ex malo & peruerso homine, viri sancti consilio ad Deum reuertitur, sicuti sanctus Hypolitus, qui ad fidem sancti Laurentij consilio conuersus fuit. Tertia dicitur coacta, quæ fit dum quis infortunio quopiã adactus fit religiosus, quemadmodum sanctus ille Moyſes Abbas, qui ob commissum homicidium in Monasterium secessit. Porro ex his tribus vocationum generibus colligi potest, neque primam, neque secundam, neque tertiam aliam alia vtiliorem, aut inutiliorem Dei obsequio: quippe multi propria voluntate religionem ingressi condemnati sunt, & multi necessitate compulsi salui facti sunt. A Iesu Christo electus est infelix ille Iudas, S. Paulus in terram ex equo prostratus, veluti necessitate conuersus fuit: & tamen Iudas ad honorem euectus, corruit; S. Paulus autem in terram prostratus, euectus est salutem. Sanctus Augustinus in sermone quodam ad Eremitas inquit: Nete
magni

magnificeris, quod à Deo in religionem ultro vocatus sis, vel quod coactus veneris: non enim quomodo à Deo vocatus sit videre debet Dei famulus, sed ad quid vocatus sit. Multi se magnificiunt, quod ab infantia religionem ingressi sint, alij quod in Monasterijs reformatis sint, ceteri quod sanctorum virorum discipuli fuerint, quidam quod reperiuntur qui gloriantur, quod à quadraginta siue quinquaginta & amplius annis in ordine sint, alios idem novitios vocantes, se autem solos senes habentes, qui (quod sine lachrymis dici non potest) omnem suam perfectionem in eo collocant, quod diu in Monasterio degerint, parum interea advertentes quos fructus fecerint. Non est profecto magnificandus à pueritia, vel à senectute religionis ingressus: Dei enim famulo non quam diu in Monasterio manserit videndum, sed quàm debite vel indebite Deo inseruierit. In sacro Iesu Christi collegio tribus annis fuit proditor Iudas: bonus autem latro in cruce cum illo tribus horis duntaxat: tres tamen illarum horarum multo magis boni latroni profuerunt, quàm Iudæ

Iudæ tres sui apostolatus anni. In parabola præcepit Christus mercedem dari ijs qui toto die in vinea laborauerant, & ijs qui sub finem diei: vt intelligeremus nostrum meritum vel demeritum non in obsequijs quæ ei exhibemus cōsistere, sed in feruore & charitate qua ei exhibemus. De laudibus S. Pauli agens S. Chrysostomus, inquit, Christū omnes suos ante suam mortem vocasse Apostolos, solum S. Paulum post mortē, nihilominus nullo modo negare possumus illum nulli secundum in perfectione fuisse, licet in vocatione vltimus fuerit, ratio est, quod plus cæteris laborauerit. Laudatur quidē & approbatur ille, qui ab infantia religionem ingreditur, & qui ab adolescentia Iesu Christi iugum gerit: sed non propterea q̄ honoratior ei locus, quod melior in refectorio portio detur magni sit, sed quod omnium Monasterij sit humillimus, gaudeatque infimus edere, & primus orare & canere. In sua prima regula inquit S. Basilii: Cauete fratres ab inimici deceptionibus, qui in diuturni obsequij tui mercedem in dormitorio commodius

dius vult tibi conferri cubiculum, & primā in Capitulo vocem. fugere hac omnimode debes. siquidem inter Dei famulos ille perfectissimus futurus est, qui consolationibus carebit. Non gloriantur religioso, quod in Monasterio reformato aut dissolutiore veste suscepit, alios claustrales appellando, se autem obseruantem, monastica namque perfectio non in Monasterio, quod ingredimur consistit, sed in bona aut mala qua viuimus vita. In Aegypto vnicū Deum adorabant Israelitæ, sed postquā terram promissionis adierunt, illum spreuerunt. Vnde colligere possumus, quod quouis modo & quolibet loco à Deo vocati debeamus ita bonam agere vitam, vt se nos fouisse gaudeat Monasterium, non autem nos quod in eo vestem susceperimus gaudeamus. Inter Aegyptios Ioseph, inter Chaldaeos Abraham, inter Babylonios Daniel, inter Assyrios Tobias viri sancti & beatifuerunt vt docerent nos hominem perfectum è mundo Monasteriū facere, profanum autem & peruersum è Monasterio mundum. Cuidam Monacho scribens S.

Ber-

Bernardus, inquit: Monachus qui de loco in locum transmigrare cupit, tum quod ei non satis placeat Prælatus, tum quod non satis bonis imbutum sit moribus Monasterium, ille hoc agit potius tentatione quam perfectione motus: nullus enim vsque adeo profanus est locus, in quo quis Deo oblequi non possit. ¶ Non debet quoque magni facere religiosus, quod pro magistro religiosum magnæ sanctitatis virum vel peccatorem habuerit: ultimum enim summo dedecori verteretur, primum malo esset exemplo, quod magistri doctrinā oblitus de eius virtute gloriaretur. Moyſis fuere discipuli Dathā & Abiron (*Num. 6.*) Heliæ rex Achab, (*3. Reg. 8.*) sancti Petri Ananias & Saphira (*Act. 5.*) Iesu Christi Iudas, (*Luc. 6.*) omnes magistrorum doctrinam auribus exceperunt, non magnos tamen fecere fructus. In rebus mechanicis prius operis magnitudinem & pulchritudinem extollimus, quam opificis inuentionem & industriam. Parum enim admodum discipulo profuturum, si se magni faciat, quod bono vsus magistro,

gistro, sitamen de male morato discipulo conqueratur magister. Eodem modo seipsum magni facere non debet Dei famulus, vel gloriari, quod potius in vna quam in alia vult religione: post sacrum baptismum enim & Christiani nomen adeptum, nulla in Dei Ecclesia est vocatio, in qua saluari non possit probus, & damnari malus. Parum certe prodest si sancti Benedicti vel sancti Augustini, sancti Dominici, siue sancti Francisci, aut Mercenariorum habitum sumpseris, qui habitus omnes sancti sunt, & à viris sanctis instituti: Deus enim noster potius animam quo ei inseruimus, intuetur, quam nigrum aut album quem gerimus habitum.

Conare frater mi ante omnia bonus fieri Christianus, & digne sanctum obseruare Euangelium: hoc si egeris, quam voles poteris ingredi religioem, & quemuis suscipere habitum: vni enim potius quam alteri inclinari religioni, hoc potius deuotioni, quàm perfectioni tribuitur. Nullo modo negare possum⁹ alias alijs perfectiores esse religi-

religiones, in quibus bonis maioris satietatis præbetur occasio, & minoris malitiæ malis libertas: dico tamen Monasterij perfectioem aut imperfectionem non in habitu quem gerimus consistere, sed in Monachis qui eo utuntur. Vanitatem & leuitatem sapiunt religiosi, qui inter se de habitu & nomine decertant: decertet potius quis eorum suam melius obseruet professionem, non autem de meliori religione. *Tonso capite & mutata veste obtulerunt Ioseph Pharaoni,* (Genes. 41.) dicit sacra scriptura: quasi diceret, Dū ē carcere quo captiuus est, abscissi sunt eius capilli, & immutata vestis quod in palatium deducendus esset, ut eum loco domestici haberet rex Pharaon. Porro qui huius mundi carcere educuntur, qui que Domino in suo palatio, quod est Monasteriū inseruire volunt, primo & ante omnia vestem immutare, & capillos refecare debent, hoc est, non solum factio mundus per vestem significatus deferendus ipsis est, sed & cogitatione quæ per capillos notatur. Religiosus in Monasterio manēs, qui iisdem quibus in mundo utebatur moribus

moribus vtitur, ijsdemque cogitationibus quas è mundo attulit, vellem non mutauit, neque caput totondit. Meminisse debet, quod S. Ioseph vestes, quas in carcere gerebat, in palatium deferre non fuerit permissum. Quodam in loco dicit vitæ solitariæ liber: Semper regalem illā cum mundo cōmutationem in memoriam reuocemus, diemque illū quo in Monasteriū admissi sumus, dum humilitati superbiam, iræ patientiam, amorī inuidiam, gulæ abstinētiā, paupertati abundantiam, secessui libertatem, crudelitati charitatem, loquacitati silentium, asperitati delicias, & patientiæ vindictam postposuimus. In sua regula dicit S. Hieronymus: Monachus qui in religione pauper & patiens fieri cupit, libere in quocunque Monasterio vestem suscipere & viuere potest: si vero impatiens & incontinens sit, tali suademus in mundo remanere, & ne vlla sit ei eremi cura. Voluptuosis admodū dura & aspera est vita monastica: dissolutis mirum in modum contraria: in temerarios magna est vtens iustitia, in pusillanimes valde scrupulosa, in loquaces vehementer taciturna.

In

In libro doctrinæ nouitiorum inquit
S. Bonauentura : Tu qui in Monasterium venis, caue à mundo, vide sedulo ne ei obsequium præstes, est enim ingratus; vide ne ei fidem adhibeas, est enim fallax; vide ne antes, mendax enim est: ideoque hoc à me scias velim frater, quod si te amet, amat, ut decipiat: decipit, ut te laqueis intricet: te laqueis intricat, ut te non dimittat. Insuper addit. Multo inquit Dei famulo vno solo die mundum eiusque stultitias pati grauius est, quam anno integro Monasterium: qui secus iudicat, quid deserat, quidve suscipiat nescit. Eremitis scribens dicit sanctus Augustinus: Miseri qui mundum non norunt, amant, mundo fauent & seruiunt, mundum desiderant, & in eo pereunt. E contra prudentes & benè educati Monachi illum æquis non possunt videre oculis, eum fugiunt, illiusque solo audito nomine se crucis signo mununt: *Quia occidisti fratrem tuum abel.* *eris vagus & profugus super terram,* dicit Deus ad Cain: quasi diceret; Ego te specialiter non procul à paradiso meo

meo collocaram, tu verò vt pessimus
homo fratrem tuum Abel occidisti:
ideo tota tua vita vagus eris super ter-
ram, capite tremebundo incedes, viues-
que inquietus. Summus est timorato
Monacho paradysus Monasterium: e-
contra, maximus dissoluto infernus,
cui se subditum videt. adeò vt vita mo-
nastica campi flori similis sit, de quo
mel fugit apes, & venenum ad enecan-
dum aranea. Si nō ita turpiter fratrem
prodidisset Cain, non tantam à Domi-
no recepisset maledictionem: hoc est,
non fuisset passus religiosum ita deprauari, nī in Monasterio graue quoddam
commisisset peccatum. Quidam in vita
Patrum fuit Monachus, qui Abbati Si-
soy dixit: Quid pater mi ita tristis & de-
solatus, & vsque adeò in Monasterio in-
quietus faciā? Cui sanctus senex respō-
dit: Confitere, & cum proximo, si quæ
cum illo habes iurgia in gratiā redi: in
vita siquidē monastica nulla potest esse
tristitia, vbi tuta est cōscientia. Rustico
Monacho scribēs S. Hieron. inquit: Ad
comparandā Dei gratiā in ordinē veni-
mus, tamen tristes & mœsti simus, ed
quod

quod eam non adepti simus: probis enim religiosis semper satisfit, dissolutis verò nunquam. Indubie crede frater te cum Cain maledicendum, si cum eo enorme committas peccatum: & hæc erit tua maledictio quod omnibus religiosis futurus sis grauis, tibi autem inquietus. Ille cum Cain eandem maledictionem incurrit, qui quouis capitulo locum mutat, qui singulis annis nouam fabricat cellam, qui quolibet mense aliud quærit Monasterium, qui quauis hora alium exoptat Prælatum. Quod agit, nō vt melius sed vt liberius viuat: sic vt nunquam sit liber, nisi à Prælati subiectione liber. Ille similiter cū Cain maledictionem incurrit, qui si cantaturus chorum, oraturus oratorium, lecturus bibliothecam, secessurus cubiculum non ingreditur, quemque actuum & vitæ non poenitet: seu qui de dormitorio in dormitorium discurret, suspirans & omnibus quos obuiam reperit de seipso conquerens, vt ab eis auxilium accipiat. Ille quoque cum Cain maledictionem incurrit, qui nullimodis in Monasterio, vel cum Prælato pacificus

ificus esse potest, mundum frequen-
tandi perpetuo veniam rogās, & nego-
tia quibus illic negotietur procurās, cui
si illud agendi potestas denegetur, sta-
tim obmurmurat, & si fortē ei conce-
datur, statim ad interitum ruit. In vitæ
solitariae libro dictū est, monasticae vitæ
perfectionem nō tantū in habitu aut
mundi egressu, aut in Monasterij clau-
sura consistere, quantum in laborum
patientia, appetituum resistentia, & per-
petua fratrum concordia. In ordinem
venire facile est, sed illic permanere dif-
ficile. Multi in religionem à Deo vocatī
veniunt, & à diabolo multi: hæc eorum
est differentia, quod à Deo vocati ad fi-
nem perseuerent: à diabolo autem, in-
peius progrediantur, vel rursus mundū
reuifant. Nulli mirandum si intelligat
non omnes qui in Monasteriū veniunt
à Iesu Christo cōductos; certum enim
est Spiritum sanctum Iesum Christum
in desertum duxisse, & diabolicum spi-
ritum eundem in templi pinaculum:
illi ad ieiunium; hic verò ad precipitiū.
Longè alia loca istis ad quæ Iesum Chri-
stum deducebat diabolus erāt: altiora;
sed

sed nolebat Dominus aliū de, quam à
templi pinaculo se præcipitare; vt in-
telligeremus diabolū longe pluris vi-
ri Deo consecrati casum facere, quam
centum aliorum mundanorum. Quod
Iesum Christum non à monte in quo
ieiunarat præcipitem dari voluerit dia-
bolus, sed à templi pinaculo in quod
illum euexerat & duxerat, docere est,
Monachi in monasterio casum longe
animæ periculosiorem esse, & consci-
entiæ inquietiorem, omnibus Reipu-
blicæ casibus. Combusti duo Aaron
filij fuere, quod leue quoddam in tem-
pli ceremonias commisissent vitium:
vt sciremus nostrum statum aded sub-
limis & raræ perfectionis esse, vt quod
in mundo exigua est ceremonia, in re-
ligione perfectio sit, quodque est
mundo veniale, sit nobis
religiosis mor-
tale.

De duabus professionibus quas profitetur religiosus; quarum unam ut Christianus profitetur, aliam verò ut religiosus: & quod proficiens debeat esse sufficientis ætatis.

CAPVT XXV.

SI quid vouisti Deo, ne moreris reddere, quia multò melius est non vouere, quàm post votum promissa non reddere. (Eccles. 5.) inquit Salomon, quasi diceret: Vir siue mulier quæ propria voluntate Deo solenniter vouet, statim suo voto satisfacere debet: secus enim, satius multo foret nihil fuisse pollicitum, quam pollicitis non stare. Notandum hic, quod dum à sancta matre nostra Ecclesia baptizamur, & ipsi incorporamur, iurem⁹ & solenniter voueamus nos omni vite nostræ tempore appetitibus carnalibus non condescēsurus, neque sathanæ deceptionibus fidē adhibitu- ros, & mundi huius pompas & vanitates nō sequuturos: sic ut nō solū nos Christianos futuros iuremus, sed bonos Christianos. Lex Hebræorum adeò exigui valoris erat,

O 2

adeo-

ad eoque paucis data ut nullus eam ob-
seruare teneretur, exceptis Iudæis, qui
se eam asservaturos polliciti fuerant;
totus mundus verò sacram Iesu Christi
in legem tenetur iurare, immodò & eam
obseruare: nullus enim Princeps siue
Rex ulli priuilegiū in Iesum Christum
non credēdi, vel Christianismum non
amplectendi conferre potest. Hoc gen-
tiles & Paganos perdit, quod se Chri-
stianos vouere nolint, & in hoc pereūnt
Christiani quod voueant, & votū non
seruent. Secundum ad Romanos cap. 2.
scribentis Apostoli dictum, nō saluan-
tur qui legem recipiunt, sed qui eam
obseruant. *Non enim, inquit, auditores
legis iusti sunt apud Deum, sed factores
legis iustificabuntur.* Si malis & infidelib⁹
Christianis Mauri & Iudæi comparen-
tur, in die iudicij minus quā Christiani
istius criminis reierunt, immodò & in infer-
no minus puniētur. Gentiles & Mauri,
iusiurandi non facti accusabuntur,
Christiani verò iuramenti & periurij.
Apud Ezechiel. cap. 9. quotquot signo
Thau, nō erant signati, minatus est De⁹.
Et Exodi capite 12. morti addicti sunt
quot-

quotquot domuum superliminaria, & vtrumque postem sanguine non asperferant. Quibus intelligimus nullum in die iudicii saluandum, qui Iesu Christi signo & caractere animæ impresso nō fuerit signatus. ¶ Religionis Christianæ Abbas. & Prælati Iesus Christus est, & non alius. Ille in suum ordinem admittere non vult leones, qui superbos denotant, neque tigres quæ inuidos, neque lupos voraces qui gulosos, neque simias quæ auaros, neque porcos qui adulteros, sed simplices & mites oues, hoc est personas bonas & virtute præditas. Quod se oui comparet Christus, dicæque se solas oues in ordinem suæ religionis admissurum, ratio est, quia sicut ouis animal simplex lacte, carne, corio & caseo abundat, quibus omnibus seruiat, caret autem cornibus, vnguibus, dentibus, veneno, quibus noceat, ita vult suæ Ecclesiæ & domus ministros charitatem, qua quid suorū bonorum pauperibus elargiantur habere, & tanta temeritate non uti, vt fratribus furentur. In religione Christiana duodecim articulos credere, decem mandata obser-

uare, septem peccata mortalia nō committere, quinque sensus custodire, tres facultates animæ rectè dirigere, opera misericordiæ adimplere vouemus. Porro licet se quid magnū polliceri opinetur, qui se Christianū futurū pollicetur, profectō Iesu Christi merces & pretium quod ideo ei confert, longè promisso illo maius est: ab instāti enim quo quis Christianus fit, statim patris filius, filij frater & Spiritus sancti pupillus, Angelorum comes, Ecclesiæ membrum, & gloriæ hæres euadit. Totius mūdi sacratissima & sublimissima perfectio est Christianismus, & Iesu Christi lex & vita; hac enim lege & non alia Dei adoptiui filij, & regni cælestis hæredes euadimus: *Gaudete & exultate, quia nomina vestra scripta sunt in cælis*, dicebat discipulis suis Christus, hoc est, *Gaudete & exultate*, non quod vos à piscatione eduxerim, siue quod Hebræi sitis, vel quod vos in discipulos meos assumpserim, sed quod vos Christianos effecerim, & iustorum libro inscripta sint nomina vestra. Dignitas & merces est, quam pauci consequuntur,
imò

imò pauciores merentur. Non quot-quot Christiani dicuntur, verè Christiani sunt, certū hoc est, non enim voluit Christus eos gaudere quod Christianorum libro inscripti essent, sed quod iustorum. Vnde inferre possumus rem exiguam non esse, libro pastoris in quo baptizatos describit, & Iesu Christi in quo saluandos asseribi. Quid habet ille qui fide caret? Cuius indiget, qui fide non eget? Cur operatur ille quæso, qui in Dei Ecclesia non operatur? In quamcunque religionem obseruantia regularis liberum est hominibus ingredi; in religionem autem Christianā oēs ingredi necessario tenētur, cui ita oēs deuinciuntur, vt nullus in alia religione religiosus esse possit, nī prius in Ecclesia Dei Christianismum professus sit. *Paulus victus in Domino, (Ephes. 3. 4.)* inquit Apostolus: quasi diceret, Paulus sum Tharsi natus, Gentilium Doctor, veritatis prædicator: in carcere detentus, ita gaudeo, & tanta consolatione ferreis vinculis pro Iesu Christo circumdatus afficior, quanta suis coronis Reges & Principes terræ.

Si igitur tanti se S. Paulus faciat, quod pro Iesu Christo carcere detentus foret, nunquid æquum est te maiori affici lætitia, quod te Christianum videas? scis enim præstantius esse in frõte chrisma te signari, quam ferreis vinculis pedib⁹ vinciri. *Fratres iam non estis hospites & aduena, sed estis ciues sanctorum & domestici Dei*, inquit idem Apost. ad Ephesios cap. 2. id est, Agite Deo qui vos fecit & formauit gratias, fratres Ephesij, & Iesu Christo qui vos redemit; sui etenim sanguinis merito, Synagogæ non amplius dicimini hospites, neque peregrini Ecclesiæ catholicæ; sed cœlorum ciues & incolæ, sanctorum quæ familiares domestici. Fallaces hæretici & perversi pertinaces quæ Christiani in ecclesia Dei habentur peregrini & vagi, quandoquidem iusiurandum factum violent, & iuramento non obediunt, & quod grauius est, se sacris immisceant scripturis, quæ ignorant defendentes, & quæ non intelligunt exponentes. Peregrinus est homo, qui in Ecclesia Dei sacrum suscipit Chrisma, quiq; Ecclesiæ Catholicæ mandata se obseruaturum promittit, & tamen.

tamen ita in suis cōceptionibus est per-
tinax, & in actionibus dissolutus, vt iu-
ste illum nomen Christiani quidem ge-
rere, sed vitam Pagani agere dixeris. Ex
his ei go concludendū est, quod sedulo
promissa adimplere conari debeamus,
cum nos religioni Christianæ deuoue-
rimus, illamq̃ue professi simus: pro-
ditorium enim facinus foret, nomen
Christiani gerere, & Antichristo inte-
rim inferuire. *De religionis votis*

Sed sat de votis, quæ vt Christiani
vouemus: pauca de religionis votis dis-
seramus, quæ obseruare non minus te-
nentur religiosi, quam priora, cū vltro
ea vouerint, & ijs non coacti se deuin-
xerint. Dicit S. Anselmus quod sicuti
qui totam arborem dat, plura confert,
quam qui solum fructum: ita plura me-
retur ille, qui votis bonū exercet opus,
quam qui sine voto: talis enim non solū
Deo voluntatis fructum offert, sed &
totam suæ libertatis arborem. Debet
quisque quid promittat videre antequā
promittat: eo quod si iam semel polli-
ceri decreueri, nullus sit amplius pœ-
nitentiæ locus. Si in Republica enim

quis ad verbi sui, & promissi adimple-
tionem cogi possit, multo magis potest
Dominus Deus professionem ipsi iura-
tam à religioso repetere, Nulli rei ma-
gis quam Christianæ fidei nos deuincit
Dominus Deus, nihilquæ magis suadet,
nisi vt in viros perfectos euadere con-
emur. Si ergo frater melioris vitæ Chri-
stianæ desiderio, & maioris perfectio-
nis zelo rigorem & auctoritatem vitæ
monasticæ elegeris, cur conquereris si
ad obseruationem illius compellaris?
Dic quæso mihi, tui ordinis Prælati, te-
ne ad maiora quam vouisti deuinciunt?
tene ad alia quam quæ promissisti cogunt?
tene aliud quam iusiurandum tuum
rogant? Nullus te ad religionem con-
uocauit præter teipsum, qui illuc pro-
perasti: nullus te præter teipsum ad
perfectionis statum coegit, cur non ad-
imples quæ cum Deo solenniter pactus
es? Cur non adimples quæ in Prælati
manibus vouisti? Inter sæculi iudices
punitur ille qui in vanum per sui Prin-
cipis vitam iurauit, & erit religiosus im-
punitus, Deo periurus & fallax? *Non
enim mentitus est hominibus, sed Deo, &c.*
inquit

inquit S. Petrus (Act. 5.) Ananiæ : quasi diceret, Iudaismum deseruisti, & Christianismum amplexus es, patrimonium pauperibus distributurus vendidisti, meliorem tamen & maiorem pecuniæ partem pro te condidisti & reseruasti, quod agens non mihi qui peccator sum mentitus es, sed Deo qui iustus & sanctus est, & qui promissa quæ promittuntur adimpleri vult: quandoquidem & id nobis conferat, quod vt voueamus non imperet. O quam multis hodie religiosis obijcere possemus: *Non es mentitus hominibus, sed Deo*, cum te minus pudeat promissum quod in tua cōscientia Deo præstitisti transgredi, quā fidem tuam hominibus frangere. Si in religione religiosus in memoriā reuocaret, quod profitens non dicat: *Tibi qui Abbas meus es promitto. sed promitto Deo qui Saluator & creator meus est me omnibus diebus vitæ meæ futurum obedientē, pauperem & castum*, credo equidem quod maiori cum diligentia promissa obseruaret, & iusiurandū non ita impudēter solueret. Sed q̄ timeat magis suū Prælatū, eū ob- iurgās quā Deū quem offendit, .i. quod Prælato potius quā Deo placere malit.

Ad hæc dicebat Abbati Roberto scribens S. Bernardus: Si in religione prodesse velis, & illic pacifice viuere, singulis diebus imò quauis hora memineris, qua voluntate mūdum deserueris, quo zelo in religione sis, quo animo religionem professus, & quod hæc tria nullus te eligere coegerit. nūquid ergo æquum & necessarium est te ipsum ob- iurgere & cogere vt ea tria adimpleas. Insuper addit, à tempore quo me in baptismo bonum Christianum futurum iurasse memini, & inter Prælati manus me bonum religiosum futurum voui, & intremendo iudicij die vtriusq; voti mihi reddendam rationem recordor, neque in mundum regredi desidero, neque per Monasterium deambulare præsumo. Rogante quodam religioso Abbatem Serapionem quem librum legere posset, dixit bonus & sanctus senex: Ego fili mane sanctū Euangelium quo Christianus sum lego, vesperi sancti Basilij regulam qua religiosus sum. hic abundè mihi est, quo oculos diuertam ad implenda mandata. Cuidam peruerso & indisciplinato Monacho scri-

scribens S. Hieronymus inquit: Si vocis dicentis, *Surgite mortui venite ad iudiciū*, si strictæ regulæ & professionis in Monasterio promissæ meminisses, crederē te à Deo desertum, & idēdē tanta audaciæ, vt Monasterio egredi ausus fueris: sed quod libertatem in virtutis præiudiciū quesiturus Monasterio egressus sis, peccata tua tuæ religionis abnegationem, & professionis solutionem merueris. Antiquus & beatus S. ille Basilius in sua regula dicebat, Tribus nouitiatus annis completis, si profiteri cupiat nouitius, primo quid polliceri debeat illi declaratur, sit ætatis conuenientis, & ad promittendum sufficientis. Quandoquidē enim ita austerus sit vitæ monasticæ status, equum non est quēpiam ad illum vocari vt decipiatur, eo quod antea non benè sibi præcauisset. Et in quodam alio suæ regulæ capitulo dicit: Antequam promittat nouitius, vt se nostræ regulæ obseruantia deuinciat, volumus illum illam non solum scire, sed & ei declarari labores, quos vt eam ritè obseruet sufferre debet: nā (quod meminisse debet) adēdē admirandū & in-

comprehensibile premium salutis nulli sunt assequuti sancti, nisi summorum laborum vi. Si rectè S. Basilij verbis attendere velimus, dicit nullum nouitiorum ad professionem faciendā admittendum, nī prius rectè suam regulam calleat, & nisi sufficientis sit ætatis, vt voueat. Porro si hoc nostro tēpore illa fuisset obseruata regula, non tot in Monasterijs negligentia, neque pœnitudines, neque insipientia cōmissa fuissent. Pudendum profectò dicere, sed magis pudendum est Abbates hoc agere. nescio an ob aliquod cōmodum, an ob aliquam obligationē hoc agant. In professionem quosdam iuuenes, & iuueculas filias tenerrimæ ætatis admittūt, maximè indignas & incapaces, quæ nō solū regulam quā promittunt non capiunt, sed nec eā legere sciunt, nec possunt. Inhumanum profectò est paruulos filios, aut filiolas in religionē admittere, imò tyrannicum, profiteri ante tempus permittere: postquā enim ad perfectam & competentem pertigerunt ætatem, statim vt à diabolo tentātur, & à carne vexantur, promissa sua rident, & de ijs vehemen-

lementer qui eos profiteri voluerunt
cōqueruntur. Narrat in vita Patrū Cas-
sianus, quod sanctū senem religiosum
interrogarit, num eum vnquā suæ reli-
gionis pœnituisset, qui respondit se 52.
annis in eremo Thebarum habitasse, &
quod gratia Dei nunquam eum habitus
sumptionis pœnituisset: sed credite in-
quit, si Abbas meus qui me à iuuentute
profiteri fecit, hoc in senectute fecisset,
nunquā me tantæ rei deuinxissem, nec
ad eò magnū meis humeris imposuisse
onus. *Bonum est viro cum portauerit iu-
gum ab adolescentia sua*, ait in suis lamen-
tationibus Propheta Ieremias: q. d. san-
ctū & vtile admodū opusest, ab adoles-
centia Iesū Christi iugo assuescere, eo q̃
nunquam vel ferius, bonę vel malę quę
in iuuentute addiscuntur cōsuetudines
à memoria recedant. Porro hic notan-
dū quod hominis ætates sic diuidātur:
scilicet infantia vsq; ad 7. annū, puerili-
tas in decimum quartū, adolescentia in
vicezimū quintū, iuuetus virilis in qua-
dragesimū, senectus in octuagesimū, &
decrepita ætas in finē vitæ. Secundū hāc
ætatis diuisionē notandū serio est, quod
Pro-

Propheta non dixerit bonum esse ab infantia vel puerili ætate iugum ferre, sed ab adolescentia quæ est inter decimum quartum, & vicesimum quintum annos: nam ista ætate iuuenis fit ad laborandum robustus, & prudens, vt bene eligat. Dum iuuenis perfectæ ætatis est vt profiteatur, & capax vt intelligat quid sit religio, potest imò debet cogi ad promissum seruandum: *Deus enim non irridetur.* Ille Deum ridet, qui suam non obseruat regulam, quãdoquidem non dicat dum profitetur, & religioni se deuouet. Abbati meo vel Priori promitto me futurum religiosum, sed Deo promittit & iurat, & omnibus sanctis eius se regulam obseruaturum. & in vita monastica perseueraturum. Ausim audacter dicere, quod Deum rideat Monachus, qui suam non obseruat regulam. Nihil aliud est, monasticam profiteri regulam, & se deuincire ordini & religioni, quam Deo pacisci, cui perpetuum deuouet obsequium: ideoque ei in sua gloria & regno mercedem promittit Dominus Deus. Credendū tibi est frater, quod non solummodo illud pactum

pactum Deo promittas, sed etiam iures, siquidem illo ipso tempore, quo illud manibus Prelati committis, dicis te vouere & Deo promittere, quasi hoc modo diceret: Promitto, & Deo creatori & redemptori meo voueo, me nunquam id quod cum sua maiestate sum pactus transgressurum, neque semper promissis staturum. Qui fieri potest, quod Monachus qui aded magnum facit iusiurandum, & qui verbis aded firmis & solidis se deuincit, audeat vel vnicū suæ regulæ punctum transgredi? Porro nescis fili, etiamsi magnum præstes promissum, longè tamē tuo labore quem pateris maiorem esse mercedem tuam? Iam ergo compertum habes, quod quàm mox votum transgredieris, nō solum irritus sit cum Deo contractus tuus, sed periurus & condemnatus sis. Si regulam periures & Deum fallas, cur quæso de hominibus conquereris si tibi dissident? Cur fides adhiberetur ipsi qui suam fregit fidem? Quid non faciet, quid quæso non audebit, qui in Deum insurgit, qui eum fallit & prodit? In secundo libro Regum scriptum est, quod Deus Regi Dauidi

Dauidi preceperit vt filios Saulis ob patris culpam cruci affigi iuberet, eo quod Saul esset iniurandum transgressus, quod cum Gabaonitis infidelibus & barbaris pactum erat. Hinc omnes religiosi & Dei famuli exemplum sumere debent. Si enim Deus iuramentorum & transactionum cum infidelibus factarum transgressionem tam rigide puniri velit: quanto magis volet puniri Monachos, qui sua iuramenta & quæ vouerant vota flocci pendunt. Dicebat S. Hieronymus se semper auribus excipere hanc terribilem vocem: *Surgite mortui, venite ad iudicium*: ita religioso vox qua dicit: *Voueo & promitto*, in auribus semper resonare deberet; quoniã minor non habebitur suæ professionis ratio, quam vt religiosus professus est, quam mandatorum vt Christianus est transgressus.

*De excellentia virtutis abſtinentia,
ubi multa ſacra Scriptura
exponuntur aucto-
ritates.*

CAPVT XXVI.

Nabuzardan Princeps coquorum deſtruxit muros Hieruſalem, inquit Ieremias, quaſi diceret: Multi inſignes Principes, multiq; potentes Reges in Paleſtinam venerunt, & toti Aſiæ dominati ſunt, tandem Nabuzardan coquorum Princeps funditus Hieroſolymæ muros deſtruxit. Dicit hiſtoria ſacra, permiſſione diuina merentibus hoc populi peccatis, Chaldaeos obſediſſe Hieruſalé: eorū dux Nabuzardā, ita reſ ſuas viriliter egit, vt Regē captiuū abduxerit, populum captiuitati ſubegerit, templū deuſtarit, muros deſtruxerit, orā terrā deleuerit, & direptioni dederit. Porro dū hæc fierent captiuus detinebatur Ieremias Propheta in vrbe, eo quod publicè iſti miſero populo captiuitatem & ſeruitutem futuram declarafſet. Sed & poſt carcere liberatus, &
à Chab

à Chaldeis libertate donatus, nihilominus solus in illa Hierusalem desolata ciuitate remanebat, Hebræorū peccata & murorum destructionem lugens. Profectò si huius figure nodus denodetur, videre erit per Hierusalē intelligi animam nostram, & per muros omnes virtutes quæ non custodiunt & conseruant, per Nabuzardan coquorum principem, ventrem & stomachum, in quibus omne quod edimus recipitur, & per Prophetam Ieremiam, cui non est adhibita fides, licet istam ruinam prædixisset, Synderesin aut conscientiæ & rationis remorsum, quibus fidem adhibere nunquam volumus, donec inimicos per portas intrantes videamus. Sciendum vobis est fratres omnes animæ nostræ virtutes, nihil aliud esse quam magnam gentium cohortem quæ est in Republica: & huius Reipublicæ murus est abstinentia quæ eam custodit & seruat: destructis & ruinam passis moenibus, inimicorū iniuriæ subiaceret ciues & incolæ: ita vt eo ipso tēpore quo à nobis abstinentiam abigimus, anima nostra & omnes eam concommitantes virtutes, inimici-

inimicorum ditioni tradantur. Experientia videmus fructus quosdam sola purgatione & palpatione marefcere, arborem fola corticis detractio siccare, ciuitatem murorum deſtructione periclitari. ¶ Mea opinio eſt, Dei famuli anima ad interitum prorueret, cum ab animo paupertatem expellit, & parui abſtinentiam facit: Quemadmodum enim ſummæ corporis delinæ ſunt cibus & potus, ita animæ ieiunium & abſtinentia. Tunc ergo ſanctæ ciuitatis muros deuafat Nabuzardan, dum à nobis abſtinētiæ virtutem expellimus. quod enim ad bellū ſpirituale ſpectat, nullus victoriæ palmam aſſequi poteſt ni prius à ventre gulā arceat. Medullam teneram & delicatam conſeruat os durum, roſas recentes acua & pungens ſpina fouet, nucem ſapore plenā aſſeruat putamen nucis durum, pretioſum iaſpidem concha marina. Dico itaque peccatricem animam nouam aſſumere vitam & animum, dum aſpera paſcitur abſtinentia. Omniū inimicorū Hebreorū lethaliſſimus hoſtis fuit Nabuzardan: eodem modo vëter & ſtomachus capi-

capitales nostri sunt hostes, qui nobis plurimos & maximos infligunt labores: nā cœtera vitia in nos aliquibus duntaxat tēporibus insurgunt, gula autē omnimomento. Princeps & coquorum magister Nabuzardan, muros Hierusalem destruit dum nobis repletis & ebrijs, aggrauantur oculi & stupefcunt, stomachus nimium plenus euomit, aggrauatur corpus, lingua turbatur, sepelitur denique iudicium sine vllō sensu & ratione. Si nostros abstinentiæ muros à Nabuzardā, hoc est à nostro ventre proditore destrui nolumus, necessariò fomēta subtrahere debemus: adeò peruersę enim conditionis est nostrum corpus, vt quo plures ei conferimus delicias, eo lethalior noster sit inimicus. Porro si domesticus noster hostis primo non debelletur, quomodo exteros aggredi audebimus? Quā fronte animoquē audebit in inimicum foris insurgere, qui se à vili gula domi suę superare patitur? Quam de te spem concipiemus, quā superbix magnitudinem, iræ impetuositatē, concupiscētię stimulos, pigritiæ remissionē, auaritiæ putredinem,

cinē, inuidiæ secreta arcana debellare
debebas, quādoquidem te nunc à gulæ
pedibus contritū videamus? Velut sine
nauigio nullus portum, sine pugna vi-
ctoriam, sine labore præmium assequi
potest, ita impossibile est quenquam vi-
tam contemplatiuam adipisci, imò si in
vita monastica conseruare, nō prius à se-
gulæ radicem & vitiū euellat. In Mona-
sterio meo & ordine multos noui insig-
nes viros maximè ad prædicationem
dignos, & ad cantū in choro, ad oratio-
nem in oratorio, ad lectionem in sacra
scriptura idoneos, & obedientiæ addi-
tissimos, quos omnes vt apostatas vitā
monasticā deserere non aliā ob causam
vidi, quā ob neglectā abstinentiæ virtutē.
Hæc omnia ex S. Greg. *Declina à malo &
fac bonum, inquire pacem & persequere eā,*
inquit insignis ille Rex Dauid: quasi di-
ceret, Omnis qui in vita pacē, & in con-
scientia tranquillitatē optat, prius à ma-
lo declinare debet quā bono adherere
secus .n. suas vitia agerēt radices, prius-
quā suos producerēt flores virtutes. In
se tantē debilitatis, & aded exigue capa-
citatē est human⁹ anim⁹, vt in eo aut sit
vicio

vitio tantum, aut virtuti locus. Ided
 dicit Propheta : *Declina à malo & fac
 bonum*, ita enim in se delicata est anima,
 vt simul ac subintrat vitium virtutes om-
 nes deferat. Quod dicat Propheta: *De-
 clina à malo & fac bonum*, docere est, nos
 humilitate frui non posse, nî superbia
 liberati simus, neque charitate nisi aua-
 riria, neque abstinencia nisi gula priue-
 mur: suis siquidem malis sanari non
 potest anima, nî prius humorem culpæ
 peccaminosum euacuet & mûdet. Sci-
 endum quoq; quod sanctus ille Dauid
 non suadeat nobis bonum audire, vel
 de bono loqui, sed facere bonum: non
 enim dicit audi bonum, sed *fac bonum*,
 innuens quod in virtutis materia non
 sufficiat eam oculis cernere, vel de ea
 lingua loqui, neque eam animo deside-
 rare, immo nec eam manibus palpare, sed
 necessarium omnino esse eam summis
 laboribus querere, & lachrymis Domi-
 num rogare. Quin & notandum, non
 dicere Prophetâ; ne facias malum, sed
declina à malo: docens, non solum non
 committendum peccatum; sed bonis
 operibus operam dandum, Tunc à ma-
 lo de-

lo declinat & facit bonum Christianus, dū mala fugit consortia & probis se cōiungit viris, in quorum cōsortio & pręsētia conatur resipiscere, & nō labi. Hęc omnia dicimus fratres vt intelligatis, si post mundum desertū, & eremi ingresum hanc sententiā adimpleueritis, *declina à malo*, conemini & hāc adimplere *Fac bonum*. alioqui alterius & noui cuiusdam generis essetis quasi homicidę & malefici, qui nunquā Ecclesiā ingrediūtur nisi vt se à iustitia liberēt. Abstine- te vos vt facili⁹ vacetis orationi; inquie- bat S. Paulus Corinthijs scribens; quasi diceret, Quandoquidem sine lachrima- rum & precum effusione viuere nullo modo possimus, ideo debēt à blasphem- ia blasphemari, & ab adulterio inconti- nētes, & à cibo gulosi abstinere, eo quod stomach⁹ multis cibis repletus Deo pre- ces & oblationes offerre nō possit. Non immerito beatus ille Apostol⁹ dicebat, *Abstinet eos vt facilius eretis*, eructatio. n. & oratio non bene consonant. Deinde quandoquidē nunc quadragesimale sit tempus, equum vt paululū de abstinē- tia corporali agamus; quamuis in rei ve-

ritate me illam ieiunare præstaret,
quam cōcionando differere. Scitis fra-
tres omne vitæ nostræ tempus nihil nisi
longam, atque illius adeo solemnem festi-
quam in gloria expectamus esse vigili-
am. Eia agendum, quando quidem adeo
solemnis sit vigilia, nullus à ieiunio ab-
stineat: quoniam quo plus in hac vita à
cibis abstinemus, eo magis gloria in
gloria replebimur. Dei mater & Dei
filius non solum abstinentiam colue-
runt, sed & per totam sacram scripturā
commendarunt: his verbis mater, *Esu-
rientes impleuit bonis*: & his filius: *Beati
qui esuriunt & sitiunt iustitiam*: quasi clari-
us diceret, Si dei ministri esuriētes bea-
ti sint, non ob famem quam patiuntur
beati sunt, sed propter refectionē quā
spectāt. Porro cibus qui eis conferetur,
adeo bonus erit ut eo in æternum om-
nes saturandi sint. Si sciretis fratres quā
magnum & pretiosum munus sit absti-
nentia, & quantis à sanctis commende-
tur laudibus, profecto ieiunantibus in-
videreis, & comedentibus compatere-
mini. Filius enim Dei ipsa in mēsa veri-
tas, non eos qui Hierosolymis erant sa-
ti-

ciavit, sed famelicos in deserto duntaxat. Cum mundo sacra abſtinentia creata eſt, & velut alter pretioſus theſaurus in paradifo terreſtri collocata: ſicvt prima fuerit virtus quæ ſe homini obtulerit, & in qua primum lapſus eſt: nam ab ijs quibus vti poterat abſtinuit, ſed non ab ijs quibus debebat. Ante legem Moyſis viguit abſtinentia, eam in lege conſeruauit Helias, poſt legem eam exercuit Ieſus Chriſtus: in Euangelij initio eā prædicarunt Apoſtoli, deinde eam conſeruauit ſancti viri. Quæ cum ita ſint eos ieiunantes ſequi debemus ſi gloriæ comparticipes fieri velimus. O miſera Eua, tuque miſerrime Eſau: tu prima tecum toto mūdo pomi commutatione peccato & diabolo vendidiſti: tu lenticulæ eſu perdiſti primogenita. O quam bona & ſacra eſt abſtinētia: per eā facie ad faciem Deum videre Moyſes meruit, Ieruſalem manibus Sēnacherib liberari, à ſubuerſionis terribili ſententia Niniue, & diei prolongatione Iofue vt inimicorum victoria potiretur: felix proinde admodum ille qui abſtinentiā amat, & felicior qui eam frequentat.

Hæc ex S. Auguſtino, P 2 In-

*Inter omnes tentationes nulla , quam gula
est periculiosior, & quæ S. Hierony-
mi sententia.*

CAP V T XXVII.

ET ^{nos à malo,} *ne nos inducas in tentationē, sed libera*
nos à malo, inquit sancta mater Eccle-
 sia in oratione Dominica, quasi diceret:
 Quod à te in hac oratione petimus Do-
 mine, illud est, ut nos nomen tuum lau-
 dare patiaris, & tuo fiamus dñi regno,
 ut ad tuam voluntatem agendam nos
 dirigas, & nobis panem quotidianum
 conferas, & quæ in te committimus de-
 bita dimittas, ne in tentationem incida-
 mus: & postremò nos à summo malo li-
 beres. tentatione gulæ scilicet & delitia-
 rum & intemperantiæ quotidianæ libe-
 rari cupimus. Non temerè profectò gu-
 læ tentationem quotidianam diximus
 non solum singulis diebus nos tentat,
 sed quavis hora aggreditur. Multæ ma-
 iores & minores gulæ tentatione sunt
 tentationes , sed nulla æque nobis
 gravis aut molesta est, siue à qua ma-
 gis nobiscum importune agatur. I-
 deo-

deoque in ipsam velut in publicam pestem suas orationes de more dirigit sancta mater Ecclesia. Serio nobis considerandum est quod Deum non ab ista gula tentatione liberari rogemus; sed tantum ne nos in eam incidere patiatur, quam diu enim hac in mortali carne sumus, à cibo abstinere non possumus: in multum autem vel exigui cibi sumptione consistit peccatum vel non peccatum. Quod à tentatione defendi cupiat mater Ecclesia, nec addat à qua ratio est, quod ut Deum nominando, Iesum Christum quoque intelligimus; & Apostolum, S. Paulum; & Philosophum, Aristotelem; ita tentationem simpliciter dicendo sine vlla alia adiunctione, gula tentationem intelligere debemus, quæ (quod ita longè & late distendatur in singula videlicet regna singulasque domos & personas; æquè domesticas atque alias) prima est & primo loco inter omnes alias tentationes constituta. O bone Iesu si nos à gula tentatione non liberares, quis digne cum illa & satis moderate se gerere poterit? Quis perfectè seire poterit num satis nec ne comedat?

vel num prohibita vel permissa, ne tua bonitas vel corporis sanitas lædatur? Debet serio & sedulo à tentationibus cauere homo, præsertim à gulæ tentatione, quoniam ultra quod importuna & grauis est in quibus aggreditur, valde etiam cauta & subtilis est & in petitionibus admodum astuta : sic vt multi eam sentiant, & pauci intelligant. Quis eam perfectè cognoscere poterit, quandoquidem quandoque à nobis quædam quibus se sustineat exigat, quæ tamen suis voluptatibus solummodo, deseruiunt. Quis tatarum viriū quibus adeo familiari & domesticæ tentationi resistat, cum vix bolum quem in crehabeo absorbuerim, quin cogitem quid crastina die sim esurus? Quid isti maledictæ tentationi & guloso isti ventri agam, cum cibus quem heri concupiueram nunc stomacho meo nauseet? Ergo *ne nos inducas in tentationem*. O bone Iesu, infirmor quoties multum comedo : animo deficio quoties non satis competenter. Si aquam hauriam, oppilor; si vinum, inebrior; si insipidos

dos edam cibos , statim ab ijs abhorreo ; si delicatos , statim alios appeto . sic vt deliciarum , vi isti importunæ gula nullo modo satisfacere possim , neque lachrimarum copia eam à me abigere : hic enim meus cupidus stomachus vult , etiam si nolim , modo carnes , modo pisces , modo legumina , modo fructus , modo crustas , modo micas , modo assatas carnes , modo elixas , modo serius , modo citius : vt ei satisfaciam non tantos sustineo labores , neque ita torqueor quæ edere debeo quærendo , quam ea vt palato placeant condiendo . *Ne nos inducas in tentationem* : maledicta enim illa gulæ tentatio non solum molesta & peruersa est , sed & diuturna : incedere enim aut operari sine cibo non possumus , immo nec viuere : nunquam à nobis illa tentatio recedit , donec à corpore migret anima . Quis ille qui hanc audebit amare vitam , cum in ea permanere non possit , sine detrimento tertij & præiudicio ? Dic quæso mihi , si in flu

minibus pisces non caperes, & terræ fructus non colligeres, si animalium foetibus non vtereris, si arborum fructum non vtereris, quomodo in terra vivere posses? Quam hac in vita voluptatē sumere quis potest, alterius cū iactura cū vivere debeat? Equidem, nī diuinam voluntatem nos ita vivere velle scirem, dico & fateor me nullius animalis intueri sine fletu posse occisionem. *Et ne nos inducas in tentationem*: nisi enim nos sua gratia præueniat, & sua manu pia dirigat. Deus, ab ea summa cum difficultate abstinemus. certum est, immo nobis impossibile erit in eam non incidere: ita grauitèr ab ea tentamur, & ad eò male dirigimur. Dicite ergo cum Ecclesia fratres, *Et ne nos inducas in tentationem*. nostro gutturi siquidem inferuientes & satisfaciētes distendimur & obstruimur, phtisi laboramus & hidropisi: medicos arcessimus, mane pharmacopolarum officinas inuisimus, herbas quærimus, nimis sanguinis euulsione venas confringimus. Quod

Quod ad abſtinentiam ſpectat, non ſolum illa ad expellenda ab anima peccata prodeſt, ſed ad corporis infirmitates vitandas: eo quod corrupti qui in nobis generantur humores, non à labore quos facimus emanent, ſed à cibis tantum quos comedimus. in Paleſtinæ Monafterijs inquit S. Hieron. educatus fui, & in Aegypti deſertis habitavi, quibus in locis multos agros & periclitantes non aliam ob cauſam quam ob intemperantiam vidi. Tunc quoque temporis Romæ multos diuites mirum in modum podagra laborantes adſpexi, quibus neque vlla expoſita pecunia, neque vlla voluptas vnquam ad ſanitatem profuit, donec tandem in miſeriam & paupertatem incidiffent, quæ eis poſtmodum ad ſanandum podagram medicina fuit. O ſacra & benedicta abſtinentia, quid de te dicam? quibus verbis æquabo laudem tuam? Fugas audaciam an præſumptionem: diabolum terres, periculis es remedio, valetudini tutameto, vitia purgas, iudiciū acuis, memoriam fortificas, linguā liberam reddis, familiam regis & annuos auges

proventus. multis annis exercitam sunt
qui laudât abstinentiam, alij multis mē-
sibus, cæteri aliquot septimanis: ego au-
tem dico, & certo certius teneo, nullam
quotidiana maiorem abstinentiam, quę
exercetur cum progressu de virtute in
virtutem, & cum quotidiana cibi nostri
restrictione. Quod Domino precor ob-
sequium præstas integra ieiunans die,
si sub vesperum domum ebrius & vino
plenus reuertaris? Quam pro ieiunio
tuo mercedem speras, quandoquidem
vna istius diei refectiōe plus comed-
ris, quam alias duabus? Quomodo Deo
tua accepta foret abstinentia, cum de
die nihil nisi delicias quæras, & nunquā
fortassis sis lachrimarū memor? Testis
est mihi Deus, quod in Aegypti desertis
commorantes, ex solis adustione Aethiopes
potius videremur, quam candi-
di Asiæ viri, & tamen in tanta siccitate
& isto montium rigore, Monachos hic
residentes, etsi ægros, ægros vidieodē
modo condemnari quod recentem a-
quam biberent & aliquid coctum ede-
rēt, ac si fornicationem commississent.
Per totam sacram scripturam nullum

Re-

Regem neque Prophetam aut Sanctū
reperies, qui ieiunij tempore templum
non adierit, vel cilicio se non induerit,
vel capiti cineres non apposuerit, vel
qui à cibis non abstinerit & lachrimis
non se dederit. Dum Regis & totius po-
puli mortem post quadragesimum diē
Niniuitis Propheta Ionas annunciauit,
non solum ieiunarunt illi, sed & anima-
libus pascua & infantibus vbera abstu-
lerunt: quod ieiunium ita Deo accep-
tum fuit, vt non solum veniam merue-
runt, sed & à Iesu Christo summam pē-
nitentiæ & ieiunij receperint laudem.
Dic quaeso mihi frater, putas eos qui e-
quis pascua & infantibus vbera ademe-
rant delicatos pro se quæsiisse cibos? in-
fantes enim naturaliter deficiente cibo
lachrimantur, ideo eorum lachrimas
Deo offerre voluerunt parentes, vt ea-
rum meritis veniam consequerentur.
O quam felix foret ille, qui in ieiunio
Niniuitas imitaretur: non equidem lac
infantibus adimens, sed sua membra vi-
tijs enormibus assueta domans, quibus

toties cibum conferimus. quoties ea labi & peccare patimur. Quandoquidem infantibus vbera Niniuitæ abstulerint, aufer frater ab oculis ne huc illuc voluantur vbera, aufer cogitationibus ne commaculentur, linguæ, ne se ita liberam reddat; ventri, vt ieiunet; animo, vt tranquillus sit. Hoc si feceris, cum Niniuitis veniam consequeris, & cum Christianis iustificaberis. Hæc ex sancto Hieronymo.

Quod non multum proffit stomachum ieiunare nisi à peccatis abstineatur, & qui super hac re dicat sanctus Ambrosius.

CAPVT XXVIII.

HOc genus demoniorum non eijcitur, nisi in ieiunio & oratione. (Matth. 17.) inquit suis discipulis Iesus Christus: quasi diceret, ita potentes & fortes sunt diaboli, peruersi homines autem ita impotentes & subditi, vt nullo modo detrudendi & debellandi sint, nisi oratione & ieiunio. Quod dicat Dominus noster sine oratione & ieiunio.

& ieiunio dæmones non velle corpori-
bus egredi, dicere est, parum admodū
esse à cibis à Deo creatis abstinere, ni si-
mul à peccatis abstinenceatur. Christianus
qui magnū ieiunium facit, non autem
peccata, Iesu Christi amicus esse non po-
test, sed diaboli discipulus: à ieiunio e-
nim etsi abstineat, nō tamen à peccato.
Quid prodest corpus abstinentia mace-
rare, si animus malitia plenus remane-
at? Quid prodest à vino, quod inebria-
re potest abstinere, si ab ira que te offen-
dere facit non abstinenceas? si solus pecca-
uit venter, ieiunet venter, sed si & cæte-
ra peccarint membra, cur quæso à ieiu-
nio abstinerent? Ieiunent manus, si fura-
tæ sint, ieiunent pedes, si ad luxuriam
perrexerint, oculi si concupierint, ani-
mus si mali quidpiam cogitauit, memo-
ria si benè agere non meminit. Non sine
iniuria enim solus pateretur siomach⁹,
cum cætera peccato obnoxia membra
sint. Tu autem cum ieiunas unge caput tuū,
& faciem tuam laua aiebat Iesus Christus
de ieiunio agens; quasi diceret; Dum
pro peccatis à cibis abstinere volueris,
sedulo curabis ne sine ieiunio te vngas.

& ne sine vnctione ieiunes , neque tibi
caput vnges , nī prius faciem tuam la-
ueris. Hac secundum litteram ad Pha-
risæos hypocritas confundendos dice-
bat Iesus Christus , qui ieiuniorum die-
bus per plateas tristes, discalceati, capite
demisso , pallida facie , & laceri, tacen-
tes & plorantes (omnia hæc non ad a-
criorem pœnitentiam agendam exe-
quentes , sed ad maius nomen in Repu-
blica sibi comparandum) incedebant.
Sciendum quoque est quod in Palestina
in qua sita est Judæa, moris esset bonis se
vestire togis, faciem lauare, & solemnio-
ribus festis caput vngere , & hoc modo
cū familia diem festum agere & frontem
exhilarare. Volens ergo ab errore ieiun-
antes reuocare Iesus Christus, ne ad va-
nam gloriā ieiunarent, sed ad abstinentiā
seruandā, præcepit eis vt caput vngerent,
& faciem lauarent , quæ actiones tunc in
exultationis & gaudij indicium fiebant.
Litteræ ergo corticem omittentes, & spi-
ritus medullam assumentes, dicimus nō
sine magno arcano & commodo , Iesu
Christo nostra ieiunia & vnctiones non
satisfacere , ni ijs lotiones adhibeamus.
Quid

Quid enim nostri muneris & obseruatiae sit hoc mysterio docet Iesus Christus. Qui caput suum vngit capiti quidpiam apponit quod antea non erat, qui verò faciem suam lauat, aliquid adimit, sordes videlicet quæ faciei inhaerebant. ieiunium proinde non admodum fructuosum, quin omnino infructuosum est & siccum, nisi cum eo capitis vnctio iungatur (quæ sit boni alicuius operis executione) vel faciei lotio, quæ sit respicientia & notabilis vitij correctione. Notandum profectò serio est quod vno die vno eodemque loco, vna concione & vno discursu simul ieiunium, vnctionem, & lotionem præceperit Iesus Christus. Quibus innuit quod à vitijs declinantes, statim virtutibus inhaerere debeamus: frustra enim nostrum stomachum affligeremus, si nullum ex ieiunio referremus fructum. Putas frater ieiunij perfectionem in carne quam relinquis vel in legumine quod edis consistere? Verum ieiunium est capitis vnctio, & integra faciei lotio, hoc est, virtutis operatio, & vitij fuga: in domo enim illius qui verè abstinēs est, statim saturatur spiritus.

ritus, vbi famelicum est corpus. Quod non pedes, neque manus, neque corpus vngere nos vult Iesus Christus, sed solum caput, docet, omnia opera nostra bona si quæ fortasse exerceamus, in memoria recondenda esse & capiti nostro apponenda, vt Iesu Christi, qui nos bonum facere præstitit, & à quo gratiam recipimus, non obliuiscamur. Sciendum quoq; quod in hominis capite tres animæ facultates & potentia resideant, & quinque corporis sensus. Tunc caput vngimus, dum nihil nisi Deum cogitat intellectus, dum Deum tantum meminit memoria, dum non nisi Deum amat voluntas. Dic quæso mihi cur te abstinentia maceras, quando quidem tuum non sit vinctum caput? Nihil nisi mundum cogitas, nihil nisi mundi meministi: Puras quæso te à Iesu Christo quicquid voles consequenturum obieiunium male ieiunatum? Si ad solum ieiunium nos hortaretur Iesus Christus, si nos lauare & caput nostrum vngere non veller, profecto solius ieiunij substantiâ magni facere possemus: sed scias ipsum nobis aliud præcipere, ideoque æquum est.

est vt illud adimplere coremur. nostræ enim abstinentiæ meritum, non in herbis malè coctis, neq; in inconditis quæ comedimus folijs cōsistit, sed in pietatis operibus, quæ ieiunij die exercemus. Nō sine mysterio nobis vultum lauare, in quo sunt oculi quibus videmus, nares quib; odoramus, os quo comedim; lingua qua loquimur, honestas & decus quæ nobis in pretio sunt. præcipit Iesus Christus: sic vt hæc omnia lauanda tibi sint, si vt Christianus ieiunare velis. Quid prodest homini si à piscibus abstineat, & non à peccatis? Quid prodest animæ crudas herbas comedenti, si lingua nihil nisi malitiam proferat? Quid tibi proderit, si in Quadragesima à te odorifera reijcias aromata, cū à vitij spurgedine plenis non declines? Loco summæ rusticitatis tibi est, si singulis diebus faciem tuam nō laues, & tamen tuæ te non pudet diuturnæ in peccatis perseuerantiæ. Magni te facis si totam Quadragesimam ieiunes, & tamen ne vni quidem iniuriæ indulgere vis. Laua te frater, laua. In Iordane ante inceptum ieiuniū à sancto Ioanne

lotus fuit Iesus Christus, vt intelligere-
mus summam & perfectam esse absti-
nentiam, prius peccata quam cibum
deferere. Quod eheu hoc tempore non
fit: à cibo quidem cessant homines, sed
nunquam à peccatis. Sicuti mala quan-
doque contrarijs curantur, velim te à
licitis abstinere, eo quod illicita patrare
ausus fueris: cuperemquē te quæ tibi
permiffa sunt, rescindere, quandoqui-
dem prohibita transgredi præsumpse-
ris; & vero non pudet minimarum re-
rum abstinētiā tantum agere, qui
magna transgredi ausus es? Hoc consi-
lium aded excellens vitiosis & corrup-
tis hominibus non do; sed perfectis, eo
quod peruersi cor malitia induratum
habeant, probi autem à recta virtutis
semita non deuiant, ne vel in vno otio-
so verbo.

*Litteræ S. Basilij ad Iulianum apostatam in
abstinētiæ commendationem
& fauorem.*

CAPVT XXIX.

Illustrissime & serenissime Princeps,
dice.

dicebat Iesus Christus. *Matt. 5. Beati qui persecutionem patiuntur propter iustitiam, quoniam ipsorum est regnum celorum: quasi* apertius diceret, Quod ad mundum, nullum hominem infeliciorem putat homine auxilio destituto; è contra ego nullum feliciorem eo reor, qui à tyrannis punitur, & ab iniquis torquetur, dūmodo illius persecutio ad iustitiam tuendam fiat, non autem ob malum crimen aut peccatum. Summum nobis est bonum, nobis inquam Christianis Iesum Christum pro Deo nostro habere, qui diligenter quid patiamur aduertit, quomodo, & ob quam causam, & in quo pondere, numero & mensura patiamur, vt postea in generali iudicij die, vel vnum gloriæ nobis ab eo conferendæ diem, longe obsequijs totius vitæ nostræ pretiosiorē esse sciamus. Quando in fluuiū iacinatur retia, in terrā semina, rosa adnascitur spinis, voluox adheret vuis, à capris non recedit ouis, boni & mali simul iunguntur: sed indicium est, quo dignescātur. Malos signat diabolus eis delicias & voluptates conferens, & bonos Dominus Deus eos.

pœnis & laboribus onerans. Dominus
noster Iesus Christus nullas in mundo
habuit diuitias præter miseriam & ino-
piam, multis simul pœnis & laborib⁹
coniunctis, ideo suis familiaribus ami-
cis hos thesauros dispergit, sic vt affli-
ctissimus sit amicissimus. Quod ad me,
etsi non sim de numero eorum quos
maxime amat, vel eorum quos in sua
sancta domo recreat, ne dum ascribar,
multum quippe mihi parcat & modicè
me punit; tamen reuera, videtur me
suorum collegio associare velle; quan-
do quidem cum illis me pariatur affligi.
Hæc dico serenissime Princeps, quod
Ampronianus Capadociæ Prætor, sum-
musque totius Asiæ quæstor mihi epi-
stolâ à te datam dederit, qua quid à me
peteres exposuit. Sed licet Iesus Chri-
stus, & tuus quoque Ampronius videat,
me scilicet tuæ petitioni non posse satis-
facere & mandata tua adimplere, nihil-
ominus me cōpedibus victum in car-
cerem detrudi iussit. Iubes illustrissime
Princeps vt ex Episcopatus mei prouentu
mille tibi auri libellas tradam, equidem
eas lubens si valerem darem, quod non
in-

inhibeat Christus Deus noster, ne Principibus Christianis obedientiam exhibeamus, vel bona nostra erogemus. Mei Episcopatus redditus in sola agri parte in decem oleastris, decem apium aluearibus, vna mola, vna domo, quadraginta ouibus, octo palmis dactyliferisque arboribus, tribus ficibus & exiguo horto consistit, quorum bonorum non me propriarium dominum habeo, sed Apostolicum dispensatorem: nam ea colligendi mihi cura data est & recedendi, vt pauperes foueam. Iesus Christus Dominus noster pauper natus, pauper vixit & mortuus est pauper, nobis ideo praecepit, nobis inquam ministris, vt omnia suae Ecclesiae bona omnesque ei oblatas oblationes tum miseris orphanis & egenis, tum miseris, afflicti & qui nihil lucrari possunt erogemus. Scio me non Apostolum, sum tamen eorum successor, & mihi quamuis indigno eadem data est cura: ideoque huic adeo strictae dispensationi deuinctus sum, non autem vt thesauros congregem, serenissime Princeps: mihi enim thesauros habere non licet nec congregare. nostra haec vocatio &

Apo-

Apostolicus status apud arctus est & strictus, & si quis nostrum fortasse thesaurorum congregat onis daret, vel si bona commissum dilapidaret ea non rite expendens, talis sacrilegij furto commissi condemnaretur. Altari furamur quicquid pauperibus non impartimur: in nostra siquidem lege ille sacrilegium committeret & Iesu Christi famulus non esset, qui bis nudum pauperem reperiens, illum vel prima vice veste non donaret. Quod ad me illustrissime Princeps, pluris me facio quod Monachus sim, quam quod Episcopus. Rogo ut Deus eis qui me ab eremo eduxerunt ut me medijs iterum mundi in tumultibus constituerent, ignoscat: nam mihi Monacho sola orandi & corbes vimineas conficiendi cura erat; nunc vero mihi animarum regimen est commissum. Ex quo tempore non licuit in eremo residere, sanctorum Monachorum consortio vtor, qui mihi suis consiliis quibus me regam, suis orationibus quibus mihi salutem comparem, & suis manibus quibus me foueam praesto sunt: maxima enim nostri cibi pars laboribus nostris comparatur.

sit

Sit mihi Deus testis serenissime Princeps, si aliquando vel in monastico statu vel Episcopali dignitate, meę argentum tractauerint manus, vel si aurum portas meas sit ingressum. ego enim cum meis pluris glutum globum ad tugurium meum occludendum facio, quā Nili ad texendas coronas aurum. Si que offeratur eleemosina, vel si quidpiā ex prouentibus nostris recipimus, eius receptio & expensio penes vnū ex nostris est, qui pauperib⁹ primo, deinde nobis distribuit: Dei si quidem ministro mēsa nō assidēdū nī pri⁹ erogarit eleemosinam. Si quem mellis fauum, si aliquas ex nostris oleastris oliuas, si quem manibus nostris confectum cophinum, si quas radices quibus pro cibo nostro utimur desideras, illa tibi per officarios tuos subministrare poterimus, sed aurum aut argentum non agnoscimus. Quomodo aurum aut argentum tibi conferrent illi, qui nunquam nisi Dominico die utuntur lumine, qui nunquam carnes edunt, nisi in Paschate, qui nūquam aquam dulcē bibunt, nisi semel in septimana? Quomodo tributū dabūt illi, qui nisi cāpi fructibus vescuntur.

cuntur: Quomodo mille libellas aureas darent illi, qui exiguo oratorio carentes, diebus Dominicis sub umbra castaneæ communicant? Putas promptuaria nostra magna esse? nullus unquam culinam nostram ingressus est coquus. Quod ad culinæ apparatus, mensæ istratores, expensæ provisiones, vinum alexandricum, & alia delicata humilmodi, vocationi monasticæ prorsus sunt ignota: ad puram quippe conscientiam conseruandam parum conueniunt. Quomodo reberis illos minas aureas detegere conari, qui pro suis delitiis lactucis siluestribus vtuntur aceto acerbissimo mixtis? Hac in eremo quatuor miliaria ad aquam dulcem nobis comparaturi & tria ad salsam progredimur. Quomodo ergo tibi persuadere facile erit quod aurum aut argentum congregemus? Ne nos ergo Princeps illustrissime aurum aut argentum quaeroges mei enim mecum Monachi pluris diuitiarum quarum cupidus es contemptum faciunt, quam thesauros, cū præterim hoc in aspero & arenoso deserto habitent, ybi deliciarum vltus licet

requisitus non conceditur, neque vllus
reperitur thesaurus etiam si satagetur.
Ita paupertati assueti sumus, & ita odio
nobis est auaritiæ vitium, vt quadam
ab vno religiosorum meorum reperta
auri massa non fuerit ausus illam e terra
tollere, quod si postea in suo tugurio
reperita fuisset, se sepultura Ecclesiasti-
ca priuandum sciret. Hæc scribo sere-
nissime Princeps, vt videas quā iniqua
cū ratione tuus Ampronius me in car-
cerē detrudi iusserit. Monachos meos
operi manum ad mouere feci, qui in
redemptionem meam suas cusillas,
quibus se regunt, mittunt, iunctis simul
quibusdam calathis, quos suis manibus
confecerunt, requē hoc scire volo O
Iuliane, quod illas exiguas corbes mit-
tentes omnes vultus sudores mittant,
& quod vt se & me foueant diuturnos
patiantur labores. Nuditamen incedet,
& multam patienter famem dummodo
me his vinculis ferreis liberent. Obse-
cro Domine, vt hoc quod tibi mittitur
equo suscipias animo, quod magni non
fiant munera, quæ diuitijs magnis &
pretio fiunt, sed affectio qua illa mittun-
tur.

tur. Si corbículas spectes, non eas magni pendes, sed si lachrymas quibus ille confectus sunt consideres, magni facies: hoc enim in his desertis opus nostrum est, pro pauperibus vimineas corbes contexere, & peccatorum peccata deflere. Dico ergo illustrissime Princeps, Iesum Christum captiuum detinuit Pilus. (Matth. 27.) S. Petrum Herodes, S. Paulum Festus. (Act. 12. & 5.) nunc me Ampronianus: si Domino non placeat, ut me liberet, & tuo vicario ut redimar, fortasse ex malo Monacho bonum martyrem Episcopum feceris. Hæc ex S. Basilio.

Dei famulo mundi epulas & conuiuia fugienda: sapius enim istis aspidere diabolus.

CAPVT XXX.

Melius est ire ad domum luctus, quam ad domum conuiuij, inquiebat Sapiens: (Eccles. 7.) Sensus est, si quos flentes videas, alios autem edentes & ridentes, facius est te domum luctus adire quam con-

et conuiuij. cum tristibus enim tua defle-
bis peccata, cum conuiuiis peccata pec-
catis iunges. Huic sacro cōsilio auscul-
tamus, quā inuiti ad conuiuia accede-
re debemus? nemo .n. in fletu peccat, &
vix sine peccato cōuiuia frequētantur.
Rogatus Philosophus Chilo, quid ab
amico ad cōuiuium vocato agendum,
respondit: probi nomen & Philosophi
famam conseruare volenti, templum
adeundum libenter, & ex necessitate
bellum; sed domus conuiuij neq; pro-
pria voluntate neque coactē. Rogatus
Imperator Augustus, cur & ludos, &
urbis Romanę conuiuia prohiberet,
respondit: se ludos inhibuisse quod
Dij in ijs blasphemarentur, & conui-
uia quod in ijs vicinis & conciuibus
detraheretur. Marcus Antius Consul,
qui legem Antiam instituit, sub graui
pœna Romanis inhibuerat, ne ciuium
vllus alius sine venia Censoris inuita-
ret. Si quis inuitare aliquem vellet, de-
bebat inuitans inuitati in domū cenam
vel prandium mittere. In vita Pa-
trum narratur, quod cuidā Alexan-
drię nobili agrē ferenti, quod cum

sancto Arsenio Abbate mensæ assidere non posset, respondit S. Senex: Neque tecum edere, neq; me à te inuitari permittere sum ausus: nullus etenim nostrum hac in eremo residentium in alterius mensa edere sine magna suæ libertatis iactura, & sine virtutis periclitandæ potest periculo. imò addit: mea eremo non egredior, & in Alexandriam non venio, vt frõrem vobiscum exhalarem, sed vt vos ad laborem horter. non venio ad prandium vocandus, sed ad ieiunium vos inuitaturus, vt vestra abstinentia à domibus vestris gulâ expellatis. Qui profectò curiose considerare & legere voluerint, videbunt vix vllum parari conuiuium, cui non adsit diabolus: vnde & præsentì semper fere adportat infortunium. Et ne videamur verba futilia proferre, quædam sacræ scripturæ in medium producemus conuiuia, in quibus aded mira & enormia acciderunt, vt ea perpetua memoria & fletu digna sint.

Primus qui in mūdum conuiuia adduxit maledictus sathanas fuit, dum primos parentes nostros ad inhibitum fructum

fructum comedendū impulit, & huius conuiuij fructus fuit, deceptio Euz, originalis iustitiæ & innocentie priuatio, & totius generis humani in mortis aliarumque inuitabilem feruitutem precipitatio. (*Gen* 3.) Sancto illi Isaac, (*Gen* 27) oculis & orexi præ nimia senectute priuato Rebecca fecit ex hædis cibos, quibus libenter vesceretur. Illud conuiuium adeo vni filiorum profuit, & alteri vsque adeo obfuit, vt primogeniti perdiderit benedictionem Esau, quæ fratri suo data est: & sic deceptus & illusus fuit miser senex. Absolō 2 *Reg*. 13. Regis Dauidis amantissimus filius adeo formosæ faciei puer, nunquid & solēne suis fratribus in villa tendentibus gregem pastoribus cōstruxit conuiuium. Porro quis conuiuij finis? fratris Ammon ob violatam Thamar occisio, exilium Absalonis, dolor Dauidis, regni totius turbatio. Magnus ille Assuerus qui centū & viginti dominatus est prouincijs, vt suarum diuitiarum & suæ potentie magnitudinem ostentaret, superbum in regie domus suæ hortis celebravit conuiuium, ad quos omnes

Suse ciuitatis, in qua habitabat incolae, omnesq; suos Principes & aulicos inuitauit. & hoc quàm infelix conuiuium! repudiata enim fuit Regina Vasthi, Eunuchi nobilissimi interempti, morti adiudicati omnes Hebræi, & vehementer rege Assuero irato, suspensus fuit familiaris amicus eius Aman, & omne regnum turbatum. (*Esther 1. & seq.*) Inter filios Iob nam maior conuiuium quoque extruxit, sex ad illud fratres suos & tres sorores conuocauit: & huius conuiuij finis fuit, quod vno die, vna hora, vna eademq; in domo, ante expletas epulas mensasq; remotas ad vnum omnes ruina domus oppressi sunt, quâuis tamen singulis diebus eis benediceret, & pro eis oraret pater, (*Iob 1.*) Magnus ille princeps Regis Nabuchodonosor filius Balchasar, à Dario & Cyro Persa obsessus, principibus sui exercitus, & palatij Dominabus solenne construxit conuiuium. huius miseri & infelicis conuiuij quis finis? Rex in sui conuiuij medio eadem nocte interfectus fuit: concubine captæ, surrepti thesauri, deletus exercitus. & omne regnum

regnū diuisum, & ad interitū redactū.
Dic precor mihi, nōne omnes quos
hic recensuimus, & infiniti alij quos o-
misimus, tutius domi comedissent
soli, quam in suis conuiujs tantis comi-
tari viris? His exemplis in mediū pro-
ductis Dei famulū monemus, ne facile
Monasterio egredi ad edendum pre-
sumat, neve temerē se in huius mūdi con-
uiujs ostēdat: ita enim ab istis diligen-
ter, & ab ijs qui in istis viuunt cauere de-
bet. vt nō solum cum istis & in istis non
conuerfetur; sed ne istorum quidē li-
benter mentionem fieri audiat. Solent
mundani post lites simul edere aut bi-
bere, vt in amicitiam pristinam redeāt:
sic vt ciuiū amicitiz nullæ sint, nisi scy-
phis confirmatæ & signatæ. Cum ergo
mundū vt bonus Christianus & religio-
sus abnegaris, quid aliud est quæso con-
uiuere mundanis, quā in mundū nego-
tiandi causa reuerti? Sodomā respiciēs
si ita grauitè punita fuit misera vxor
Loth, quomodo tu miser Monache pu-
nieris, si ad potum & cibum vt profa-
nus & fallax reuertaris, cum à Do-
mino huius mundi oblectamentis,

& periculis liberatus sis? Non aliam ob
 causam Israelitas puniuit Dominus,
 (Num. 11) quam quod in Aegyptum al-
 lia & cepas esuri reuerti cuperet: tibi ne
 quæso putas illum indulturum, tibi in-
 quam, qui cum mūdānis, commessaris
 & potitas? impossibile est bonæ consci-
 entia & verecūdia religiosum, bonam
 cum mundo sumere refectionem: si
 enim pauci sit cibi, illum hypocritam
 habebit: si magni, galosum: & quod
 grauius est, omnes haustus, & omnia
 verba quæ profert notat. Deinde mo-
 do serio, modo ironice inuitamur.
 Certò scitote fratres, & nullatenus du-
 bitetis parētes nostros, quamuis nobis
 amici & affines sint, malle nos in Mo-
 nasterijs nostris ieiunare, quā in domi-
 bus eorum comedere. Quamuis te ob-
 nixerōget amicus, & quidem impor-
 tune, vt domum eius adeas, vel mensæ
 eius affideas, scias illum hoc potius ci-
 uilitate motum agere, quam vt tua prę-
 sentia fruatur. Deinde, de more cupi-
 unt seculares nos magis eorum peccata
 cum ipsis deslere, quam eorum cibos
 comedere. Adolescenti se sequi volēti,
 (Matt.

(Matt. 8.) domū reuertendi, vt patrem
sepeliret, licētiam dare noluit Christus:
tibi ne putas, vt cum mundanis lætitiis
afficiaris facultatem concedet? Com-
para peccatum peccato, & culpā culpæ:
nonne fortasse minus erat peccatum
mortuos sepelire, quam cum mūdānis
edere & bibere? Hanc tamen sepultu-
ram prohibuit Iesus Christus, vt intel-
ligeremus multa mundanis esse licita,
quæ Monachis sunt illicita & inhibita.
Monachus qui vltro mūdi delicias de-
seruit, seque vt religiosæ perfectioni
obtulit, non exiguum quid, aut leue
cōmittit, dum epulis interest, non aliam
ob causam quam vt animum exhilaret.
& delicatos edat cibos. in rei veritate e-
nim inter homines vanos & mundanos
parui sit ille cui ita conuiuia sunt cordi.
Si inuiteris, & vrgaris, caue addicas &
consentias: verus enim Dei famulus
nunquam sui Monasterij claustris egre-
ditur, nisi ob exequenda negotia, ad
quæ conscientia adstringit, siue vt obe-
dientiæ mandatis satisfaciat. Vereare
igitur, vereare, ne ad huiusmodi cōui-
uiā inuiteris, mundanis conuiuere for-

mida, eò quod vix vllum sit cõuiuium
mundanum, in quo non hallucinentur
oculi, vel rationis limites non transgre-
diatur gula, vel in quo temerarium non
proferatur verbum, in viri honesti præ-
iudicium. Cur ad illa conuiuija inuitari
desideras, cum in Monasterium tuum
sine scrupulo regredi non valeas? An
nescis mensæ alterius assidēs, ad omnes
quos adis cibos laudādos te deuinciri,
& ad contemnendum omne quod alij
contemnunt etiam si bonum? Sed di-
ces, nec Dei mandata, nec religionis sta-
tuta solui cum amicis cõuiuando: con-
cedo quid em non esse peccatum: sed
nullo modo negare poteris te in peccā-
di periculo temetipsum exponere: nam
sub multarum voluptatum prætextu,
vitiata cæca & larvata oriuntur. *Ab omni
specie mala abstinete vos*, dicebat Aposto-
lus Thessalonicensibus, quasi diceret:
Vos moneo fratres, quod à tẽpore quo
sacrum suscepistis baptisma, & Euan-
gelium obseruaturus vos polliciti estis,
non solum à peccatis abstinere tenea-
mini; sed & ab omni peccati specie,
præsertim eum ad lapsum valde pro-
clives.

eliues fimus, & ad refurgendum admodum imbecilles. Mirum in modum huius Apostoli doctrina sublimis & profunda est: non enim ei satis est, si à peccatis abftineamus, sed vult nos omnia loca in quibus ad peccatum allici possemus subterfugere. Qua in re profectò probè monet Apostolus: in locis siquidem occasione plenis maxime periclitantur probi. Lusus illicitus peccatum est: adire locū in quo aleis abjsquē modis illicitè luditur, species est peccat, nimis esus peccatum est, cum gulosis edere species peccati est. Ideoque qui Apostoli consiliū sequuntur, ne in peccata incidant peccatorum conuersationem euitant. Mundanis sufficit si non peccent, sed non religiosi. peccati enim occasiones subterfugere debent, quod à guloso & delicato Monacho non fit, seipsum enim inuitat, licet à mundanis non inuitetur. apartum est: nam sapius deambulat, nihil aliud agit quam bonum prandium quærens.

Porro Dei famulus, ne vel progredi debet pedem, nisi eum

Q 6

obedi-

obediētia, nec vel vnum proferre verbum, nisi sanctum, nec vel vnā nisi sanctam habere cogitationē, nec vel vnum nisi meritorium exercere opus. Dic quæso quid mundum ad prandium vel cœnā inuitandus inuisis? incurris enim in ebrietatem incidendi periculū, cum sobrius & probus Monasterio egressus sis. Si de Deo cum conuiuis agere velis, non te audient; si vana quædam enarpres, scandalizabuntur; si eos nuncia roges, habeberis curiosus; si petitionibus eorum non respondeas, habeberis ignarus: vt incepisti mensæ assidere, vitam tuā examini præbuiisti. Si natura sis temperatus, quietus, in Monasterio tuo mane: si gulosus & vorax, ed minus vt conuiuia adeas suadeo. Scias bonam & delicatam refectionē magis orexime excitare, quam concupiscentiam domare. In cœnobio tuo comedens, sanctorum consortio conuiuis, cibos benedictos, cibos salubres, hora conuenienti, sub disciplina regulari, sub merito obedientiæ, sacram scripturam auribus excipiens, comedis. Si in mundo edas, serius edendū, vorandū celerius, inter

inter loquentium strepitus, cachinnos:
ridendum, si rideatur. interrogaris?
respondendum. læderis? dissimulandū.
Huiusmodi mensa adeo corpori peri-
culosa est, animæ ita periculosa, vt nec
acceptari, nec illius quidem mētio fieri
deberet; exigua enim & ordinaria cœ-
nobij portio superat omnes mundi de-
litias.

*De honestate & ciuilitate quam præse ferre
debet religiosus, extra Monaste-
rium comedens.*

CAPVT. XX XI.

SI charitate motus, aut humanitate
deuictus conuiuium adis, fac ex obe-
dientia & venia. si enim sine ordinis li-
centia Prælato incio hoc ageres, non
solū culpa erit, sed & apostasiæ species.
Nec satis si à Prælato veniam impetra-
ris, sed & tibi honestum & religiosum
debet adiungi consortium: Religiosus
enim qui solus deambulare audeat, nul-
lius apud suos est fidei, & alijs malo est
exemplo. Non temere tibi bonum con-

fortium eligendum esse dicimus: si enim comes tuus in potu & cibo dissolutus sit, nec edere nec bibere tibi lubebit. Conuiuij die antequam egrediaris, missæ intersis, diuinum imple officium, solitæ pietatis memor sis, nec ita mature eo properes, ut expectes, nec ita sero ut expecteris. sic te adueniens & reuertens gere, ut eo potius te pietate motum, quam recreatione appareat adisse. Cum fuerit discumbendi tempus, primo cibus benedic, neque leuiter te primo patiaris sedere loco: hoc enim agens, & tuam demonstrabis grauitatē & humilitatem. Hoc vnum scias velim frater, quo probior es religiosus, eo te in omnes honestiorem & ciuiliorem geras: bona enim ciuitas rectæ conscientiæ nunquam impedimento est. Ne nisi cum alijs comedas, ne nisi alijs bibentibus bibas, ne lances omnino euacues, ne in sorbitionem dissolute irruas, nihil delicati petas: licet enim regulam non transgrediaris, bonæ ciuitatis tamen legem solues. Cauene bibens pateram exaurias, vide ne comedens super te effundis

effundas, & te coinquines. Memi-
neris multum aquæ vino tuo miscere,
in manibus scyphum habens vinum
expetere, gulosi indicium foret Mo-
nachi: non peccatum solum, sed &
ebrietas posset dici, quod est sum-
mum sacrilegium. ne mantili manus
purses, ne lingua digitos lambas, ne
nares tuas emunctorio resonare facias,
& vide ne multum tussias & spuas. Ne
in modum Simiæ duabus maxillis e-
das, ne ossa medullam euulsurus con-
tundas. in his enim omnibus exiguum
reperiturus es, alijs autem malo futu-
rus exemplo. Caue ne in menta mul-
tum nugeris, ne venuncia expectas. Si
rogatus respondere compellaris, ne in
tuis responsonibus te rusticum præ-
beas. Sic respondeas, ne in tuis ver-
bis prolixus nimium sis, neque in tuis
propositionibus nimium pertinax, ca-
pitosus enim & pertinax Monachus stul-
ti cognatus, & fatui frater est germa-
nas, Moris est in mundi conuiujs, vino
calidos de aliorum vita non sine detra-
ctione loqui. Caue hic abripi, tuam ve-
opi-

opinionem edicere. maius alioqui tuæ
conscientiæ afferes detrimētum, quam
mensæ cibus. Si mensæ foemina aut pu-
ellæ assideant, vide ne cum eis multa
facias verba, vel eas nimium aspicias:
scias enim illas magis à planta pedis ad
verticem vique ad videndum te esse
intentas, quàm tu tuo cibo, quin & inde
tibi ipse offendiculo esse posses, maloq;
ceteris exemplo. Si vinum quod mense
apponitur palato non faueat, dissimula:
si faueat, ne laudes: nā siug laudaueris,
siue vituperaueris, merum iudicaberis
bibisse. mundanis siquidem idem conce-
ditur vino aquam miscere; at religiosus
vix aqua vinū. Ne velut senex pectori
in formā barbulæ mantile apponas, ne
ve humeris vt aulicus: ne vt œconom⁹
manibus carnem decerpas: ne vt puer
panem comminuas: ne vt fatuus edere
festines. secundum externam enim in
mensa grauitatem, in anima iudicabe-
ris. Si multi apponantur cibi, licet eos
gustare tibi, imò eosdē laudare teneris:
secus enim in malam interpretaretur
partem hospes, si tibi apparatus displi-
cere intelligeret. Rusticitatis est,
tri-

tribus digitis manum in lancem mittere : hebetudinis, salem cultro non accipere : inciuilitatis, ore bolum tenendo loqui. quin & impudentiæ est, vinum purum & aquam recentem ro-gare. Memineris post cibum mensæ micas purgare, tuumque recte compli-care mantile, & à cultro pinguedinem emūdare : tui habitus manicas ad instar boni religiosi teque honestate compone. Vt enim lautum fiat conuiuium debes lautos mensæ apparatus laudare ; ceteri verò tuam honestam educationem & ciuilitatem magni facere debent. Si forsitan comedēs, vel post esum quosdā videris iocosa quidam dicentes, vel te ad risum prouocantes, ne iniocia & risu rationis limites transgrediaris : prudentes enim & docti hæc in re nihil honoris assequi possunt, nisi vt inter stultitias aliorum se stultos præbeant. Ne ad lauandas manus aquam petas, imò oblatam respue, secundum legem enim & ciuilitatis priuilegium, nulli lauandis manibus affertur aqua, nisi totius confortij honestissimo & primū occupandi locum. Insuper sicuti Dei famulū non facta

facta benedictione mensæ assidere non
debet, ita à mensa non actis Deo ob re-
fectionem sumptam gratijs recedere
dedecet: isti siquidem magis quàm mor-
taliū vlli gratias agere tenemur. Ca-
ue ne in conuiuij dati mercedem tuam
ad tractanda aliorum negotia offeras
obsequium, quo postmodum & tibi
summā distractiōem & Prælato mo-
lestiam pareas. Præstitisset enim sym-
bolum contulisse, quàm id incommo-
di retulisse. Religiosorum parentes &
amici non semper eos inuisunt, vt fron-
tem cum eis exporrigant, sed quod
eorum opera egeant. Quod pater: re-
ligiosi enim qui solitarie viuunt, & in-
mundi negotijs non admodum versati
sunt, nunquam à secularibus impor-
tunè inuisuntur. A cibo & valedictio-
ne, ne per plateas & populum incedens
ritubes, me diuageris: secundū enim re-
ligionis & perfectionis legem non de-
cet oculis videndi, pedibus ambulandi,
linguæ loquendi facultatem dare, cum
stomacho & ventri edendi & exultan-
di veniam concesseris. Tempus erit
ergo vna atque altera post refectionem
hora.

hora hospitibus valedicere, & in Monasterium regredi: ad quod vbi appu-
leris, si stomachum nimio cibo & con-
scientiam onerata[m] senseris, statim
confiteberis, & disciplinam fumes, qua
tua castigetur caro, & purificetur ani-
ma. Indisciplinati Monachi qui huius-
modi audient vel legent, illa, vt & scri-
ptorem ridebunt: probus autem &
reformatus lachrimabitur, quod par-
tim ita à mundo se importune agitari,
& partim aded in istis se periclitari con-
uiujs videat. Nullus enim vnquam
ita sibi benè cauet, quin in vno aut alio
decepiatur. Neque has quæso frater om-
nes regulas mireris, ne has exiguas
monitiones & consilia obstupeascaas: te-
neris enim ea non tātum vt Monachus,
sed vt homo obseruare. omnibus enim
grata est humilitas & modestia,
ingrata autem inuerecun-
dia & inciuilitas.

Quod

*Quod ad edendum refectoryum semper adire
teneatur Deifamulus, & hospitium
vitare.*

CAPVT XXXII.

Qua autem sunt à Deo, ordinata sunt, inquit Apóstolus scribens Romanis, cap. 13. quasi diceret: Sciendum vobis est o Romani, quod omne quod ex Deo est, & eius obsequio dicatum, sit sua æterna sapientia directum, & suæ infinitæ potentæ amissi deductum, sic ut impossibile sit, illud confundere cui semel manum admoovit & imposuit. In Exodo, cap. 28. præcepit Dominus Moyse, ut duodecim filiorum Israel nomina duodecim lapidibus pretiosis insculpi faceret; & id ex ingenio proprio non ageret, sed ex dictamine Dei: volebat enim primogenitos primo loco poni, & ultimos ultimo. Eodem quoque libro, cap. 37. & 40. scriptum est, quod tabernaculo & candelabris, quæ sanctuarij luminaribus deferuiebant completis, Sanctus ille Moyse omnes suo ordine constituerit lucernas: alias scilicet.

Scilicet sublimissimo loco, & alias infimo: sic vt maiori mirationi foret ille in isto candelabro pulcher ordo, quam illud ipsum candelabri pretium. Tercio quoque libro Regum (Cap. 10.) legimus Reginam Sabam magis ordinem in mensa Salomonis seruatum admiratam, quam omne aurum & omnes domus diuitias.

His ergo notabilibus exemplis colligere & considerare poteris frater quam inordinatam rerum inimicus Dominus Deus sit, & quam ordinatarum amicus, quandoquidem ita vehementer non solum lucernas in Synagoga ardentes, sed & ordinem in Salomonis sumptibus seruatum approbet & laudet sacra scriptura. Quid aliud quæso istæ per ordinem in tabernaculo dispositæ lucernæ sunt, nisi Monachi & religiosi in Monasterio sub bona norma viuentes? Noluit Dominus Deus in antiquæ Synagogæ nominum registro confusionem esse: velletne quæso in Ecclesia Catholica religiosos sine ordine viuere? Quoniam itaque dicit Apostolus, *Quæ à Deo sunt, ordinata sunt,* icuius
ernr

erunt quæso omnia inordinata nisi diaboli? Sanctus ille Iob inter Dei & diaboli famulos, beatos & damnatos differentiam ostendens, dum de inferno agit, cap. 10. inquit: *Vbi nullus ordo, sed sempiternus horror inhabitat*: quasi diceret, in diaboli domo & Barrabæ familia omnes inordinatè & confusè viuunt: Sicuti suas oues viuere & foueri vnanimis vult Dominus Deus, ita suas capras diuisim & inordinatè vult viuere Diabolus. Et sicut pater veritatis est Iesus Christus, mendacij autem diabolus; ita sathanas discordiæ origo est, concordiæ & vnionis Deus. Ideoque omne quod ordinatum est, dicitur religio, & omne inordinatum confusio. Sententiarum igitur Iob & sancti Pauli consideratione, vnusquisque ex seipso dignoscere potest, num diaboli congregationi adscribatur, aut Iesu Christi familiæ: suos enim in ordine bono, & confraternitate recta conseruat IESVS Christus, diabolus verò in discordia suos, immò familiares amicos fouet. In primitiua Ecclesia Apostoli & Iesu Christi discipuli simul edebant, simul

deam:

deambulabant, simul habitabant, & simul orabant, ideoque traditor ille Iudas quod se à sacro illo Collegio semouisset, magistrum suum Iesum Christum abnegauit & vendidit. Hoc exemplo mirum in modum moueri debemus, seduloque hac in parte vigilare, ne vllus in religione à conuentus corpore se separet, & particularia quedam pro seipso procuret: timet enim diabolus conuentum aggredi, sed audacter solus solum aggreditur. Euam matrem nostram solâ in paradiso aggressus est, sanctum illum Iob in fimo solum iacentem inuasit, Iesum Christum solum in deserto tentauit, & infelicem illum Iudam à cæterorum Collegio segregatum decepit. E quibus intelligimus religiosum à fratribus & conuentu separatum, statim diaboli tentationibus seduci. *Aduersarius vester diabolus tanquam leo rugiens, circuit quarens quem deuoret,* inquit nos monens Apostolus, (1. Petr. 5.) quasi diceret: Vigilate fratres, diu noctuque orate, diabolus enim lethalis vester inimicus qualibet hora & omni momento cuilibet insidiatur:

vt cum

ut eum in peccatum induat. Mirum in modum notandum est quod non dicat Apostolus, hinc inde discurret & vagatur quærens quos deuoret; sed in singulari circuit quærens quem deuoret: hoc est, quod diabolus hinc inde discurrat non multos quærens quos tentet, sed vnum quem decipiat. Optime hoc Apostolus: certò enim credere debemus diabolum nunquam vel rarò eorum in quo canitur, neque oratorium in quo oratur adire; sed Monachum qui huc & illuc potaturus & esurus, vel qui de cubiculo in cubiculum discurret, aggredi. Dum dicit Propheta: (*Psal. 32*) *Ecce quam bonum, & quam iucundum habitare fratres in vnum*, apertè videre est, eum non Monachum deambulantem vel solum manentem aut manducantem laudare his verbis, sed approbare, immo sancire, ut omnes in cõuentu simul edant: insinuans Dominum mirifice conuentum redamare, & singularitatè odio habere. Porro fratres, hæc dico ut vos moneam, neminem vestrum debere à choro abesse, in dormitorio nõ dormire, in refectorio non edere, postquam

quam à Deo in religionis perfectionem
& aded sacrae congregationis conforti-
um vocati estis: nullus enim perfecte re-
ligiosus dici potest, nisi qui Monasterij
conuentum sequitur. Caue ne modò v-
no, modò alio edas loco: vltra enim
quod hoc suam irregularitatem & sin-
gularitatem sapit; insuper Prælato mo-
lestiæ materiam, & murmurationis fra-
tribus occasionem præbes. Vt particula-
rius loquar, Dei famulus se quamdiu fa-
nus & incolumis est, ad edendum & bi-
bendum in refectorio cogere debet: or-
do enim monasticus hunc locum, & non
aliud ad edendum & bibendum finis
destinauit, sicuti ad orandum oratorium
consecrauit. Extra altare celebrare si mō-
struosum sit, scandalosum quoque est ex-
tra refectorium edere: vtibi in sacrae
communione reuerentiam offendi-
tur, sic hic in sacrae religionis detri-
mentum peccatur. Scimus à Iesu
Christo omnia quæ in refectorio edit re-
ligiosus esse benedicta, & Prælatum in-
de summa ideo affici consolatione: sic
vt omne quod illic editur, sine pūdo-
re & conscientia scrupulo edatur. Ideo

R

impri-

imprimis moneo, ne (quamuis in Monasterio ab officijs sis, licetque cum Præfato occuperis) mensæ in refectorio assideas, ni prius chorum ingressus sis, nique tuum adimpleueris officium: religiosi siquidem qui mensam non absolutis horis adeunt, sunt vt fures qui sine labore aliorum comedunt bona: Monacho etenim non sufficit, si quod debet peragat, si diuinum quo oneratus est adimplet officium, debet insuper pro purgatorij animabus orare, non enim sui ordinis deuotionibus tantum (quæ pro viuentibus orationes sunt) se deuinxit, sed & pro defunctis orare tenetur, secundum quod eum sui memores esse voluerunt. Conare quoque, ni in occupatione quadam à Præfato detinearis, maturè ad refectoryum esurus ire: si hoc siquidem egeris, lectionem audies, tempore comedes opportuno, alijs bono eris exemplo, officariis grauis non eris, qui de more de ijs qui sero ad cibum properant, conueruntur. Conare benedictioni mensæ, cōgregato conuentu adesse: si enim serio aduerteris, prius benedicendo dicu

citur: *Benedic Domine nos, quam benedic
Domine tua dona, hoc est quod prius be-
nedicantur religiosi, quam cibi, quam
benedictionem à Deo libenter confer-
ri credimus, quando quidem pro tanto
bono expetatur.*

*Prosequitur suam materiam author, & de
maledicta superbia & ambi-
tione differit.*

CUm ergo refectorium ingrederis,
deputato sede loco: quæ tibi appo-
nentur, et si pauca, comede: caue ne te
molestum exhibeas, quoniam labores
te probiorum comedis, nō autem tuos.
Quod ad te, ne si tibi alto aut infimo cō-
cedatur sedere loco, aduertas, hoc ægrè
ferens, eò quod cæteris prior habitum
sumpseris : nulla enim maior vanitas
aut turpior leuitas, quam post abdicat-
os oblesu Christi amorem honores,
eosdem rursus in refectorio quærere.
Patiantur de more vani & mundani
homines se in mundi conuiujs sapius
orari antequam primis sedeant locis: tu
inquā qui Monachus es, vt oneri tuo sis

Prelato totique Monasterio scandalo, curabis num in scammi fine aut medio sis sessurus? Qui in mundo consequi volunt honorem, illum laboris, sudoris siue pugnae, siue remigij per media maris pericula vi assequuntur, non autem ut tu, qui otiosus eum in refectorio comedens vis assequi. Vel solo auditu scandalo id plenum: in hunc enim diem nec lectum nec auditum est quempiam propter honestum sedile in pretio habitum fuisse. Si honorari cupias, gere tecum honorem, neque eum in sedili in refectorio quæras; debet enim à te locus, siue sedile honorari, non autem tu à sedili. Si infimo sedeas loco, sublimi dignus, ob humilitatem laudaberis: si sublimi, infimo dignus, habeberis superbus. Ideoque tutius est honorem mereri & eo non frui, quam frui & non mereri. Si altiore aut commodiore in refectorio fortasse quæras locum, te ideo Abbatem aut Prælatum Capitulo futuro eligendum credens, longe deciperis, & toto aberras celo: in religionibus enim & Monasterijs in quibus ordo & regula viget, non qui sibi magis præsumit, caput aut Prælatus eligitur, sed qui magis meretur,

retur, nec in eum qui altiori sedet loco
 conijciuntur oculi, sed in cæteris perfe-
 ctio-rem. Ne ergo similibus immoreris
 vanitatibus, neue ad eò vilibus te com-
 macules rebus: et si enim te generosum,
 grauem, & reuerendum habeas, & alti-
 ori loco antiquis assideas Patribus, non
 id eò tamen plus cibi quam si nouitius
 assi dees tibi cõferetur. *Amant primos re-*
cubitus in cœnis, & primas cathedras in Sy-
magogis, & salutationes in foro. (Matth. 23.
 Marc. 12.) dicebat Christus in Phariseos
 inuehens, quasi diceret. Dum cum Scri-
 bis & Phariseis verba habebitis, quod
 suadent agite, sed videte ne vitam eò-
 rum imitemini, eo quod ouium vestes
 exterius gerant, intus autem sint lupi
 rapaces. Quod apertè declarant, si e-
 nim prima eis in Synagogis non con-
 cedantur loca, siue si reuerendi ma-
 gistri non dicantur, statim succen-
 sent, & in vnumquemque insur-
 gunt. Secundum quod hic & alibi am-
 bitiosos redarguens, dicit Christus, au-
 sim audacter dicere, religiosū claustra-
 lē primatū in Monasterio & prima lo-
 ca in congregationibus quærentem

non esse Ecclesiæ , sed Synagogæ al-
lumnum , non esse religiosum , sed
Pharisæum, non esse Iesu Christi disci-
pulum , sed Antichristi sectatorem,
quandoquidem ambitionis sequatur i-
ter , à Domino tamen ad perfectionis
viam vocatus. Negare ne poteris te ma-
ledictæ ambitionis iter sequi, siquidem
primus in refectorio sedeas, & vltimus
oratorium ingrediaris? Dic quæso mi-
hi cum in te nullam particularem ab-
stinentiam, neque vllum disciplinæ ri-
gorem aduertant ceteri Monachi , cur
nominari non vis, nisi paternitate aut
reuerentia intituleris , siue nisi ante te
caput detegatur ? Si honoris cupidus
sis, si tibi honorem exhiberi velis, pri-
mus chorum ingredi, & vltimus
oratorium egredi, Prælatus acquies-
ce mandatis, raro Monasterio egre-
dere , cum charitate agris obsequium
præsta , cum fratribus pacificus esto,
cum ceteris manum operi admoue, &
sic à Deo amaberis, & ab hominibus ti-
bi exhibebitur honor . Ad honestum
fortasse in religionis statu , siue actu &
subtilitate , siue donis & muneribus,
si fue-

si fueris promotus officium, poterit iste honos ad tempus durare, certo tamen scias te illo aliquando spoliandum, teque tuumque officium interitui proximum esse, in religionis enim ordine quandoque id quod non est in veritate fundatum dissimulare nouit Dominus Deus; sed illud in finem fouere non vult. In sacra scriptura & sanctorum cathalogo antiquiori primus non assignatur locus, sed probiori duntaxat, quod apertè in summo illo Patriarcha Abraham videre est, qui longe Dauid senior est: non enim dicit sacrum Euangelium Iesum Christum esse Abraham filium, sed Dauidis, iuniorem natu primo nominans, deinde maiorem. Notum est Ismaelem natu priorem Isaac fuisse, & Esau Iacob, Ruben Iudæ: in sanctorum tamen cathalogo minores natu maioribus prepositi sunt, iisdemque dominati sunt. S. Andreas Apostolus ante S. Ioannem ad apostolatum vocatus est, Sanctus Marcus tamen quemque suo nomine secundum ordinem dirigens, sanctum Ioannem tertio, Lucas secundo collo-

cavit loco, licet secundum suam vocationem quartum solummodo mereretur. *Act. 1. Matt. 10. Luc. 6.* In magna illa à Iesu Christo denunciata vineæ parabola, magni illius oraculi ore determinatum fuit, vt operarijs qui sub finem diuenerant prius satisfaceret, quam ijs qui à mane ad vesperum operati erant, & sic sæpius in Ecclesia facti sunt nouissimi primi. Ex his omnibus exemplis colligere possumus, nullum in religionis statu mirari debere si Prælati Monasteriorum rectores quandoque ei qui vltinus vestem sumpsit altiore conferant locum, & si ei qui nouissime religionem ingressus est aliquod committant officium, id enim in sacra scriptura non est determinatum, & hæc & similia agendi potestatem non denegauit Iesus Christus. Primi Iesu Christi discipuli de primo loco inter sese disputauere (*Matth. 20.*) (*Luc. 22.*) (*Marc. 10*) qui postmodum magni causa fuere scandali, de Prælatu & honestiori loco inter se contententes: quam quæstionem & contentionem resoluit Iesus Christus dicens, illum

à Deo

à Deo maxime diligendum & honorandum qui cæteris cum humilitate inseruiret, non autem qui ambitiose mensæ assideret. eum qui in Ecclesia suscitatur scandalum anathematizatur Iesus Christus: nunquid & iustè frater anathematizabitur ille qui exigui cuiusdam officij ministerio, & primi loci ambitione, toti Monasterio scandalo erit? (Matth. 18) (Marc. 9.) (Luc. 17.) Eia agedum frater aut bonus es & probus, aut superbus & peruersus: si bonus & pacificus sis, nihilominus tamen venèris officium, vt honestum quempiam obtineas locum, nesciste iam illo ob illam tuam ambitionem indignum? Et si forsàn peruersus & dissolutus sis, cur quæso probi hominis locum quæris? Ignoras te Iesu Christi consilio non satisfacere qui dicit, *recumbe in nouissimo loco?* (Luc. 14.) nunquid aperte vides in nullum ita sicuti in ambitionis vitium inuexisse Iesum Christum, nihilominus quod damnat probas, & quod probat damnas? Velle haberi perfectus & ab hominibus magni fieri, illa frater Deo

accepta non sunt : & tales superbos in suo sacro collegio non tolerat Christus . *Charitas non emulatur , non agit perperam , non inflatur , non est ambitiosa* inquit Apostolus Paulus Scribens ad Corinthios , (1. Cor. 13.) quasi diceret , Charitate præditus & Christianus animus nemini inuidet, nemini nocet, nulla re deijcitur, nulla licet honestissima re ambitiose erigitur: sic vt in religione Christiana nullus possit charitate præditus esse , ni prius humilis sit . Hæc duo Apostoli verba serio ponderanda & notanda sunt, scilicet: *Charitas non inflatur, non est ambitiosa*, hoc est, quod vero religioso & Christiano vbique satisfiat , vanæ gloriæ autem & honoris cupido nusquam, nec quicunque talis est , omnibus est solum grauis, sed sibi ipsi , ita vt nunquam quietus sit. Dic mihi precor frater, putaste ob magnam præsumptionem , ob loquacitatem & frequentes orationum effusiones, ob multas querelas & varias hinc inde cursitationes, variasque in Prælatum insultationes ideo totius Monasterij summum & liberri-

berrimum futurum? Jesu Christi vices
 cum gerat Prælatus, sanctum spiritum
 in religionis regimine illum illumi-
 naturum credendum est. Debes i-
 dedò frater illius te submittere iudicio,
 & loco tibi assignato sedere, certo
 tibi persuadens te alto non mereri
 sedere loco cum eo te conscendere
 non faciat. Sciendum quoque est
 Prælatos se omnibus eisdem præsta-
 re debere, cum omnium patres
 sint: ideoque eis nobiles, littera-
 ti, & ij qui in religionis officio suo
 munere diu & benè functi sunt, im-
 mo & senes annis pleni, iuxta cu-
 ræ sunt: vt horum singulis in Ca-
 pitulo & refectorio secundum qua-
 litatem locum digne conferre possint.
 Inquietus profectò Monachus, &
 qui in Monasterio ægrè se gerit, non
 aliam ob causam quam ob ademp-
 tum sibi officium, vel ad voluntatem
 non ei assignatum locum, à diabolo
 regitur, eiusque est discipulus & fa-
 miliaris amicus: Sicuti enim humi-
 litas clavis est quæ omnes virtutes in-
 cludit, ita ambitio porta est qua om-

nia in animum ingrediuntur vitia. Dicit in quadam epistola S. Bernardus: Sicuti vulpi nihil nisi malitiam & astutiam inesse creditur, oui autem solam simplicitatem, ita Monacho ambizioso solam malitiam, humili solam bonitatem. S. Basilius, Dissolutus inquit Monachus coercendus est incontinens includendus, loquax refrænandus, gulosus abstinencia domandus, impatiens poenis, piger ad nouum animum assumendum incitandus, ambiciosus autem & præsumptione plenus eiiciendus & extrudendus est. Cuidam enim discipulorum Domini dictum, nullum ad religionem extirpandam perniciosius esse vitium ambitione. Hec quoque sequentia in solitarię vitę libro reperiuntur verba: religiosus qui impudenter particulare cubiculum vel singularem vestem Abbatem aut Prælaturũ rogat, qui ab eo importunitate quadã Monasterio egrediendi facultatẽ efflagitat, qui ambiciosus agnoscitur, Prælati statim eum à conuētu segregare & oratorio excludere debet, talis. n. potest fieri quã orare meretur, S. Augusti-

nus ad Eremitas verba habens inquit:
Sicuti in antiqua lege exercitui populi
leprosis adesse non licebat, sed extra ca-
stra extra vrbes residere tenebantur:
ita Monachis superbis & ambitiosis cæ-
teris cohabitandi potestas nullo danda
modo: leprosi enim multo quam ho-
noris cupiditolerabiliore sunt. Secun-
dum ergo horum sanctorum virorum
dicta, sedulo nobis elaborandum est ne
seditioso Monacho, aut ambitioso fida-
mus religioso: talem enim potius De-
um & rectam suam consciëntiam deser-
tyrum credere possumus, quã vel vni-
co honoris puncto cessurum.

*Religiosum in cibo & vestitu singula-
ritate uti non debere, sed com-
munem conuentus sequi
methodum.*

CAPVT XXXIII.

Quare ieiunauimus & non aspexisti: hu-
miliauimus animas nostras & nescisti?
Ecce in die ieiunij vestri inuenitur voluntas
vestra: aiebat Dominus Deus per Isaiã,

R. 7. 2. (cap. 48)

(cap. 28.) q. d. Asperi bone Deus Israel
nobis animum tuum, cur tibi tam misericordi & usque adeo clementi, multis
ieiunantes diebus & nostras diu affligē-
tes animas cernens, nihilominus accepta
nō sint ieiunia nostra, & à te ex audiri
non mereamur? Cui planctui satisfacit
Dominus Deus dicens, quod ieiunia
vestra & pœnitentiæ vestræ mihi ingratæ
sint, hæc est ratio, quia quicquid vobis
lubet agitis, non autem quæ debetis,
voluntati vestræ potius quam legis mādato
obsequentes. Serio notanda est
hominum proposita querela, & Dei
responsio, qua aperte docemur quod
sæpius sine causa de Deo conqueramur,
& quod exigui valoris admodum
nostra sint merita, quando quidem nulum
meritorium sit opus nisi Deo acceptum
sit. Ex natura operis simpliciter
Deo grata est castigatio corporis,
ieiunia, animus humiliatus: dictum enim
est *cor contritum & humiliatum Deus non despiciet*, sed more Hebræorum
sanctitate ficta non autem vera humilitate
Deo quidpiam offerre, non modo acceptum illi non est, sed nec
ad-

adspicere quidem dignatur. Quod dicat Dominus Deus, se Hebræos ieiunantes non aspexisse, & eos humiliatos nescisse, videtur dubio plenum esse verbum & difficilis sententia, cum cum nihil lateat: sed hoc piè intelligendum & sanè: est enim sacræ scripturæ loquendi modus, quæ dicit Dominū Deū illud non vidisse & sciuisse quod ei ingrātū est, & quod sua bonitate non probavit. Ideoque quamvis opus sanctum & virtus verè heroica sit ieiunium cum humilitate, illud Deus tamen in Hebræis non approbat: quin quasi quēdam ironiæ in modum, in sui notitiā nec venisse asserit. Aperte insinuans se non tam opus nostrum, quam voluntatem quæ illud agimus ponderare. Ieiunabant quidem Hebræi & vouebant, sed non ut debebant, ad voluntatem & non ad legis mandatum ieiunantes. Ieiunabant insuper non ad peccatorum penitentiam agendam, sed ad famam proborū hominū cōparandā. Propterea simile ieiuniū sibi displicere nō solū asserit Deus, sed de eo conqueritur eoq̃ offē-

fen-

fenditur. Ad rem ergo redeamus. O quot religiosi siue religioſe hoc responſum audituri ſunt: *In die ieiunij inuenitur voluntas veſtra*, & quibus neque abſtinētiæ neque diſciplinæ ſupputabuntur, nō quod opus in ſe inualidum ſit, ſed quod illud vana gloria moti exercuerint. Verè religioſis obijci poteſt *in die ieiunij inuenitur voluntas veſtra*, dum ſcilicet potius de ſua in die ieiunii adimpleta voluntate delectantur, quam de fructu quem ex ieiunio expectant: qui inſuper, quod grauius eſt, non tam ad abſtinentiam quam ad ſancti nomen acquirendum ieiunio vacant.

Quod dicat Dominus Deus Hebræis, *In die ieiunij veſtri inuenitur voluntas veſtra*, fructuoſa nobis ne decipiamur admonitio eſt, docēs religioſum nō poſſe Deo gratius offerre ieiunium quam ſe ſui Prælati iudicio regendum offerre: religionis enim perfectio non in abſtinentia quam agit conſiſtit, ſed in obedientia quam ſuo ſuperiori exhibet. Adamo & Euz in paradifo dixit Dominus: (*Genef. 1.*) *Ecce dedi vobis omnem herbam in eſcam.* Nec autem egredi-
enti

entrarcantū, *Omne quod mouetur & uiuit,*
erit uobis in cibum. (Genes. 9.) hoc est, om-
ne quod comedi potest, eius comeden-
di dedi uobis potestatem. Quæ cum ita
sint, nunquid non maior foret abstinencia
ab his quæ liberè agere posses absti-
nere, quam à cibo quo uesci posses? Fa-
cile est à cibo abstinere, sed difficile est
appetitus corrigere: ideoque satius est
famelico esse animo & saturo corpore,
quam saturo animo & corpore fameli-
co; non enim ita ciborum es auidus ut
voluntatem cupidus est Dominus. Ci-
borum abstinentiam carnis duram
macerationem, particulares abstinen-
tias in religioso non damno, quin mi-
rum in modum laudo & approbo;
dummodo tamen nulla uana gloriæ
in ijs sit commixtio, & hæc de superio-
ris licentia agat: magis enim in licen-
tia petita, quam in abstinentia meretur
Dei famulus. Quamuis summa sit
quam agere uoles pœnitentia, & secre-
tissima quam suscipere intendis ab-
stinentia, tamen quicquid acturus es
age de Prælati aut eius vicarij licentia:
nul-

nullum enim in mundo maius antidotum contra vanæ gloriæ virus, quam omnium rerum actio in obedientiæ merito fundata. *Singularis ferox depastus est vineam tuam Domine* inquebat Dauid: *Psalm. 79.* Sylvestris ferox, indomitus inquam ferox. Domine vineam tuam deuastauit, ille inquam tuæ vineæ palmitem adhuc virescentem vindemiauit. Mirum est Prophetam non dixisse vaccarum armentum, siue arietum, siue porcorum, siue caprarum gregem vineam destruxisse, sed singularem duntaxat ferum vineæ maceriam confregisse & destruxisse. Innuit, nos in Ecclesia Catholica à nullo ita cauere debere, sicuti ab eo qui in sua vitæ norma singularitates sequitur, quique sua doctrina noua quædam in lucem profert. Dum simul in prato deambulant greges, eandem mandentes herbam, idem haurientes aquæ genus, hora certa simul decumbentes, eos facilius tuetur pastor, tutiusque à lupo arcet. Hinc consequens in nullum ita valere demonē, sicuti in eum qui sub perfectionis præ-

prætextu se à Prælati disciplina liberum
reddit, quique suo proprio se regit iu-
dicio. Fuere ille singularis ferus omnes
antiqui hæretici, quialiorum more
credere, aut idem sequi iter, siue eo-
dem modo quo cæteri sentite nolen-
tes, sed proprio iudicio & voluntati
subiacentes, tandem à vera Ecclesiæ
Catholicæ semita deflexerunt, quos
tandem vt hæreticos, peruersos & in-
felices illa eadem damnauit Ecclesia.
Dic quæso mihi, nunquid Ebion, Mar-
chion, Cerinthus, Mahumer, Arius &
Lutherus superbi, fuere singularis
& siluester ille ferus, qui non zelo
reformationis Ecclesiæ, sed nominis
acquirendi cupiditate inter fideles zi-
zania superseminarunt, ideoque sibi
æternam damnationem compara-
runt? Ego re diligentissime considerata
& multis ea gratia reuolutis libris
certo reperi nullum in hūc diem in he-
resim incidisse, nisi ob hasce duas cau-
sas, nēpe quod vel ignarus & indoctus
esset, vel ambitiosus. Quod olim vitio
superborum hereticorū in Ecclesia ac-

cidit, id nunc in religione monastica
euenit: siquidem capiti & ambitiosi
quidam religiosi, qui ad vlciscendam
eis illatam iniuriam, vel quod parui in
religione fiant, in potu & cibo singula-
ritatem quandam sequuntur, & nouam
vestium inducunt inuentionem, qua
mirum in modum Prælati graues sunt,
& in religione multas gignunt discor-
dias. Tolerabile est si in potu & cibo ve-
stiumque mutatione vnum ab altero
differat Monasterium; sed damnabile
plane, dum easdem intra portas &
claustra vnus ab alio differt: locus enim
ille dicitur conuentus, in quo omnes
vno eodemque viuunt modo: sed vbi
quisque sequitur singularitatem quan-
piam, stultitiæ dicetur & leuitatis locus.
In Monasteriis ritè ordinatis omnes
vno eodemque vestiuntur colore,
omnes certa comedunt hora, omnes
pariter simul ad lectum pergunt, vni
prælato omnes obedientiam præstant:
secus enim non foret religio, sed con-
fusio. S. Bernardus cum religioso, in sa-
is actionibus singulari & indisciplinato
agens, in libro de statu Monachorum
ait,

ait, Dic quaeso mihi per fidem tuam o Monache, qui sit quod alius pedibus nudis incedentibus audeas calceis tuis incedere, & e contra? Cur alius, cucullis panno aspero & vulgari contextis vtentibus, vestibus panno subtili & magni pretij vteris? Cur alijs in Monasterio ieiunantibus visedere, alijs edentibus visieiunare? Dic ergo frater mi cum sancto illo Ioseph: (*Genes. 37.*) *Quero fratres meos*, dic te eos imitari, vt eodem quo ipsi vtaris habitu, vt eadem comedas hora, vt ijs vigilantibus vigiles, ijsdemq; ieiunantibus ieiunes: hoc enim si feceris, neque ordini molestus, neque in tuis agendi modis singularis eris. Haftenus S. Bernardus. In sua regula S. Basilius inquit, Volumus, & Abbatibus successoribus nostris mandamus vt inhibeant, & Monachos in suis abstinentijs singulares corrigant, eosque qui suas disciplinas male condiunt, & qui inusitatas gerunt cucullas, deniq; eos qui nouas & peregrinas inducunt ceremonias, vt in suis susceptionibus corrigantur, & eis quid libet agendi potestas non concedatur. re-

ligiosus enim qui in similibus rationis
limites transgreditur, stultitiæ aut vanæ
gloriæ nota notari debet. Sicuti lupus
raro gregem benè vnitum inuadere
audet, sed animal solum aggreditur &
enecat; ita diabolus inimicus noster
nullos Monachos simul vno eodem-
que modo viuentes tentare audet, præ-
ter eum qui extra conuentum vitam a-
git. O quanto se exponit periculo Mo-
nachus, qui neque cum fratribus viuit,
neque comedit, neque dormit: potest
enim eum tentare diabolus, ille eon-
tra nullius est vt ei resistere possit virtu-
tis. Diaboli tentationes & infidiæ adeo
numerosæ sunt; eremi asperitates, cor-
poris miseriæ, mundi que pericula adeo
magna, vt non solum multis alijs Mo-
nachis circumdatum, oporteat esse reli-
giosum, sed multis sanctis viris,
qui erectum sustineant, &
collapsum erigant. Hæc
ex S. Basilio.

Dei famulo corpus castigandum, non
interimendum.

CAPVT XXXIV.

Ignis Domini deuorauit extremam partem
castrorū, sicut Sacra scriptura: Num.
11. quasi diceret, in deserto murmura-
bant Israelitæ, quod annona carerent,
& graui torquerentur calore. Sed eis
succensens Dominus, ignem in eos
misit, qui non eos qui in medio exerci-
tus, sed qui in illius extremitatibus
consistebant combussit. Quibus aper-
te docemur, Dominum magni eos
qui fratribus conuiuunt facere, graui-
terq; eos qui in singularitate quapiam,
quasi extremitate ac exemptione vi-
uunt, punire. Hæc est ratio, quod man-
ducaturus aut verba cum discipulis
habiturus nunquam in fine, sed medio
semper sederet Christus. S. Augusti-
nus in quadam concione quam ad
fratres in Eremita habuit, dicit, Dei fa-
mulos nunquā à fratrum consortio ab-
esse debere, neq; alio quo antiqui Mo-
nachi viuere modo: si secus enim viuāt.

Sub-

subtilis est diabolus, qui se eos in perfectionis iter dirigere fingit, quos tamen ad desperationis viam deducet. Fratres obsecro vos, ut exhibeatis corpora vestra hostiam viuentem sanctam, Deo placentem, rationabile obsequium vestrum inquitbat Apostolus ad Romanos scribens, (Cap. 12.) quasi diceret: Obnixè vos rogo Romani fratres, quandoquidem Dei gratia sacro baptismo initiati, & sanctæ Catholicæ quæ fidei vniti sitis, ut corda & corpora vestra ita pura & munda conseruetis, ut ea Deo velut hostiam & sacrificium Domino dignum offeratis: & hoc agetis, modo corporibus, scilicet mortalibus, non nisi tolerabiles infligatis pœnas & disciplinas, ne forte corruant. Hic seriò notandum quod Apostolus de more quo nos in corpus nostrum gerere debemus agens dicat, *hostiam viuentem*, id est, ut Deo corpus nostrum viuum non mortuum offeramus. Quibus verbis insinuat, licere nobis hoc miserabile corpus nostrum, petitionibus nostris exequendis inhabile & mandatis nostris rebelle corrigere, sed non penitus
de

delere. Quod autem dicat Apostolus, *rationabile sit obsequium vestrum*, & hostiam nostram debere esse viuētem non mortuā, docet, omnia in debilem carnem nostram mandata debere à ratione, non autem ab opinione regi. Scire enim debet Dei famulus, perfectionem non ad id in virium debilitatione consistere, quam in earū ad Dei debitum officium directione. Tunc Deo hostiam viuētem offert religiosus, dum animæ suæ desideria omnesque sui corporis vires chorri, agrorum, domus versionis, culinæ apparatus, obedientiæ mandatorum obsequio impendit, quorum nullum exequi potest, qui inusitata alicui abstinentiæ studet.

Monacho Rustico scribens S. Hieronymus, inquit: Si mihi fidem adhibere velles Rustice frater, neque ita tibi ipsi, neque tuo Monasterio grauis esses: audiui enim à quodam eremi Thebeicæ Abbate, verū Monachum debere corpus habere viuū, cor autē mortuum: sic enim manum operi ad mouere valeres, neque vllus ad interitum ruendi foret appetitus. O quot in Palæstina &

S

Thebaida

Thebaide noui Monachos, qui ob in-
humana virium debilitationem, &
insolitas pœnitentias postmodũ in gra-
ues incidere morbos, quiq; postea ad e-
delicatẽ excipi debuere, vt non solum
deuotionis, sed nec professionis ieiu-
nia ieiunare possent. En quid super hæc
dicit S. Hieron. Sed Apostoli verba re-
sumentes, dicimus, tunc rationabile
esse obsequium vestrum fratres, vos-
que tunc Deo hostiam viuẽtem offer-
re, non verò mortuam, dum ita ieiunia
vestra disponitis, & ad e- sagaciter dis-
ciplinam sumitis, vt omnes vos viden-
tes iudicent rationem simul & comple-
tionem vos sequi S. Bonauentura in li-
bro doctrinæ nouitiorum dicit, pro-
bum religiosum primo omnes suas vi-
res ieiunijs, quibus per suã regulam
astringitur impendere debere, deinde
ieiunijs deuotionis, eumque non exi-
gua abstinentia vtĩ, qui suæ regulæ ieiu-
nijs satisfacit. Insuper addit, diabolus
(lethalem inimicum nostrum) non au-
dere homines perfectos ad non ieiun-
mandum incitare, in modo ieiunandi
tamen

tamen eos decipere : scilicet , vt pluris
 multo faciant , vel minimum deuoti-
 onis ieiunium , quam cætera ieiunia
 omnia quæ religionis voto ieiunare
 tenentur . Dic quæso , nunquid diabo-
 li impostura & deceptione sit , quod
 audeat suo ieiunare modo religiosus ,
 & tamē suæ professionis ieiunia trans-
 gredi ? Audēsne quæso , vel à solo piro
 ieiunij deuotionis die in collatione ab-
 stinere , & ieiunij professionis more
 Romano collationem sumere ? Reli-
 giosus cui plus ad laborem virium , &
 ad orationem animi contulit Deus , de-
 bet cæteris magis oratorio immorari ,
 matutini tempus anticipare , & cæteris
 prior ad primam properare , nec debet
 ad satietatem dormire , neque ad rusticū
 edere : talem namque Monachum vir-
 tuti sine sanitatis iactura studere dicere
 possumus , suamquæ conseruare sanita-
 tem sine virtutis præiudicio .

Appositè Hugo à S. Victore , Mona-
 chus inquit , qui æger decubere , nudus
 vestiri , debilis edere , fratri correspoñde-
 re renuit , in conuētū nullis adesse vult ,

talem corpus suum rationabile sacrificium offerre dicere non auderem, sed potius bestiale sacrificium: id enim quod suæ placet voluntati exequitur, non autem quod necessitas exigit. S. Augustinus in regula inquit: Probatur Monachi, si quandoque à vino, à carne, à frequenti Monasterij egressu, à corporis voluptate abstineant, sed hoc moderate fieri debet, ut corpus corrigatur, non verò enecetur. In Isaiam S. Hieronymus inquit: Non magnifico quod te consumas, vel citius aut serius eneces: scias enim à me frater in Christo, omnem hominem se nimia abstinentia & inconsiderata pœnitentia cōsumentem sui esse iugulatorem, talemque Deo singulare quoddā sacrificiū, quod alijs surreptum offerre. Hæc gloriosi Hieronymi verba magni sunt pōderis: qui docet, quod sicuti æquum non est, nos hanc miseram nostram carnem delicate excipere, ita iustum non esse eam penitus delere. religiosus enim qui corpori necessaria subtrahit, offert quod suum non est. Sed propter hæc verba, nostræ intentionis nō est, Monachos in
Mo-

Monasterijs honeste conclusos, pios & rebus pijs occupatos redarguere & cō-
tristare: nam vt in gloria cœlesti sunt
aliæ alijs futuræ altiores sedes, ita
in Ecclesia debent esse alijs alijs perfecti-
ores. Quos tangimus ij sunt qui in re-
ligionis statu gulosi, & in cibo & potu
intemperantes sunt; qui in ieiunijs in-
considerati sunt, & in vestibus singula-
res: quasi nullius sit quem imitari que-
ant, quique ipsis satisfacere possit. Non
obstantibus his, non ideo iuuenes se in
ieiunijs desides exhibere, & in sancta
intentione refrigerare debent: non e-
nim de ijs qui prudenter poenitentiam
agunt agimus, sed de his qui stultè ab-
stinencia vr̃tur. Si in Monasterio quis-
piam nimium gulæ & voluptatibus ad-
dictus foret, & alter e contra inordinate
nimis & extraordinariè macerationi;
sic vt hic vix coctas herbas edere vellet:
ille verò nihil nisi delicatos & benè cō-
ditos cibos, hoc in casu tolerabilior fo-
ret in virtute excessus, quam in vitio.
Sicuti animal celeriter incedens breui
fatigatur, quod autem nimis quiescit,
obstupescit: ita Monachus qui multum

edit, vitio vicinus est, qui verò nimis parum, debilitatur. Ideoque Dei famulus nulla in re extremitates sequi debet, neque suo acquiescere iudicio: quo plus à medio recedit virtus, eo magis vitio proxima est.

*Quomodo Dei famulus in mensa se gerere
debeat ad abstinentiam & nutri-
tionem conseruan-
dam.*

CAPV T XXXV.

VBi mensæ affederis, ne statim mantile sumas, ne repentiè cultrum euagines, ne confestim panem scindas, nedum comedas, expecta donec patulum legerit lector, & tempus edendi esse annuerit Prælati: debet enim prius Dei famulus animam doctrina sancta recreare, quam corpus cibis. Sanctus Basilius in sua regula hæc dicit: Diebus festis simul edentibus Monachis videant, ut edentes animum lectioni applicent: Dei enim famuli simul edere, simulque mereri debent.

Ante-

Antequam comedas, manicas complica, panem tibi appositum detege, super mensam tuam extende mantile, cultro panem seca, omnia tractim ad instar probi religiosi, non autem famelici peragens: ad altare enim cum prudentia accedet Dei famulus, ad mensam verò cum gravitate. Memineris vino tuo multum aquæ apponere, ut illud bibiturus temperatum, nec ita fumosum reperiās: secus enim prius fortasse cerebrum, quam stomachum tangeret. Ut verò & tuæ sanitati congruenter loquar, suaderem potius, ut vinum aquæ apponeres, quam aquam vino: intemperantia enim & excessus, qui in potu & cibo patratur, neque sanitati prodest, neque vllas generat in anima virtutes.

Honestati monastica incongruum est mensæ cubito incumbere, duabus maxillis edere, grossis panem edere bolis, magnos haurire haustus, digitos sorbitione delibutos lambere; si enim hæc in pueris non tolerantur, quāto minus in religiosi perfectionem

profitentibus? Ad rem hæc sequentia
profert verba Hugo à sancto Victore:
E nostris Monachis & religiosis multos
ita cibos vorantes, sicuti animalia fœnū
vidimus, suis digitis velut cochlearibus
vtutes, simiarum more magno ore
comedentes, panem non scissum gros-
sis bolis in stomachum mittentes: &
quod grauius est, hoc agendo, hinc in-
de sine grauitate oculos circūferebant,
sic vt omnibus suis membris viderētur
edēre, vellequē aliorum deuorare por-
tionem. Paulo inferius prosequitur idē
Doctor dicēs: Hæc sileremus si istarum
rerum puderet Monachos; sed quo-
niam disciplinam & honestatem ita a-
gentes neglexerunt, pudeat eos nunc
ista audire. In conuentus mensa ne præ-
sumas, vel vnum verbum proferre, ne-
quē hinc inde per refectorium oculos
flectere. Secundum enim quod in vitæ
solitariae libro habetur, decet nouitium
claustralem oculis esse cum Domino
occupatis, in terram demissis, auribus
lectioni, manibus cibo intentis: sic vt
ipsi comedenti nihil de honestate, pie-
tate & religione pereat. ¶ *Mos in Mona-*
chus,

chus, vt legitur in Patrum vita, ab Ab-
 bate erapione vocatus, vt in refectorio
 specilla ipsius oculari, quæ in loco in
 quo sedebat finita oratione reliquerat,
 quæreretur. respondit: Equidem Pater
 sancte iam à triginta & amplius annis in
 refectorio comedo, locum tamē tuum
 in quo sedes penitus ignoro: scis si qui-
 dem licere nobis in refectorio edere &
 bibere, sed nō huc illuc oculos circum-
 ducere. O quot reperientur, qui hunc
 sanctum religiosum, ob hoc admiran-
 dū responsū collaudabunt! sed quā
 pauci qui hunc hac in parte imitabun-
 tur? hac enim nostra ætate, vel vt me-
 lius loquar hoc nostro tempestuoso sæ-
 culo, satis & abunde nobis est, dum ali-
 quod heroicū facinus enarrari audi-
 mus, si illud laudemus, sed imitari pla-
 nē renuimus. Quod ad hanc frequen-
 tem oculorū diuagationem, profectō
 plures religiosi culpa quam laudē digni
 sunt, qui curiose quid in refectorium
 deferatur, quidq; in eo diuidatur con-
 siderant, quiquē magis dolere de porti-
 one quæ fratribus datur videntur, quā
 gaudere de cibo quē illi ipsi comedunt.

Visum ergo collige, neque hinc inde per refectorium spargas: alturus enim & peruersus est diabolus, qui ut tibi incommodam paret refectionem, animique inquietudinem, persuadet longe tuis lautiores esse aliorum cibos. Si tuum bene dirigas visum, neque aliorum portionibus inuidebis, neque facile illorum edendi modum iudicabis. Si secus agas, non bene tibi contingeret: si respicias respicieris: si conqueraris, punieris.

De pane tibi apposito, siue nigro, siue albo, siue integro, siue dimidiato, siue duro aut tenero, siue magno vel paruo, seu cocto seu incocto, ne conqueraris: si enim sine orexi comedas panem, etiam si bonus foret, nauseam tamen patieris: si autem cum orexi, nullus non tibi bonus videbitur panis. Papæ Eugenio quondam eius religioso scribens sanctus Bernardus inquit: Ita sancte Pater Eugeni mihi inuidere debes, sicuti tui misereor, eo quod secundarius panis quem diebus festis comedo, nigraque quæ mihi quandoque dantur micæ longè magis pane tuo primario.

mario, & offa quam Romæ edis meo
 faueant stomacho. Huius mundi Do-
 minipotentesque viri, non semper can-
 didum cribratumque comedunt pa-
 nem, tu verò Monache quouis die ni-
 ueo, tenero & delicato vis uti pane? O
 quot in mundo sunt qui Deo gratias a-
 gerent, si quod tibi superest, haberent,
 & verò de pane tibi appposito murmu-
 ras? Si mandanorum more delicatos,
 & sapidos quæras cibos, cogita Baby-
 lonem Susamque, ut cum Balihafaro &
 Assuero regibus eos manduces. Cæ-
 terum si ut Dei minister Domini con-
 uivio interesse cupis, vel solo hordea-
 ceo pane, cum quinq; millibus homi-
 num quos in deserto satiauit Dominus,
 siue subcinericio cum Helia in eremo
 disce contentus esse. Meminisse de-
 bet Dei alumnus, quod in primo suæ
 religionis ingressus, suæque professi-
 onis tempore, non se ad quoslibet quos
 exoptaret cibos, deuinxerit ordo & re-
 ligio, immò econtra quod se religioni
 deuinxerit ipse. **I**deoque toties voti
 apud **D E V M** facti transgressor

habetur religiosus, quoties se in victu onerosum prebet. Sic ergo te gere: si tibi panis in refectorio appositus non placeat, in granum madidum, siue in molarem lapidem obtusiorē, vel furnum nimis frigidū culpam cōijce, nō autem in religiosum, cui commissus erat. scias enim certo certius tibi alium licet aureum ab ipso dandum, si per ipsum liceret. In libro solitariae vitæ ita legitur:

✠ Cauete fratres ne panem perdati, aut in micas redigati, aut decrustetis siue corrumptis, vel impinguetis, quandoquidem S. Basilius Pater noster nobis sua in regula præceperit, ne mensæ integer apponeretur panis, priusquam reliqua pars quæ de præcedenti die superfluit, absumpta esset. Religiosus qui manum operi non admouet, sed singulis mensam quærit diebus, qui nihilominus de pane & cibo oblato obmurmurat, nihil nisi se pudore & recta conscientia carere declarat. Si fortasse in refectorio aliquid amplius aut melius conditum alteri quam tibi dari videris, licet hæc cernendo tangaris, ne murmurare tamen præsumas, tecum perpendens

pendens hoc à Prælato concedi ob religioſi ægritudinem, debilitatem vel indigentiam, ſive ob antiquam illius in ordine manſionem. Dic quaſo mihi, ſi cæteris fratrib⁹ tuis religioſis debilior, & ægrior vel longioribus laſſus laboribus fores, nunquid quaſo cuperes tolerari, & non nihil recreari? Exopta ergo frater alteri, quod tibi exoptas: gaude ei dari tanquam ſi tibi daretur amicitia enim & fraternitas religioſorum & Domini famulorū, non in ſola Monasterij cohabitatione conſiſtit, ſed in mutua charitate & miſericordia: nius in aliorum. Si à diabolo forſan tenteris, obijciente neque ſenem, neque debilem, neq; ægrum melius alijs debere excipi, & maiori affici lætitia: Reſpondeo, neque te, neque alios digne hanc cauſam iudicare poſſe, ſed ſolum Prælatum, Jeſu Chriſti vices gerentem: ſecus enim grauius longe murmurando, quàm alter edendo peccares. Eſt quod Deo gratias agas, quod tibi plus quàm alteri religioſo contulerit, quidlibet edendi ſcilicet vires ſufficientes, & ſanitatē, religioſisquē rigorem & aſperitatem gerendi.

certo æstimans, quod peioris illo fuisset conditionis, si eiusdem cum illo fuisset complexionis.

Dicit S. Augustinus scribens Eremitis: Ante omnia cauetes fratres, ne Monachus ieiunans non ieiunantem iudicet, ne sanus ægrum, ne robustus debilem, ne animosus & constans inconstantem & timidum. Sicut enim Deus eandem ijs qui sarcinam conseruabant, dedit mercedem quam ipsis bellatoribus dederat; (3. Reg. 30.) ita quandoque tantum merentur in sua patientia ægri & debiles, quantum in suis abstinentijs sani & robusti. Fieri poterit, quod Deo sit cibus delicatos æger comedens futurus grator, quam quispian alter sanus, rudes & inconditos comedens cibos. Quod vulgò fit, dum tenerior vt se sustentet duntaxat comedit; fortis autem & benè sanus, non vt se sustentet, verum vt frontem exhilaret, & suis fruatur voluptatibus. Credite mihi fratres, & nullatenus dubitetis ieiunij meritum, aut demeritum non in magna aut exigua manducatio-

ne consistere, sed in temperantia aut
intemperantia qua utimur. Audebis-
ne queso Esau inspidam lenticulam
comedentem, IESV Christo pisces
assatos comedente abstinentiorem esse
dicere? Suntne animalia campestria,
solam avenam, & per prata fœnum e-
dentia, homine in pane & vino ieiun-
nanti laude digniora? Hæc dico, vt si
Eremitarum quempiam glandes siccas
& crudas radices edere non posse vi-
deris, sed coctis lactucis siue glandi-
bus tostis uti, non hoc inhibitum esse
dicas, & condemnatum: credendum
enim est illum potius pura infirmitate,
quam gula victum hoc agere. Hactenus
S. Augustinus.

Ne ante alios refectorium ingredi
assuescas, neve alijs egressis illic man-
duces: hoc enim dispensatori graue
admodum totique conventui malo
exemplo foret. Si Prælati licentia
certa tibi hora edere, vel ultimo
in mensa remanere liceat, vide ne
hoc singulis diebus feceris: etsi e-
nim quid ob tuam infirmitatem vel
fene-

Religiosorum
 senectutē dissimuletur, ne ideo minus
 time. Cuidam sui ordinis Monacho
 scribens S. Anselmus inquit: Scias frater
 religionem dici ordinem, quod in ea
 bene omnia ordinata sint: quod patet,
 dum simul omnes conuiuunt religiosi,
 simul edunt, deambulant, dormiunt.
 sic ut ille religiosi nominis iacturam fa-
 ciat, qui cæteris mensæ simul non assi-
 det, & à mensa coniunctim cum fratri-
 bus non recedit. Addit insuper idem
 Doctor, Aded inquit bona res est ordo,
 ut illi ipsi mundani fugiāt quod malum
 & inordinatum est, quod apertè in do-
 minorum œconomis & dispensatori-
 bus videre est, qui vni sine altero cibū
 conferre nolunt, sed omnibus simul
 congregatis. Gulosis tempus præue-
 nientibus & pigris sero venientibus ci-
 bum denegant. Si ergo super potu &
 cibo in palatio & magnatum domibus
 disponere possit œconomus, nunquid
 iustius est Prælatum in suo Monasterio
 quidlibet disponere? Debili & seni con-
 ceditur, ut maturè & serò comedat: sed
 nunquid satius esset cum qui hospites
 inuisurus, vel per hortos deambulatu-

rus à mensa surgit, cum cæteris fratribus lectionem audire? Sume cibos tibi appositos, sume necessaria, omitte superflua, que tuæ sanitati obesse possunt: si enim nimis parum edas, labori inutilis eris: si nimium, statim dormire voles. Mundani ut suis voluptatibus satisfaciant comedunt; sed Dei famuli non nisi ad vitæ sustentaculū edere debent. in religionibus enim, in quibus ordo viget, conceditur religioso ut corpus enutriat & foueat, non autem ut suo satisfaciat appetitui. Ne manduces, ne ve tibi appositam palpes carnem, ne omne quod tibi offertur ebibas vinum. Eae ut aliquid vini in poculo semper supersit, & aliquid in lance cibi, ne indu gas appetitui, sed bonæ educationis & civilitatis esto memor. Scias frater oportet, stultorum esse, festinanter edere, voracium lances euacuare, gulosorum digitos lambere, ebriosorum pocula euacuare, inciviliū vnūquemque intueri, præsumptuosorū multum in mensa loqui, impudentium aliquid rogare. Nil vnquam in mensa præter panem aut aquam petas. Si tibi vinum

aut

aut fructus porrigatur, porrigenti reuerentiam exhibe: si non, patientiam habere: magis enim multo meretur patientiam obseruans Dei famulus, quam abstinentiam. De doctrina Monachorum loquens S. Bernardus inquit: Si fortasse tibi piscis sale conditus, vel ius sine oleo, vel panis non tener, aut vinum acidum offeratur, ne apud alios conqueraris, neve inter alios murmures: alias enim, acidius adhuc dabunt Abbates: insuper, sapius aliud non habet Monasterium. Idem Doctor eodem in loco amplius infert: Religiosus inquit qui suo palato & gustui studet, precibus profectò vacare non potest: nullum equidem vnquam religiosum videri culinae amatorem, oratorio non inimicum. Sub refectionis finem, pateram tuam argenteam recònde, complica mantile, micas purga, manicas tuas extendere, brachia denique tua honeste, compone: vt qui te videant, dicant te quasi è missa è mensa redire.

De diuino officio: & quod Dei laudes
canere Angelorum sit
officium.

CAPVT XXXVI.

CAntate Domino canticum nouum, quia
mirabilia fecit, inquebat Rex Da-
uid, (Psalm. 95.) quasi diceret: O Israe-
litæ, ô progenies Abraham, ob stu-
dium in vos meum obligationemque
vos moneo & hortor, vt magni Dei be-
neficii immemores nūquam sitis, quod
scilicet vos ex Aegypto eduxerit, & per
mare rubrum deduxerit. In istius be-
neficii mercedem Domino canticum
nouum, nunquam auditum decanta-
re debetis. Notandum hic quod He-
brai tunc canere possent, dum hunc
Psalmum composuit Rex Dauid, imò
illorum aliqui cantica composuerant,
vt apertè videre est in canticis quæ Moy-
ses, Deborah, proba illa Anna, & Rex
Ezechias composuerunt, & postmodum
in canticis Cantic. quæ composuit Salo-
mon, quorum nullū nunc cantari perit
Domini, sed noua sibi exoptat dācātati
cantica.

cantica: Verum hoc nobis magnum
 facessit negotium quod nos canere ve-
 lit Propheta, eo tamen nullam nobis
 assignante cantionem: monet dunta-
 xat, vt nouæ sint cantiones nostræ, non
 verò antiquæ, cum noua sint quæ no-
 bis singulis diebus confert benefi-
 cia, magnaquæ sint eius mirabilia. O
 quanta cum ratione noua à nobis exi-
 git cantica Dominus Deus, quando qui-
 dem nobis aded multa contulerit no-
 ua, videlicet creatorem pro creatura,
 filium pro seruo, iustum pro condem-
 nato, innocentem pro nocente, re-
 demptorem pro peccatore. Nunquid
 quæso aperte cernis vix vllam esse lin-
 guam, quæ eius mirabilia & aded illu-
 stria beneficia enarrare possit? Multo
 minus ijs ergo satisfaciemus.

Non sine mysterio, vt se laudemus
 præcipit Dominus Deus, nec tamen
 verba, quibus laudemus assignat: quo-
 niam beneficia quibus in nos in creati-
 one, & creatione quidem ex nihilo, in
 redemptione, in prouidentia qua nos
 regit, & in misericordia quæ alii vltus est,
 aded sublimia & heroica sunt opera,
 vt

vt omne humanum ingenium omnemque naturam angelicam superent. O quam nouum & inauditum fuit opus, Deum fieri hominem! virginem, virginem esse & matrem, filium esse sine patre. Synagogam conuerti in Ecclesiam, circumcisionem in Baptismū, Apostolos Prophetis successisse, sacrificia in Sacramenta conuersa fuisse, figuras in veritatem! Ideoque hæc nouis canticis decantanda sunt, aded excellentia mysteria. Quod autem nostro arbitrio cantiones cantandas, cantandique tempus relinquat, innuit (quandoquidem ad decantandas eius laudes debitumque ei impendendum obsequium insufficientes simus) debere nos quod in nobis est exequi: ita enim bonus est, & tantæ facilitatis, vt æque ei grata inuentio, & voluntas nostra sit inseruendi, atque illud ipsum obsequium. O si intelligeremus quàm bonum habeamus Deum, quàm bono inseruiamus Domino! vel quotidie quæ nobis beneficia, & peccatorum nostrorum dissimulatio id arguat: non sanctam terram adire præcipit, non pos-

possessiones nostras requirit, non nostrum poscit honorem, non aufert vitam; petit duntaxat, ut in eum velut boni Christiani toto animo credamus, & lingua ut eius famuli eum laudemus. Difficile Deo fuit pro nobis mori: & tamen quod à nobis exigit, facile est. petit tantum ut ipsi gratos nos exhibeamus: non sublimia à nobis exoptat opera, petit solum ut ei laudem continuam deferamus, quod exigui est laboris, & magni meriti. Equidem merito dicit Propheta: *Cantate Domino canticum novum*, vult nos Domino laudes decantare: ob omnia bona siquidem, & beneficia nobis ab ipso collata non mercedem, sed multisonam quandam laudem requirit. O quam bona & felix sit necesse est illa vita, Deo scilicet conuiuere, Deo inservire, Deum sequi! nullis siquidem domi eius habitantibus flere concessum est, sed potius canere. Ut enim in Apocal. apud Ioannem cap. 7. habetur, absterget Deus ab oculis Sanctorum hoc è mundo migrantium omnem lachrymam, eosque cantica noua cantandi modum docet.

Lau-

Laudate Dominum de terra, Dracones & omnes abyssi: ignis, grando, nix, glacies, & spiritus procellarum, inquiebat rex David (Psal. 48.) quasi diceret: Eia agendum, omnes celestes Hierarchias, omnesque mortales creaturas cōvoco, vt mecum iunctæ creatorem colaudent. Vos ferri voco dracones, vos profundæ abyssi, te ignis vrens, te grando comminuens, te nix condensa, te frigida glacies, te quoque ô terrisonum mare, vos rugientes bestię, sibilantesque serpentes, vos denique volatilia cœli. Quod ad me, credo certè Prophetam omnia animalia bruta ad laudes Deo decantandas vocare, vt nos bestiales homines, nos inquam rationis limites transgredientes, rideat. In rei veritate siquidem & sinceritate, si homini boni & mali notitiam adimamus, nullus erit qui non eum brutū animal iudicet. O quantum nostræ humanitati dedecus est, & quā grande libertati arbitrij nostri præiudiciū, dracones, leones, grādinem & gelu creatorē laudare, Deum verò conqueri de homine, nō solū suas laudes non decantante, sed iniuria & blasphemia afficiente pa-

patet. Vix enim vllum coram Deo exercet opus homo, quo iniuria non afficiatur, vix vllum profert verbum quo non blasphemetur. Ideò in confessionum libro dicit S. Augustinus: Inter omnes alias creaturas quas Deus in terra creauit, & inter omnes quas in mūdo formauit, nulla est quæ magis à blasphemia cauere debeat, laudibusquē decantandis vacare teneatur quam homo: cæterę enim omnes creature Deo creationem & conseruationem debent, homo autē creationem, conseruationem simul & redemptionem. O bone Iesu, ô animæ meę amor, quid mihi est quod à te non acceperim? quid scio quod me non docueris? Quid possum si à dextris mihi non affederis? Quid ero, si quod tuum est mihi adimas? Quid mereor nî tibi gratus sim? Illumina me Domine in tenebris iacentem, mihi deuio rectum ostende iter. Per te in tuam redeam gratiam, si ab ea recesserim. Mihi peccata quę in te commisi condona, cum me, te non rogantem crearis, meque non merentem redemeris. Magnum mihi contulisti beneficium dum
me

me creasti, dum me redemisti, sed non minus prastiteris, si mihi ignoueris. Crudelem illam mortem, & magnam illam sanguinis effusionem non es passus pro Angelis qui te laudant, sed pro me & ceteris peccatoribus qui te offendunt. Sed quia te abnegavi, concede vt te recognoscam, quandoquidem te perdiderim, patere vt te quaram, cum te offenderim: permute vt tibi obsequium prastem, cum te blasphemia affecerim: fac vt te laudem, cum vita tuo obsequi non impensa potius mors sit dicenda quam vita. Hæc ex S. Augustino.

Lauda anima mea Dominum, laudabo Dominum in vita mea inquebat Dauid Rex (Psal. 45.) quasi diceret: Te o anima mea, te o corpus meum adiuro, ne à Domini laude, ne à Dei obsequio cessetis, sed illum quouis die, quouis hora, & omni momento lauderis, cum esse meum ab eius potentia dependeat, & posse meum ab eius voluntate. Serio notandum & memorie infigendum, quod Dauid à Dei laudibus decantandis non se excuset, quamuis Propheta & duodecim

Tribuum Rex foret, quamuis magni
 populi dominus & caput, multorum-
 que exercituum Imperator, ac magnis
 negotijs occupatus. Hinc concludo
 omnes Christianos debere sine fine
 Deo laudes decantare. Quicquid edit
 aranea in virus conuertitur, quicquid
 gustat apis in melabit: hoc est, malus
 Christianus & peruersus Deum suis o-
 peribus blasphematur, bonus è contra in
 omnibus suis actionibus laudatur: sic vt
 quicquid in gratia existentes agimus,
 Deo gratum sit & acceptum, quicquid
 econtra extra gratiam, ingratum & me-
 lestum. Cassiodorus in Psalmos scri-
 bens, dixit nos omnibus nostris cogita-
 tionibus, verbis & actionibus in chari-
 tate fundatis, & humilitate oblati Do-
 minum Deum laudare & canere, sed
 malis & peccato obnoxiijs, eundem
 blasphemare & abnegare. Si. n. linguae
 blasphemia mala est, longe peior est
 blasphemia quae operibus fit. Sanctus
 Hieronimus in epistolam 1. ad Corin-
 thios cap. 10. scribens inquit, Non in cas-
 sum nec sine magno mysterio dixit S.
 Paulus Corinthijs scribens: *Sine ergo*

MAN-

manducatis, siue bibitis, vel quid aliud faci-
tis, omnia in gloriam Dei facite: non dixit
ut vos ipsos recretis. claret proinde eū
nunquam à diuinis laudibus cessare, qui
nunquam benè operari cessat. Dicite iu-
ste quoniam benè dicebat Deus per Isaiā,
(Cap. 3.) ac si diceret, Mone ex me iustū
ne tristet, neue turbetur: quicquid e-
nim cogitat mihi gratum & acceptum
est: quicquid eligit, mihi placet; quic-
quid vult, volo. quem enim meorum
amicorum cathalago ascripsi, hunc fo-
ueo ne deterior fiat. O quam bonis sūt
hæc consolatoria verba, & quam malis
formidabilia: Si enim iustus sit homo,
nunquam à vero aberrabit scopo, si in-
iustus, incassum operatur: Multi pro-
fecto sūt qui ad hanc iustificationem
& perfectionem adspirant, sed pauci il-
lam consequuntur. Valde Notabile.

Quod attinet ad cantum & Dei lau-
des persoluendas, sūt qui semper ra-
cent, alij semper blasphemant, alij sem-
per flent: quidam omni tempore ridēt,
quidam antiquas concinunt cantilenas,
alij nouas & noua cantica: quidam ani-
mo canunt, alij lingua: alij denique

lingua & animo. Si de horū vnoquoq;
aliquid differere velimus, videre erit
quanta sit harum diuersitas conditio-
num, eo quod hominum inclinationes
ita diuersae & contrariae sint, vt nullus
studeat agere quod proximum agen-
tem videt, imò neque agere velit quod
alius agit. Eos qui semper tacent & nū-
quam loquuntur, paganos & gentiles
dicimus esse, de quibus loquitur Psal-
mista, *os habent & non loquuntur*, id est os
habent & loqui nesciunt, pedes & am-
bulare nō possunt, aures & non audire
vt testatur Propheta. Illum enim loqui
dicere non possumus qui Deum lauda-
re nescit, neque ambulare qui eum non
quærit, neque audire qui in eum non
credit, neque videre qui eum non cog-
noscit. Aliud est hominum genus, qui
nihil nisi blasphemare norunt. Hos hæ-
reticos vocat Ecclesia, quorum est per-
uersa & mala opera agere, scandalosas-
que inducere doctrinas, vt sibi nomen
comparent, antiquorumque sanctam
euellant doctrinam, Deus in Leuitico
(cap. 24.) de hoc blasphemorum gene-
re agens dicit: *Educ blasphemum extra*

castra, & lapidet eum populus vniuersus, id est, Volo publicum hæreticum repente Ecclesia mea eiici, & à populo lapidibus obrui, præstat namque scabiosam o- uem perire, quam totum gregem. Qui semper plorant, & nunquam rident, hi sunt quibus nunquam vlla Dei beneficia satisfaciunt, qui semper obmurmurant & oblatrant: sic vt Dominum Deum propriæ eorum vtilitati & causæ semper studere vellent, & nunquam secus. Qui semper rident & nunquam flent, hi sunt quos vanos dicimus, & profanos reputamus, quod frontem exhilarandi ignorent modum, ideo nihil nisi ridere nollunt & iuis trui delitijs, quos bestiales homines potius quam rationales dixerimus, quandoquidem non secundum rationem, sed sensualitatem viuunt. Qui nihil nisi antiqua concinunt cantica, hi sunt qui à longo temporis interuallo suis vitijs inueterati & obstinati sunt, qui quod grauius est suorum peccatorum poenitentia immemores, loco poenitentia vitia elapsa enarrant tanquam facinora digna memoria. Qui veterum canticorum immemores ni-

hil nisi noua concinunt caritatis, hi sunt qui iuuenturis tempore multis vitijs & dissolutionibus addicti ad senilem aetatem vbi peruenierint, peccatorum poenitentiam agentes probè & correctè viuunt: ita vt in mundo decocta & electa reliqua farina, quod superest fursuris Deo offerant. Qui exterius lingua non canunt, sed interius corde, hi sunt qui creatorem super omnia redamant, eique omnibus viribus & voluntate inservientes, seipsos non magni pendunt. Qui lingua & non animo canunt, peruersi & maledicti hypocritæ sunt, qui secundum loquelam sancti apparent, sed eorum opera dæmones ipsos exhibent, quos catapotijs siue pilulis auro obductis comparare possumus, quæ aspectu pulchræ sunt, gustu verò amaræ. Aliud denique reperitur hominum genus qui corde simul & ore Deum laudant: hi sunt boni & sancti religiosi suis Monasterijs conclusi & sanctis officijs occupati: quorum præcipuum officium est per loca secreta contemplando deambulare, & choro ad cantandum interesse. O felix officium!

um! O gloriosum officium! O officium non humanum sed angelicum, choro scilicet ad cantandum interesse, & cubiculo ad contemplandum immorari! si profunde enim cogitare velimus, certum est quod psalmos in Ecclesia canere, & in cubiculo contemplationi vacare, sit sanctos in gloria cœlesti referre & imitari. Sanctus Ioannes in sua Apocalypsi capit. 14. damnatorum pœnas beatorumque gloriam vidit: vbi nullum laborem, nullam sementem, nullam texturam, nullum regimen, nullum mandatum vidit, sed solum cantum solamque Dei laudem. Vnde liquet omnia officia & exercitia nostra, finem in illa finali beatitudine habitura, excepto cantus & contemplationis officio, quod in æternum durabit. Dicebat summus ille Rex David: *Psal. 83. Elegi abiectus esse in domo Dei mei*, quasi diceret, O bone Deus *Israel*, licet natura hominem, conditione liberum, progenie illustrem, officio Prophetam, dignitate Regem me feceris,

ris, malo tamen me minimū esse in tuo
sancto templo te laudantium quam to-
tius mundi Dominum. Dum dicit Pro-
pheta quod elegerit abiectus esse in do-
mo Dei, innuit maximum Christiano
hac in vita beneficium esse, collocari
vbi Deo debitum præstatur obsequiū,
& dignæ persolūtur laudes: sic vt qui-
cunque hoc fungitur officio licet car-
neus & sanguineus sit, dicaturque ho-
mo, nihilominus ob officium quod
Deum laudando exercet, dicitur An-
gelus. Damnatorum & beatorum dif-
ferentia hæc est, quod damnati nihil ni-
si Deum & iustitiam eius blasphe-
ment, beati autem nihil nisi immanitatem ipsius
misericordiam laudent. Ideoque se-
cundum vniuscuiusque hoc in mundo
officium, videre est, num in alta
vita saluandus sit aut
damnandus.

Quod

*Quod felices sint religiosi: quia nullis
nisi diuinis officijs occu-
pantur.*

CAPVT XXXVII.

BEati qui habitant in domo tua Domine;
in secula seculorum laudabunt te, in-
quiebat Psal. 83. Dauid Rex, quasi dice-
ret: Quam felices sunt illi Domine, qui
tecum habitant, qui die noctuque tua
præsentia fruiuntur, te enim sine fine
collaudabunt, & tecum quam diu De-
useris permanebunt. Hic notandum,
quod sancti coelos incolentes non tam
sunt felices ob locum quem occupant,
quam ob officium quod exercet, quod
est diuina essentia frui, & æternis laudi-
bus persoluendis vacare. Accedit, quod
Deo frui, eūq; laudare, adeo vsitatu in-
ter eos & continuū sit, vt nullū sit illud
consummaturum tempus, nulla id fa-
tigatura senectus, nulla illud tenebris
obfuscatura nox, neque vlla illud dele-
tura tristitia. Qua gloria & felicitate in
coe;

coelis fruuntur sancti ; eadem tristitia & infelicitate vexantur mundani : hic enim nihil nisi ingemiscimus , illic autem assiduos persolunt cantus. Veram & certam protulit Sanctus Paulus sententiam ad Rom. cap. 8. dicens : *Omnis creatura ingemiscit* , quasi diceret , *Omnis creaturæ officium est ingemiscere* , & suas aduersitates plangere : maxima enim vitæ nostræ parstranfigitur in hoc quod de aliorum copiosis conqueramur & doleamus possessionibus , & quod iisdem careamus , ingemiscamus . Profecto secundum Sanctum Gregorium vita nostra nihil nisi longa est mors , iugiter nos absumens , cum nascentes iam mori incipiamus .

Anaxagoras rogatus quid ageret , respondit se ad mortem properare . Quam vere ! si enim ad rem & verè loqui velimus , dum quot annorum sumus interrogabimur , magis appositè respondebimus nos à quadraginta annis iam incepisse mori , quam à quadraginta annis , natos . Si de quibusdam

dam dici possit, quod in hac tristi & misera vita viuant, de perfectis religiosis hoc potissimum dici potest, & de ijs qui solum cum Domino rem habent: & de religiosis suis Monasterijs inclusis, qui sub Prælati disciplinis viuentes, nihil nisi diuinis laudibus diuinoque officio cantantes in choro vacant. Dicebat Regina Saba Salomonis ministros admodum felices esse, quod ei in mensa & cubiculo ministrarent; sed nos longe feliciores dicemus religiosos, Deique famulos qui Deo non potum & cibum ministrant, sed diu noctuque sancti ipsius nominis inuocationi inuigilant. Religiosorum in choro officium ad eò sublimis & excellentis est meriti, vt illo functuri de cælo descenderent Angeli, si per mandatum eis liceret, mortui ascenderent de sepulchris, si hoc eis concederetur. Debet ergo semper choro interesse DEI famulus, & debere diuinum peragere officium: Via enim quam ingredi, & iter quod quam optime callere debet religiosus, erit ex

choro in oratorium, & oratorio in chorum.

Dic quaeso mihi, dū te ordinis fatigāt labores inimicique tentationes molestant, nunquid non ijs facilius meliusque liberaberis in choro cantans, quam per Monasterium errans & fabulans? Religiosus qui chori frequentationi assuescit, cuique diuinum officium est cordi, sciat certo se non vincendum, etiamsi eum tentari patiatur Dominus.

Montis Dei Monachis scribens S. Bernardus, inquit: Videte fratres quid agatis, cuique rei occupemini. Religiosus enim qui chorum adire renuit, qui que frequenter oratorium non intrat, se à Domino mundo eductum dicere non audebit, sed manu diaboli in Monasterium adductum. Paulò inferius ita prosequitur: Dic quaeso mihi, nunquid eum qui cū fratribus psalmos cantaturus Ecclesiam adire non vult, eum inquā qui hinc inde per monasterium in proximum murmurans cursitat, manu non ducit diabolus? Sanctus Basilius in
sua

sua regula super hac re loquêsait, Omnes simul Psalmis in Ecclesia decantandis noctu interfint Monachi, laudes mane concinant, meridie preces Horarias, vesperi Completorium: quandoquidem enim eos corpore & anima Dominus foueat, die ac nocte eum laudant. Et in quodam alio eiusdem regulæ capitulo amplius infert, Soli Monachi agris inservientes, peregrinos & hospites suscipientes, corbes ad miseros pauperes fouendos conficientes, à choro excipientur: quos etiam monemus & rogamus vt quoniam choro interesse continuè non possunt, saltem se illic aliquando præsentent. Scriptum quoque est in vitæ solitariae libro, quod Monachus pigritâ motus, quotidie chorum & oratorium non ingrediens, debeat statim à Prælato corrigi, & disciplina affici: qui enim hac in parte sui officij immemor est: vel à diabolo tentatur, vel Domini non meminit, vel in mundum vult reuerti. In libro Patrum quidam religiosus Abbat Panucio dixit, Dic reuerende Pater, quid de me fiet qui vagus per Mona-

sterium discurre animo frigidus? Cui senex! Scias ex me velim, quod dum religiosus frigidus mœstique est in Monasterio animi hoc oriarur, quod primus refectoryum ingredi assueuerit, & ultimus chorum: ordinaria siquidem diaboli in religiosum est tentatio, quod eos edentes lartos efficiat, & orantes pigros reddat. In collationibus Patrum quidam Monachus Abbati Arsenio dixit, Cuperem sancte Pater ob iuuentutem meam & recentem meum è mundo egressum mihi à te correctorium & admonitorium dici verbum: respondit sanctus Abbas dicens: Iam à quadraginta & duobus annis hac in eremo resideo, in qua nullum vnquam villo die ne vel bolum quidem edere ausum vidi Monachum, qui ab officio diuino abfuiſſet: religiosus enim qui edit priusquam Deum laudauerit, similis est furi non labores suos comedenti, sed furta sua. Prosequens idem Arsenius eidem dixit: Fili mi diuinum officium redama;

mul-

multumque in choro impendas temporis: scias enim ex me velim, me nunquam minus à diabolo tentatum fuisse quam diuino officio præsentem, nunquam autem quietum ab illo absentem. His verbis docet ille sanctus senex, quàm necessario choro interesse teneantur boni religiosi simulque diuino officio: secus enim falso religiosi nomen vsurpamus, & iusta æquaque cum ratione semper in ære conficimur.

Religiosus qui chorum non amat, non sine tristitia & tentatione viuere potest: si enim hoc ad eò sancto exercitio, adeoque sublimi officio corpus & animam suam non recreet, certò sciat se magno cum labore religionis iugum laturum, totique Monasterio molestum futurum. Insuper quandoquidem dicat (2. *Thess.* 3.) Apostolus: *Si quis non vult operari, nec manducet*, qua conscientia, quoue pudore vel solum bolum edere audes, cum illo die à choro abfueris? Nunquid ille conscientia, immo pudore carere tibi videtur,

tur, qui cæteris labori manum admo-
 uentibus quiescit? qui cæteris sudanti-
 bus & operantibus comedit? Qua
 fronte quoue vultu refectorium ingre-
 di audet ille, qui ad ingrediendum
 chorum pedibus caret? Non fati-
 garis tota die per plateas cursitans, &
 sola hora choro præsens fatigaris? Qua
 patientia, quæue religio hoc feret,
 quod velut sanus & incolumis in refe-
 ctorio edas, & velut æger à choro
 excuseris? Neque viribus neque ca-
 pite ad psalmos psallendos vales, cum
 tamen & lingua & capite valeas in pro-
 ximum murmurare. Cum in reli-
 gione neque arare, neque fodere,
 neque texere, neque operari tibi im-
 peretur, quomodo tanti temporis &
 siquidem infructuosi iacturæ rationem
 reddere poteris? Principes & magni
 terræ domini, suos cibos non sine su-
 dore & labore comedunt, tu autem
 vis otiosus edere, quod facis chorum
 non frequentando. Inuigilandum er-
 go seriò Prælato ut benè & debite diui-
 num peragatur officium: in Monaste-
 rijs enim in quibus non omnes simul
 notand. Summ.

choro

choro interfunt, non illic ordinem vigere dicemus, sed confusionem; non religionem, sed irreligionem. Vbinegligenter recitantur horæ non est Monasterium, sed mundi & mundanorum domus. Monasterij namq; & religionis perfectio non eos qui potentiores sunt vt simul viuant tangit, sed eos qui simul viuentes vitæ sanctæ se simul deuouent. Videant Abbates siue Priores, ne religiosi sub hoc prætextu quod ad messem eant, vel eam colligifaciant, vel Monasterij negotijs intendant, animo diuagentur, aut à choro & officijs diuinis omnino absint: certo certius enim credendum est. Dominum Deum eis qui eum in Monasterijs laudant cibum collaturum: eum & hunc mundi blasphematoribus conferat.

Aliud quoque hac in parte oritur inconueniens, nempe quod Monachus qui hisce temporalibus messibus, huiusmodique mundanis & profanis rebus studet, non solum sit chori inimicus, sed & Monasterij. apertum hoc est: quia sapius tales de nocte reuertuntur, &

tur, & sæpius ante auroram egrediuntur. *Quærite primum regnum Dei, & omnia adjicientur vobis*, inquit Christus (*Luc. 12.*) quasi diceret: Ante cætera tua negotia quære primum regnum cælorum: debes enim cælestia primo loco collocare, temporalia secundo. Religioso alternis diebus chorum ingrediendi, singulis autem diebus cum distractione mundum, confert diabolus pro cibis ritè conditis vile legumen, & pro re ponderata, inane pondus. Dicebat illustrissimus Rex David, (*Psal. 54.*) *Iacta super Dominum curam tuam, & ipse te enutriet*, quasi diceret, O homo qui è mundo in Monasterium Deo obsequuturus venisti, nihil nisi tuo creatori obsequi cures, & ipse te enutriet & fouebit. Quoniam itaque se tuis necessitatibus subuenturum dixit Deus, cur ad eò tibi curæ sunt huius mundi bonæ? Sanctus Augustinus Eremitis scribens inquit, Licet quibusdam rebus careatis, licet maximam patiamini famem, ne id eò ab officio abstineatis diuino, neque ab oratorij uisitatione, ille idem enim Dominus qui Danielis in lacu leo-

cu leonum meminit, Heliaque in deserto, vestrarum necessitatum vestrarumque humanitatis miserebitur. ³ Roganti cui-dam monacho S. Anselmum qua causa sua Prælatura, quoue demerito deponi mereretur Prælatus, respondit: quod omnis religiosus qui in fide Catholica suspectus haberetur, quique in agros charitate non videretur, qui chori a-mans non esset, in Prælaturæ statu tollerari non deberet. Ideoque in regula dicebat Sanctus Basilus, Nullus Monachorum nostrorum præsumat in mundo negotiari, vel Monasterij portam ulli aperire, neque venales conficere corbes, neque ad parandos cibos lumen accendere, nisi absoluto diuino officio omnibusque choro egressis Monachis.

In Patrum vita, iuuenis quidam Monachus sanctum quendam senem rogans, quomodo in Monasterio tempus diuideret, dixit: Fili ante omnia septem horas legendis septem horis canonicis impendes, vnam laudibus, vnamque hospitibus & peregrinis excipiendis, vnâ agris visitandis, sex in dormitorio, tres in oratorio.

ratorio, vnam in refectorio, reliquum
 tempus laboribus. Finio & dico Abba-
 tem siue Priorem pie diuini officij a-
 mantem à multis alijs defectibus & ne-
 gligentijs excusari posse: si autem re-
 misse chorum & altare frequentet, ni-
 hil magni ab ipso est spectandum, nec
 vnum quidem ipsi ignoscendum est vi-
 tium.

*Quomodo se ad diuinum officium per agen-
 dum præparare debeant Deifamilij,
 & quomodo in choro
 sese gerere.*

CAPVT XXXVIII.

Preparate Domino corda vestra dice-
 bat per Prophetam Deus (1. Reg. 7.)
 quasi diceret. Si Dominum in animas
 vestras venire optetis, vestraque ei ac-
 cepta esse opera, à conscientia vestra
 peccata mundate & præparate ei cor-
 da vestra, vt munda sint. Sicuri sol cu-
 biculum intrare non potest, nisi prius
 aperta fenestra quæ solis ingressum
 impe-

impedit : sic nullus Domini gratiam recipere potest, nisi imprimis ad illam recipiendam animam suam disposuerit ; neque enim sui amantem reijcit Deus, nec suum exoptat contemptorem. O felices Christianos ! ita benignus & pius est Deus, vt nunquam nos ad se reuertentes reijciat, si qua recaremus, rogatus eam non denegat : sed nos ad illam recipiendam nos non disponimus. Quis queso Dominum inuocat, qui ab eo responsum non accipiat ? Quis eum quærit, & non inuenit ? Quis eum quid rogat, & non consequitur ? Si roget & repulsam patiatur, loco beneficii illa repulsa habenda est : sæpius enim quidpiam petimus, quod si consequeremur, nobis nocumento esset. Celi ros, aeris temperantia, solis calor parum admodum terræ deserræ & non herbosæ prosunt : ita nulli ab alto consolatio expectanda, ni prius ab animo peccati eradicata herba. Non sine Mysterio non dicit Propheta præparate pedes vestros ad longam conficiendam peregrinationem, vel manus ad eleemosinam erogandam, vel oculos

oculos ad contemplandam faciem, vel aures ad verba audienda; solum autem *præparate corda vestra* ad Dei benedictionem & gratiam recipiendam: non enim quam parum operemur respicit Deus, sed quantum operaremur si possemus. Tunc igitur Domino præparatum cor habet Christianus, dum æquè lubens aduersitate atque prosperitate utitur, & è contra. hominis perfecti enim cor tentationem quidem patitur, sed non idèd mutatur. S. Ille Iob Domino cor præparatum habebat, dum scabie plenus, & post suorum camelorum, bouum, asinorum, ouium, & liberorum auditam cædem dicebat; *Dominus dedit, Dominus abstulit*, iterumque mihi illud idem refundere potest, *sit nomen eius benedictum*, mihi sufficit sancta voluntas eius. Cor Domino præparatum habebat Propheta, dum diceret, *Paratum cor meum Deus, paratum cor meum: cantabo & psalmum dicam Domino*, quasi diceret, Paratum cor meum est, non semel tantum sed millies: nec pro re vna, sed pro mille & mille. Paratum cor meum

meum est ad imperandum & obediendum, ad sanitatem & aduersitatem, ad diuitias & paupertatem, ad tristitiam & ad hilaritatem, ad horum vnoquodque, ita protestor & iuro, neque lachrimari neque flere, sed cantare volo & psallere. Præparatum quoque cor habebat Apostolus (Acto. 9.) dum cum lachrimis & singultibus diceret: *Domine quid vis me facere?* Quasi diceret, Ah Domine me ex equo deiecisti, & in terram prostrasti, me visu & sensuum facultate priuasti: sed quicquid id sit, illud mihi placet, dummodo ad tuum obsequium referatur. Præparatum similiter Domino cor habebat S. Augustinus dum diceret, *Hic ure, hic seca, hic flagella & nil parcas, dummodo in æternum parcas*, quasi diceret: *Hic me flagella, ure, afflige, reijce, in partes seca, hic me poenis affice, vt innocens & sine peccato in alio mundo coram te comparere possim. O quam vanorum & mundanorum hominum verba & facta sunt his contraria, qui carnem ad adulterandum*

dum impinguant, suauia adbibendum
quærent vina, bonas ad induendum
conficiunt vestes, bonos ad eden-
dum præparant cibos: nunquam ta-
men ad Dei obsequium corda præpa-
rant, non vitam rationalem viuentes,
sed brutam. Nunquid ille quæso verè
brutus non est homo, qui nihil nisi no-
men hominis retinet?

An libro Considerationis dicit San-
ctus Bernardus, quod ille qui cor su-
um mundare & præparare non admo-
dum sollicitus est, suæ solum com-
plexionis qua se enutriat & conditio-
nis qua se regat memor, dicendus
sit bestia præ bestiis: naturæ inclina-
tionem enim sequitur bestia, non
autem homo, sed solum quicquid
suggerit appetitus. Sed vt reuertar ad
propositum, cum omnes ad benè vi-
uendum & serio salutis suæ inuigilan-
dum, & ad præparanda sua corda tene-
antur: præ ceteris tamen religiosi, qui
ab huiusmodi tumultibus semoti se
Deo obtulerunt, diuinoque officio pe-
ragendo dedicarunt. ¶ Tunc ergo Deo
præparatum habet cor religiosus, cum
in Mo-

in Monasterio operatur, in cubiculo legit, in oratorio orat, in clauistro silentiū obseruat, in foro cantat: sic vt illi ad voluptates nihil supersit temporis, & illo tamen abundet vt Deo obsequium præstet. Domino præparatum cor habet religiosus, dum primo campanæ vel excitatorij nocturni pulsu, somnum vel opus cui intentus erat, deserit in oratorio oraturus, vel Deum in conuētū collaudaturus. Porro vt melius cor suum Deo præparet, ne pigrescat, debet statim à cubilis egressu in genus proeumbere, & corā imagine sibi oblata effundere preces, Deo gratias agēs, tum quod sum sanum & incolumem excitauit, tum ad decantandum & eius sanctum nomen collaudandum euocarit. Dicit S. Lucas in actibus Apostolorum, cap. 1. quod ibant *Apostoli gaudentes & cōspectu concilij, quoniam digni habiti sunt pro nomine Iesu contumeliam pati*, quasi diceret: Nullus vnquam Princeps tanto cum gaudio coronam accepit, quāto ad martirium & mortem properabant Apostoli, qui Deo gratias agebāt, quod digni essent pro sancto nomine pati

tormenta. Si tanta cum hilaritate ad tormenta tendebant Apostoli, nunquid turpe & inhonestum foret, te pigritiam sectando, & obmurmurando ad chorum preparare? Satius longe foret in dormitorio remanere, quam remisse, vel serò chorum adire: summa quippe Dei bonitas nostræ infirmitatis miseretur, sed mirum in modum ei nostra displicet desidia. Excitatorio nocturno mandatorq; chorum adeundi dato, putes te non vocatum vt fodias, vel vt labores, vel vt nauiges, siue vt pugnes, seu vt deambules, quæ forsitan ageres, si in mundo esses: qui enim non laborat, non manducet, sed vt quietus Deū laudes. Quid quod ad adeundum chorum nō sint tibi publica aut luto sapertranscunda loca: non maculanda toga, non facies à sole decoloranda, sed in vmbra, in loco nitido & valde sicco consistis, in quo pede sicco poteris, & Domino obsequi simulq; cibum poturq; lucrari. Patroni Monasteriorumq; fundatores ea non erexerunt neque dotarunt, nisi vt illic residerent religiosi, qui in choro officia peragerent

rent diuina, Deumque pro viuis & defunctis orarent: secus enim vel illa poterant ipse et expendere bona, vel parentibus & amicis suis, qui ijs post mortem fruerentur delegare. Religiosum per obedientiam cuiuspiam officio non occupatum, chorumque non nisi coacte adire volentem in religione detinere non auderem, neque eum de sua salute affecurare, quandoquidem fundatoris mandatis acquiescere nolit, fratrumque labores comedat. Dic precor mihi quod libenter ibis, si inuitus ad chorum eas? Preparate in cella ad decantandas Dei quam mox laudes, ne expectes ut secundo voceris, alterumve campanæ pulsus auribus tuis excipias: Ut enim Deo inservias decet te esse diligentem, non pigrum. Religiosus qui ad conuentum siue ad chorum non accedit, nisi ultimo campanæ pulsu, siue qui iterum à cubiculo euocandus est, se potius inuitum ad Ecclesiā, quam propria voluntate ire demonstrat, cum eum vocet campana, non autem obedientia. Cum ad chorum progredieris, caue ne cellas prærius loquaris, nedum murmures: secus. n.

multo satius foret in dormitorium ad
dormiendum regredi, quam ad mur-
murandum surgere. Cum chorum in-
grederis, aquam benedictam sume, san-
ctam deosculare crucē, & te illa signes
dicens: *Introibo in domum tuam, & Digna-
re me laudare te virgo sacrata*, his .n. ver-
sibus Dei filium inuocas, & te eius bea-
tissimæ matri commēdas. Vbi chorum
ingressus fueris, denudato caput san-
ctumquē summa cum reuerentia ve-
nerare Sacramentum, in genua pro-
cumbens, manibusque iunctis orati-
onem Dominicam salutationemq; An-
gelicam recita summa qua poteris at-
tentione & deuotione. Congregātibz
se ceteris religiosis duranteq; pulsu, te
tantisper tua in sede collige, faciē tuam
tuis manicis operito, & contemplare
mysteriū quod tali hora dum hic vixit
Dominus noster Iesus Christus opera-
tus est, & quidnam singulis etiam nunc
opcretur diebus. Porro hac in exigua
collectione, atque oratione Dominum
rogabis, vt bona tua acceptet desideria,
maiorumq; vitiorum & negligentiarum
inmemor fiat, vt si in diuini officij re-
cita-

citatione aliquis attentionis aut deuotionis occurrerit defectus, infirmitati reputetur, non malitiæ. Si religiosos quorum interest psalmos intonare, videris choro nō satis tempestiuē adesse, tu pulpita disponito, & libros imponito, verte pariter & nota psalmos. In obsequio Dei enim non est spectanda obligatio, sed meritum. Dato à Prælato ad horas incipiendas signo, erectus surge, caput deregito, deinde inclinato corpore dic *Pater noster*, *Aue Maria*: quia enim hæ duæ orationes omnium sublimissimæ sunt, idē per eas omnes suas preces & orationes incipit & finit Ecclesia. Horis inceptis caue fedi tuæ inhæreas, ne dum totus innitendo incumbas, caue huc illuc de choro in chorū respiciēs oculos voluas: scias enim oportet te non inter homines mortales, sed inter angelos Deum laudare. Dum leguntur horæ ritē verba pronūcia: dum decantantur, ad eas attende. si decantentur, ne eas velut cantilenas amatorias cōcinas: non enim sibi gratam esse vocem amatoriā dixit Dominus, sed cor contritum & humiliatum. Erectus non

curuatus sta in choro, pedibus iunctis, manibus collectis, oculis demissis, in Deum erecta cogitatione, sic vt omnes Monachi qui officio interfunt, in Deo bonitatem laudent, in re verò gravitatem. Dum quæritur num decantandæ sint horæ aut legendæ, siue num de hoc aut alio celebrandum sit festum sancto, seu num clarè aut submissè cantandum sit, non est quod de hac re cum alijs verba habeas: satius enim longe est ceremoniam quandam ordinarij omitti, quam verbis in congregatione contendere. Dum psallendi tibi psalmi erunt, recitandæ lectiones, vel quid aliud decantandum, aut præfatio, aut Euangelium, vide ne antequàm prævideris, hoc publice feceris: grandis siquidem culpa est errorem quasi mendacium in altari vel choro committere, quod sine correctione reparari non potest. Vt verò sub officio diuino non liceat tibi hac illuc oculos flectere, ita multo minus loqui: quoniam (præter quod in dormitorio, claustro & choro loqui inhibitu sit) in Deum summum committens sacrilegium, si ita temerè Dei cultui dicas

tam domū fabulatorium ef ficerēs. Nā
 in choro & oratorio vigiles, summo pe-
 re à diabolo tentaberis, quo huc illucq;
 oculos flectas, vt otiosum aliquod pro-
 feras verbū; naturaliter .n. ea maxime
 appetūtur quę arctissime prohibita sūt.
 Lectet sint qui pulpita erigant, psalmos
 concinant, cereos accendant, libros tol-
 lant, ne idē tibi imperari patiaris, sed
 te ad illa agenda offeras. Non sufficit si
 choro corpore cōposito inter sis, etiam
 mente in Deum, & in ea quę canentur
 oportet esse attenta. Secundum S. Ber-
 nardum enim, hoc de decori religioso
 vertitur, si corpore choro ad sit, animo
 autem foro. Quia chorus locus est Deo
 diuino quę obsequio sacratus, nullus te-
 merē illum animo inordinato ingredi
 debet, neq; illic ventosas & imaginarias
 edificare debet arces: min^{us} .n. peccaret,
 si occupatus in suo cubiculo remaneret
 religiosus, quam ad ea quę canit aut re-
 citat non attentus Ecclesiam ingrediēs.
 Cum animo nostro contendentes vix
 illū attentū reddimus, quanto magis si
 illū infrenatū & indomitū dimittamus?
 si dixeris te id etiā volentem non posse

exequi: respondeo, illum satis superque
 attentum esse, qui suis cum cogitationi-
 bus, vt attentus fiat contendit. In cho-
 ro ne prior sedeas, neve vltimus surgas:
 sedens, surgens magnum ne edas stre-
 pitum: licet enim hæc exigua sint, in
 officio diuino tamen maxime ponde-
 randa sunt. In Salomonis templo nun-
 quam mallei ictus auditus est, & tu in
 Ecclesia Dei magnum audebis edere
 strepitum? Ne magni aut parui feceris,
 facta sublimis aut demissa sit sedes, vel
 num loco humili aut honorifico sede-
 as, neque enim vt prius dixi, eò accedis
 honorem venaturus, & creator è tuum
 laudaturus. Fratribus erectis ne sedeas,
 & pulpito appropinquantibus, ne tua
 immoreris sedi, & ijs cantantibus ne fi-
 leas: hoc enim non singulare quid, sed
 monstruosum appareret. Si quos fra-
 trum tuorum rarius, quàm tu choro
 interesse forsan videris, non est quod
 ideo eos iudices aut murmures: certò
 credens te ad orandum duntaxat ido-
 neum, illos autem non solum ad oran-
 dum, sed & operandum. **¶** Scias frater
 & Deus in adiutorium meum intende, vsque
 ad

ad *Benedicamus Domino*, diabolus tibi
semper adfuturus, qui te ad egredien-
dum choro tentet & persuadeat, vel
animum in diuersa distrahat. Ne ne-
scius sis, nulli religiosi magis tentantur,
quam qui oratorium & chorum fre-
quentant. Et quia bonorum operum
meritum non in initio, sed in bono fine
consistit, caue ne ad horas tuas absol-
uendum duntaxat, chorum adeas; sed
ad Dei obsequium, animæque tuæ sa-
lutem: frustra enim alioqui laborabis,
& sine merito ac consolatione abibis.
quin, cum antiqui Patres diuinum offi-
cium ad Dei cultum, & piam temporis
transactionem instituerint, qui refugij
& cōsolationis locus esse debebat, for-
san erit luctus & doloris. Si in religio-
nis ordine quietus & tranquillius viuere
cupias, diuino assuesce quotidie offi-
cio: quicumque enim chori inimicus
est, vel ordini grauis erit, vel tandem
Monasterio emigrabit. Horis absolutis
licet innuat abeundum esse Prælati, ne
ideo abeas: nam verus Dei famulus
chorum primus ingredi debet, vltimus
egredi. Finito completorio, quod est
V s diei

*De antiquitate & excellentia orationis, &
quod pauci sine bona vita parum pro-
ficiant multum
orantes.*

CAPVT XXXIX.

FAcient mihi sanctuarium, & habitabo in medio eius, dicebat Dominus Deus Moysi loquens, (Exod. 25.) quasi diceret: in medio populi mei, in loco honorificentissimo, & maxime publico sanctuarium mihi in modum oratorij constitues, ad quod omnes oraturi, & sacrificia oblaturi confluant. Non sine mysterio Dominus Deus filijs Israel Aegypto egredientibus ante alia praecepta praecepit, vt ei domum orationis construerent: assue fieri enim eos primo volebat orationibus & sacrificijs offerendis: vt ei in orationibus conscientiam offerrent, in sacrificijs verò oues & possessiones. Conquerébantur Israelitæ (Exod. 15.) de aquis in Mara, quod potabiles non essent, de serpentibus ignitis: de reuik Moab, & Seô, occidere

eos & seducere volentibus. Vt autem
resisteret, aduersusq; eos tantis in peri-
culis cōstituti tuti esse possent, prius eos
orare quam pugnare docuit Dominus
Deus. Diligenter sacræ euoluantur fi-
scripturæ, videre erit, quod à primo
homine iusto Abel, vsque ad Iudam
Machabæum penè vltimum legis anti-
que iustum, nullus fuerit qui orare non
nouerit: econtra verò multos qui pu-
gnandi artem nescirent. Vnde inferri
potest, bonum & sanctum nomen, non
armorum, sed lachrymarum vi obtri-
neri. Ausim dicere, illum in populi
medio extruere ingens sanctuarium,
qui Deo maiorem & meliorem sui tem-
poris partem offert: in die iudicij enim
æque strictam iacturæ temporis red-
demus rationem, atque offensarum
commissarum. Ille sui populi in medio
sanctuarium construit, qui Dominum
Deum in suis visceribus & cordis pe-
netralibus collocauit, ob cuius hono-
rem potius vitam morti commutaret,
quam vel vnum in ipsum committeret
peccatum. Non sine mysterio Domi-
nus in medio populi, non autem in ini-
cio

rio aut sine, sanctuarium fieri præcepit, docens euitandas esse extremitates, vt scilicet non ob magnas nostras occupationes à precibus abstineamus, neque ob continuas nostras preces à bonis operibus cessemus. Ille in medio populi, non autem in extremitatibus sanctuarium ædificat, qui ira tempus diuidit, vt nihil ex ijs quæ cōscientiam tangunt omittat, & eorum quæ ad huius vitæ statum pertinent, non obliuiscatur; quamuis enim in altum quouis die aquila volēt & erigatur, debet tamen singulis quoque diebus interram descendere, vt bibat & comedat. Summa illa Dei bonitas, Dei filius, nihil aliud pœnē, nisi oratorium & orationem commendauit: nam toto vitæ suæ tempore, post conciones agrorum quæ curationes, nihil nisi orabat & contemplabatur: sic vt benedictus ille IESVS de die agros sanaret, nocte Patrem suum pro peccatis nostris oraret. Particulariter non solum orare Iesus Christus nos docuit, sed & modum orandi, & locum & finem, propter quem orationes nostras dirigere deberemus:

hoc agens, ut deuotionis pretium agnosceremus; & quam faciamus iacturam desiderium sectando. Porro modum orandi nos docuit I E S V S Christus dicens: *Petite & dabitur vobis, pulsate & aperietur vobis.* Si enim quid petas, quod eges, non hoc tibi denegat Deus; sed tu bene rogare non nosti. O quam bonum habemus Deum, si modo agnoscere possemus! quam bono inseruimus Domino, si modo eum sequi velimus. inuitat enim nos ad se rogandum, & portas suas pulsandi nobis licentiam concedit. Hanc licentiam & auctoritatem huius seculi filij profecto non habent: credunt enim & non admittuntur, clamant & ijs non respondetur, rogant & nihil recipiunt: & quod grauius est, inseruiunt, & nullam accipiunt mercedem. Si diceret tantummodo Christus: *Petite & pulsate,* dubitare equidem possemus, num aperienda nobis foret porta, numque quod peteremus consequeremur. sed summam Dei perpende bonitatem: eo enim ipso tempore quo te ad se rogandum inuitat, eodem se ad ubi conferendum, quod

quod petis obligat: sic vt illis sublimi-
bus & excellentibus verbis te inuitet,
seque ipsum obliget. Sed esto, Deus pe-
titiones nostras exaudire, portamque
nobis aperire se obligarit, an idē quod
non habet rogandus est, & vbi non est
quarendus? certo enim certius scimus
filium Dei, neque vitia, neque volupta-
res elargiri, cumque inter peruersos
quæri non debere: nam ante Pilatum
adductus dixit & asseruit regnum suum
non esse de hoc mundo, (Iuan. 18.) Dic
mihi mundane homo, cur eum mun-
dana rogas? roga quod habet, roga
abstinētiā, poenitentiam, charitatem
& humilitatem: quære eum vbi est:
quære in monte orantem, quære in ze-
nodochijs ægros sanantem, & in cruce
patientem. ita quod rogabis conse-
queris: & tibi vocanti respondebit.
Apud sanctum Matthæum, (cap. 4 &
14.) legitur, quod consortia deserue-
rit IESVS Christus, & in montem ora-
turus secesserit. S. Marcus dicit, quod
summo mane oraret, S. Lucas quod
prolixē, & quod esset pernoctās in ora-
tione. Iesus Christus mediā imē totam
noctem

noctem auroramque meliorem & iucundiorē partē diei, in id & maiorem melioremque vitæ suæ impendit, non in propriæ personæ recreatione, sed in oratione & rerū cœlestium contemplatione. Decet verum Dei famulum diu orationibus intendere, paululumque contemplationi, cum eam ita nobis commendarit Deus, eamque ita ipse exercuerit: pudendum enim esset, discipulum desidiam sectari in opere, in quo adeo diligens fuit eius magister.

Sed cum summum bonum orationem esse dixerimus, dicamus nūc quid orare & Dominum rogare debeamus. Hoc nos docet dicens: *Primum querite regnum Dei & iustitiam eius*, quasi diceret: Multa exigit vestra voluntas, multorumque quotidie egetis, sed in primis Deum regnum cœlorum quod vobis promisit, & super omnia iustitiam originale, in qua vos creauit rogare. Nō sine mysterio non præcipit Iesus Christus vt regnum cœlorū duntaxat queramus, sed & iustitiam eius, insinuans, non sufficere Christiano orare, & cœ-
lum

lum Dominum rogare, sed & bona exercendum opera, quibus illud assequi mereamur. Secundum enim sanctum Bernardum, bonorum operum plenum est regnum cœlorum; infernus vero bonorum desideriorum. O quam multi in orationibus suis Dei gloriam quærunt, sed non cum eius iustitia! hoc est, qui bona opera ad eam consequendam non exercent, neque ad eam promerendam elaborant, sed bonis Deo tantum verbis volunt inservire, cum tamen omnibus viribus mundo obsequi velint. Ille Deum regnum suum rogat, & non iustitiam, qui singulis diebus se bonum futurum dicit, emendationemque vitæ, ac correctionem pollicetur, neque tamen unquam promissis stat. simile fieri hunc dixeris, (Matt. 21. Mat. 11.) cui maledixit Iesus Christ⁹ quod singulis annis magnum foliorum numerum gestaret, nunquam tamen ullum fructum. Die quæso mihi, per quem stat quod eum non sequaris? Quid est quod ei non inservias? Significanter dicit sanctus Anselmus: Si tibi à Deo ignosci velis, roga eum: Si velis

ab

ab eo cognosci, quare eum: si ab eo tibi aliquid dari exoptes, inferuias ei. Sol enim operatur in terra, Deus in hominis anima secundum dispositionem quam in illa inuenit. Dūm Iesus Christus nos ad gloriam simul, & iustitiam suam petendam inuitat, monet ut orationes bonis operibus coniungamus: licet enim verus Dei famulus in rigore non teneatur omnino perfectus esse; tenetur tamen conari fieri. S. Augustinus hanc sententiam exponens, nempe *primum querite regnum Dei & iustitiam eius*, inquit, Ille Deum regnum coelorum simul & iustitiam rogat, qui n. mihi vnquam iniustus fuit, quiq. in suam conscientiam nihil vnquam commisit: licet enim ea quæ nobis erogat Deus, non mereamur, non vult tamen nos illæ eadem demereri. Rectè sanctus Hieronymus, Christianus qui in pauperes charitate, in laboribus patientia, in tentationibus resistentia, in disputationibus humilitate non vitur, Deum ille gloriam rogat, sed ei assidere in iustitia non vult, se æquè gratis saluandum sibi persuadens, atque gratis crea-

tum. Eadem verba exponens sanctus Ambrosius, ait : Si dixisset simpliciter I E S V S Christus, *querite regnum Dei*, & non subiunxisset *iustitiam eius*, imaginari potuissimus preces sufficientes esse ad salutem sine ullis bonis operibus : sed cum utrumque coniunctum dixerit, patet non sufficere verbis coelestem gloriam rogare, ni una eademq; via bona quaedam offeramus opera.

Porro Dei minister, qui conscientiam suam sine peccati scrupulo, vitamque suam sine notabili macula conseruat, qui in Republica nulli incommodus viuit, qui in omnibus & per omnia sanctæ matris Ecclesiæ mandata obseruat, ille non solum Deum gloriam rogat, sed & iustitiam : quippe Dei famulus, qui sui Domini adimplet præceptum, per iustitiam ab eo exigere, quod ei pollicitus est potest. *Animas cum obulerit oblationem sacrificij Domino, simila erit eius oblatio* : fuit de quo super eam oleum, & ponet thus, inquit Dominus, (*Leuitic. 2.*) quasi diceret :

Dum

Dum quis mihi panis vel similæ sacrificium offert, in eo thus apponat, & oleo dulcius reddat. Secundū Cyrilli glossam per thus intelligitur sancta oratio, per oleum verò opus bonum: fit ut orationis nostræ sacrificiū tunc demum sit Deo acceptum, cū illud bonorum operū oleo miscemus. O quam multi sunt, qui Deo solum thus sine oleo in templo offerunt? hoc est, qui se salvandos sine bona vita putant? Posset quidem hoc Deus, sed necdum eum hoc fecisse legimus: licet enim pura gratia nobis suam gloriam conferat, non vult tamen nos extra gratiam suam esse. Ideoque eum in gratia esse dicere non possumus, qui se nunquam ad opus bonum agendum offert; sed qui summam ipsius duntaxat exaggerat misericordiam, aut quia quotidie fundit aliquam ad placitum orationem, credit certoque confidit se recta cælum petiturum, ad instar latronis cum I E S V Christo cruci affixi. Et verò latroni Deus offensas non ita temerè ignouit, quin prius in eo quædam magna opera præuidisset: comitatus est enim cum cæteris.

cæteris fugientibus, defendit cæteris
accusantibus, confessus est alijs negan-
tibus, eum eo mortuus cæteris perse-
quentibus: sic vt paucas fuderit preces,
& multa bona exercuerit opera. De-
cimo actuum Apostolorum capite An-
gelus Dei Cornelio dixit: *Exaudita est
oratio tua, & eleemosyna tua commemora-
ta sunt in conspectu Dei.* Innuens oratio-
nes ipse simul, & eleemosynas audi-
uisse Dominum Deum; ideoque ei sua
peccata ignouisse, eumque electorum
numero ascripsisse. Non sine my-
sterio in Cornelio neque elemosynam
solam, neque solam orationem laudat
Angelus, sed eum & pium, & in pau-
peres liberalem prædicat: sic vt secun-
dum Leuitici legem probus ille
Cornelius, Deo thus cum o-
leo offerret, simulque
oleum cum
thure.

*De Oratione Iesu Christi preceptum, &
Apostoli consilium, atque viri-
usque explicatio.*

CAPVT XL.

Oportet semper orare, & non deficere,
dicebat cap. 18. apud sanctū Lucam
IESVS. Christus, quasi clarius diceret:
Sedulo videre discipuli mei, ne in ora-
tionibus quas incipitis deficiatis, neve
in expostulationibus vestris, quas Deo
offertis timidi sitis: ita enim bonus
est Deus, vt sicuti à suis sibi inseruiri
vult, ita ab iisdem importunè, ac instan-
ter etiam rogari cupit. Hoc sanctum
profectò IESV. Christi verbum magni
facere debemus, eique ingentes agere
gratias ob summā nobis perpetuè eum
orandi, & quasi cum eo importunè a-
gendi, & assiduè rogandi citra vllam
ipsius offensionem datam licentiam.
Nunquam talis potestas, tale nunquam
priuilegium hoc in mundo vlli mortu-
lium concessum est: omnino siquidem
in mundo contrarium accidit: post
multa obsequia multosq; labores, nulla

merces præstatur: oratur sine exauditione clamatur sine responsione, toleratur extrema fere egestas, & nullus est qui credat. Dic quæso mihi, cur nobis non præcepit Christus, vt semper elemosinam erogaremus, semper ieiunaremus, peregrinaremur, disciplinas sumeremus? Cur præcepit vt sine intermissione oraremus? Nunquid ieiunium, elemosyna, disciplinæ non æquæ bonæ sunt virtutes, & à Dei famulis amandæ, atque oratio? Quod autem vnum imperet, & non aliud, hæc est ratio: nam si perpetuo ieiunaremus, debilitatem nobis accersiremus; si assidue elemosynas erogaremus, paupertatem; si semper peregrinaremur, fatigationem; si nunquam non abstinereamus, agritudinem: sed vt ab oratione & contemplatione abstineamus, nullam apud Deum possumus excusationem adferre. Vt ores & contempleris, non est tibi opus domo, non toga, non calceis, nõ pecunijs, sed sublimibus tantum & puris cogitationibus, quas omni loco & tẽpore habere poteris, si te huius mundi à tumultibus semouere velis.

Indi-

Indicio magno est nos multis abundare inimicis, omnique tempore ab ijs & vitijs tentari & torqueri, quandoquidem perpetuo orare, suæque tutelæ nos commendare velit Christus. Dic quæso mihi frater, quomodo in imposturas huiusque mundi deceptiones, in demonis malitias, in carnis misérias, in amicorum importunitates, & inimicorum caullationes prevalere possemus, nî nobis orationes & lachrymæ subsidio essent? Et quia quovis die immò quavis hora cogitatione, delectatione, omissione, consensu, visu, auditu, verbo, opere peccemus, nunquid iustum est, immò iustissimum quovis die, & quovis hora orare & plorare? Infirmi cùm simus, parum possumus, parum valeamus: vnde & hoc parum valeamus & possumus, nî ad orationem & pietatem recurramus? Non conqueruntur membra tua de multis peccatis quæ committunt; quod vel vnicâ hora orationibus vacent conqueruntur. Dolendum est, videre homines tērationibus oppressos, quorū remediū præcipuū est conqueri, non autē orare: sæpius

sapius enim Dominum magis irritant querelæ, quam placent. *Ad Dominum cum tribularer clamaui & exaudiuit me.* (Psal. 19.) aiebat sanctus ille Propheta Dauid, quasi diceret: In bellis quæ in Philistæos suscepi, in inimicorum persecutionibus, quia neque conquestus neque de villo me vltus sum, nō me solū exaudiuit Dominus, sed & auxilio fuit & consolationi. Regi Ezechix tristem nūcium apportans Propheta Isaias, vt disponderet domū suā, eo quod breui esset moriturus, nihil nisi plorauit & toto animo preces fudit bonus ille Rex: quæ oratio promptissimè aded à Deo exaudita est, vt necdum domo egressus Propheta, ei vitā prolōgarit. Super hæc Iesu Christi verba nempe oportet semper orare scribens S. Hieronimus inquit: Deus nullis nisi fortibus & robustis peregrinationes præcepit, nullis ieiunia nisi bene habentibus: nullis eleemosinas nisi diuitibus: sed omnibus nemine excepto præcepit orare & contemplari. ideoque nullus ab oratione desinere debet, eo quod non possit, sed potius quod nolit, Nullus sine oculis videre

X

potest,

potest nullus sine pedib. incedere, nullus sine lingua loqui: sed nullus est qui orationibus & contemplationibus vacare non possit: illegitima & calua quæ præ tenditur excusatio est. Nunquid quæso cæcus, claudus, orare & contemplari æquæ potest, atque videns & integer? Ionas Propheta in profundo maris balæneque visceribus ubi non loqui vixque spirare poterat vitiorum suorum veniam rogans, nunquid exauditus est? (Ion. 2.) Honestus & probus ille Tobias, hirsutinis ex stercore oculis priuatus, nunquid à Deo exauditus est? nunquid & suarum lachrimarum Deus misertus est? (Tob. 2. & 11.) Magnus ille Moyfes balbus & ad loquendum tardus erat, ideo ne ab orationibus abstinebat, ideo ne non exaudiebatur? Quamuis mancus & claudus foret ille sanctus Patriarcha Jacob, ideo ne preces suas Deo non offerebat? nunquid eius orationes Deo acceptæ fuerunt? Miser ille homo prope Hiericho, ideo ne non est exauditus quod cæcus esset? (Marc. 10.) Latro qui cum Christo crucifixus erat, nonne auditus est, nonne veniam consequutus est, licet clauis confusus foret? (Luc. 23.)

Nun-

Nunquid & Lia sancta illa matrona exaudita à Deo fuit licet ægra & lippa foret: (*Gen. 29.*) Vir ille prope Capharnaû æger, nunquid sanatus & purgatus est, quanquam scabiosus & leprosus foret? *Matt. 8. Mar. 1. Lu. 5.* Vides frater Dominû Deû equè claudos, cæcos, vlcerosos & leprosos, atq; omnibus suis membris bene sanos sanare. Dominû Deû pluris nostra desideria quâ mēbra facere. Merito cerrè nos perpetuo orare, & nunq̃ ab oratiōe desistere vult Dei filius, quādoquidem. n. ratio sit bonorû cōsolatio & medium quo suæ vitæ medētur mali.

Apostolus Paulus Theſſalonicenſibus ſcribens *cap. 5.* inquit, *Orate sine intermissione*, quasi diceret: Licet quidem vobis inter ieiunium & ieiunium, inter cōfessionem & confessionem, & inter cōmunionē & communionē interuallum ponere, sed assidue orationi & cōtēplationi debetis vacare: facilius etenim sine cibo cōsisteret corpus, quā Dei gratia in anima sine oratione. Hoc verbû durû & asperum his qui bonis moribus non sūt imbuti videbitur, sed leue est & dulce bone rectæque cōscientiæ viris: bona n. opera magis terrēt faciēda q̃ facta. Ne

credas frater orationis perfectionem in pulchra corporis compositione, in Ecclesiæ frequentatione, in genuum flexione, in eleuatione & manuum iunctione, in deuotionibus, & in orationibus pro defunctis consistere. Rectè quidem facit, qui animum suum in ista orandi methodo excolit, non tamen quotidie, sed festis solum diebus hoc agere tenetur. Ille sine intermissione orat qui zenodochia frequentat, qui ægris inferuit, qui proximo est auxilio, qui dies festos colit, & qui nulla transgreditur mandata: vt verè enim loquar, ille sine intermissione orat, qui nunquam benè agere cessat. Dei famulus sine intermissione orat, qui nunquam est otiosus: ille enim pie orat, qui honestè operatur & sanctè. Ille semper orat qui neque pigritia, neq; alio quouis modo vllum omittit opus bonum. Quod euidenter apparet in illo, qui tam multa confert, vt ei nihil superfit, & qui ad fatigationem vsque operatur. Tali in casu credendum est Dominum Deum, bonum opus quod agis & quod acturus es in bonam sumere partem. Ad hæc

Apo-

Apostoli verba dicit S. Ans. quod ille sine intermissione orat qui quouis die notabile quoddā Deo præstat obsequium, ille quouis die Domino notabile præstat obsequium, qui proximi sui sine Euāgelij transgressione vtilitati studet. ille verò ab oratione non desistit, qui semper sancta appetit, & pariter ille qui nunquam à Dei sui amore est alienus: pluris enim nostrū in se studium facit Deus, quam nostra obsequia ipsi præstare. Crēde mihi certoque confide, ille semper orat, qui semper amat: ille nunquam ab amore abstinet, qui ab oratione non abstinet. nam parum admodū profunt orationes & supplicationes ei, qui Deum toto corde non amat. Non ita siquidem nostræ orationis verba respicit Dominus, sicuti amoris viscera quibus illa offerimus. Ille Deum sine intermissione orat, qui Deo inservire, eique gratias tum ob redemptionem, tum ob quotidianam manu omnipotentis suæ procedentem sustentationē agere non cessat. Domino enim magis deuincimur ob correctionē & refractionem qua in nos vtitur, quam ob

peccatorum nostrorum veniam. Ille si-
ne intermissione orat, qui æquè Deo
gratias agit in aduersitate, quàm in prof-
peritate; in sanitate, quàm in infirmita-
te; in tristitia, quàm in hilaritate; in pau-
peritate, quàm in diuitijs: ille proinde
semper orat, qui se diuinæ subdit volū-
tati. Hactenus S. Anselmus.

*Quod Dei famulus probus & pius esse
non possit nisi prius à malitia
sua recedat.*

CAPVT XLI.

Quis volens turrim ædificare, non prius
sedens computat sumptus necessarios ad
perficiendum illam? Redemptoris nostri
apud S. Lucam verba sunt, docentis
volentem altam ædificare turrim, vel
superbum quoddam propugnaculum,
prius honorū suorū valorē, crumenæ-
que lātitudinē metiri, vt sciat nū ab in-
cepto ei desistendum non sit. Causa fi-
nisque horū verborū à Christo prola-
torū hæc fuit, vt in omniū actionū no-
strarū initio, primò illarū finem respi-
ceremus. inconsideratē enim quidpiam
agendo oleum perditur & opera, fides-
que & honos periculo exponitur. Pug-
nat.

nāis finis est victoria, nauigāris portus.
finis negotium quod aggredientis hic
debet esse, scilicet virtutis alicuius con-
secutio: quæcunque enim in malum fi-
nem directa sunt, licet bonū habuerint
initium, tandem malum sortiuntur ex-
itum. Hic serio notandum, quod Chri-
stus non solum dicat cogitasse & com-
putasse eum qui turrim ædificare vole-
bat, sed sedisse, vt diu secum perpende-
ret, possetne opus suum in felicem finē
deducere. Insinuans magna opus esse
cautela & examine in ijs quæ conscien-
tiam & honorem tangunt, antequam ijs
manus apponatur: in negotijs enim, pe-
riculum non in eo quod quis ea ordiri
audeat consistit, sed in hoc quod eadem
peragere non possit. Porro Christus ho-
minem secum computantem quid pos-
sit antequam sua desideria inchoet lau-
dans, à contrario eum qui aliqd incipit
non preuisa sua potētia redarguit. Hinc
multi sui capitis homines nonnulla ag-
grediētur nullo prius sumpto consilio;
vnde vt post extricentur bono egēt cō-
silio & remedio. Hic pariter tēporalis &
spiritualis ædificij notanda est diffe-
rentia: Vt enim mihi ipsi domum

construam, primo pecunia est congreganda: è contra, vt in anima mea ædificem, illa eadem est effundenda. vsque adeò mundana congregatione crescūt, spiritualia autē non nisi dispersione. *Dispersit dedit pauperibus, iustitia eius manet in seculum seculi.* dicebat regius ille Propheta de homine probò agēs, quasi diceret: Ideò iustitia eius firma in seculū seculi permanebit, quod bona sua pauperibus & mendicis disperferit & erogarit. Quid aliquid mundo elargitur, illud perdit. sed qui egenis, dat ad vsum, adeo. n. sublimis meriti est elemosina, vt danti vrilior sit quam accipienti. Non sine mysterio, nō ex rebus humilibus, & terrā legentibus, vt pariete, cubiculo vel tugurio cōparationē suā desūpsit Christus, sed ex turri & ppugnaculo q̄ altū est. Docēs scientiā & prudentiā nobis ab ipso collatā, nō debere nos huius mūdi humilibus impendere reb⁹, sed sublimib⁹ in cœlū deducētib⁹.

Si S. Augustino fidem adhibeamus, turris alta de qua loquitur Christus nihil aliud est quam orationis sublimitas & contemplationis magnitudo: cuius

vir.

virtutis potentia, esse humanum deferimus, & supra Angelorum sedes conscendimus. Vuas collecturus plantauit vineā paterfamilias, torcular quo veniale conficeret vinum construxit, turrimque ædificauit in qua fructus asseruaret. (Mat. 21.) Rem acu tetigit S. Ioan. Chrysoſt. dum vineā Eccleſiam in qua credimus eſſe dixit, torcular que conſcientiam noſtram, & turrim orationē in qua nos exercemus, intra cuius cardines nos à demonis tuemur inſidijs, & in cuius confidentia noſtrum collocamus theſaurū. Omnis felicitas finaleq; famuli Dei bonū in cordis puritate & orationis perſeuerantia cōſiſtit: oratio enim quæ turris eſt qua in cœlū conſcēdimus nō de mortuis erecta eſt lapidibus, ſed lachrimis viujs. Nullus in hoc adeo ſublimi ædificio ædificare poteſt, ni dulcis & benignus in ſuis actionibus conetur euadere, ni in laboribus patiens in lingua tēperans, in vita modeſtus, in corpore caſtus, & in proximos charitate vtens: ita .n. inter ſe cōnexæ ſunt virtutes, vt ab inuicem ſeparari nō poſſint. Et hac præeminentia & priuilegio ſoli

fruuntur boni: in malis id nō extēditur. Vt. n. quis in virtū vitiosū euadat, vnico ei opus est vitio, sed in virum probum euadere volenti omnes necessariae sunt virtutes. Si vis ad vitam ingredi, serua mādata, dicebat Christus adoleseētī (Matt. 19.) quasi diceret: Vt bonus euadas Christianus verusque fias discipulus, non sufficit si vñ obserues mandatū, ut reliquam Decalogi obserues partem: aded enim magnæ perfectionis est vita Evangelica, vt nullum patiatur peccatū, neq; vllam maculam. Alio in loco dicitur (Iacob. 2.) Qui in vno offenderit, factus est omnium reus, hoc est, qui vnum mandatorum transgreditur, sciat se omnia transgressum. vnius enim transgressio ē domino puniri meretur, & ab hominib. infamia affici. Hiscē Iesu Christi duab⁹ rationibus sat superq; probauī, vel vniciū solū vitiū magno nobis esse nocumēto, parumq; vnā prodesse virtute. aduersarius enim noster diabol⁹ vnico solo in animam nostrā aditu contētus est: Iesus Christus autē nō nisi omnibus aditibus.

Decet quoq; & maxime necessarium est (vt hac iustum sumat augmentum spiritualis turris) animā nostrā antiquis

spoliare vestimentis, vt alijs honestioribus ornetur: secus. in praposterè ædificiū inciperetur, à tecto videlicet, nulla fundamēti habita ratione. Ille à tecto ædificiū incipit, qui post multos annos in peccatis transactos, exiguo vult tēpore pfectus & contēplatiuus euadere, quod in vita spiritali nullo fieri modo accidereq̃ potest. Sicuti in mundo quod magni estimatur, magni in pretio est, sic in spiritalib. nullus perfectionis culmē pertingere potest, nī conditionē mutet. Quæadmodū Chyrurgus putridā prius resecat carnē, vt eius loco noua succrescat, & hortulan⁹ vrticas euellit, vt nouas plantet plātas: ita q̃ perfectus fieri cupit, debet ante omnia se mūdānis passionibus & affectionib⁹ spoliare. passionibus enim siue affectionibus homo plenus, nullo modo valet contēplatiuus fieri.

N Animus cui affectio siue passio dominatur, licet cogitet & cōtempletur, spiritalia tñ cogitare & meditari non pōt, sed hoc tantum, quomodo suis sit fruiturus desiderijs, aut iniuriā vlturus. Et vt verè loquar, malim lōgè te cōficiendis lateribus, aut calce insudantē videre, q̃ similibus addictū leuitatibus. Perdā nomē Ba-

bylonis & reliquias & germen & progeni-
 em, & ponam eam paludes aquarū in quie-
 bat Isa. Prophe. ca. 14. quasi diceret: Ve-
 nient dies in quibus ē terra Babylonis
 nomen in æternum non audiendum
 delebo, eius reliquias destruiam; radi-
 cesque eius euellam, omnem progeniē
 eius perdam, eam locum aquarum
 efficiam. In scripturis sacris illud Baby-
 lonis nomen semper infame est & in
 malam sumitur partem: ideoque per
 illud omnis dissolutus intelligitur ho-
 mo, prauusque ac pertinax animus, quē
 ad conuersionem inuitat Dominus,
 alioquin ei nihil minus cogitanti cor-
 rectionem minatur. Ille Babylonis no-
 men retinet, qui vitam præteritam
 corrigere non vult, quique in omnibus
 suis actionibus propriæ atque iescit vo-
 luntati. Per Ieremiam Prophetam cap.
 51. de huiusmodi viro loquens Domi-
 nus dicit: curauimus Babylonem & non est
 sanata: derelinquamus eam. O quam
 multis idem posset obijci? In quantos
 hæc posset dirigi sententia, qui sine ti-
 more & pudore æquē temerē peccare
 audent, atque bibere & edere? Ille Baby-
 lonis

lonis ciuis est & accola, qui superbus &
indomitus est, qui animum inuidia fau-
cium habet, qui impatiens & iracundus
est, qui insatiabiliter auarus est: quot-
quot enim tales sunt, fronte carent,
& conscientiam tanto callo obductam
habent, vt fidei inter homines per-
ditæ eos non pudeat, neque infernum
ipsis simul cum peruersis spiritibus
præparatum expauescant. O bone
lesu, ô animæ meæ amor, ô quam felix
forem, si à me hoc infame Babylonis
nomen delectes, quandoquidem me
iam tuum futurum promiserim & iu-
rarim, tamen neque tuus neque meus
sim, sed mundo velut vile mancipium
inseruiam. Equidem donec à me om-
nem deletam superbiam, eradicatam
inuidiam, & iracundiam extinctam,
auaritiam eiectam, in meque luxuriam
refrigescentem non videro, non cre-
dam Babylonis illud nomen indele-
tum. Quamdiu enim isti ad eò peruer-
so populo conciuis sum, à te Domine
separabor, & à me ipso alienus ero.
Nequeo à Babilone recedere, ni prius
à peccatis meis recessero: quoties enim

pecco, toties me Babylonicum reddo
ciuem: & hoc habeo inde priuilegij, ut
quicquid velim agam, non autē quod
mei muneris est. Iurat & protestatur pa-
riter Dominus se omnes reliquias, quas
Babylonica in vrbe reperiet destructu-
rum, malas videlicet consuetudines,
mundanas actiones, inutilia exercitia;
leuia verba & cōuersationes seculares.
Quæ omnia reliquię sunt, quas à Baby-
lone detulimus, quæ maxime vitæ mo-
nasticæ repugnantes sunt & contrariæ.
¶ Tunc Babylonis reliquias retinet reli-
gius, dum in suis verbis perversus
est, in risu imprudens, in visu leuis, in
cibo gulosus, in vestibus curiosus. in
conuersatione inquietus. Ille Babylo-
nis reliquias gestat, qui in laboribus
impatiens est, Prælati inobediens, in
fratres superbus, in labore piger, le-
uitatis amans, & quod omnium gra-
uissimū est, in tentationibus mollis &
pusillanimis, in orationibus frigidus.
Ille pariter Babylonis reliquias habet,
qui in Monasterio nunquam est quie-
tus, vagus deambulabat, diuinorum
officiorum est inimicus; qui huius
mundi

mundi vacat rebus, verba sancta & honesta non profert. neque lectioni, nec orationi studet. Ille similiter Babylonis reliquias afferuat, qui in agro charitate non utitur, pacem cum fratribus non colit, duabus utitur tunicis & vestimentis; qui sibi conseruat pecunias, nihil nisi suas voluptates cogitat, quique semper in proximum obmurmurat. Quin & Babylonis reliquias referuat religiosus, qui liberè & voluptuosè vivere quærit, qui vult sibi gratiam præ alijs fieri, singulariter supportari, qui cæteris omnib. præferri, & qui pro delicto nullam vult pati correctionem. Babylonis quoq; reliquias retinet religiosus, qui benè sua nō dirigit verba, qui in suis agendi ritibus humilis non est, qui in cibo non est sobrius, in suis actionibus patiens, in dictis castus, in promissis constans: deniq; qui in se ex vita monastica nihil nisi habitum, & cucullam retinet. En fratres maledictæ Babylonis reliquix, quas deleri & ab animo nostro auelli vult Dominus Deus. Nunquid scriptū est (Exod. 16.) Israelitis datum non fuisse manna,

nisi

nisi omni Aegypti consumpta farina? Misitne quæso ex Iudæa Propheta Danieli leonibus exposito cibum Dominus priusquam Babylonicum consumpsisset panem? (*Dan. 14.* Audiuitne viduam illam in Sarepta Sidoniorū, ei eiusq; familiæ missurus Heliam, priusquam omnē suum oleum omnemque domus suæ farinam consumpsisset? Quinque hominum millibus in deserto quinque panibus & duobus piscibus saturatis, Dominus cibum præbuit, quando eo carebant & vnde haberent ignorabant. Ejce frater omnes Babylonis reliquias omnemque mundanæ conuersationis farinam; ita enim delicata est consolatio diuina, vt aliā secum non patiat. Dic quæso mihi cur quauis sapius horas librosque tuos legas, & Prælati obediās, ieiunia obserues, pacem cum fratribus serues, hisce omnibustamen in sanctis exercitijs tristis & anxius viuas? respondeo & dico frater, te nonnullas adhuc Babylonis reliquias retinere, quasi dentis putridam radicem, siue quod tibi horrore sit habitus, vel quod doleas mundum deseruisse.

ruisse. Crede proinde & nullatenus dubites te semper in religione tristem viturum, donec mundana à te desideria expuleris.

In vite solitarię libro dicitur, famulū Dei non solum vana desideria, sed & omnes leues mundi cogitationes deferere debere, vt contemplationis culmen attingat, perfectionisque callem: impossibile enim est animum non expetere ea quę interdum cum gaudio cogitauit. Dicit Ioannes Climachus Abbas, dum in Thebaidis eremo nouitius essem, & suadebat sanctissimus Abbas Macarius mihi ad pietatem in Monasterio fouendam, vt procul à me omnes iocos, lusus, risus, omnesque quibus iuuenes addicti sunt, ijs multum temporis insumentes, expellerem: eo quod (vt inquit) ea quę animam concernunt; iocos non pariantur. In libro de consideratione dicit S. Bernardus, Qui contemplatiuus euadere cupit, debet imprimis ab animo suo omnia mundana euellere: obmurmuratio enim & contēplatio, grauitas & leuitas, inuidia & charitas, liberalitas & auaritia, passio

passio & deuotio ita inter se contraria sunt, vt et si ea quis pro tempore dissimulare possit, diu tamē ea nequeat cōseruare. In suis mediationibus dicit S. Anselmus: cum diuina contemplatio, heroica animæ sit extasis an alienatio, necessarium est religioso supra se conscendere volenti, à se ipso alienum esse. quo plus Dei famulus ab eo quod est se separat, eo magis ad id quod non est, se extollit. Verba sunt delicata & sublimia quæ à solis perfectis intelligētur: ego. n. multique mei similes, frigidi & molles, sublimia hæc loqui & tractare possumus sed gustare ea non meremur.

De quatuor orationum differentijs quas adfert Apostolus: exponitur eius sententia, & multa notabiles adferuntur figura.

CAPVT XXXXII.

Obscuro igitur primum omnium fieri obsecrationes, orationes, postulationes gratiarū actiones, dicebat Apostolus Timotheo

theo scribēs, quasi diceret: Te rogo Timothee frater, vt antea omnia quouis die Domino obsecrationes, orationes, supplicationes, & gratiarum actiones offeras. certus sū enim tuā semper exaudiendam orationem, si hanc orando obserues regulam & ordinem. Non sine mysterio hic suadet Apostolus, vt omnia nostra orando, supplicando & contemplando incipiamus, dirigamus & finiamus. Qua ex doctrina sequitur, nihil feliciter finiri posse nisi in nomine Domini inceptum sit. Ideo sancta mater Ecclesia spiritu sancto afflata, suarum horarum initio dicit, *Deus in adiutorium meum intende, Domine ad adiuuandum me festina*, quasi diceret: Mihi auxilio sis Domine, vt exequar quod volo, verba mea attēde: insuper rogo & obsecro vt ad adiuuandum me festines, quando quidem persequi festinent me inimici mei: Porro non soli Ecclesie nostrae sancti, sed & omnes antiquae Synagoge Patres orabant, & in terram se pestilentiae bellique tempore prosternebāt: ita vt sublimitas & orationis perfectio, tempore Synagoge initiū superserit, & in hūc diē
in Ec-

Ecclesia perseverarit. Dic quaeso mihi, nunquid non nata in periculo, dux in belli prociuitu, æger à medicis desertus, latro sub patibuli furca Deum auxilium rogât, antequam villo alio vtantur remedio? Afflictus homo, & cor contritum, quid aliud quam lachrimetur? Quid melius quam Deum oret, eiusque se gratiæ commendet? Fertur, Abbatem Arsenium sapius dixisse, Christianum in prosperitate constitutum Deum non orantem, nec in aduersitate se eidem commendantem, hanc vitam non posse sine labore transigere, neque mortem expectare sine periculo. Sine enim Dei nominis inuocatione, non solum loqui non possumus, sed vix respirare. Sancta illa Judith Deum antequam *Bethulia* egrederetur, Holoferni que caput amputaret, orauit: prostrata enim in terram, creatorem orauit antequam gladio manum adiuueret. Sanctus ille Rex Dáuid nunquam vllum aggressus est bellum quin prius orasset, neque vlla vnquam potitus sit victoria, quin Dei gratiæ se commendasset. Propterea autem quod magis
ora-

orationibus quam armis dimicaret, ideo Philistæi in ipsum nihil vnquam potuerunt, neque Saul. Fama est magnum illum Iudam Machabæum nunquam inimicorum sanguinẽ fudisse, nisi magna prius orationum & lachrimarum copia fusa, & verò cum his id ipsum omisisset, semel in Regem Antiochum, alias in Alchimum decertans, in primo certamine superatus est, in alio mortem subiit. In magnum Barbarorum numerũ præliaturus bonus ille Rex Iosaphat, pluris fecit orationes, & lachrimas, quàm scutum & lanceas. Nūquid omnibus est notum, summam illam Dei bonitatem cuius sequimur vestigia, & sub cuius doctrina arma gerimus, ante Apostolorum electionem, in monte orasse, suamque animam in cruce cum orationibus exhalasse, his verbis: *In manus tuas commendo spiritum meum*. Certo certius nobis credendum est, Apostolum ita serio orationes commendaturum non fuisse, nisi si illæ adeò necessariæ essent: nec lesus Christum suam Ecclesiam ab orationibus exorsurum, neque in illis hac vita defunctum. Porro cum Dominus noster,

fier, ne vel vnā vnq̃ omiserit virtutem,
 quā & verbis nos nō docuerit, præcipue
 tamen orationem coluit, eamque nobis
 maxime cōmendauit. Dic precor, cur
 suo Timotheo non suadet Apostolus
 vt perfectionis iter eleemosynis, ieiunij,
 multis peregrinationibus, magnis
 corporis disciplinis ingreditur?
 Sed vt ante omnia oret? & nunquam
 ab orationibus abstineat? Respondeo,
 inultos in viros probos sine ieiunio, peregrinatione, corporis castigatione euadere posse, sed nullo modo sine oratione mentali aut vocali: perfecta enim oratio, est Dei Patris vnici Domini nostri, & eiusdem filij dilecti generalis redemptoris confessio. **N** B Quod
 indicat Apostolus ante omnia orandum
 & supplicandum esse, innuit signo crucis,
 facis, frontē & os signādo nos Deo commendandos esse, in decumbendo, surgendo, edendo, ieiunando, dormiendo, vigilando, tacendo, & operando.
 quoties enim oramus, quoties Dei meminimus, & suæ nos gratiæ commendamus. Sed cur quatuor orationis generapōnit Apostolus, scilicet obsecrationes, orationes, expostulationes, & gratia.

gratiarum actiones, quandoquidem de
fide sit in sacra scriptura, nec litteram
vnā, aut apicem vnū esse superfluum.
Respondeo, licet orans vnus solus sit,
& ille ad quem orationes dirigit solus,
non ideo tamē vna sola est oratio: qua-
lis enim est vniuscuiusque, in quo ora-
mus status, tales sunt quas facimus ora-
tiones. Suo modo orat iustus, alio pec-
cator: suo tristis, alio hilaris: suo sanus,
alio ager: suo qui in prosperitate est, a-
lio qui in aduersitate. Ideoque diuinus
ille Paul. diuersas ponit orationes, quod
diuersæ sint hominū conditiones. Sed
de quouis verbo aliquid differamus,
vnde Apostoli nobis hanc orādī formā
præbentis intētio apparebit, quæ vt opi-
nor à multi laudatur, & à paucis intel-
ligitur. Deum obsecramus, dū nostro-
rum veniā rogamus peccatorum: quæ
venia nobis ante omnia roganda est,
quamque consequi conari debemus:
ni enim cum Domino in gratiam redi-
erimus, nunquam exaudiemur. Deum
proprie oramus, dum voto & iuramē-
to quidpiam Domino promittimus,
quod votum vt iuste vouemus, ita
iniuste voto & promissis non stamus.

Cum

Cum enim omnia quæ in hoc mundo possidemus nobis contulerit Deus, si quid ei erogamus, certum est illud ab ipso emanare. Dicit S. Augustinus, Quid habes quod tibi non contulerit? Quid ei contulisti, quod prius ab ipso non acceperis? Da, quando quidem tibi datum sit, offer, quando quidem dotatus & ditatus sis, ne in eum qui tibi liberalis addidit, illiberalis sis. nam in ijs quæ tibi confert quod tibi reserues satis est, & satis quod ei iterum refundas. **3** Proprie postulamus, dum pro amicis & inimicis, parentibus, affinibus, magnis & parvis, viuis & defunctis Deum oramus, ut peccatoribus peccata remittat, & iustos in gratia confirmet. Hac orandi forma utebatur Apostolus Romanis, Corinthijs, Ephesijs, & Thessalonicensibus scribens, pro quibus frequenter & magno lachrimarum imbore orabat ut eos ad fidei agnitionem & ad salutis portum perduceret. **4** Actionum gratias agit Dei famulus, dum abunde Deo gratias agit, & ei quædam præstat obsequia ob creationem, redemptionem, & amoris & gratiæ reconciliationem, Quorum be-

neficiorum minimum ita magnum est,
 vt licet ea lingua extollere valeamus,
 nobis tamen vires defint quibus ijs dig-
 nas valeamus referre gratias. Non sine
 mysterio quatuor orationis & contem-
 plationis genera assignauit Apostolus,
 ab obsecratione enim oritur contritio,
 ab oratione promissum, à postulatione
 charitas, à gratiarum actione cognitio,
 quā nos Deo vt sibi deuinctos offeri-
 mus, quamuis ijs omnibus quę ei debe-
 mus satisfacere nullo modo possimus.
 Hęc ergo quatuor orationum genera
 nō solum strictē nobis obseruanda sūt,
 sed ne quidem in earum stilo & ordine
 aberrandum, quando quidem diuinus
 ille Paulus, diuina in scola edoctus hanc
 sanctam nobis regulam & ordinem re-
 linquere voluerit.

*De notabilibus & excellentibus quibusdam
 dictis sanctorum de oratione
 & eius gustu.*

CAPVT XLIII.

NArrat Cassianus Abbas Abbatem
 Antonium tam diu vigilasse, vt ne-

Y

ctem

etiam sine vlla quiescere in orationibus transigeret; mirificeque sole viso conquestum hoc modo fuisse. O sol, sol, cur mihi adeo grauis es, quod tuum adeo maturè mihi præbeas lumen? illo enim tuo exiguo lumine me magno illo lumine & qua fruebar dulcedine priuas. Ignoras o sol orationis lumen, intellectum illuminans, longè tuis radijs solaribus quibus mundum illuminas maius esse? Patere ergo o sol, patere me orare meque contemplari, & delicijs meis cum Deo meo frui: nam multo clarius videt in vmbra contemplans anima, quam dum tuos cernunt radios oculi mei.

Idem Antonius Abbas à quodam senè & sancto religioso interrogatus, quid in oratione & contemplatione perciperet, quod ita diu in oratione peristeret, & ita serio in solem colluctaretur, respondit. Qui me hæc rogas, de hisquē dubitas, mundi adhuc reliquias tecum geris, parumque in eremo profecisti. Scias enim velim si nescieris, monachum non posse se perfectum suamque orationem perfectam dicere, si
in se

in se quod orat non percipiat. Nescis illos solos perfectos esse, extasinq; pati, qui has diuinas delicias hosq; coelestes rores consequi & gustare merentur? Nunc ergo scito, in perfectione orare, & in contemplatione gustare, rem adeo excessiuam esse, adeoq; sublime officiu, vt solum animus nil proprium habens, ad illud conscendere valeat. Nunquam frater contemplationem cognoui, nisi dum mei ipsius curam neglexi: meque ipsum a me ipso expulens, statim in oratione suauem concepi gustum. Dum orare contemplariq; incipio, naturali valeo iudicio, sed dū orationē ingredi- or in contemplationē erigor, adeo sublimia sunt mysteria, vt naturale iudiciū superet anima mea: adeo enim magnæ & ineffabiles sunt consolationes, vt gustari quidem possint, sed non enarrari. Diuinis secretis & mysterijs mundo incognitis visis, fatetur (*Act. 9. & 1. Corinth. 12.*) Apostolus Paulus se ignorasse, num intra an extra se esset, numque in spiritu solum, an in corpore & spiritu simul raptus esset. Solem ergo obiurgo, & cum eo

contendo, quod mane me inopinum
præueniat, eremi enim asperitas, lumi-
nis priuatio, hominū quies, profundum
noctis silentium, me distrahi non pati-
untur, sed ad contemplationem inui-
tant: ideo mihi diei lumen graue est,
quod cōtemplationem deferere, & ne-
gotijs cogar intendere. Hactenus S.
Antonius.

In vita Patrum Abbati Panucio qui-
dam dixit Monachus: Dic mihi bene-
dicte Pater, quid agam qui meis oratio-
nibus attentus esse non possum? Senex
respōdit: diabolus fili nobis oratorium
ingredientibus omnes nostri cordis cō-
ceptiones & propositiones obiectat, vt
capita nō reperiamus, nec quæ sita con-
sequamur: ideoque te talem ante ora-
tionem habe, qualis orans haberi vis. Si
oraturus cum superbia accedas, nihil
nisi honorum fastum ambies: si cum
ira, nihil nisi vindictam quæres: si cum
gula, cibos; si cum luxuria, voluptates;
si cum inuidia, aliorum necem. adeoq;
si in oratione negotijs onustus sis, nihil
nisi eorum expeditionem procurabis.
Parui interest, si de nocte aut de die, si
erectus

erectus aut flexis genib⁹, si domi aut foris ores, interest tantū vt cū humilitate ores, animoq; sis libero; vanitate enim occupato animo, graue admodum est oratorium ingredi. Dei filius summa illa bonitas se prius suis spoliavit vestimentis, quā Iordanis aquis baptizatus est, quā montem oraturus ascendit, & priusquam in diabolum contenderet, (Matth. 3.) Quibus innuebat ad perfectionis culmen pertingendum, & contemplationem gustādum, nos inprimis nostra libertate esse spoliandos, & omni nostra malitia purgandos. S. Augustinus in concione quam ad Eremitas habuit, inquit: Vt Domino accepta sit oratio, debet à mundo, & non peruerso oriri animo, debet esse magna, vt toti profit mundo; constans, vt in finem perseveret; feruens, vt meritorea sit; discreta, vt quid exigat non ignoret: omne enim quod iniuste petitur, denegatur. Dicit in sanctum Mattheum S. Hieronymus: Licet in oratione fatigeris, vide ne ab ea abstineas, & si statim non exaudiaris ne cōqueraris: nō est enim exaudita Cananea, nisi post

multam lachrymarum effusionē. Non est etiam exauditus Dauid, nisi viginti & vno die elapsis. non enim nos in orationibus nostris breues esse vult Dominus noster, quando quidem liberaliter nobis sua dona impetratur.

Super hæc Psalmistæ verba: *Iustus semper misericors est & liberalis*, dicit glossa, quod ille, quod det semper habeat, qui ab orationibus non cessat. *Nullum enim in mundo sublimius eleemosynæ genus, quam oratio pro alicuius salute.* Insuper addit, illum longè plus mereri, imò nos ei magis deuinciri, qui nostræ saluationi suis orationib⁹ inuigilat, quàm ei qui suo argento nobis victum procurat. Super huius psalmi verba scilicet, *Intret oratio mea in conspectu tuo*, dicit hoc modo S. Gregorius, Ponderandum serio est, quod Dominum non roget Propheta vt sua acceptet ieiunia, sed orationes. ratio est, quia oratio terra firmior sit, aëre leuior, igne feruētior, sole lucidior, auro vttilior, cœlo altior. omnem enim humanū superat intellectum, & angelorū transcendit choros. In sua regula dicit sanctus Basilius, orationis virtutem

tutem non solum esse quidpiam corpori utile, sed & honestum: quamuis enim apud plerosque nobiles sit terram arare, & eandem fodere, quid inhonestum & pudendum, non tamen idem de oratione & contemplatione censendum est. [¶] Rogatus Isaac Abbas quæ esset differentia inter orationem, ieiunium & eleemosynam, dixit: bonum esse eleemosynam erogare, & sanctum ieiunijs vacare: sed orationi, bonum, sanctum & benedictum esse. bonum est orationi inuigilare, propterea quod nos tranquillos reddat oratio. sanctum, quod nos sanctificet. benedictum, quod nos iustificet. Dic precor, nî primo tranquilla sit anima tua, nî lachrymis sanctificetur, nî contemplatione iustificetur, quomodo resipiscere teque gloria fruiturum sperare poteris? Quod ad eleemosynam spectat, illa solos proximos tangit, nempe pauperes: ieiuniû, corpus dîtaxat, castigat: oratio aut cum eo qui supra nos est agit, cum summo Deo nimirum, in cuius præsentia omnes nostræ offeruntur orationes & lachrymæ. Hæc Abbas Isaac. In librum Numerorum dicit Origenes.

Nullus miretur Israelitas victoria potitos, Moysis manibus ad preces erectis: illa eadem potitum Amalech, illis demissis. Sanctus enim vir orans pluris est, quam integer exercitus dimicans. Idem Origenes eodē in loco amplius refert: Cur quæso miramini istam orationem tantos superare inimicos, cum tantæ virtutis sit ut cælos penetret? Super hac re dicit S. Ambrosius. Quæ virtus orationem superat? Omni sætate tempore illam robustam esse, & ubique locorum prodesse, eamque in omni statu locum reperire, dummodo practiceretur. Dic quæso, quid impedit quo minus æque in hieme atque in æstate, tempore sereno atque humido, sanus atque æger, iuuenis atque senex, ambulans atque quiescens oras? Debet in super Christianus magni hoc sublime officium pendere, quando quidem nihil illum quo minus in eo se exerceat impediatur: & si forsitan in eo nihil proficiat, suam frigidam accuset voluntatem, non autem impotentiam.

Caput XLIV.

DE magna obedientia excellentia, & quod
sit antiquissima virtus, sicuti au-
thoritatibus & sacre scriptu-
re figuris probatur.

CAPVT XLIV.

EX omniligno paradisi comede: deligno
autem scientie boni & maline comedas
dicebat Dominus Deus patri nostro A-
dam, quasi diceret: Liberè o Adam co-
medere, & vltro omnibus arboribus
creatis omnibusque paradisi terrestris
fructibus vti poteris, excepto vnus ar-
boris fructu quem mihi reseruau: qua-
cunque enim hora ex eo comederis,
mortem gustabis. Quod aded Adæ de-
lictum Deo displicuerit, ratio fuit, quod
lex mandatumque datum exiguum fo-
ret. Apud Deum enim & homines ille
multo magis puniri meretur, qui mag-
nam non habet peccandi ansam. Si v-
nam arborem vel illius fructus dun-
taxat edendos ei obrulisset Deus, si eu-
ti omnes omnium arborum fructus
excepto vnus arboris fructus otulerat,
profecto multo tolerabilibus fuisset

Ad peccatum, licet nulla ratione compulsius peccasset: sed quandoquidem ei tanta contulisset, & adeo pauca inhibuisset, minor fuit delicto commissio poena. Nota hic primum Dei cum homine verbum, primumque mādātum, quod fuit ne ad arborem signatam accederet, neue fructum inhibitum comederet. & conijcere hinc poteris quanti sit pretij obedientiae mādātum, cum sit Synagogae antiquissimum. In mundi pro homine creati & hominis propter se ipsum mercedem, nihil ab eo aliud Deus exegit nisi vt sibi obedientiam exhiberet, & vt se velut famulus Dominum agnosceret, imperando an precipiendo mundum exorsus est Deus, hominib; dominando; maius proinde in ipsum non posset cōmitti peccatum quā se ipsi inobedientem exhibere. Dicit Sanctus Augustinus in Genesim, quod malum quod ex eo fructu emanauit, nō idē emanasse quod pomum vermibus infectum, aut putridum, aut siluestre, aut marcidū fuerit: erat enim e contra aspectu pulcherrimum gustuque sapidissimum; sed idē malum erat quia

quia inhibitum. Tenemur quidem opera & Dei madata obseruare, sed non eadē examinare nobis licet: nihil enim malum haberi debet, nisi quod condēnat Deus, & nihil bonū, nisi quod probat. Omnibus hoc clarum est: vt hominem creauit Deus, statim suam ei impertiuit benedictionem, & vt peccauit, maledictionem. Itaque p̄r benedictionem ei bono beatitudinem prap̄parauit, & per maledictionem malum inferis deuouit. Necessario vnum Deum adorare, vnique Deo seruire, vni denique Deo coniungi debemus: omne enim nostrum bonum in eius benedictione obtinenda cōsistit; malum autem in maledictione. Postquam liberum arbitriū, quo quidquid liberet ageret, rationemque naturalem, qua inter bonum & malū discerneret, homini contulisset Deus, eū statim probare voluit, vt aduerteret an sua libertate, & dono rationis bonū eligere posset. Sed quam claruit, primum nostrum parentem & limo terræ factū, eiusq; vxorem fragili & debili natura formatam statim. n. p̄batione facta, fracti victiq; succubere:

imò reprobati & à paradiso eiekti sunt,
nulla eo regrediendi nisi summa cum
labore spe. Sicuti in itineris initio ab
eo deflectere periculosius est, qui min
fine; sic in initio mundi Deo inobe-
diens eiusque mandatum transgredi-
ens miser homo, nunquam dein re-
ctum Virtutis ingressus est iter, sed
ignorantia. Non sine mysterio homi-
nem, non in humilitate, castitate, pati-
entia, abstinentia probare voluit Deus;
sed in sola obedientia. Quo docemur,
nulla in virtute Dei famulum esse pro-
bandum, quem constanter obedire vi-
demus. In Deuteronomio cap. 7. 8. 11.
dixit Moyse Deus: Omnes mandatis
meis obedientes benedicam, eorumq;
domos, familias, hæreditates, vineas:
eruiam eos insuper inimicorum suorū ē
manibus, neque eos à quoquam affligi
patiar. Insuper post datam obedienti-
bus benedictionem, statim inobedien-
tium maledictionem subiungit, dicēs:
Illos illorumq; campos, filios, semina,
greges maledictionem incursumos, ini-
micorūq; manib⁹ morte opprimēdos,
felicemq; nunquam in quibuslibet acti-
onibus

onibus reperturos exitum. In tota sacra scriptura nullibi Deus adeo horrendis iræ, auaritiæ, luxuriæ, gulæ maledixit maledictionibus, sicuti inobedientiæ. magna proinde hic debet vti discretione Dei famulus, ne hanc asperam incurrat maledictionem. In Pentateuchum dicit Origenes: Nos è paradiso non expulit superbia, non ira, non acedia, non gula, sed sola inobedientia, qua tunc morti adiudicati sumus, & in hanc horam puniti & exules. In ignorantiam primum parentum nostrum corruere fecit inobedientia: ignorantia in debilitatem, debilitas in gulam, gula in peccatum, peccatum in pœnam, pœna in malam vitæ normam. Angeli corruere quod Deo similes esse voluerint, homines verò quod obedire noluerint. Quæ queso ex tua inobediētia expectas mercedem, cum sola superbia Angelus in diabolum conuersus sit? Homini hominis passiones percipere fecit inobedientia, infirmitates scilicet pati, vt frigus, calorem tristitiam, laborem, famem & mortem. Fructum inhibitum hominem gustare fecit inobedientia,

ideoque paradiso eiectus est, & ad gra-
ues pœnas vt malefactor condemnatus
est: &, quod sine lachrymis dici non
potest, comedit pomum primus parens
noster, & in hunc vsque diem filiorum
dentes obstupescūt. Quocirca, vt con-
trarium contrario curatur, ita inobe-
dientia obedientia curanda est. Ego
existimo, Christianum obedire nolen-
tem non posse suam operari salutem.
Hæc ex Origene. (*Genes. 29.*) *Scalam vi-*
dit Iacob, cuius cacumen cœlum tangebatur,
inquit Scriptura sacra, quasi diceret:
Sanctus ille Iacob dormiens tantę sub-
limitatis scalam vidit, vt terræ fixa cœ-
lorum altiore pertingeret partem,
qua magnam angelorū multitudinem,
qui eam miro replebant splendore, in
altum conscendere vidit: & inter cæ-
tera illud illum maxime terrebat, quod
eius cacumini inniteretur Dominus, ne
huc & illuc volueretur scala. Mirabilis
est prophetia, sed mirabiliora mysteria.
nullum enim in ea verbum est, quod
mysterio & doctrina plenum non sit.
Quid enim aliud est scala pede terræ
adfixa cœlum tangens, quam sancta &
bene-

benedicta obedientia? cuius opera (que
ut homines exercemus) supra angelos
nos erigunt. Nulla inter virtutes vir-
tus tutius eligitur, nullum consilium,
nullum iter tutius peragitur obediētiæ
itinere: nulla scala rectius nos ad vitam
beatam perducit, quam obediētiæ me-
ritum, que hoc vititur privilegio, ut
nobis quies cum Deo de nostris agat
negotijs. Dic quaeso mihi, qua in re
non meretur qui semper obediens est?
Si nostram abnegemus voluntatem, &
obediētiæ vacemus, siue soli aut in
consortio, siue soli vel tristes aut iucun-
di, loquentes aut silentes, sani aut agri,
in prosperitate aut aduersitate, obedi-
entia cum Deo negotiatur. Et si quis in
nobis sit defectus illa eum supplet, que-
cunque enim per obediētiā fiunt, sem-
per meritoria sunt. O quam sancta est
obediētiæ virtus? quam benedicta &
gloriosa, quando quidē & minimum in
eius fide fundatū opus sit scale gradus,
quo in gloriā cōscendimus. certē quot
bona exercemus opera, tot ad cōscēden-
dū conficimus gradus. O bone Iesu, &
anime meę amor, quid agā dū vite meę
ratio-

rationem redditurus, & formidandam
sententiam accepturus coram te com-
parebo? Me hoc vnum maxime tor-
quet Domine, quod si moestæ meæ mor-
tis die scala, qua in cœlum ascendam
caream, sciam id vitio meo & culpa ac-
cidisse, quod renuerim scilicet, scalam
qua in gloriam tuam conscenderem
conficere, & accepta tamē à te Domine
licentia & potestate. In libro quem de
paradisi scala conscripsit S. Bernardus,
inquit: Si obediens es, nolo te tristem
esse, sed lætum viuere, comedas, dor-
mias, vigiles, loquaris, taceas, opereris,
quiescas, per melicet, dūmodo omnia
in obedientia opereris, nunquam me-
reri defines, si obedire non deīnas. No-
ta porrò, vt nec dici scala potest, in qua
vnicus tantū gradus est; ita illa non
est dicenda obedientia, quæ non nisi ad
vnā rem extenditur: non enim in
omnibus mereri potest Dei famulus,
qui se in omnibus obedientem non ex-
hibet. Non sine mysterio in ista scala
homines conscendentes non vidit san-
ctus ille Iacob, sed solos Angelos. Hinc
collige Dei famulum sua omnia abne-
gantem

gantem suæque voluntati nullimode acquiescentem, & suis superioribus in omnibus obedientem, & in mortis usque horam sic perseverantem, improprie hominē terrestrem dici: Angelus enim cœlestis dicendus est. Nunquid tuo iudicio angeli nomen imò angeli Seraphici non meretur ille, qui quavis occasione suam propriam abnegat voluntatem, sanctæque semper subicitur obedientia? In quibusdam imò & in multis obedire rebus hominum est, sed omnibus in omnibus obedire, angelorum est. Tunc se angelicum dicere potest homo, dum eum sua hac gratia & benedictione munivit Dominus. Angelus fies, si in cœlum scalā Iacob conscendere studeas, tuis obedientiā præstādo superioribus. Indicat & prædicta figura, fuisse magno illustratam splendore scalā, licet obscura admodum foret nox. Docemur hinc Christianum suam propriā abnegantem voluntatem sanctæque mandatis obedientiæ acquiescentem, à via cæli deflectere nō posse, neque in inhonestam prouere actionē: omnes siquidem in obedientiæ scalam

con.

conscendere conantes sua gratia illustrat Dominus Deus. Quid aliud innuit, descendentes æque illustratos fuisse atque ascendentes, nisi Dominum æque tristibus atque lætis, sanis atque ægris, æque humilibus atque in honore constitutis suam gratiam impertiri. Conare ergo frater per hanc obedientiæ scalam incedere, ne turberis si ascendere aut descendere iubearis, hoc est si Prælatus fias aut subditus maneat, si ad honores eueharis, aut non, si iusta tibi imperentur, aut dura, ubicumque à sancta collocaberis obedientia scias te Dei gratia illuminandū. Tibi hoc solatio esse debet frater, quod omnia loca scalæ vicina obscura fuerint, solus autem scalæ Iacob locus clarus & lucidus. è quibus cognoscimus Dominum solis ascendentibus per obedientiæ scalam vel ex ea descendentibus suam communicare gratiam. In illo somnio & visione vidit Sanctus Iacob Dominum scalæ innixum, eamque scalam non moueri: & magnum hic mysterium est, & nobis relictum exemplum. O quanta cum
fi-

fiducia viuit ille, qui sub obedientia iugo vitam agit! omni enim passu omni-
que momento Deum, qui ei in scalâ ascensu eiusdemque descensu auxilio sit, reperiat? O bone Iesu, & animæ meæ amor, cur per tuam scalam ascendere verear & renuam, cum me à te in ascensu adiuuandum certò sciam, & in lapsu sustinendum? O bone Deus, quia scalâ inniteris, ascendam, sit licet furca vel patibulum. pro me enim longè infamio-
riorem pertulisti in cruce moriens mortem, quam ego in furca & patibulo moriens ferre possem.

De mirabili obedientia exemplo quod nobis reliquit Iesus Christus: & quod nullus ei vnquam in obedientia virtute equalis fuerit.

CAPVT XLV.

Christus factus est obediens usque ad mortem, mortem autem crucis inquit, bat Apostolus ad Philippenses scribens, quasi

diceret: Non vivens solummodo obedientie virtutem coluit De filius, sed usque ad mortem, morte inquam non ordinariam, sed infamia & pudore plenam: ideoque Pater ei nomen quod est super omne nomen dedit: nempe ut pure & plene virorum nostrorum redemptor, & animarum nostrarum remunerator diceretur. Non sine mysterio terminum obedientie Christi assignat Apostolus, nullam autem temporis in quo obedientiam prestare incepit mentionem facit. ratio est, quod nos ante natiuitatem nostram obedire non incipiamus, Dei filius autem ante natiuitatem imo ante incarnationem obedire cepit. Ante carnis humanæ assumptionem Patri obediuit: veniens in mundum & ante natiuitatem Augusto Imperatori obediuit: natus statim nutritio Iosepho subditus fuit. In ætate proeucta collectoribus tributum dedi: sub finem dierum precepit Pilatus ut crucifigeretur: ita ante vitam in Iesu Christo initium sumpsit obedientia. Super hæc verba dicit S. Anselmus: Dic mihi precor quid Iesum Christum in mundum venire com-

compulit nisi obedientia? Quis eum
per mundum incedens comitatus est,
nisi obedientia? Quis eum morti adi-
dicari voluit, nisi obedientia? Dum
ô bone Iesu Patri orans dixisti *Fiat vo-*
luntas tua non mea nunquid inuisti malle
te mori quæ vel in te minuat tuam cõmacu-
lare obedientiam? Quid aliud nos in arbo-
re crucis capite inclinato animam Patri
tuo reddens, docere voluisti, nisi te vel-
le obedientia vitam finire sicut obedientia
humanam assumpsit carnem? Imo
bone Iesu te nullam ob aliam causam
ex coelo descendisse asserabas, quam vt
omnia Patris mandata per obedientiam
exquereris? Audebitne ergo quispiam
tanta temeritate vti, vt suam exerceat
voluntatem? Et in alio Euangelij loco
dicis nullum tibi gratiorem cibum es-
se, nisi vt facias voluntatem Patris qui
te misit, vt cum obedientia absolvas
opus eius. Qui ergo, in ea quæ nobis
interdixit, obloqui audemus aut ob-
strepere? Perpende bone Iesu quod
meam abnegare voluntatem, tuæque
sublimis obedientiæ vestigia sequi fa-
cile adoriar; sed persistere nisi tua ful-
tus

rus gratia non potero : idèd te rogo & obsecro, vt des quod iubes, deinde iubeas quod vis. Hac ex S. Anselmo. Secundum ergo Apostoli intentionem notandum quod non dicat filium à Patre ob humilitatem aut patientiam, aut abstinentiam eleuatum, sed ob solam obedientiam quam tanti faciebat. Vnde colligere possumus quod obedientia inter alias virtutes Deo sit gratissima, omniumque optimè satisfaciens. Quadraginta diebus ieiunarat Christus, quatuor mortuos suscitauit, multos sanauit ægros, imò demonio obsessos : non idèd tamen ei nomen super omne nomen datum est, sed ob solam obedientiam præstitam. Ex hoc ergo sublimi mysterio colligere licet, Dominum nullam tanti facturum in alia vita virtutem, quam charitatem & obedientiam hac in vita obseruatam. Tu ergo religiose qui sub Jesu Christi iugo arma geris, obediens viuè, obedientiam cole, & obediens morere : ego enim nullo modo eum perire possecredo, qui ab obedientia debita non defecit. Hac in parte notandum Apostolum

non solum non dicere Iesum Christum solummodo obedientem fuisse, ideoque à Patre tantis honoribus affectum, sed dicit illum obedientiam simul cum morte in cruce iunxisse. Quibus insinuat obedientiam sine charitate nullo modo meritoriam esse posse. Sola Iesu Christi obedientia omnium sanctorum obedientia maior & melior fuit: Si enim mortem acceptarint sancti, acceptarunt quod mori tenerentur: Dei filius autem mori non tenebatur, qui vita erat. Ideo admodum magni meriti fuit eius mors, quod tanta charitate plena fuerit eius obedientia. Non potuisset IESV Christi obedientiam magis extollere Apostolus, quam ad implendam obedientiam probare mortis eius consensum. Cum nos hoc in speculo speculari, istaque mensura metiri poterimus, videbimus equidem nos obedientiam non observare, sed nostre voluntatis inclinationem sequi. In tribus Dei filium laudat Apostolus: In obedientia videlicet: dicit .n. obedientem fuisse. in perseuerantia: dicit .n. ad mortem. in charitate: eo q̄ dicat in cruce, chari-

chari as proinde ob: dientia & perseue-
 rantia virtutes sunt quibuscum mortē
 passus est Dominus: & nobis cū iisdem
 hanc vitam agendum. Non sine myste-
 rio de Iesu Christo agens Apostolus,
 prius dicit quod se exinaniuit formā serui
 accipiens, quam factus est obediens usque
 ad mortem: hoc est quod se humiliarit,
 priusquam obedire. Quibus docemur
 ad discendam esse primo humilitatem,
 si obedientiam præstare velimus super-
 bus enim homo nunquam bonus fiet
 subditus. S. Augustinus Eremitis scri-
 bens, inquit; Nullus dicat se Prælatis mā-
 datis acquiescere nullo modo posse. so-
 la superbia, quo minus hoc agat, illum
 impedit. præsumptio enim & superbia
 domo obedientiam extrudunt. Magni
 me faciens inobediens fio: alios parui
 pendens, superbus euado. In primo Re-
 gum libro de Rege Saule arante & reg-
 nante simul, dictum fuit per ironiam:
Num saluare nos poterit iste? quasi dixis-
 sent, cum vt nos arator sit Saul, fodiat-
 que suorum ciuium more terram, non
 ei profecto obedientiam præstabimus,
 neque vllum ei persoluemus tributum
 aut

aut vestigal: iustum enim non est nos
ei contribuere nummos, qui nos ab in-
imicorum manibus eruere non potest.
Numerorū libro scriptum est magnum
Sacerdotem Aaron & Mariam sororem
eius, Moysen fratrem iridentes, & in
eundem obmurmurantes dixisse: *Num
per solum Moysen loquutus est Dominus?*
Nonne & nobis similiter est loquutus? quasi
dixisset. Putat Moyses nobis hic impare,
suosq; efficere subditos, dicens Domi-
num sibi & non nobis loqui. equidem
ei obedientiā non exhibebimus; & eius
mandata non obseruabimus, Aethio-
pissam in vxorem duxit, & balbus est
tarde admodum loquens: nullo modo
ei subditi sumus: ille enim & nos eadē
sumus oriundi familia ijsdemq; paren-
tibus. Hisce & multis alijs similibus
exemplis colligi potest, nullum posse
sanctæ obedientiæ perfectionem asse-
qui, ni prius à se maledictam expulerit
superbiam: superbum enim & indomi-
tum cor non solum suis superioribus
obedire renuit, sed ne vnum quidem
redargutionis vult audire verbum.
Filij verè obedientis signa sunt hæc, vt

Z

ea quæ

ea quæ ei dicuntur auribus benigne excipiat: ea quæ ei præcipiuntur agat: ea de quibus redarguitur corrigat: ea quæ petuntur det, scientiamque edoctam retineat, correctiones patienter ferat, & mandata diligenter obseruet. S. Augustinus in quadam concione, quam ad Eremitas habuit, inquit: magno te exponis periculo non obediendo: si te sacco vestias, sub dio dormias, tota ieiunes die, & tota vigiles nocte, disciplina affligas corpus, & nudis incedas pedibus, hæc omnia nihil tibi profunt, nisi tuis obedientiam præstes superioribus: pluri enim fit sola obedientia, quam omnes quos in hac vita poteris ferre labores. Nō male dixit Apostolus filium Dei obedientem fuisse vsque ad mortē: si enim patri obedire renuisset, nō eum morti tradidissent Hebræi. Sed bonus ille Dominus, & summus ille redemptor pluri obedientiam fecit quam vitam: crucifigi enim maluit quam non obedire.

Bore
Bore

De conditionibus quas habere debet obediēs:

& quod imprimis debeat obedire voluntate. hoc quarundam figuratum sacra Scriptura expositionibus probatur.

CAPVT XLVI.

Ad imperium Domini erigebant tentoria & deponebant: ad imperium quoque Domini proficiscebantur & manebant, dicit Scriptura sacra Numerorum libro, capite nono, quasi diceret: Dum Israelitæ in deserto essent, non incedebant nisi ad Domini mandatum, neque ab incessu desistebāt nisi inhibitione ab eodem facta, neque pariter tentoria erigebant, nisi ad locum ab eo assignatum, neque eadem deponebant, nisi eodem præcipiente. Amplius quam sexcenta hominum millia Aegypto egressa sunt, quæ omnia in deserto postmodum fuere. Quod autem dicat scriptura, Israelitas sine licentia non incesnisse, vel ab incessu non destitisse, vel mansiones non fecisse, vel iisdem sine venia

Z a egressos

egressos non fuisse, profectò hoc graue
admodum erat, vel vni soli homini,
quanto magis vni integro exercitu?
Sed quia Deum pro Domino habebant
Hebræi, Moysen pro Præfato, & de-
sertum pro domicilio, & nulla cum
peruersa natione negotiarentur, eos
regere, iisdemquæ imperare facile erat.
Vnde liquet talem esse nostrum viuen-
di modum, quale est nostrum con-
ortium. Hoc tamen me mirum in mo-
dum terret, quod neque incedere, ne-
que quiescere, neque hospitio excipi,
neque eodem egredi sine venia aude-
ren. Docemur enim eos bene viuere
qui à voluntate Domini reguntur, &
diriguntur. Apud Esdram legitur, (1.
Esd. 3.) Israelitas per ciuitates disper-
sos, fuisse congregatos quasi virum vnum.
Multum interest profectò inter mundi
directiones, & Dei ordinationes: vbi-
cunque enim mundana est congrega-
tio, illic de more magna est confusio;
sed in domo Dei vnus pro mille est, &
mille pro centum millibus. Porro no-
tandum quod omni tempore, quo ve-
rè Dominū Deum adorauere Israelitæ,
Moyfi-

Moyſique obedientiam præſtitere, nunquam legem diuinam transgreſſi, neque in idololatriam collapſi ſint: ſed ubi ad hortos Aegypti oleraque ſuſpirauère, linguasque ſuas acuère, & in Moyſen Prælatus obmurmurauère, ſtatim in grauiam incidere peccata, & inimicorum manibus dati fuere. Hoc Hebræorum triſte infortunium ſæpius ſpeculari debent boni religioſi. Hinc bonum quod iſs Deo obedientibus accidit perpendentes: illinc malum quod iſs in Prælatus inſurgentibus, obuenit: ſecundum enim antiquum prouerbiũ, ille felix quem faciunt aliena pericula cautum. Quamuis bona in Synagogam exhibita foret Iudæorum obedientia, Chriſtianorum tamen in ſanctam matrem Eccleſiam longe melior eſt. Moyſen pro Præſato illi habebant, nos Dei filium: ut ergo in obedientiæ excellentia Moyſen ſuperauit Ieſus Chriſtus, ita & nos obedientes longè quoque Iudæos ſuperare debemus. Dic quæſo mihi, poteſtne Moyſis doctrina I E S V Chriſti doctrinæ & operationi comparari? Iterum dico, Moyſen & Synago-

gam Iesu Christo eiusq; Ecclesia comparari & assimilari non posse: Moyses quippe Rector labilis fuit, imò re ipsa lapsus est; Iesus Christus autem noster Dominus & Prælatus, neque peccare potuit, neque vnquam peccauit. Quoniam itaque vsque adeo dexter Dux est Iesus Christus, ad eò tutus conductor, ita benignus gubernator, & ad eò pius Prælatus, iniuste ei non subijceris, cum nihil ad credendum difficile, & ad agendum graue imperet. Rustico Monacho scribens sanctus Hieronymus: Iustum est Rustice frater inquit, vt tu & ego Iesu Christo omnib; nostris Prælati obedientiam præstemus in ijs quibus nos onerant: ita bonus enim est redemptor noster IESVS CHRISTUS, adeoque benignus Dominus, vt æque ei nobis Prælati data præcepta accepta sint, ac si sua propria forent. Montis Dei fratribus scribens S. Bernardus dicit, Dei famuli obediētia debet esse prompta, non coacta; simplex, non malitiosa; alacris, non tristis; parata, non tarda; animosa, non debilis; dulcis, non superba; perpetua, non interrupta & caduca.

caduca. Si hæ veræ obedientiæ septem
conditiones ita facile exercerentur atq;
scribuntur, multis molestijs liberarétur
Praelati, subditiq; plurimum leuarétur
laboribus. Sed proh dolor; bona opera
laudabilia quidem sunt, pauci tamen
ea obseruant. Adeo sublimis qualitat
est obedientiæ virtus, vt si vna septem
conditionum à sancto Bernardo alla-
tarum careat, dici non possit obedi-
tia. tolerantur quidē bona opera non-
nihil pigra & remissa, sed non ea in qui-
bus quispiam est defectus. Dicit igitur
S. Bernardus obedientiam integram &
perfectam debere esse promptam, hoc
est debere bona & alacri fieri volūtate:
nam apud Dominum Deum nostrum
nullum potest esse meritorium opus,
nisi bona volūtate & perfecta charitate
fiat. Solent mundani sibi inuicē dicere;
Velit, nolit, debet mandata exequi: &
licet ille cui hoc dicitur acquiescat mā-
datis, pauca tamen idē ei conferuntur,
siue bono siue malo agat animo: sed
non sic in domo Dei, vbi parui actiones
nostræ sūt, sed magni fit volūtas, qua il-
las agim⁹ ideoq; omne nostrū bonū siue

malum in hoc consistit, ut omnia cum timore operemur. Multitudo filiorum Israel obtulit mente promptissima atque deuota primitias Domino inquit scriptura sacra, quasi diceret clarius: Dum tabernaculum in quo sancta erant offerenda sacrificia, vel in quo magna & pretiosa asseruanda reliquia erexit Moyses, omnis eò Israeliticus populus appulit, Dominoq; fructuum primitias melioresque & ditiores possessiones suas obtulit, hoc prompta voluntate & integra perfectaue deuotione agens. Non sufficit scripturæ, summam dicere omnes obtulisse, sed quid particulariter obtulerint notat, velut aurum, argentum, coccinum, thus, lapides, ligna, ouium caprarumque pelles. Hic imprimis notandum, quod bonus nobis sit Deus, bonoque obsequium præstemus Domino: quod ut nobis quæ petimus concedat peccataque nostra condonet, æque caprarum pelles bono animo acceptet, ac si omne aurum totiusque indici diuitias offerremus. O bone Iesu, ô animæ meæ amor, si mihi aurum sit, aurum cupis; si argentum, argentum; si la-

lapides, lapides; si solæ mihi sint caprarum pelles, ijs contentus es: sicuti enim mundus nihil sibi nisi bona exoptat, mihi autem animam reseruat: sic pro te animam reseruas, & mihi bona relinquis. Dicit sacra scriptura primo omnium primitias suas obtulisse Israelitas, ut eos hac in parte imitemur, immo ijs meliores offeramus primitias. Tunc verè Dei famulum primitias suas Deo obtulisse dicere possumus; dum propria abnegata voluntate, nihil nisi quod dictat obedientia agit. Nullus mirari debet quod propriam nostram voluntatem primitias dicere ausi simus: illa enim est quam maxime diligimus & quam præ cæteris mundi rebus magni facimus. Quod clarum est: quoniam singuli nostræ voluntatis inclinationem sequi studemus, parum cætera curantes quocunque modo accedant. Horrulanus qui in arboris trunco aliud arboris genus pretiosius & recentius inferere vult, prius omnem incommodiorem abscindit corticem: in ramo enim vel trunco putrido nihil novi potest inoculari. Histe admonitum volo,

tui esse muneris propriam ab animo
expellere voluntatem, si obedientiæ
velis polliceri votum: inter verum sub-
ditum siquidem & honestum Prælatus,
nulla debet in charitate esse contrarie-
tas, nullaque in voluntate diuisio. In
vitæ solitariae libro hæc adfertur simi-
lilitudo: Sicuti dens putredine infestus
semper homini infestus est, donec euel-
latur; sic nullus alterius obedientiæ su-
bijci potest, ni prius eradicarit prop-
riam voluntatem, ac abnegarit: hominis
enim animo gratius nihil: quin & vitam
impenderet suam, vt libertatem con-
seruaret: qui fieri enim potest vt quis in
horto bonas colligat plantas in quo ni-
hil nisi pungentes sunt vrticæ? Quo-
modo in cicatrice noua succrescet caro; ni
prius putrida abscindatur: nunquam
ergo benè Prælato tuo obedies, ni pri-
us tibi ipsi inobediens sis, teque ipsum
abneges: religionis enim labor non in
Prælati præceptis consistit, sed in hoc
quod nullus quidquam ferre, & in pro-
priam voluntatem agere velit. Cupisne
quæso cognoscere religionis laborem
in resistentia quâ in obediētia cōsistere?
Aduerte Prælatum posse duntaxat tibi

imperare vt chorū adeas, oratoriū frequētes, sabbatho verras, aduentum ieiunēs, silentium obserues, tempore & loco in cubiculum secedas & pacifice viuas, quā omnia sine sudore & pedum lāsione agere vales. Conquerere igitur frater de tua ambitionē quā indomitus es: conquerere de mala tua passione ac cōditione quā nullū tolerāre amās: cōquerere inquam de propria tua voluntate, quam nulla in re cogere vis: illa enim te torquent & affligunt, non verō Prælati praecepta. Licet multa Deo suas primitias offerētes obtulerint Hebrei, plura tamē lōge cōferūt propriā voluntatem offerētes religiosi. ille. n. qui Deo propriam suā voluntatem offert, longe plura offert quā qui sua bona. In mundo ne excellentiores possunt reperiri primitiæ obedientiæ voto quo Prælato omne nostrum velle resignamus & damus, vt ex eo omne nostrum non velle agat: Tunc meū non velle agit Prælatus, hoc est, cōtra meam voluntatem agit, dum se meis opponit appetitibus, & meæ contradicit sensualitati: & si tunc ei quidlibet patienter ferens non resistam, me sanctam adimplesse

obedientiam, measque Deo obtulisse primitias verè possum dicere. Cordis mei primitiæ cor meum ipsum est, quod prælati mei manibus tradidi, die quo me religiosum futurum mandatisque me obsequuturum iurâs pollicitus sum. Ideoque dum eius mandatis non acquiesco, cor datum aufero & furor. Vagus Monachus & latro est, fidei que fallit; qui in Monasterio suæ acquiescit voluntati, non autem Prælati mandatis: quod enim suum non est tollit, & corde iam dato rebellis est. Si tui esses iuris, tuo proprio te posses regere iudicio, sed quandoquidem Iesu Christi amore Prælato obedientiam promiseris, quid quæso est quod in te videas? Tibi cibû & potum confert religio, hac condicione vt te regi imo puniri patiaris: peruersè enim tibi tuam reseruares voluntatem, cæteris Monasterij rebus omnibus communibus. Pulchri cubiculi vel Breuiarij vsus, citra Prælati consensum tuam tibi conscientiam remordet; non verò tua in Prælatus impudentia, qua ei quauis occasione obedientiam debitam denegas. Dicit S. Bernardus, Malû est

est in religione proprietate an singularitate aliqua vti; sed peius longè sua voluntate. Conceduntur quidem de more in religione quædam in communi, sed ad propriam voluntatem peragendam cum nullo dispensandum: nunquam enim ita dissoluta sunt Monasteria, quam dum suos appetitus sequi permittuntur religiosi.

Quod non debeat religiosus vnquam in sancta obedientia puncto se excusare, magnis hoc sacra scriptura auctoritatibus probatur.

CAPVT XLVII.

Facies quodcumque dixerint qui præsumunt loco quem elegerit Dominus, sequerisque sententiam eorum, inquit Dominus Deus in Deuteronomio, quasi diceret: Doceris Moyses populum meum, paruisque & magnis præcipies vt Prælatis in omnibus obedientiam præstent, eorumque verbis fidem adhibeant. certo enim scire debent quod mihi obedientiam exhibeant, si eis exhibeant, sin minus, quod mihi sese opponant & contradicant.

Porro hoc antiqui testamenti decretū,
 postmodum in noua lege confirmauit
 Iesus Christus dicens: *Super cathedram*
Moyſis ſederunt Scribæ & Pharifæi, omnia
quæ dixerint vobis facite: quaſi diceret,
 ſuadeo vt Pharifeorum auditis concio-
 nibus Scribarūque doctrina accepta,
 quæcunque vobis dixerint agatis: ſed
 videte ne quod agunt agatis. quamuis e-
 nim eorū opera ſint hominū opera, ta-
 miē eorū verba verba Dei ſunt. Non ſi-
 ne quodam myſterio Moyſis in Deute-
 ronomio mandatum, in ſuo Euangelio
 cōfirmat Ieſus Chriſtus, monēs vt Præ-
 latorū reuerēamur, & eis ſemper nobis
 ſanam doctrinā docentibus obedi-
 tiā præſtemus, licet mala ſit eorū
 vita. non enim quid agant videre debe-
 mus, ſed quid representent. Si hoc con-
 ſiliū nobis non ſuaſiſſet Ieſus Chriſtus,
 vix ullus credere, vel illud vellet ad-
 mittere voluiſſet, pati abſolutē ſe regi
 ſcilicet à magiſtris & Prælatoris, eiſque e-
 triā diſſolutis, ſcribarū & Pharifeorum
 more, qui populo ſanam concionaban-
 tur doctrinā, magis nihilominus & per-
 uerſis exiſtentibus hipocritis. O quanti
 facis

facit obedientiā Deus, quando quidem
ita stricte nos obedire velit: parentibus
scilicet nostris, nedum resistere, sed ne
solo verbo quidē cōtradicare nobis cō-
cedens, licet ille in regendi viuendique
norma asperi & difficiles sint. nostrum
enim est eorū recipere doctrinam; Dei
soliue eorum iudicare vitam. vt summi
meriti est obedientiæ mandatum, ita e-
tiam asperum & arctum est; neque e-
nim Deuteronomium, neque in suo
Euangelio Iesus Christus exprimit vt
hac aut illa tantum in re obedientiam
præstemus, sed solum *facite omnia quæ
præcipient vobis*, hoc est in omni bus obe-
dite, nullam in animo tristitiam fouen-
tes, neque in actionibus vllam indigna-
tionem. Non sine mysterio lex sedenti-
bus tantum & in loco sancto præsiden-
tibus obediri præcipiebat, & Iesus Chri-
stus ijs tantum qui in Moyse cathedra
sedebant fidem adhiberi. illis enim in-
nuit nos doctrinæ illorum fidem ad-
hibere, vitamque eorum qui male de
Catholica fide sentiunt imitari, qui-
que verā doctrinam Christianā nō do-
cent, non debere. Nihil quod examinet
habet

habet verus subditus, nisi nū eius Prælatus in loco sancto præfideat, numque templi sancti cathedrę assideat, hoc est, num fidelis sit Christianus, & num veram Iesu Christi doctrinam doceat. Si hæc agat, ei obedire tenetur, sine vitę ipsius examine. Differentia boni & mali subditi hæc est, quod bonus doctrinā conferuet, sine doctoris vitę præuio examine; malus verò doctoris doctrinam ridet, doctorem condemnans & reprobans. In deserto Cades, Dathan & Abiron, Moyſis doctrinam sanctam & benedictam esse scientes inurere ei infamix maculam attentarunt, dicentes eum Aethiopissam in vxorem duxisse, ideoq; indignum qui in synagoga præfideret: sed quod se iudices eorum quę ad eos nō spectabāt fecissent, eos viuos deuorauit terra. More Dathan & Abiron in alio mundo plectentur isti, qui de Prælatiſ iudicare & inquirere audent: æquum enim maxime est eos esse poenę participes, qui in culpa socij fuerunt. *qui resistit potestati, Dei ordinationi resistit*, inquit Apostolus ad Romanos scribens, quasi diceret: Omnis subditus qui se sui

se sui Prælati voluntati opponit, DEI ordinationi resistit: Si enim nec solum ab arbore sine illius consensu decidat, credendum non est quempiam ad Prælaturæ statum admissum sine eius permissione. Terribilis & formidanda hæc est sententia, scilicet quod quicumque Prælati voluntati resistit, diuinæ ordinationi resistit: eo enim instanti quo suum Prælatum malum esse dicit, Deo maledicet quicum in illum statum admittit. Hic notandum quod non dicat Apostolus, quicumque obedientiæ resistit, Dei voluntati resistit, sed ordinationi Dei. Licet enim sanctus, huc malus sit Prælatus, tamen permissione & ordinatione diuina in Prælaturâ assumptus est. Hinc infero, quicumq; de Prælati actionibus obmurmurat, de Dei sanctionibus & ordinationibus cõqueritur. Quicumque inquam, in Prælatum obmurmurat, in Deum insurgit, quod si malus sit Prælatus, ipse suæ malitiæ solus pœnam feret, nõ tu: quo enim suæ vitæ infamia eiusque doctrinæ rigor ad suam damnationem plus conferent, eò magis ad tuam saluationem etiam proderunt.

derunt. Cuidam fratri perduto, quem
in miniſtrum generalem elegerat, hæc
ſignâda & notabilia dixit verba ſanctus
Franciſcus: A Domino accepi Helia
frater, te magnum lapſum magnamque
ordini meo cauſaturum ruiſam, nihil-
ominus tibi obedientiam exhiberi vo-
lo, omnemque ordinem à te regi, vnde
tibi manus deoſculor, tuasque in ma-
nus ſigillam reſigno. Secundum er-
go huius glorioſi ſancti Apoſtoli Pãuli
dictum, nullus Prælari vitæ inquiſitor
eſſe debet, nulluſque ſecreta Dei iudi-
cia ſcrutari: Si enim probus ſit Rector,
eum conſtituit Dominus: ſi malus, cur
eum talem ſuſtineat cauſam nouit.
Nullus ita mundo ſcandalo eſt Præla-
tus, ſicuti Iudæorum tempore maledi-
cti illi Phariſæi, nihilominus eis fidem
adhiberi obedientiamque præſtari pu-
blice præcepit Jeſus Chriſtus: quomo-
do ergo in Prælatos ad minimũ Chri-
ſtianos inſurgere audebimus? I E S V S
Chriſtus voluit Phariſæis fidem adhi-
beri & obediri, qui tamen eius doctri-
næ detrahebant, idemque Scribis præ-
ſtari voluit, qui eius nomen extingueret
conſe-

conabantur: & tu Prælato tuo obedi-
entiam præstare renuis; quite in religi-
one instruit, reque ad salutis iter rectà
dirigit? In libro Collationum Patrum
dicit Serapion Abbas, non dicere Dei
famulum de sui Prælati vita, vel de eius
officio benè vel malè peracto disputa-
re: magis enim peccat subditus eius
vitam dijudicans, quam mereatur o-
bedientiam obseruans. Sanctus Augu-
stinus Eremitis scribens inquit: Qui
Synagoga Phariseis obediri præcipe-
bat, multo magis Ecclesiæ Prælatis o-
bedientiam præstari præcepit: ideoque
ne in Prælatum linguas vestras acuatis,
vel eorum vitæ inquisitores fiat, ca-
uendum vobis est: cùm enim eis obe-
dientiam præstare teneamur, eos iudi-
care nullo modo licet.

In quadam epistola dicit sanctus Ber-
nardus: Tunc facillè omnia Prælati
mei mandata adimplebo, cùm memini
eum nihil nisi IESV Christi effigiem
esse; sed dum istorum non memi-
ni, & eum hominem vt me ipsum
confidero, tunc ei neque obedire,
neque

neque honorem exhibere scio. In sua regula dicit S. Basilius: Caveant mei monachi examinare, num mandata Prælati exequuturi sint nec ne, num bona aut mala sint: magis enim in patientia qua obediunt meremur, quam in Monasterij laboribus quos patimur. Quod dicat Dominus: *Omnia quaecunque vobis dixerint facite*, miram profecto Prælati confert licetiam, subditorum manus ligans, ne vllum scilicet mandatum ad peragendum facile aut difficile omittant. Sic vtillic obedientiam non esse afferere possumus, vbi aliqua est resistantia, (*Psal. 17.*) *In auditu auris obediuit mihi*, inquit Regius Propheta, quasi diceret: Non ignoras summe Deus Israel, quantus sim obedientiæ filius, & quomodo tuis obedientiæ verbis: vix auribus tuum mandatum excepi, & ad litteram illud iam adimpleui. Ideo & *Populus quem non cognoui, seruiuit mihi, in auditu auris obediuit mihi*. O quam futurus est ille beatus, qui hunc versiculum verè suo Prælato dicere poterit! sed ve mihi & tibi, quibus à Prælato vocari, mandari & rogari nō sufficit: sed quos blandis

blandis decet conuinci verbis, aut vi
cogi: sic ut si quidpiam agamus, illud
potius iustitiæ timore quam obediæ
merito agamus. Quid quæso mereris,
si cum timore obedias: Ignoras Chri-
stum à seruis coactis inseruiri nolle, sed
à candidis & liberis filij? In considera-
tionum libro dicit S. Bernardus: Sub-
ditus qui cum Prælato disputat & con-
tendit, dicens quis tu qui mihi imperas,
vel cur mihi imperas? hunc religiosum
non habeo, multo minus Christianum
cum iusiurandum obediæ soluat,
dissensionesque in Monasterio disse-
minet. Frequenter currum oneratum
reperimus nullum strepitum edentem:
sed id facere vacuū & exoneratum: sic
in Monasterijs Monachorum aliqui, o-
peri manum admouent & silent: aliqui
vacant, nec tamen à murmure desistunt.
Scias frater, quod mundum deferere,
Monasterium ingredi, habitum sume-
re, profiteri, bonum & sanctum sit, si
simul bono obedias animo Prælato,
hilarique voluntate: mortis enim tuæ
die, nihil nisi tua prompta voluntas can-
didusq; vultus Deo gratus futurus est.

Quid

Quid agas, quidve recites, quid cogites, quid opereris admodum non curret Dominus, sed quid ames duntaxat. ad quid animum intendas tuum. pluris enim amorem nostrum, quam nostros sudores facit Iesus Christus. Dicit in sua regula sanctus Bernard. quod æquè bono animo Dei minister ieiunare atque edere, vigilare atque dormire, operari atque quiescere, tacere ac loqui debeat: si enim vnum contemnat, aliudque diligat, non eum Iesu Christi famulum dicemus, sed Antichristi discipulum. Cuidam Monacho scribens sanctus Hieronymus inquit: Scias oportet Rogeri frater, quod ita ad Prælati verba excipienda, ijsque fidem adhibenda promptis auribus, manibusque ad exequenda paratus esse debeas, vt mandatum non expectes, si beneplacitum eius nosse possis: Sicuti enim quo citius maturum est pomum, eo maioris est pretij, ita quo promptior est obedientia, eo magis meritoria est. In vitæ solitariæ libro scriptum est: Quod dicere volumus, non sine molestia dicimus, nempe præstitisse monachum

chum in mundo mansisse, quam in Monasterium venisse, cui sine precibus imperare non audet Prælati, nec sine admonitione redarguere: quem non audet pœna sed lætitia afficere: quem à malo nequit diuertere, sed potius quidlibet agendi licentiâ debet concedere: si enim in mundo non profuisset, saltem non obfuisse, sed in Monasterio alijs nocet seque ipsum condemnat.

Quod obedientia omni debeat habere conditiones, illustratur pluribus exemplis, & antiquorum Patrum dictis.

CAPVT XLVII.

QVI regis Israel intende, qui deducis vult omne Ioseph, inquit Rex David cum Deo loquens, quasi diceret: Tu qui Israeliticum in pace regis populū, quiq; domū Iacob in iustitia foues, Domine qui efficis vt æquè facili quicquid sancta dictat obedientia adimpleat Ioseph, atq; facile

facile quolibet ducitur ovis, quæ dico
exaudi & quæ peto concede. Non sine
mysterio imo magno mysterio obedi-
entia virtutem simplicis ovis conditio-
ni comparat sacra scriptura, quæ hoc
habet à natura vt quocunque ducitur
pergat, & nullo resistat mandato. Ovis
& obedientia, obedientia, & ovis v-
num & idem sunt, parique in dignitate
in sacra scriptura, & semper pro vna ea-
demque re collocantur. Ideoque qui
ovis conditione carebit, & obedientia
carebit: sicuti enim in ovis conditione
quod amplius requiratur nihil est; ita
in vero obediente quod redarguatur
nihil est. Non int uri modum cornu
ferit ovis, non instar colubri veneno
coinquinat, non vt canis mordet, vt
equus calce ferit, vt felis lacerat, non
vrsi more enecat: & quod in ea lauda-
bilis est, cum armis quibus offendat
careat, viribus quibus obediat non ca-
ret. Vide ergo quomodo simplicem
ouem sequatur obedientia: In veri fi-
quidem obedientis domo, nulli sunt
qui dedignetur oculi, nulli qui fugiant
pedes, nullæ quæ resistant manus, nulla
quæ

quæ respondeat lingua, nullum quod non amet cor. Ducitur more ouis quolibet, sine vlllo in vultu tristitiæ signo. Ex ouis carne bonus conficitur cibus, ex lacte caseus, ex corio operaimenta, ex lana pannus: insuper ipsa ouis agnos generat: sic vt simplicissima ouis nullis noceat rebus, in omnibus econtra omnibus proffit. Vera obedientia, simplicis ouis ad instar, solis oculis placatur, de substantia eleemosynam erogat, suis manibus operatur, suis pedibus incedit, sua lingua solatur, & suo diligit corde: sic vt in obedientiæ domo nihil otiosi temporis quod impendatur restet, neq; quidquam quod rescindatur superfluitatis. Quid insuper de oue dicemus? Hoc dicendum restat, quod æquè alacriter ad macellum maectanda pergat, atque ad pratum esura. Vide igitur quomodo in quolibet simplicem ouem sequatur sancta obedientia: Vera enim obedientia etiam si includenda sit, non ideo fugit; non vlcisitur, licet iniurijs afficiatur; non succenset licet corrigatur; non murmurat, licet contectui & derisione afficiatur: nō sese opponit, licet

licet enecetur. quicquid cum oue agit
lanio illud idem cum suo obediēte po-
test agere Prelatus. in suo pastoralis dicit
S. Gregor. Ovis nomen tanti in sacra
scriptura fit, quia in eo magna obediē-
tiæ virtus representatur: Sicuti .n. ouis
animal est quod minus homini nocet,
maximè tamen Reipublicæ prodest, ita
obediētiæ virtus, se custodienti sum-
mum adfert cōmodum, & summum
ea carenti incōmodum. Quam accipies
mercedem, si humilis, elemosynarius,
sobrius, abstinens & patiens euaseris,
sed tamen Deo rebellis & Prælato ino-
bediens sis? his omnibus in virtutibus
ab hominibus laudaberis, sed nullam
à Deo accipies mercedem. cum enim
sit inobediētia superbiæ coniuncta,
nullum potest esse meritorium opus v-
bicūque inobediētia aut superbia est.
Oues paut Abel, Ioseph, Moyses quoq;
oui comparatur Iesus Christus. Hinc
collige Deum, sanctosq; nobis non præ-
cipere, vt rebelles seruemus capras, sed
simplices duntaxat oues. Ille verò sim-
plex est ouicula, qui simpliciter obedi-
entiā præstat. Gaudet tali cōparari Iesus
Chri.

Christus, talem pascere, custodire, mercedemq; reddere. Hæc ex S. Gregor. *Non sum missus nisi ad oves quæ perierunt domus Israel*, inquit suis discipulis Christ^{us}, quasi diceret: Ne importunè quæso mecum pro hac Cananæa, vel eius filia quæ demonio oppressa est agatis: non enim nisi ad oves quæ perierunt de domo Israel, & Iacob quæ prædestinata sunt, missus sum. O quam infelix ille est, qui in domo Dei non est futurus quis, cum Dei filius affirmer, & asserat se, idèd solum in mundū venisse, vt oves quæreret easque seruaret, immò vt eas sanaret. Quod autem se ad solas oves missum dicat, superbos excludit leones, inuidas tigres, furiosos renocerotes immundos porcos, gulosos lupos, auaros talpas, pigros gryphas: in sua claustra tutelamq; admittens simplicē ouē, quæ est sancta obedientia, eamque representat. Hic ponderandum est, quod maximum quod cōmittit in Prælarum peccatum quis, illud sit, nempe quod non nihil à grege recedat, siue quod in quempiam agrum esura ingrediat: sic vt non nisi in acedia & gula peccet.

In gula & acedia peccare, per fragilitatem, & non malitiam peccare est. Dum dicit ergo Iesus Christus: *Non sum misus nisi ad oues quæ perierunt domus Israel,* intelligitur solum eos curare qui ex fragilitate labuntur: in tremendi enim & stricti iudicii Dei die, exigua aut magna peccâdi occasio summopere diminuet aut aggrauabit peccatum. Ille qui extrema necessitate coactus aliquid furatur, vt ouis peccat: & ille pariter qui fame oppressus ieiunium soluit. ille autem qui proximi bono inuidet, & qui eius nomen bonum tollit, ille qui pura malitia Rempublic. perturbat, ille inquam fragilitate non peccat, sed pura malitia. quæ peccatū est, à quo se serius corrigit homo, & q̃ serius adhuc remittit Dominus Deus. O bone Iesu, ô animæ meæ amor, me in te errasse fateor: sed scias quæso quod in modum errantis ouis peccarim. ideoq; quandoquidē errantes solum quæras oues, quære me ouem tuam, imò ouem totius mundi maxime errantem. Quoniam verò vt ouis quæ periit errarim, quære me bone Iesu, quære me famulū tuum, quâdoquidem
David

Dauid adulterum, sanctum Petrum te negantem, latronem qui te offenderat quæsiens. Quæ omnia peccata in ipsis diuifim difperfa in me folo cõiunãim reperiuntur. Videat ergo vnufquifque num ouis an hœdus fit, hoc eft, num obediens an rebellis fit: fi enim rebellis fit, ad finiftra collocabitur, fi obediens ad dextrã cum ouibus. in Dei enim domo loca, non vt præfumimus cõferuntur, fed vt meremur. Quanti igitur obedientiam faciat Deus, quæ per fimplicem ouem designatur licebit videre, fi arctam plurimorum sanãtorum intueamur obedientiam, & quod ipfi eam pluris quam cæteras alias virtutes lōgẽ fecerint. Nec fine magna ratione profectò: ita enim heroica eft obedientiæ virtus, vt fine ea nullus in hac vita sanctificari poffit, immò nullus in alia vita faluari. Narrat Caffianus Ioannem Abbatem cuidam feni triginta annis inferuiffe, fine vllius confilij aut mandati transgreffione, qui tãdem fenex vt experiretur num hæc fimulata aut vera sanctaque foret obedientia, præcepit ei vt ficcam arborem irrigaret, & aquam

à dimidio ferè miliari quæ sitam hume-
ris suis adferret. Hoc sanctus ille Mo-
nachus vnus anni spatio, nulla excusa-
tione aut causæ inquisitione exercuit.
In vita Patrum dicebat Abbas Pastor:
Dum in Eremo Thebaidis nouitius es-
sem, nunquam mihi recti quidpiam
imperatū est, sed omnia obliqua; nun-
quā quod ratio persuaderet, sed quod
opinio: nunquam quæ mihi placerent,
sed quæ me contristarent: nunquam
(quod peius est) possibilia, sed impossi-
bilia: vsitati enim tunc in Monasterio
moris erat, nullos admittere Monachos
nisi qui in rebus arduis & asperis reper-
ti erant obedientes. In Thebaidis Mo-
nasterio, vt est apud eundem Cassianū,
vnicum erat olei poculum, quo omnes
vescebantur, quoque de nocte pro lu-
mine utebantur: sancto Monacho Ioan-
ni præcepit Simeon Abbas vt illud ef-
funderet, & deorsū precipitaret, manda-
tum hoc vix iniunctū erat, quin quàm
mox adimpletum, nulla à probo Mo-
nacho quæstione facta, num aliquid in
domo olei superesset, nullaq; allegatio-
ne quod illa effusio contra cōscientiam
suam

suā fieret. De quodā Monacho qui Mucius dicebatur, refert idē Cassian. cuius patientiam & obediētiā, sui filij quem in mundo habuerat visitatione probare voluit Abbas: dixit enim ei subridens, quod multorum tumultuū causa esset eius filius, quibus vt liberaretur Monasterium, pręcepit vt eum in aquas proijceret. mādātum hoc vt datum est, statim est impletū: proiecit enim eum in aquas. Nocte pręcedente dicti Monasterij Abbati reuelatum est istius monachi Mucij in Monasterio factum, sacrificium æquē Deo gratum fuisse, atque Abrahę. Probus enim ille religiosus, ira sui filij mortem doluit, atque Abraham suo filio Isaac caput amputaturus doluerat. In Palestinę eremo vir quidam diues nobili sanguine oriūsus religionis habitum suscepit, cuius patientiam & obedientiam, vt experiretur Abbas, pręcepit ei vt decē corbes Thebas transferret, quas alternatim & non omnes simul venderet, vt longinqua illa in venditione cunctatio maiorem ei pareret pudorem. Quod statim sine vlla contradictione

exequutus est . Cum multos haberet
discipulos Sysois Abbas, vniſque Mal-
chi præ ceteris curam gereret , eorum
vnus dixit : Dic benedictæ Pater cur
præ nobis ita obnixe ſocium noſtrum
Malchum diligis? Quibus auditis Sysois
ſilens, ad omnium perrexit cubicula,
& vniſcuiusque pulſatis foribus, qui-
dam tacebant, quidam respondebant,
quidam cubiculo egrediebantur, qui-
dam non, ſed vt Malchi ianuam pulſa-
uit, hic aperta ianua egreſſus eſt, qui li-
brum ſcribens litteram inceptam ad
implendâ obedientiâ omiſſiſſe repertus
eſt. Super hac redicit S. Bernardus: Si
te obiurgat Prælatus, ſile : ſi te aliquid
roget, eroga: ſi te corrigat, patere: ſi tibi
quid præcipiat, adimple præceptum: ſi
te vocet, vocatus veni: tunc enim de-
mum obedientiam adimpleas, dum vt
illam adimpleas opus tuum deſeris.
Hiſce notabilibus exemplis colligi po-
teſt quâta ſit obedientiæ excellentia, &
quod ex obedientia procedat meritum.
cum enim indies prodeſſe debeat cor-
ruit niſi ad voluntatem Prælati am-
bulet. *Confundantur omnes qui repugnant*

ei, inquebat Dominus per Prophetam
Isaiam, quasi diceret clarius, confundē-
tur quotquot contradicunt, punientur
quicumque resistunt. immo omnes re-
belles & capitosi magno exponuntur
periculo: sine correctione enim vivere
non potest superbus. Quod dicat Isaias
illum à Deo puniendum, & ab homini-
bus confundendum, qui Prælato resi-
stet, significat quod ea omnia quæ ad
suam consolationem comparabit sub-
ditus, fore ad suam desolationem & cō-
fusionem: indomitis namque & rebel-
libus consolationes & recreationes
quas obedientibus concedunt sæpius
denegant Prælati. Quomodo frater, in-
quit S. Bernardus, tibi in mundo nego-
tiandi, in horto ambulandi, cum hospi-
tibus frontem exhilarandi, vis licenti-
am ab Abbate concedi, cum neque eius
mandatis neque petitionibus acquies-
cere velis? Si murmures quod potius
alijs quam tibi sit consolationi Prælatus,
scias alios te obedientiores esse. Aequum est subditum illum de Prælati li-
centia vti aliqua recreatione, qui ei om-
nē exhibet obedientiam. Religiosus qui

quod vult, non quod debet agit, certo
scire debet se ab omnibus fratribus
notandum, & à Prælatiſ perſequendum
& ſe in deſolatione victurum, confuſi-
onemque paſſurum, ſequē tanti quàm
cæteri non faciendum: imo quod gra-
uius eſt, cæteriſ magiſ plectendum. Ni-
hil apud mundi Principes ſeuērius quàm
irreuerentia in eorum iuſtitiam exhibi-
ta puniuntur. In religione ſimiliter ni-
hil grauius inobediētiæ delicto puniri
debet: nullum enim religioniſ ruituræ
euidentiuſ eſt ſignum, quàm dum pub-
licè inobediētem ſe exhibere audeat
ſubdituſ. Dicit in ſua regula S. Baſiliuſ:
Licebit noſtri ordinis Abbatiſ in
quibuſdam fragilitatibuſ diſpenſare,
ſecunduſ perſonarum qualitatē &
ſecunduſ vnicuiuſque vires, præter-
quam in obediētiæ vel inobediētiæ
caſu, in quo nullum Abbatē de
ſubdito diſpenſare volumuſ. In libro
intentioniſ monachorum dicit Caſſia-
nuſ, Monachorum Thebaidiſ obedi-
tiā ſuiſ Abbatibuſ exhibitā adeo
magnam fuiſſe, vt ſi quāpiam rem iſ
religioſo imperari opuſ eſſet, ſtatim eū
cæterorum conſortio expelli ſolituſ.

In collationibus Patrum dicebat Sy-
sois Abbas, Nullus se ab implenda obe-
dientia excuset, dicens nullum eam
perfectè adimplere: si enim præcep-
tum quod tibi datur leue sit, adimplere
potes; si magnum nimis, probare. tali
enim in casu, æquè bono acceptat & ap-
probat animo Dominus, quod probus,
religiosus aggreditur atque quod per-
agit. Quocirca vno verbo hæc supra-
dicta omnia quoad obedientiam con-
cludentes, dicimus, obedientiæ termi-
num non debere limitari: sed obedi-
entiæ tempus debere ad finem vsque vitæ
perseuerare.

*Quod temporalia pauci pendere debeat Des-
samulus, eo quod periculosa sint & mag-
num non adferant commodum.*

CAPVT XLIX.

OMnis qui non renunciat omnibus quæ
possidet, non potest meus esse discipulus
dixit populo qui eum in concionibus
sequebatur Iesus Christus, quasi dixis-
set: Mihi quidem videtur quod me
proborum hominum more sequami-
ni, quod verba mea vestris excipiat

auribus, & mihi fidem adhibeatis: sed si boni fieri Christiani dicique mei discipuli velitis, imprimis omnib⁹ vestris diuitijs renunciare debetis, postmodū mea subsequi vestigia. Vt hac sublimia capiantur verba, notandum est Romanos pro insignibus aquilam, Argiuos bouem, Persas gallum, Medos colubrū, Pænos manum gestasse, sed Iesu Christi discipulos nihil gestare æquum est, nec armis resistere, nec diuitijs fidere. Mirum est, nullū in Flandriam lanas non signatas mittere, nullumq̃ue in forum oues nisi notatas ducere, neminem ad mundinas pannos nisi signatos deferre, neminem seruū nisi compedibus vincitum acceptare. sed in tribunali & Iesu Christi benedicta lege, nulla maior nota quam nota carere, & nullum maius signum quam signo carere. In I E S V Christi domo non est probandum aurum, non notandus grex, non aureus explicandus pannus, non asseruandum frumentum, non commiscendum: qui enim eius sunt discipuli, istorū omniū nihil possidēt, neque possidere possunt: nam inter eos arctissima paupertas est.

sum-

summa opulencia, & qui maxima omnium necessitate oppressus viuit, omnium perfectissimus viuit. Suos discipulos sicuti Iesus Christus habet mundus: sed hæc est differentia, quod mundi discipuli sunt ditiores, comptius vestiti, potentiores, honoratiores, & qui in maximis vitam degunt delicijs; Iesu Christi discipuli verò pauperiores sunt, magis laceri, magis confusi magisque persecutionem patientes: sic vt mundi domus, officina sit vanitatis plena: Dei autem, zenodochium. Notandum serio est, quod non dicat Iesus Christus qui renuntiabunt, sed qui renunciat omnibus, ille meus futurus est discipulus: quamuis enim multi sacro baptismo initiati sint, paucissimi tamen perfecti euadunt: (Psal. 24) *Vias tuas Domine demonstra mihi, & semitas tuas doce me*, dicebat Propheta Dauid, quasi diceret: *Doce me bone Deus, doce me rectum ad te tendens iter, & semitas quibus ad te iustos deducis: facilius enim à via deflexero, quàm rectum iter tenuero, descensus facilius inferni est, quàm ascensus paradisi, Iustinus nihil ynquam*
exigi.

exigi, nec magis necessaria meliorque
posset fieri à Deo expositulatio, quam
hec, vt nos doceat scilicet cœlorū iter:
ita difficilis enim est ad illud accessus,
vt viuorum nullus illud calleat, & de-
functorum pauci intelligant. Diaboli
via, malitię sunt carnis voluptates, mū-
di vanitates, superbix honores, gulę ci-
bi, irę vindicta, acedię odium; Dei au-
tē, paupertas. patet: suorum dome-
sticorum namque nulli concedit vel
vnum possidere assem. dū nudus in prę-
sepio positus est Christus, habuitne quęso
domum patrimonialē? (Luc. 6. Matt.
17.) Dum discipuli fidentes spicas co-
mederent, frumento plena erantne eis
granaria? Dum ne staterem quidem
ad persoluendum vectigal haberet Do-
minus, possidebatne pecunias? dum
alterius sepulchro conditus fuit, indi-
ciumne erat quęso eum possidere hæ-
reditates? Narrat S. August. ita arctum
esse per q̃ Iesus Christus incescit iter,
& ita angustum per quod ingressus est
ostium, vt illud vestitus homo ingredi
non possit, ideoque debere eum qui
perfecto Iesum Christum subsequi vult
omni-

omnibus mundanis spoliari rebus.
(Cantic. 8.) *Pone me vt signaculum supra cor tuum*, dicebat in Canticis Canticorum Iesus Christus, quasi diceret: Tu qui mihi obsequuturus & subsequuturus in Monasterium venisti, pone me supra cor tuum, vt illic omnia tuarum cogitationum iacula dirigas. O bone Iesu, ô animæ meæ deliciæ, facile ex blandis tuis verbis integer in me tuus dignoscitur amor, quandoquidem me te supra cor meum collocare velis, vnde te mei amore faucium verè exhibes, cùm ob tuum amorem nihil nisi meum desideres. Non dicit Iesus Christus vt eum in lingua qua loqueris, neque in oculis quibus eum respicis, neque in auribus, quibus eius verba excipis colloques: dicit duntaxat vt ad eum amandum & ei obsequendum, nostrum ei cor applicemus. sicuti enim ille ipse nos corde dilexit, sanguine redemit, ita nos eum omnibus nostris visceribus diligere, eique operibus & ipso factò obsequi vult. Non dicit etiam Iesus Christus: *Pone me prope cor tuum*, neque infra cor tuum, sicuti enim ita per-

fectè

fectè te diligit Iesus Christus, ac si nullū præter te diligeret, ita etiam à te amore integerrimo amari vult: sic ut in amore nullum parem habeat. Ille in amore Iesu Christi rivalem adhibet, qui cum Iesu Christo quidpiā aliud diligit, quod permittere nullo modo imò, minus ferre vult, in vno corde enim vnum aliud solum valet cor ingredi. Ille Iesum Christum supra cor suum collocat, qui eum supra omnia redamat: ille propè, qui cum eo quid aliud diligit: ille infra, qui quidpiam magis quam Iesum Christum diligit.

De huiusmodi S. Augustinus dicit: Ille Iesum Christum minus diligit, qui cum eo aliud quid amat, quam qui illius nullo modo meminit. Notandum quoque Iesu Christo non sufficere, si eum eminentiori cordis nostri loco constituiamus, sed & oculis se velle opponi, sicuti scopum in quem collimamus. Quibus docet omnes cogitationes & actiones nostras non tam ad cōmodum nostrum, quàm ad illius obsequium debere dirigi. Ille Iesum Christum supra cor suum ponit, qui ei puro & vero amore

amore non timore inseruit, & qui mil-
lies potius vitam cum morte commu-
taret, quam vel vnum patraret peccatū,
(Ioan. 2) Secundum enim diuinam sen-
tentiam, qui offendit in vno, factus est om-
nium reus, id est, qui vel in vno mādato
fidelis non est, omnium aliorum man-
datorum tanquam infidelis reus erit.
Quod dicas ô bone Iesu, pone me vt sig-
naculum supra cor tuum, mones vt nudi
nudum sequamur: nudipedes, nudis
pedibus incedentem: pauperes paupe-
rem, crucifixi crucifixum. omne enim
opus huic exemplari nō correspondēs,
nullā meretur mercedem. Quid aliud
nobis Dei filius innuebat dicens: pone
me vt signaculum supra cor tuum, nisi de-
bere nos (vt Euangelici fiamus homi-
nes) hac in parte ita nobis pauperiorib⁹
inuidere, sicuti in mundo nobis ditio-
ribus inuidebamus. Si perfectorum &
imperfectorū aues differētiam videre,
in Iesu Christi discipulis de præeminen-
tia in cœna contendentibus, & in Dei
filio, & S. Petro de minoritate decertan-
tibus videbis. Sed quia viuacius Iesu
Christi radicata erat humilitas q̃ S. Petri
idedō

ideo & victoria potitus est. Tunc Iesum Christum vt signaculum supra cor tuum ponis, dum cum fratre de minoritate contendis. tunc autem diabolum, dum in omnibus omnibus præferri, & honore vis affici: sic vt talis sit tui cordis affectus, qualis est quem anhelas locum. Sed superiora repeto, *Nisi quis renunciauerit omnibus quæ possidet, non potest meus esse discipulus.* hic imperfectis diuitias contemnere non imperat Christus, monet tantum vt ijs cor non apponat. Et reuera temporales diuitias non ideo confert Dominus, vt amemus eas; sed vt possideamus, & ijs rectè vtamur. Sed hac in classe religiosi perfectique homines non continentur, quorum est ita a diuitijs esse alienos, vt eas omnino contemnere debeant, sicuti in primitiua Ecclesia Apostoli contemnere solebant, & sicuti in lege naturæ fiebat, in qua neque tuum, neque meum in mundo erat, neque futurum erat, nisi apud homines regnasset peccatum. Iesus Christus inquit S. Augustinus, in sua Ecclesia permittit diuitias esse vt ijs exerceatur charitas & ad gloriam electi perdu-

ducantur: alioquin enim ita sublimitatem paupertatis, & puritatem castitatis amat Christus, vt hanc vtramque virtutem diuinorum mandatorum canonique æquè affcripisset, atque consiliorum euangelicorum numero. Dicit venerabilis Beda: Quid aliud dicit Iesus Christus dicens, *Vende quæ possides, & sequere me*, nisi sis vt ego pauper, desere vt deserui mundum, ama me vt te amaui, omnes tuas possessiones sancta mea paupertate commuta, mihi in omnibus tuis necessitatib. fide: omnibus. n. & volo & valeo mederi. Dicit Origen. quod homini perfecto dicat Christus vt oēs suas diuitias vendat & se sequatur, significat, Ne fugientes & perituras sequaris diuitias, sed me te expectantem sequere: ego & ipsa admodum ab inuicē discrepamus, ideo eas sequi, nisi me persequaris non potes. debes econtra eas persequi vt me sequaris. Quod dicat Iesus Christus *vende quæ habes & sequere me* inquit S. Chrysostomus, est ac si diceret, sequere me qui voluntate & nō necessitate pauper sum: me inquam, qui non vt seruem peto, sed vt dem. nō est

est peccati poena mea paupertas, sed est iusti merces. ille enim è familiarissimis collegij est qui magis esurit, & peioribus indutus est vestibus. In Lucam scribens S. Hieronimus, dicit: aurum & argentum non abnegare nos vult Christus, quasi mala sint: sed quod iustis quominus Dominum sequantur impimento sint. ideoque dum suis in suo testamento dixit Iesus Christus, *Ego dispono vobis regnum, sicuti disposui mihi pater,* eos priuauit auro, & multis astrinxit laboribus. Dicit S. Hilarius, Quod perfectis hominibus dicat Iesus Christus *utque possident vendant & se sequantur,* non durum & asperum est consilium, sed benignum; non periculosum, sed tutum, non inimici, sed amici, non auari, sed liberalis. nihil enim in hoc mundo magnum dici potest, nisi cor magna contemnentis. In quadam Homilia dicit S. Gregorius: Quod nos omnia nostra vendere ac se sequi velit Christus, ei idèd potius gratias agere quam de eo conqueri debemus, eo quod multo cum labore comparentur temporales diuitiae, multa cum sollicitudi-

tudine custodiantur, magno cum periculo defendantur, multa cum molestia diuidantur, & multis cum contradictionibus conseruentur: sic vt eas deferētes paucorum iacturam faciamus denariorum, & à multis nos liberemus angustijs. *Sicut spinæ se inuicem completuntur: consumentur sicut stipula ariditate plena dicebat Dominus per Prophetam Naum: quasi diceret, Sicuti in dumis nullus spinis appropinquare audet, imo nec eas ab inuicem separare aut simul constringere: ita euenit apud Damascenos diuites & mercatores Tyrios, qui ita suis mercibus immerfi, & ita suis negotiationibus quas simul suscipiunt dediti sunt, vt ab ijs nullo modo dimoueri possint, imo quod peius est illi ipsi seipsos intelligere non possunt. Non sine mysterio spinas diuitias, & diuites dumos spinosos vocat Propheta: Sicuti enim spinæ neque se palpari neque tractari patiuntur, sic diuites neque palpabiles neque tractabiles sunt, neque cum paruulis conueniunt & communicant, proptet mutuam connexionem diuitiarum & superbiæ, Profectò diuitum*

tum domus, immè illi ipsi diuites siluæ
& dumis spinosi sunt, à quorum astutijs
& deceptionibus difficilius semoue-
mur, quàm si spinarum stringamur ne-
xibus: quoniam, quod omnium gra-
uissimum est, ab ijs nullo exemplo, nul-
lis nimis extricari possunt. Nullus à
dumis colligitur fructus, nihil in ijs e-
laboratur, vix vmbra aliquam præ-
stant: commodum quod inde emana-
re potest, hoc est, quod venenatorum
serpentium sint receptacula, quod ve-
stem dilacerent, carnem vulnerent.
Porro auari diuites multo dumis & spi-
nis sunt peiores, in quorum consortio
suum collocauit thronum superbia, ni-
dificauit inuidia, hospitata est ira, do-
micihum posuit luxuria, mansit gula,
stationem fixit auaritia. Nūquid quæso
spissi admodum dumis, tristesque &
pungentes spinæ sunt diuitum do-
mus, cum multo plura contineant vicia
quàm homines? Diuitiæ earumque
comites longe frequenter peiores sunt
dumis & spinis: spinis namque solent
parietes tegi & armari; sed diuites e-
contra Respublicas direptioni dant, &
furan-

furantur: spinæ vestem dilacerant, sed diuites sanguinem sugunt. Spinis peiores sunt temporales diuitiæ: acquiri enim se patiuntur; sed non concedunt vsum. Si enim ab hæreditate procedant, parui sunt: si ab acquisitione, caro admodum constant: earum acquisitionis sine facto, moriendi adest tempus. Asperæ & pungentes spinæ sunt diuitiæ, cum per superbiam retineantur, per concupiscentiam comparentur, per auaritiam conseruentur, per abusum plurima abusum gignant peccata, sic vt mundanæ diuitiæ corpus vitij, & animum molestia & sollicitudine onerent. Diuitiæ, malæ sunt spinæ, quæ nobis, tantos per itinera generant sudores, tâta per mare pericula, tantas in commercij iacturas, tantos per hospitia sumptus, tantas per nundinas molestias, vt malit quandoque homo eas ostiatim emendicare, quam de nundinis in nundinas procedendo comparare. Fragiles sunt spinæ diuitiæ, imò ipsi diuites: quoniam etsi prudentia & industria comparari valeant.

con-

conseruari uō valent. Si. n. hæ diuitiæ,
mola sint, eas deuastat aqua: si domus,
eas consumit ignis: si vestes, eas tinea
corrumpit; si grana, ea curculio come-
dit: si greges, immiscet: si æs, id furatur
latro. aded vt & vna hora pereat, quic-
quid tota vita comparatum. Graues ve-
rè sunt spinæ diuitiæ: eo enim tempore
quo eas accumulât diuites soli incedūt,
& eo tempore quo ijs fruuntur, multos
habēt comites. quidam enim se eorum
famulos esse dicunt, quidam parentes,
quidā amici, alij affines. sic vt se omnes
eis in expensione deditos esse dicant, in
acquisitione autem nullus labori manū
admouet. Periculosæ sunt spinæ diuitie,
quandoquidem earum possessores, ita
grati esse non possunt, quin inuidia, con-
tentione, mala exceptione & infamia,
non solum à vicinis, sed & à proprijs
parentibus & amicis afficiantur, non
propter illatas iniurias, sed propter de-
negata bona. Dicit ided Seneca in ni-
mium diuitem debere cōmiseratione
vti, quanta in pauperem egenum: nun-
quam enim amicis rogantibus, neque
inimicis persequentibus carebit diues.

Idem

Idem alibi: Si in virum probum euadere cupias, & à nobis magni fieri, parui diuitias pendas: nullus enim magni fieri potest nisi diuitias contemnat.

Periculosum esse secundum S. Pauli doctrinam mundana querere, imò non solum querere, sed ea desiderare religiosis inhibendum esse.

CAPVT L.

QVI volunt diuites fieri, incidunt in tentationem & in laqueum diaboli inquit Apostolus Paulus ad Timotheum scribens, quasi diceret, Qui diuites euadere cupiunt exponunt se periculo incidenti in summam tentationem diaboli-que laqueum, multa-que nullius pretij desideria, quæ hominem ad interium, postmodum ad damnationem perducunt. Hic aperte exiguum commodum, summumque quod ex diuitijs emanat incommodum declarat Apostolus. ijs enim carere possumus: quod vel hinc clarum: non enim natura, cum yrget

B b

suis,

uitiæ,
mus,
tinea
ome.
ratur
quic
es ve
pore
cedūt,
ultos
orum
entes,
mnes
ant, in
manū
iuitie,
res, ita
a, con
fama,
roprijs
, non
er de
in ni
atione
: nun
neque
diues.
Idem

fitis, seruos, non mantilia, non aurum
vel argentum quærit; sed solum aquæ
vitrum. quod superest vanitati & non
necessitati subseruit. Multæ vestes vani-
tati & non necessitati subseruiunt, vni-
ca enim tantum induimur: sic & multi
calcei, multi libri, multæ domus, vnica
namque ad domicilium sufficit. Ita quæ
quærimus longè in maiori numero sũt
quam quibus vtimur. Dicebat Seneca,
Lucili, duorum extremorum in quæ
labuntur homines, potius carentiam
elige, quam nimiam copiam. quæ e-
nim diuitiæ non seruiunt nobis, ijs in-
seruimus. & qui eas sibi ipsi non subij-
cit, ipsis subditus manet. Sicilia Athe-
nas proficiscens Socrates Philosophus
in mare magnum auri pondus à Dioni-
sio tyranno acceptum proiecit dicens,
Exesto maledictum & infelix aurum:
submergere te malo, quam à te sub-
mergi. Hic notandum & consideran-
dum, imo mirabile est, Apostolum non
diuites contemnere, sed diuitiarum
cupidos. ratio est, quod tales nos si-
mus, qualia sunt nostra desideria & ea
quæ desideramus. Sicuti recta desideria

nostrā promouēt salutem, sic mala nostrum generāt interitum. merces enim quam expectamus & punitio quam patimur, nō reuera in manuum nostrarū operationibus consistunt, sed in cordis nostri cogitationibus. Quod inquit Apostolus culpam esse in concupiscencia, dixit ad saluandos & excusandos diuites, qui suis diuitijs multa bona operantur, & vt ostenderet peccatū esse in eo qui eas ad malum cuperet, non autē in eo qui ad bonum ijs vtitur. Tales fuere Abraham & Loth & Iob, qui diuites sanctiores fuere, quam alij pauperes. Dicit ideo S. Augustinus quod animus illius qui diues fieri cupit duobus vexetur desiderijs, velle scilicet, & nolle. valde quidem vult quis diues fieri, at non vult labori manū ad moueri. *Quia vir desideriorum es: ego ostendam tibi quæ futura sunt*, dicebat Danieli Angelus, quasi diceret: Quia bonis desiderijs plenus es, & multa sancta in te feruent proposita, nunc te tuæ vitæ methodū, & quæ futura sunt docebo. Non sine mysterio non laudat Angelus Danielē quod Hebræus esset, quod abstinēs

sciens, Propheta, zelo & contemplatione plenus ; sed duntaxat in hoc, quod sanctorum desideriorum plenus esset. ut intelligeremus Dominum in Deum longe magis sancta nostra desideria facere, quam opera nostra infirma quibus ei obsequium præstamus. Quod autem diuitias non condemnet Apostolus, sed earum desideria, quodque Danielis bona opera non laudet Angelus, sed eius bona desideria, insigne documentum est, verum Dei famulum debere saltem ad obsequium præparatum esse animo, etiam si ad bona opera agenda vires non habeat. Non dicit Propheta, Domine pedes quibus Ecclesiam adeam præparatos habeo, & manus apertas quibus eleemosinam erogem, auresque attentas quibus verba tua excipiam, dicit duntaxat, *Paratum cor meum Deus, paratum cor meum*, hoc est, meus ut tibi obsequium præstem paratus est animus Domine, eo quod omnia mea opera nullius sint momenti aut pòderis. Dicit insuper Apostolus malos homines solo diuitiarum desiderio pìre. Acquum est hoc inordinatum desiderium

refrænare, ne postmodum illa in virum diuitem euadendi concupiscentia virum non probum reddat: si hæc enim inordinata desideria benè non refrænemus, neque manus neque pedes nostri vnquam quieti erunt. Dicit Scriptura, *Dauid proficiens & semper seipso robustior*, quasi diceret: Inter fortes fortissimus erat Dauid, & ille idem Dauid semper erat seipso fortior. O sublimè mysteriũ! ô profundum arcanum! Dauid seipso fortior. verũ hoc fuit, dũ seipsum superans, omnes iniurias Sauli ignouit, nõ hic carnis appetitibus & desiderijs acquiescēs. Magnã sibi victoriã comparauit Dauid, dum magnũ illum Goliath debellauit; sed maiore multo dum seipsum superauit. seipsum enim deuincens, eum qui tyrannum deuicerat deuicit. Dum magnum illum Pompeium in campo Pharsalico superauit inuincibilis ille Caesar, & superstitibus exercitus ignouit, dixit ei non nemo ex Ducibus: Hodie magne Caesar tua clementia maiorem tibi gloriam comparasti, quam heri ferrò & lancea. inimicum namque lancea debellasti, teipsum

elementia vicisti. Laudabile dictum, sed longe laudabilius Cæsaris heroicum acinus: maiori siquidem ad refrenanda vitia, quam ad debellandum inimicum opus est animo. Dum homini perfectionem quærenti dixit Christus, (Matth. 16. Luc. 9.) *Abneget semetipsum*, non præcepit ei ut Mauros, Iudæos & Paganos deuinceret, sed semetipsum, tanquam potentiorum inimicum. Difficilius enim sua sibi desideria aufert homo, quam alterius bona. Quod eum qui diues fieri cupit æquè redarguat Apostolus, atque ipsum diuitem, innuit eum qui desiderijs pauper & pecunijs diues sæpius salutis ad portum pertingere, quam qui pecunijs pauper & desiderijs diues. Ex nummis & pecunia comparata multum potest fieri boni; sed ex inordinatis desiderijs nihil nisi mali plurimum. Ideoque nullus secundum rationem vivere potest, nisi se rationi prius subdat. Ille animum rationi subdit, qui eum quidpiam mali desiderare non patitur: ita enim cupidus est animus, & ita difficulter ei satisfacit, ut si in suis cogitatis semel delectationem hauserit, potius mortem subire, quam suis

fuīs non frui desiderijs paratus sit. Dicit
& Apostolus diuitiarum cupidum in-
tentationē ruiturum, dictū & Christo:
Ne nos inducas in tentationem: sic vt vna
tentatio sit, quam admodum formida-
re, & pro qua auertenda semper orare
tenemur. Non fallitur dicemus, qui
hanc tentationem, auaritiæ tentatio-
nem dixerit: ea siquidem est, quæ nos
de more tentat, & quæ nos maxime
vexat. Benè dicit Christus dicens: *Et ne
nos inducas in tentationem*, habendi enimi
cōcupiscētia inter Principes bella susci-
tet, latrones montiuagosque secedere
facit, mercatores & nautas per maris
gurgites ducit, oratores multis expo-
nit laboribus, Iurisperitos in curijs
causas agere compellit, annuorum rē-
dituum emptores innumeris exponit
periculis, sapiusque appetitores causa
cadere compellit. Super hæc verba:
Et ne nos inducas in tentationem, dicit S.
Chrysoft. Ne nos in bonorū acquiren-
dorum tētationem inducas. nimis nā-
que pœnis & periculis comparantur,
nimia difficultate & inuidia diuiduntur,
qui n. ea à probis exigunt, quique aufe-
rūt, imò qui ea nobis suffragantur, tanto

sunt in numero, vt et si bona sudore & labore comparentur, tamen cum luctu & fletu diuidantur. Statim vt quis diues euadit, omnes amici sese etiam diuites habent, seque diuitum more tractant: & si forsitan is nummos, quibus se laute tractent deneget ille diues, certo sciat se ab ijs multis iniurijs verbis afficiendum. Nullus inter diuites est, qui non & iurato asseruerit summam furto sibi sublatam longe esse summa quam in suis voluptatibus expedit maiorem: sic vt luctu nunquam careat, sapius verò pecunia. Amico suo Lucilio dicit Seneca, Dicant mihi huius sæculi diuites, quid facilius sint computatū, luctusne & molestias quas ferunt, an nummos quos possident? Si pecunie multum possideant, vno non poterunt illam numerare die, cum econtra toto vite tempore ob molestias quas patiuntur habeant quod doleant. Quam maiorem vindictam cuperes diuitem pari, quam eum suis inuitoribus circumdatum, multis onustum minis, luctibus vexatum, à pauperibus inuidia, & ab alijs diuitibus inimicitia laborātem videre, imò

imò videre eum à mensarijs torqueri,
 famulorumq; suorum furta pati, apud
 vicinos suos male audire, & multas po-
 tentiorum persecutiones sufferre? Et
 tamen cogitur sustinere ordinarios rei
 domesticæ sumptus, eandem famulo-
 rum turmam, frequentes visitantium
 visitationes, negotiorū multitudinem,
 licet hoc ægrè, & quandoque ad mortis
 vsque periculum. Huiusmodi enim est
 mundanarum rerum hoc tempore sta-
 tus, vt stultorum opinionem, quam ve-
 ram rationem sequi malint homines.
 Hactenus Seneca. O quos labores, quas
 cum suis diuitijs miseras patiuntur di-
 uites? nempe cum vectigalium recep-
 toribus, prætereuntibus negotiatorib?
 creditoribus. satius frequenter foret
 honestam quandam paupertatem pati,
 quā adeò turbulenta molestias. Porro
 alia in bonis tēporalibus occurrit pœ-
 na: quamuis enim quis h. c. vno abūdet,
 tamen plurima eum deficiunt maxima
 temporis parte: quæ enim necessitati
 satis sunt, non sufficiunt appetitui. S.
 Anselmus: Si suos redditus suis, inquit,
 expensis adæquarent homines, ita vt

reditus non excederent expensæ, viderent profecto omnes pro eorum acquisitione susceptos labores ad suas adimplendas vanitates potius tendere, quàm ad necessitatē. Aliud quoque in diuitijs oritur periculum: quo plus enim suis negotijs intendunt diuites, eo plus spinis & dumis intricantur inuoluunturque, ut sit computando, mercatores querendo, merces periculo exponendo, dādo, aut ad vsurā accipiendo: adeo ut dum se suis negotijs extricare cogitant, ijs profundius sese immergant. In Matth. dicit S. Hieronym. quod diuitis amicus aut vicinus, si eius salutem procurer, magis bona ipsius diminuat, quam augeat: huiusmodi enim conditionis sunt diuites auari, ut summum eorum bonum ijs exiguum appareat, & exiguum alterius bonum summum. In quadam Homilia dicit sanctus Gregorius: Magno cum labore bona temporalia dum ijs caremus quærimus, sed dum ea possidemus, eorum fruitione non delectamur. magno cum periculo ea comparamus, & sine appetitu ijs fruimur. Quæ cum vera sint, errat qui diuitias dicit

dicere esse bona, quandoquidem omnino mala sint. quæ enim in mûdo nunc mala sunt, à diuitibus auaris gignuntur, & à miseris pauperibus tolerantur. Quomodo temporales diuitiæ bona dicentur, quandoquidem plures ijs fiant maliquam boni? Mala sunt profectò & quidem magna admodum mala huius mundi bona, cum tanta cum fragilitate conferuentur, & tanto cūpericulo congregentur. Quod patet: si enim diuitias possideat senex, is iam ijs frui non valet. si aut̃ adolescentulus ille vt eas regat prudentia caret. Dicit ad rem Seneca: Fateor inquit Lucilli, diuitem scire quid relinquat, quando, & quibus, sed non quādiu: dum enim suis filijs & nepotibus siue vicinis quidpiam relinquere opinatur, illud paruo annorum spatio consumunt hæredes. O quam multi mortui & sepulti sunt, qui si nunc in mundum reuerterentur, dissipatione bonorum suorum per hæredes visa bonis comparatis malediceret, & hæredes suos exheredarét? Quomodo Lucilli diuitias bona esse dicere

audebis? quandoquidē corpus nostrum
 periculo exponant, subuertant iudiciū,
 amicis priuent, cor immutent, inimicos
 comparēt, litibus immergant? Et illud
 meo quidem iudicio grauissimum est,
 quod diuitum lites & pœnæ nō ad me-
 lioris vitæ resipiscētiā, sed ad diui-
 tiarum augmentationem subseruiunt.
 Quid aliud mundanæ sunt diuitiæ, nisi
 vanitatis appetitus, malorum incita-
 mentum, bonorum cœnum? Hæc ex
 Seneca. Concludentes ergo dicimus
 nullum debere mundum sequi, quod
 errore plenus sit, neque ei obsequium
 præstare, quod ingratus, neq; ei fidē ac-
 hibere, q̃ fallat, neq; amare, quod peri-
 culosus sit: delectat enim vt rapiat, ra-
 pit non redditurus. Qui mundi decep-
 tiones non norunt, hi sunt qui ei infer-
 uiunt, & qui in eo pereunt: qui enim
 eum norunt, solo eius nomine audito
 se crucis signo muniunt, & se
 ne eum videant ab-
 scondunt.

*Periculosum esse in religione quidpiam inscio
Pralato, siue quid superfluum in
cubiculo retinere.*

CAPVT LI.

OMnia arbitror vt stercora, vt Christum
lucrifaciam, inquit D. Paulus, (Philip.
3.) quasi diceret: Quidquid in mundo
continetur, velut vile stercus, vt Iesu
Christo inservirem, eiq; gratus essem
contempsit. Magni admodum Iesum
Christum faciebat Apostolus, cum solo
ipsius amore omnia despiceret. De mo-
re siquidem multa pro re aliqua vna
non dantur, ni illa sola totius mundi
rebus maioris sit pretij. O nota & me-
moriam verè dignum verbum, aded vi-
delicet parui temporalia pendere, vt ea
se deseruisse non tantum dicat, sed con-
tempnisse & horruisse. Nec se sibi quan-
dam reseruasse portionem dicit, sed
re ipsa omnia contempnisse, multo mi-
noris diuitias mundique thesauros fa-
ciens, quam stabuli stercus faciat agri-
cola Super hæc verba dicit S. Ansel-
mus: Scuti non nisi inutilia, putrida &

foetida in finum proijciuntur, ideo in
fallibili argumento argumentari licet,
nihil in mundo esse nisi putridum &
foetidum vel animæ inutile. Dic quæ
mihi, quid aliud est mundus & quic-
quid in eo continetur quam vetus fi-
mus? Ignoras frater omnes quos com-
edimus cibos, omnes quas induimus ve-
stes, domos quas inhabitamus & diuiti-
as quas possidemus, tandem in finum
esse conuertendas? Quid melius hæc
Apostoli sententia dici potest, qui quid-
libet velut stercus despiciebat, cum tã-
dem omnia in finum conuertantur?
Si quid fimo vilius reperisset Aposto-
lus, inde suam sumpsisset comparatio-
nem. Et quamuis finus quid vile sit, ta-
men ad impinguandos agros prodest,
aurum & argentum e contra Repub-
licam deuastant. Hæc S. Anselmus. Nō
sine mysterio aperte dicit Apostolus, ad
Christi subsequenda vestigia debuisse
omnia in finum proijci: in perfectio-
nis enim via illos liberiores & tutiores
esse dicimus, qui in illa maiorem fecere
progressum. O felix accidens, o beatum
incommodum, o benè impensa iactu-
ra,

ra, dum ad animam nostram saluandam bonorum nostrorum iacturam patimur! Non est profecto iactura, sed lucrum; non est virus, sed antidotum; non est furtum, sed inuentio; non displicentia, sed gratia. O sublime mysterium! O inauditum arcanum! Ad comparandum mundum diuitijs nobis opus est, ad cœlum autem, earum contemptu. O bone Iesu, ô animæ meæ delitiæ, qui te suum diceret, quis per te cœlû assequeretur, si vt mundi diuitias in finem proijci imperas, ita ad comparandum tuum regnum, aurum Indicum postulâres? Dicit Seneca: Ne de rebus quibus cares sollicitus sis, ne quicquid vides concupiscas: nullus enim in mundo Princeps est qui simul omnia habere possit: omnium tamen pauperrimus omnia contemnere potest. ideoque satius esset meo iudicio, cum pauperibus omnia contemnere, quam cum diuitibus omnia congregare. In arcta religione huiusque Apostolus erat opinionis dum diceret. (1. Tim. 6) *Habentes alimenta, & quibus regamur his contenti sumus, quasi clarius di-*

diceret: Nos qui Iesu Christi Monasterio inhabitamus, quique sanctum Evangelium professi sumus, solo cibo quo utamur & vestibus quibus cooperiamur contenti sumus, imò cōtentissimi. O sapientiæ thronus! ô vas electionis! Si flagellorum à Paganis accepta apparuissent verbera, & Iudæorum tibi inflictæ pœnæ, iure profecto & æqua cum ratione tibi inservire debebāt Gentiles, teque comitari Seraphin; tu verò vt Apostolus sanctus & religiosus panis duntaxat buccellam ad sedandam famem, laceramque tunicam quate cooperires, rogasti. Quandoquidem ergo panis vel particula lacerisque vestibus contentus esset Apostolus, quis ille est Monachus, adeò hebes qui novas in Monasterio vestes, delicatosque roget cibos? Dei famulo hic notandum quod Apostolus non dicat, habētes vestimenta quibus operiamur, sed quibus tegamur, hoc est quod nihil vnde operiatur roget, sed vnde tegatur: vt enim vestiamur multis opus est togis, sed vt tegamur verè detrita sufficit tunica. Ex hac adeò rara & sublimi doctrina colligi potest,

potest, religiosum duplici cuculla, scapulari, toga, habitu non nisi ad necessitatem uti posse, ad curiositatem verò minime: ita enim à superfluitate in Monasterio abhorreere debet religiosus, quemadmodum in mundo à paupertate. Cum ergo à Deo iam ad vitam monasticam vocati simus, æquum est ut mundana despiciamus, & nostra contenti simus sorte. Nam cum se vestire non audeat Apostolus, sed tegere duntaxat, debet Dei famulus à mercatura plane alienus esse, velut à venditione & emptione, à donatione & acceptatione, à pecuniæ usurariæ acceptione vel concessione: hæc enim omnia leuitatem sapiunt, imò proprietatem. Si emptores & venditores tēplo expulerit Christus, nunquid equum est monachum receptorem, & ad usuram pecuniam sumentem, quamvis à Prælato Monasterio nō expellatur, corrigi tamen & domari? In collationibus Patrū dicit Cassianus: Quandoquidē nobis parentes nostros, qui nos genuerunt & fouerunt, diuitiasque nostras, amicosq; superstites reliquerit Dominus Deus, videamus serio
ne cu-

ne curiosi aut proprietarij euadamus:
ita enim delicata & periculosa sunt re-
ligionis res; vt sepius mundi diuitias de-
ferentes non ita mereamur, sicut deme-
remur ob desideria & appetitus, quos
in religionis ordine retinemus. Guili-
elmo Monacho scribens S. Bernardus
inquit, Quod dicat Iesus Christus, Si uis
perfectus esse, vende omnia qua habes & se-
quere me, inquit, religiosos nihil in vi-
sceribus fouere debere, nihilq; in cubi-
culis clā abscondere: debet enim certo
certius scire monachus, quod furetur
quicquid in scio Præfato detinet. Si cu-
pias Guilielme frater in religione pro-
desse totaq; tua vita in Monasterio per-
sistere, otium fuge & curiositatem. dia-
bolus enim animū otiosum vanis cogi-
tationibus onerat, monachiq; curiosi
multis appetitibus cellam replet. Caue
Guilielme, caue ne cellam tuam par-
uulorum virgulis repleas, neq; puerili
quadam suppellect le cistas oneres. in
hanc enim diem nullū nostri ordinis;
curiositate utentem vidi monachū, qui
postea proprietarius non euaserit. Si Ie-
sū Christū te imitari glorieris o religio-
se,

se, quomodo adeò angustā audes procurare cellam, Iesu Christo ita angusta in cruce tolerante mortem? Quomodo vitro tuas audes ditare & firmare fenestras, Iesu Christi visceribus laceris & vsque adeo multis pro te apertis plagis? Quomodo tui cubiculi tabulatū tabulis confectum habere audes, Iesu Christo in cruce clavis affixo quiescente? Quo pudore tuo in cubiculo gulæ officina vteris, Iesu Christo in cruce solo aquæ vicio carente? Qua cōscientia tistis vestitum à tinea deuoratarū plenis vteris, Iesu Christo nudo in cruce pendente? Quomodo Praelato importunus es, vt. quouis die monasterio egrediaris, cum à cruce licet rogatus descendere noluerit Iesus Christus? Crede mihi & nullatenus dubites Guilielme frater, quod (vt S. Benedicti monachus fias) nudus nudum sequi debeas, pauperq; pauperem, famelicus famelicum, crucifixus crucifixum, solus solum: si secus enim in ordine viuere præsumas, potes audacter mundū reuifere, eiusmodi enim in Monasterio non toleramus bestias. Fure erat & loculos habebat, inquit S. Ioannes, de infelici Iuda agens, quasi diceret:
Iuda

Iudæ erat eleemosinas Domino nostro erogatas colligere & pauperib. diuidere sed adeò nequam erat, vt publicos haberet loculos., è quibus ageret expensas, & secretos quibus furta exciperet. Non sine mysterio miser ille Iudas mûdo abnegato ad Iesu Christi imitationem nudis incedebat pedibus, & fame oppressus spicas comedens per campos incedebat. Hunc furem dicebat sacra scriptura, non quod itineribus infidiaretur & quosdam iugularet, sed quod loculos quibus furaretur haberet, & quod eadem conditione qua confratres contentus non esset. Hoc adeò horribile & formidandum exemplum tristeque infortunium suis animis visceribusque impressum habere deberent Dei famuli: siquidem monachus siue religiosus qui suos retinet appetitus, alter est cum suis loculis Iudas. Concedit mundus mundanis vt quid superfluum habeant: sed verò religioso non nisi necessaria conceduntur. Propterea dixit S. Bernardus quod quicquid superflui possideret monachus, illud velut latro furatus esset. In vita
fo.

Solitariae libro, proprietarii & curiosi
legitur differentia, nempe quod curio-
sus palam conseruet quae possidet, pro-
prietarius autem clam: sic ut reuera
loquendo, vnus in vana gloria peccet,
alter in auaritia. Ille profecto cum Iuda
loculos habet, qui non solum quod ha-
bet cōdit, sed qui fratri mutuum quid-
piam rogante dare renuit. vltra enim
quod in religione omnia cōmunia esse
debeant, sciendum certo certius est re-
liosi religionem perire eò ipso instanti
quo *illud meum, & illud tuum* est audet di-
cere. cū enim tuus nō sis qui Prælatō
professus es, qua conscientia quo ve pu-
dore audes dicere, *illud tuum est. & illud
meum*? Religiosus qui sub prætectu cō-
parandi sibi vestimentum aliquod, aut
iuuandi cognatum, denariorum con-
gregationi studet, vel eorum quorum
in Monasterio curam gerit quidpiam
furatur, cum Iuda loculos. & cistas ha-
bet. licet enim sit eius intentio bona,
opusq; bonum, quia tamē id sine venia
exercet, non recta agit conscientia. Dei
famulus, qui quicquid in mundo possi-
det abnegat, & post vilibus vult coin-
quinari

quinari rebus, sciat se potius hoc tentatione motum, quam recreatione agere: ita enim subtilis est diabolus, ut omnimodis compellat nos ea quæ in mundo tuta conscientia reservare poteramus, in religione repetere & protequi, quod tamen nullo modo attentare nostrum erat.

In Patrum vita dicit Serapion Abbas, nullum in eremo curare debere, num res qua utitur vilis sit, aut pretiosa: in vita enim monastica in multa aut exigua nostra possessione non consistit malum, sed in amore aut odio quibus illud possidemus. Nihil vilius haberi aut comedi cucumeribus filiorum Israel in Aegypto poterat, dicit scriptura, tamen eos iustitia diuina condemnatos & punitos non aliam ob causam, quam quod illos in deserto repeterent & desiderarent. Hac ex punitione suâ admodum strictam esse religionem, valde obligatoriâ esse professionem scire debet religiosus, quandoquidem in mundo gallinas & capones edere poterat, hic autem in religione fas ei non sit pepones & melones desiderare. *Melior est dies una in arvis tuis sa-*
per

per millia, dicebat rex ille Dauid, quasi diceret: Ita ijs qui te amant amabilis es, tuisq; famulis liberalis summe Deus israel, vt lōge in domo tua melior sit dies vna omnibus vitæ diebus voluptuose transactis. Dicit ad rem S. Bernar. *Vident cruces nostras, & nō unctiones nostras*, quasi diceret, qui religionem non norunt omni carent deuotionis parte, & quod quæ sapimus non sapiant, idēd nostris laboribus compatiuntur. religiosus autē qui quid sit Deus gustare incipit, longe plus vna die in mundo patitur, quā decem annis in Monasterio. Qui in vita monastica de tentationibus quas ferūt, & claustris quibus includuntur cōqueruntur. si religionis beneficia consequi illiusq; perfectionē sapere mererentur, non equidem de tentationibus quæ hic tolerantur conquererentur, sed deflerent duntaxat consolationes quarū illic iacturam patiuntur. Ideoq; in Patrum vita dixit quidā senex, in mundo inquit multa sunt, quæ nobis incōmodum adferunt & terrent; sed hic in eremo sunt plura quæ nos terrent, quam quæ nobis incommodum adferant: si. n. prohibati
assue-

affluere monachus, nihil nisi Deum gustare poterit. Optimus ille Iesus priusquam montem Caluarie ascenderet, sudauit & vero timore agonem passus est, sed postquam crucem expertus fuisset, licet eum à morte liberare voluissent inimici, non tamen idèd à cruce descendere voluit. Propheta Helias (3. Reg. 19.) maledictâ illâ Iesabel fugiēs fame oppressus, panis subcinericij parte, & aquæ torrentis haustu ab angelo dato, quadraginta diebus sine fatigatione incessit, omnium præteritorum dolorum immemor. O quantū interest à Deo cibum accipere an à creatura? Videre est siquidem Heliam subcinericio pane non solum satiatum, sed & exhilaratum fuisse. Vnde colligere possumus Domini famulo pluris esse Dei cinerem, quam mundi facinā. Euasit Daniel pinguior pulchriorque duos & male conditos comedens cibos suis socijs capones comedentibus. Vnde colligimus homines sanctos & perfectos magis proficere plurisque Dei gratiam facere debere, quam bonos aut malos quos comedunt cibos. Sicuti frumenti

frumenti granum in spinas cadens per-
rit, & suffocatur, ita peribit & suffoca-
bitur monachus qui in religione pro-
prietate & voluptate uti voluerit: in ha-
bitu religionis siquidem propria uti
voluntate non datur, multo minus pro-
prietate. In sua doctrina dicit S. Bona-
uentura, quod Dei famulus qui oculos
mentemque suam ad animæ salutem
dixit magis, quam ad voluptates, non
solum culpabilibus & illicitis abstineat
rebus, sed & licitis & utilibus. In euan-
gelica parabola scriptum est prædiorū
aut vineæ emptores ad nuptias noluisse
venire. Quibus innuitur paucos ad re-
ligionis perfectionem peruenturos,
licet à Deo multi ut fiant religiosi sint
vocati. Multa Israelitarum millia Ae-
gypto eduxit Deus, salvaque per Moy-
sem in desertum perduxit, è quorum
numero duo soli Iordanem pertransire
terramque sanctā ingredi, nempe Iosue
& Caleb meruerunt. Hac ex figura in-
telligimus fratres, non sufficere à Deo
mundo educi, religiosique habitum sus-
cipere, cucullam in capite gerere, regu-
lā observare, vouere, ni etiā toto animo

hanc Aegyptum abnegemus, nique monasterij magna aut exigua portione contenti simus. Quam maiorem ingratitude[m] committere Israelitæ potuisset, quam aquarum dulcium Marathæ mannaque de cælo missi, datarum originum & nubis quæ eis umbraculo erat obliuisci, meminisse econtra duntaxat Aegyptiaci oleris, cucumerumque & ceparum illic deuoratarum? Illum ego cæcum cepam facere, auderem dicere qui confratrum consortio in religione non interest, quique in suo cubiculo quietus nullo modo esse potest: hæc enim ei omnia accidunt quod velut peregrinus per Monasterium discurrat, eaque quæ in mundo reliquit suspiret. Religiosus qui esuriens mundi cibos in memoriam reuocat, frigans, vestes quas in mundo vestiebat repetens, pauper, suas diuitias, solitarius suam potentiam & estimationem, non solum confusus viuet, sed & toti Monasterio molestus erit. Hanc ob rem in sua regula dicebat S. Basil. Certo scitote fratres Dominum æquè Eremitarum atque mundanorum meminisse. Addo tamè te prius debere esurire quàm satu-

saturari, & denudari quam vestiri, te-
que solum esse debere si visitari cupias,
desolatumque esse, si consolari deside-
res, diuina enim consolatio ita est deli-
cata, vt nullam humanam secum patia-
tur consolationem.

*De labore quem Dei famuli ad castitatem
obtinendam ferunt: & quod
à vitio contrario valde
tententur.*

CAPVT LII.

Quid tu vides? Ollam succensam ego vi-
deo, inquit Domino Deo Hieremi-
as Propheta, cap. i. quasi diceret: Quid
videam rogas Domine, ollam bullien-
tem video, quæ à se faciem auferri non
permittit, cum tamen bullire non desi-
nat. Porro hæc olla quam semper bul-
lientem vidit Propheta, vitium & carnis
peccatum est, nos semper tentans nec
peccare desinens: quo enim magis ex-
ercetur, eo magis appetitum suum acuit
& excitat. Verè olla bulliens est lu-
xuriæ peccatum, tot enim habet ticio-
nes quibus accèdatur quot occasiones.

Olla est inquam semper bulliens carnis peccatum : cætera namque vitia cogitatione & opere tantum accenduntur, illud autem infame & sordidum peccatum cogitatione, delectatione, consensu, visu, verbo & exercitio accenditur, sic vt nunquam feruere desinat, donec corporis nostri caro excocta erit. Bulliens semper olla est inquam illud carnis foetidum peccatum : huius enim ignis lignum ex ventre matris nascitur, infantia nostræ tempore scinditur & secatur, in adolescentia autem & iuuentute accenditur, nec excitari & ardere vsque mortem desinit. Nunquid olla feruens tibi videtur illud maledictum peccatum? citius enim oculi terra reguntur, quam animo nostro hæc infamia desideria eradicentur. Olla verè semper bulliens est illud bestiale peccatum: non potuit enim sua scientia ab illo eiusque flammis cauere Dauid, non sua sapientia Salomon, non sua pulchritudine Absolon, non suis diuitijs Cræsus, non suis viribus Hannibal, non sua magnitudine Cæsar: sic vt istius vitij infamia, famam quã suis heroicis

icis facinoribus sibi compararant per-
derent . Narrat Plutarchus tanto in
pretio vestales virgines à Romanis ob
castitatem habitas , vt eas triumphali-
bus vestibus erigerét & veherent bona
sua eis diuidentes & se earum precibus
commendantes. Quasi Deas eas adora-
bant, quod arbitrarenrur castitatis ob-
seruantiam potius esse diuinum quam
humanum opus . Narrat Philostratus
Apollonium Thianeum Deos familia-
riter conuenisse , mortuos suscitasse,
ægros sanasse, hominum cogitationes
cognouisse , sed illud vnum maxime
in eo miratur, quod cœlibem duceret
vitam, & foeminarum conuersatione
infamis non esset. Multo magis Scipio-
nem illum Africanum extollit Titus
Liuius, quod virginem captiuam vio-
lare noluerit, quam quod magna illa
Africae victoria potius esset: in Cartha-
ginensi enim bello inquit, in inimicos
dimicabat, in carnis autem conflictu
in seipsum. *Videò aliam legem in membris
meis repugnantem legi mentis meae* inquit
Apostolus ad Romanos. (Cap. 7.) quasi
diceret , Lex animo meo quid agere

debeat membrisque meis data est, sed inter hanc vtramque legem tantam video contradictionem, vt quæ amant membra, non amet cor, nec econtra. Porro vnicam legem in monte Synai contulit Moyses, vnica deinctus erat legi Dauid, dicens: *Legem pone mihi Domine*, & vnico iugo nos onerare voluit Dominus dicens: *Iugum meum suauē est*. Quomodo ergo duas leges in domo sua patitur Apostolus, vnā humanam scilicet, alterā diuinā ad eō sibi contrarias? Quod ad primā, non vt eam approbet adfert, sed vt condemnet: non vt admittat, sed vt de ea conquerratur: non vt conseruet, sed vt ab ea caueat: Si enim corporis lex non dissoluatur, nunquam benē Iesu Christi obseruabitur lex. Dum magnis singulribus & suspirijs diceret Apostolus: *Infelix ego, quis me liberabit de corpore mortis huius*? Non est dubium quin tantis votis mortem non exoptasset, si hanc ad eō maledictā legem superare potuisset. Lex membrorū nostrorū, quæ nostris bonis desiderijs repugnat, auaritia est quæ humilitati cōtradicit, ira quæ cum

patien-

patientia contendit, gula quæ abstinē-
tiam deuorat, inuidia quæ chatitati se
opponit, auaritia liberalitati, opinio ra-
tioni, & impudicitia castitati. Mirabile
& horrendū est rationem & opinionē,
veritatem & mendacium, scientiam &
stultitiam, vanitatem & grauitatem, lu-
xuriam & castitatē vno eodemq; recto,
eademq; porra residere, impossibile ta-
mē nobis esse victoriā potiri, ni benigna
Dei gratia adiuuemur. In quadā episto-
la dicit Seneca, magna opus esse cautela
vt à carnis vitio recedamus, eiq; praua-
leamus: ita enim amice Lucilli quoti-
die ad libidinem prouocamur, vt ad
cibum. Benè dicit Apost. *Video aliā legem*
in membris meis; in hoc enim conflictu
nullus vincere potest, nisi occasiones
fugiat, desideria refrænet, carnē casti-
get nutritionem diminuat, disciplinas
multiplicet, quotidianis se immergat
lachrymis, portasque voluptatibus &
delitijs obferet. Hugo doctor in libro
de arra animæ inquit: Vtinam carnis
peccatum cephalalgia esset, vt san-
guinem elicere possemus: vtinam
cordialgia foret, quo ei mederemur;

sine splenis malum, vt vngeremus, sine cholera vt purgaremus. Sed proh dolor, dolor, sine charitate tentatio est, sine pietate malum: quod neque medicos neque vllam admittit voluptatem.

In considerationis libro S. Bernardus dicit, ô bone Iesu, ô animæ meæ delitiz scio verè Reipublice in Rempublicam, coniugatorumque graue esse bellum, sed meum in meipsum omnium grauissimū est: nullos enim meis proprijs desiderijs peiores habeo inimicos. Notabilis & notanda est hæc sancti Bernardi sententia: à suis inimicis enim recedere potest homo, sed ego ipse à meipso recedere non possum: *Mortificate membra vestra quæ sunt super terram*, inquit Apostolus, ca. 3. ad Colos. quasi diceret, Corporis vestri membra mortificate, vt ea spiritui subiiciatis. Non sine mysterio non dicit Apostolus, abscindite manus, pedes amputate, oculos euellite, sed tantum mortificate membra vestra: hoc est, vt nos sic pœnitentiam agentes asperitatibus & rigoribus vtētes geramus, vt membra nostra puniamus, & non omnino debilemus. Porro tūc
sua

sua membra mortificat Dei famulus,
dum oculos ne videāt vanitatem clau-
dit, pedes ne leuitatem quærāt detinet,
dum sua membra ne immundicia co-
inquinentur conseruat, dum os suum
ne mendacia proferat firmat, corquē
suum ne vilibus & infamibus cogitati-
onibus intendat restringit. Notandum
quoque non suffecisse Apostolo dixis-
se, mortificate membra; sed addit ve-
stra; vt doceat vitæ emendationem à
propria persona debere oriri: ridiculū
enim foret, si ego ipse claudus riderem
alium recto non incedentem pede. No-
tandum pariter Apostolum absolute
non dicere, vt omnia nostra membra
mortificemus; sed restringit dicens, vt
membra quæ sunt super terram mortifi-
cemus, vt moneat maximam nostram
esse debere curā, vt corporis parti quæ
maxime à diabolo inuaditur, cuique
nos sibi subdere conatur vicio inuigile-
mus. Dic quæso mihi à quo vitio sepius
inuaditur nostra anima, quam à carne
& lasciuiā? Nunquid vides frater nul-
lum esse vitium, quod nos minus quie-
tos sinat? caro nos nunquā requiescere,

immò nec respirare patitur? In verba
missus est, scribens S. Bernardus inquit,
Si omnibus vitijs resistendis, inuigilare
nos deceat, maximè tamen nos in car-
nem armatos esse decet: nullum enim
ita peruersum est vitium, & peccàs pec-
catum, in quod homines dilabātur ma-
gis. In Prophetam Amos dicit S. Hiero-
nymus: Solis diuitibus & potentibus
dominatur superbia, equalibus inuidia,
impatiens ira, gulosis gula, voluptu-
osis acedia, sed carnis infame peccatum
omnibus bellum indicit. Constantiæ &
prudentiæ defectu regibus sua pereunt
regna, potentibus suus status, sua domi-
bus fidelitas, sua religiosi integritas: sic
vt maledictū illud vitium sit cinnici si-
milis, qui viuus mordet, & mortuus fæ-
tet. In suis meditationibus dicit S. Au-
gust. In sacrarium licet secedat homo,
quāuis ad Sacramentū accedat, quam-
quam in Monasteriū se abdat, & vitam
mutet, licet toto ieiunet anno, quamuis
corpus flagellet, nullus tamen vnquam
ab hoc bestiali vitio liberari poterit:
quo benignius in carnem nostram agi-
mus, eo nobiscum crudelius agit. S.
Chry-

Chrysoſtomus dicit, multos ſine corona in præſentia Holofernſis, Hannibalis, Ptholomei, Pyrrhi, Iulij Cæſaris, Auguſti, Marci Antonij, Seueri, Diocletiani & Iuliani vidimus Reges; ſed & hos magnos victores, poſtmodum genibus flexis corâ infamibus & impudicis ſceminis vidimus. *Amauit autem Rex Salomô mulieres alienigenas, quæ auerterunt cor eius à Domino*, inquit ſacra ſcriptura, (3. Reg. 11.) quaſi diceret: Multas peregrinas, cõditione profanas amaui Salomô Rex mulieres, quæ ipſi (à veri Dei adoratione eum auocâtes) ſenſum abſtulerunt. Dolendû proſectò, quid de hoc Rege Salomone dicat Scriptura audire eſt, quomodo ſcilicet Moabitarû, Ammonitarum, Idumæorû & Sidoniorum ſceminas amore proſequutus ſit, & tandem in tantam infidelitatẽ & infaniam inciderit, vt templa dijs alienis conſtruxerit, idolaque Aſtarthen, Chamos & Moloch adorarit: ſic vt tot adoraret Deos quot haberet ſcorta.

Secundum Gothorum hiftoriam ſi nos non fallat, qui Regem Athanaricum Italiam ſubiugantem viderunt,

eundem postmodum à foemina nomine Pincia victum viderunt: in talé enim incidit miseriam, vt ipsa Regis capillos pectente eius calceos exornaret Rex. Plurimi graues authores narrát Pyrrhū regem Epirotarum ita inordinate mulierem Capuanam amasse, vt ea propter vehementem quandá febrim purgante purgaret & ipse, & quoties ei vena aperiebatur, toties & ipsi aperiebatur, imò quod cæteris alijs rebus admirabilius est, eius sanguine suam abluebat faciē. Dicit Titus Liuius, quod Hannibal à Romanis nunquam fuisset deuictus, nī prius à muliere Capuana superatus fuisset. Et certè crudeles illæ poenæ quas passus est, longè grauioribus istis amatorijs actionibus fuere: accidit enim quod in sua propria terra deuictus sit, postquā septendecim annis Italia dominatus fuisset. Porro ex his omnibus exemplis colligere possumus Dei famulo periculosum esse cum mulieribus conuersari, earumque familiaritate vtī; foemina quippe similis est gummi quod facile tangitur, sed difficile est ab eo semoueri.

Suam

*Suam materiam prosequitur auctor,
suadetque lascivia occasiones
fugere.*

Fornicatio & omnis immundicia nec nominetur in vobis, inquit Apostolus ad Ephesios, capit. 5. quasi diceret: Scitote Ephesij Euangelij puritatem quam annuncio vobis tantam esse, legemque quam vos doceo, adeo excellentem ut non solum fornicationis, siue incestus, siue adulterij peccatum fugere debeatis, sed ne quidem illud ore proferre. Dicit ideo Iob: *Pepigi fœdus cum oculis meis, ne cogitarem quidem de virgine,* quasi diceret, Cum oculis meis pepigi, immo animo meo decreui me virgines aut fœminas oculis non aspecturum, easque animo non desideraturum, si forte eas alloquar. *Bonum est homini mulierem non tangere,* inquit (1. Corinth. 7.) Apostolus: Si periculosum est mulierem respicere, multo periculosius est eam tangere. Timotheo suo dicit, *Adolescentiores viduas deuota,* quasi diceret: Sicuti palea magno cum periculo igni exponitur, sic conuersantes

cum viduis adolescentioribus magno labendi exponuntur periculo. Ex his sacrae Scripturae quatuor authoritatibus colligere licet, quanto se periculo exponat Dei famuli, qui cum mulieribus versari audent: quandoquidem per primam nobis eas convenire inhibeat Apostolus, per secundam Iob indicet ne eas respiciamus, per tertiam moneat sanctus Paulus, ne eas tangeremus, per quartam idem Apostolus suadeat, ne eas frequentemus. Insuper ne colloquutione foeminarum pereat homo, dicit (Matth. 5.) Christus: *Qui viderit mulierem ad concupiscendum eam, iam moerchatus est eam in corde suo*, quasi diceret: Qui malitiosè foeminam conspexerit, malis cogitationibus cum gaudio & voluptate, corde inherens, non minus culpabitur & damnabitur ac si cum ea adulterium commisisset. Mirum in modum ponderandum & considerandum est, quod in tota sacra scriptura nullum sit ita strictè inhibitorium vitium, tantisque circumstantiis, sicuti fornicationis & adulterij peccatum.

Hac

Hæc est (meo iudicio) ratio, quod alia vitia solam conscientiam cōmaculant, sed hoc & conscientiam commaculat, & honorem periculo exponit. In iræ peccato non inhibitum est in malum irasci, in peruersosque correctione vti, neque in auaritiæ peccato, diuitias concupiscere, & ea tractare, pariter in gulæ peccato, non sunt mihi inhibiti cibi; sed quod ad fœminas spectat, omnia mihi inhibita sunt, nempe eas conuenire, eas respicere, eas tangere, eas frequentare, immò de ijs cogitare. Non sine causa Iob sanctus ille vir dicit se cum oculis pepigisse, ne vel virginem cerneret: nam aspectu desiderat homo, ex desiderio cogitat, cogitationibus delectatur, delectatione determinatur & resoluitur, & determinatione peccatum committit, & sic damnationem incurrit.

Dicit sanctus Augustinus, quod dæmon eundem ordinem & methodum ad nos ad canis peccatum alliciendos seruet, quem ad torquem faciendum faber ferrarius: à visu enim orditur, deinde effectum peragit.

In

In Genesi (*cap. 34.*) scriptum est Sichem Regis Hemor filium, Dinæ filia Jacob captum amore fuisse quod solum eam vidisset, postmodum eam vi violasse, ex qua violatione tanta orta sunt mala, ut sui honoris iacturam fecerit filia, adolescens vitæ, pater terræ. In Iudicum libro refertur quosdam adolescentes dissolutos è Tribu Benjamin quandam vidisse sceminam nuptam, admodum formosam eorum terram pertransluentem, quam rapuerunt, & adeò incredibili furore libidinis eam vexarunt ut mortua sit. Quæ mors ita asperè vindicata est, ut vix vnus è Tribu Benjamin super fuerit. In secundo Reg. libro (*cap. 11*) scriptum est, solo Bethzabee vxoris Vriæ aspectu, quæ se pecebat & in quodam horto lauabat, Dauidem eius amore ita captum fuisse, ut statim eam sollicitans & decipiens cum ipsa adulterium commiserit, ex quo adulterio impregnata illa maritus eius occisus est, Dauid suæ famæ iacturam perpeffus, & omnis Respublica scandalum passa. Eodem Regum libro scriptum quoque est adolescentem Amnon

Da-

Dauidis filiū ita excessiuo Thamar sororis arsisse amore, vt languore simulato, & faciente sorbiunculas Thamar, vt cibum caperet de manu eius, statim eam rapuerit, violarit, & dedecore affecerit, vnde tāta acciderunt mala vt imprudens Amnon occisus sit, infelix Thamar nunquam nupserit, & bonus ille senex Dauid quod tristaretur habuerit. Dum Loth Abrahæ cognatus ex Sodomæ & Gomorrhæ destructione euasisset, in quadam spelunca latens, suas duas filias subsequētibz noctibus violauit, ex quo enormi delicto & infami incæstu duæ in famas nationes, Ammonitarum scilicet & Moabitarum ortæ sunt, cum quibus postmodum admodum graui bello congressi sunt Israelitæ. (*Genes. 9.*) Ex his exēplis Dei famulus colligere potest, quam graue sit cum mulieribus conuersari periculum, quādoquidē Loth occasionem nactus ne quidē suis pepercerit filiabus, Sichei Dina, nec Betzabee Dauid quæ eius vicina erat, nec Beniamite cognatis hospitibus, nec Amnon propriæ sorori. *Depradatus est oculus meus animam*

man meam incunctis filiabus urbis in-
quit in suis lamentationibus Hieremias,
(cap. 3.) quasi diceret: Circumiens loca
angulosque & dominas Hierusalem
fenestris prospicientes videns, in quam
oculum meum direxi, anima exarsit.
Hic in propria persona non agit Hiere-
mias, ille inquam qui vir sanctus erat,
sed in imprudentis & negligenter
agentis persona loquitur, qui sine con-
scientia & pudore cum ambulat huc il-
luc prospicit, obuiam quamque allo-
quens & obsequium ei quæ magis gra-
ta est offerens suum: sic ut totalis eius
interitus ex occasionibus oriatur. Non
sine mysterio magis de suis oculis, quàm
de cæteris sensibus conqueritur Pro-
pheta: nam ex otiosis circuitionibus
oritur vanus prospectus, ex visu con-
cupiscentia, ex concupiscentia com-
municatio, ex communicatione con-
sensus, ex consensu interitus: sic ut si
forſitan oculis careremus, multis
quoque luctibus malisque cogitationi-
bush careremus.

In quadam epistola dicit S. Bernar-
dus: *Frater mihi innocentiam quam*
quæ-

quæris & castitatem quam promittis
seruare velis, vide in leuia ne visum di-
rigas, linguam tuam ne otiosa proferat
verba cohibe, manusque ne villa preti-
osa palpent munera contine, animum-
que ne quid vanum cogitet restringe;
secus enim quæcumque videris, quæ-
cumque loqueris, quæcumque huius
mundi mulieri contuleris, illa eadem
in cubiculo tuo latenti obijciat diabo-
lus. Si hæc quatuor, veluti quatuor pe-
stes penitus ab ijs abhorrentes fugere
velimus, certò sciendum est nos coram
Deo conscientia liberiori fruituros,
& coram hominibus maiori hac in vi-
ta decorandos honore. Singulari ergo
diligentia debet suum custodire Dei
minister visum, nihil enim cor videre,
nihil loqui, nihil audire potest, cogitat
interius duntaxat, quod exterius visui
placet. Si magno generis humani cum
periculo interituque ad fructum inhi-
bitum videndum suos aperuerit ocu-
los prima parens nostra Eva, quis quæ-
so frater mi futurus es, qui huc illuc o-
culos dirigis? Ad rē dicit S. Bernardus:
Sicuti

Sicuti non nisi in ossibus medulla, vi-
uaque rosa non nisi inter spinas, arbor-
que non nisi in corticibus conservari
potest: ita nemo suas cogitationes ni-
tidas & puras conservare potest, ni casti
sint eius oculi. In suis confessionibus
dicit S. Augustinus: Priusquam ad Iesu
Christi fidem vocarer matrisque meae
lachrymis conuerterer, visum dissolu-
tum, cogitationesque hinc inde diuisas
habebam, & eodem modo quo respi-
cere properabant oculi mei, eodem
quoque modo concupiscere propera-
bat animus, & quod desiderabat nullo
modo propter sordes & infamiam rei
fieri poterat, neque propter honesta-
tem nominari. In Patrum collationi-
bus dixit Abbati Arsenio quidam Mo-
nachus: Quid Arseni Pater agam, quā-
do quidem fornicationem nullo modo
superare possim? Cui probus ille senex
respondit: Qui fieri posset, quo minus
à fornicationis peccato teneris, lingui-
lis diebus mundum frequentans? Si
velis fili mi castus fieri, in Monasterio
quietus manē, corpus ieiunijs macera,
Deo peculiares orationes particulariaq;
sacris-

sacrificia offer, in primis diligenter visum tuum custodi: nullo modo enim Dei famulo licet, quamuis licita respicere. *Mirabantur discipuli quia cum muliere loquebatur*, inquit S. Ioannes, cap. 4. quasi diceret: Mirum in modum mirabantur Apostoli, dum Iesum Christum Samaritanam aquam putei prominentem alloquentem viderent.

Porro non sine mysterio Christum mortuos resuscitantem, surdis auditum reddentem, cecos illuminantem, dæmonia fugientem, ventis imperantem, videntes non mirati sunt Apostoli, tantum autem quod solum solam mulierem alloquentem viderent mirati sunt. E quibus Iesu Christi honestas & prudentia elucet, quandoquidem illum nunquam alias solitariè mulierem alloquentem vidissent Apostoli. Passus est Christus insurgere in se hostes suos, & quasi spurium æstimare, dæmoniacum, seditiosum, ebriosum vocare, sed nunquam impudicus & adulter haberi voluit, vt intelligeremus nullum esse peccatum quod concionatorè maiori afficiat infamia & rubore, quàm carnis peccatum.

Romæ

Romæ quædam Domicella è quodam Diacono, viro magna scientia exulto summoque concionatore gruida fuit: rogauit S. Bernardinum Diaconus ille, cur suis concionibus nullum faceret fructum, cui dixit Bernardinus, Hæc est Diacone frater quod nullum facias fructum ratio, quoniam de maledictionis (absit benedictionis) fructum fecisse sciunt omnes. Addit insuper ei dicens, crede mihi frater & nullatenus dubites, debent profecto à viro casto concionatoria proferri verba, nam Iesu Christi casta sunt verba. sciasque concionatorum nullum populo profecturum licet alter sit in suis concionibus Paulus, si hoc maledicto sit coinquinatus vitio. In sua doctrina dicit S. Bonauentura Dei famulum serio debere quo tendat, quem alloquatur, cum quo conuersetur videre: hoc enim carnis peccatum licet quoad culpam grauissimum non sit, est tamen quoad famam periculosissimū. Nec est quod vllus fidat se Prælato hominibusque in scijs hoc peccatum patrare posse: eius enim est

est hoc maledictū vitium naturę, vt quā-
uis inter cortinas regi possit, malarū ta-
men linguarum dictorio exponatur. In
pleno campi æquore, cum Samaritana
prope puteum publice, apud quem iti-
neris labore fatigatus sedebat, loque-
batur Christus: mirabantur nihilomi-
nus discipuli quod solus solam conue-
niret, tu verò frater hominibus scanda-
lo non vis esse si solus cum sola fœmi-
na agere reperiaris? In quadam episto-
la dicit Sanctus Cyprianus: Non ita fre-
quenter malus quis euaderet pigritia
siue fragilitate vel alio quouis modo, si
tantas peccandi occasiones non nan-
cisceretur: ideoque tam multi non fo-
rent peruersi homines, si tantas occa-
siones non haberent vitia. In vitæ soli-
taria libro scriptum est, quod mona-
chus qui sæpius mundanos inuisit, qui-
que per Monasterium cogitationibus
plenus otiose deambulat, qui cum fœ-
minis vitur familiaritate, nunquam
tentationibus aut passionibus care-
bit: eo quod omnia huius mundi vi-
tia temporis successu vinci aut su-
perari possint, sed carnis vitium nō nisi
fuga.

fuga. In quadam epistola dicit Seneca: Multos vidi Romæ Senatores perire non superbia aut inuidia, neque nimis diuitijs, neque proditiõibus intetatis, sed sola mala mulierum conuersatione quæ similes herinaceo sunt qui spinis sanguinem nostrum elicit, cum tamen quid in visceribus eius lateat ignoremus. In suis confessionibus dicit S. Augustinus, vt tempore quo Manichæorū hæresin Christianus factus deserui, imperasti Domine vt castus & mundus fierem, ided respondi & dixi: Da Domine quod iubes, & iube quod vis. Quod Deo dicat S. Augustinus, da quod iubes & iube quod vis, dicere est, nullum sine eius gratia castitatem & puritatem conseruare posse.

Quod Dei famulus non debeat ex vno Monasterio in aliud migrare, neque ad inuisendum mundum egredi.

CAPVT LIH.

Intrate per angustam portā, quia lata porta
& spatiosa via est qua ducit ad perditionem

onem, inquit (Matth. 7. & Luc. 13.) suis discipulis Christus, quasi diceret: Porta per quam saluandi ingrediuntur submissa est & angusta, e contra porta per quam ij qui ad interitum ruunt ingrediuntur, alta admodum est & lata, ideoque cauete o discipuli mei, ne per latiorē intretis, sed potius per angustiorē ingrediamini: domus enim Dei, quæ malam habet portam, bonum habet domicilium, infernalis autem domus pessimū. Nullus ignorantia prætendens dicat se saluationis semitas ignorare, vel interitus, quandoquidem ita aperte dicat Iesus Christus inferni portam admodum latam esse, & coelorum angustam. Et quem non terreat, quod dicit iniquorum per latam portam intrantium numerum longè maiorem esse, quam saluandorum per angustam portam? Porro porta, lata vita vitiosa est, & porta angusta vita arcta & bona: sic vt quodāmodo ex vniūscuiusq; vita possit finis cognosci. Dei famulus, qui solitariam & arctam agit vitā per portam angustam ingreditur; e contra vitiosus, qui voluptuosam & libertinā

agit vitam, per portam latam ingreditur: ita ut effrenati & dissoluti pereant, solitarij & stricti autem ad salutis portum pertingant. Dicit sanctus Bernardus: Malorum omnium origo est, corpori quolibet vagandi, animoque quidlibet cupiendi potestatem dare. unde sequitur, quod quouis die nouis se vitijs immergere cupiat corpus, nouisque sollicitudinibus nos torqueat animus. Ita arcta est cœli porta, ut nulli præter Christum, & quidam illius famuli per eam ingredi possint: & si eam ingrediantur, curui & nudis pedibus, totoque nudo corpore ingreditur. Secus enim ingredi præsumenti non tantum occluderetur porta, sed & nullum acciperet responsum, licet sapius fores pulsaret. Peccato carens Christus in exigua & arcta natus est domo, angustam vitæ methodum elegit, strictam docuit doctrinam, in arcta mortem oppetit cruce, tu verò per latam putas ingredi portam? *Estote parati quia nescitis qua hora Dominus venturus sit*, inquebat suis discipulis Christus, quasi diceret: *Nolite domo discedere*

dere, parate mihi coenam, & videte ne dum veniam inuam pulsus dormiatis: veniam enim fortasse vobis nihil nimis cogitantibus, & profundissimo somni vestri silentio fores pulsabo. Horam sui aduentus nobis indicare non vult Christus, vt quauis hora, quouisque momento excubias agamus. Reuera serius venire differt, quia nos paratos exhibere non festinamus: eius enim aduentus, & retardatio ex nostra pigrizia & diligentia pendent.

Hugo Doctor in libro de arra animæ inquit, Dum quidpiam furaturus proficiscitur latro, domini & magistri in domo absentiam exoptat, non herum vigilantem, sed somniantem, non eum excubias agentem reperire desiderat, sed potius non agentem, non eundem horam scire, sed magna cum fiducia dormientem inuenire cupit. Porro evidens est malæ intentionis indicium, dum quis inscijs domesticis alterius domum ingredi vult. O bone Iesu, ô animæ meæ delitiæ, non huiusmodi conditionis & naturæ es, cuius

D d 2 latro

latro & iugulator, immò verò eiusdem
es naturæ cuius mundi amabilissimus
est Dominus : quandoquidem domi
expectari desideres, domum quoque
patere, nullumque vultum à te diuer-
tere, sed vnumquemque vigilem esse
peroptes: tu enim Domine Deus, non
furaturus sed daturus accedis, non tur-
baturus, sed pacificaturus ingrederis,
non muros scalis ascensurus, sed amici-
tiam quasiurus venis. Eia age dum
quoniam venire non dubitat Christus,
æquum est nos eum expectare domi,
domumque non impeditam esse vt ex-
spectetur; Si enim nos foris reperiret, in-
gratitudinis qua ad eum non recipien-
dum vñ essemus, & apostasiæ quam
nostra absentia commissemus nobis
esset reddenda ratio. In Exodo (cap. 33.)
dicitur: *Puer Iosue non recedebat de taber-
naculo, tanquam diceretur, Sanctus Mo-
yses famulo vtebatur nomine Iosue,*
tantæ honestatis & modestiæ, vt à ta-
bernaculo nunquam discederet. Quod
de tabernaculo non discederet Iosue,
religiosis manendū iugiter in suo Mo-
nasterio significat: quod autem iuuenis
dise-

diceretur, indicat, quod magis iuuenem deceat benè latere quam senem: quia iuuenilis ætas ita periculis plena est, vt quò virtutibus magis præluceat iuuenis, eo minores ei dandæ sunt peccandi occasiones. Non sine mysterio dicit scriptura, quod à iuuentute reformationi & modestiæ perpetuæ tabernaculi in habitationi assueuerit Iosue, vt indicaret probum religiosum debere à iuuentute claustris assuescere: quo enim arboris radix magis terra tegitur, eo minus gelu & ventorum periculo exponitur. Dicit Sanctus Anselmus: Ab instanti quo me in Monasterium vocauit Dominus, in eo velut in quadam eremo, qua nunquam egrederer nisi à Deo vocatus, manere decreui. abunde siquidem in cella mihi est, quod in carnem & diabolum dimicè, ideoque non est quod mundi pericula quæram. Hisce sanctis verbis sanctus ille vir inquit Dei famulum eodem modo sese in claustris rigore gerere debere, quo captiuus perpetuo ad iudicatus carceri, quo ante sèpulturæ diē suæque animæ gloriæ egredi non co-

gitat, S. Thomę apparere, eumque consolari noluit Christus, donec Apostolorum collegium repetiisset. Quinq; virgines quarum mentionem in Euāgelio facit Christus, in forum oleum empturę tendentes optati spōsi visu priuatę sunt. (Matth. 25.) Vnde inferre licet omnes inuiles vagationes corporisque motiones, consolationibus spiritualibus obesse. Qui quietus in suo Monasterio manet, facile profecto Christo obsequium pręstat: licet enim eum aggrediatur superbia, turbet inuidia, tentet gula, molestat lasciuia, illę tentationes eum quidem alterare poterunt, sed non deiectere. At qui extra Monasterium est, vix tentatur, & statim in lutum labitur. Dic precor, ignoras adificium malę rectum perire? medullam, piscem, arborem, exera ossa aquam corticem, statim emori & ficiari? sic & religiosus extra domum. Si Dina filia Iacob, vt videret & videretur domo egressa non fuisset, sui honoris iacturam non fecisset, neque Princeps Hemor suę vitę. Si infelix ille Iudas Iesu Christi à consortio & collegio non discessisset, hoc

ENOE.

enorme non patrasset peccatum neque
desperasset. Si Esau (*Genes. 25. & 27.*)
domi cum patre venationem omittens
mansisset, sua ei non periissent primo-
genita, nec suam benedictionem surri-
puisset ei Iacob. Si (sicut sancitum erat)
domo sua velut perpetuo carcere vsus
fuisset temerarius ille Semei, vita ei ei-
usque bona adempta non fuissent. Hæc
omnia notabilia exempla mirū in mo-
dum nos terrere debent, ne quis è Mo-
nasterio ad quod à Deo vocatus est, ne-
que consortio in quod eum ascripsit
Dominus Deus, egredi audeat: habet
enim hic quæ plurimum prosunt & ex-
empla, & sancta consilia. Religiosus qui
frequenter mundum inuisit, semper in
Monasterium magis quam dum eo e-
gressus est, inuidus, cupidus, mutatus,
cogitabundus, minusque deuotus re-
uertitur: vsque adeo vt non paucis opus
habeat diebus vt animū suū quietum
reddat, imò vt suā purget cōscientiam.
S. Bernar. inquit: Cauete fratres, cauete
ab insidijs diaboli, ne vos sub boni ope-
ris p̄texu è Monasterio educat: si. n. se-
mel vos à bonorū cōsortio declinare fa-
ciat, paulatim vos malorū ascribet cetui.

Nescitis lupum ouem errantem abriper-
re, falconemque columbam ab alijs
segregatam dilacerare, furem eum qui
solus incedit aggredi? fluuium à suo
cursu deflecentem summum gignere
incommodum, & religiosum extra Mo-
nasterium perire? Peccatum peccauit Hie-
rusalem, propterea instabilis facta est, aiebat
Dominus Deus per Hieremiam Pro-
phetam in suis lamentationibus, cap. 1.
quasi diceret; Adiecit peccata peccatis
Hierusalem, ideo pro poena Deus eam
inquietudine castigat. Tunc peccatis
peccata iungit monachus, dū promissi
mūdi Deo facti immemor, iterū ad hu-
lus tumultus redit. Ceterū huiusmodi
apostata poena est, vt ab omnibus infam-
ia afficiatur, & à seipso torqueatur.
Solitarius monachus peccat, dum obe-
dientiam soluit, dumque suam procur-
rat libertatem, dum proborum confor-
tia fugit, & malorum ascribitur con-
sortio, dum pudorem postponit, & in
suam agit conscientiam, dum orationis
tempore murmurat. Peccata peccatis
accumulat religiosus, qui sibi molestus
esse non contentus, etiam alios molestia
afficit,

afficit, qui suis obmurmurationibus nō
contentus, etiam alios murmurare
compellit, quique suis loquacitatibus
etiam alios silentium soluere cogit, &
qui quod grauius est nihil bonum esse
dicit nisi quod approbat, & nihil ma-
lum nisi quod condemnat. Dicit in sua
regula sanctus Basilius: Non decet Dei
famulum adeo suscepti status, adeoque
sublimis professionis, cui se deuinxit
immemorem esse: nunquam enim ar-
ca suoque consortio egressa est colum-
ba Noe, donec in ore oliuæ ramum re-
tulisset, locumque quo pedem tuto fi-
geret reperisset. (*Gen. 8.*) Quantumcum-
que fragilis & remissus sit in eremo re-
ligiosus, multo tamen in Monasterio,
quam in mundo tutior est: tanta siqui-
dem offendendi in mundo est libertas,
tantæque in peius corruendi occasiones,
vt quamuis Regis sis famulus, non ideo
tamen legem soluere desinas. Si Patri-
archa Abraham spatiatus, & suo taber-
naculo egressus fuisset, angelos hospi-
tio excipere futuriq; filij nuncios acci-
pere meritis non fuisset, (*Genes. 18.*)
Gedcon domi frumentum purgans re-

pertus non fuisset, nunquam suæ liberationis & victoriæ faustos accepisset nuncios. Dum cōcionaretur Christus, & quis foret S. Ioānes Baptista aperiret, non eum quod solus esset, vel quod nudis pedibus incederet, vel locustas comederet, vel inter siluestres habitaret bestias, vel quod in eremum secessisset, laudabat, sed quod nunquam in mundum regressus esset. Haftenus sanctus Basilus.

In quamcunque domum intraveritis, ibi manete & inde non exeatis, inquit suis discipulis Christus, (Luc. 10.) quasi diceret: Non vos magis in vno quam in alio compello manere loco, suadeo duntaxat, vt simul ac vnam elegeritis domum, ne illam mutetis: frequens enī mutatio hominem exiguae prudentiae arguit. Hic notandum quod dum hæc sublimia verba protulit IESVS Christus, publice non dixerit, sed sui Collegij discipulis secrete duntaxat, vt indicaret religiosos obligari ad maiora, quam mundanos. Nunquam ita publice, vel populo præcepit Dominus sicut sui Collegij discipulis, ne scilicet
fac-

sacculū, siue peram, siue panes, siue denarios, vel duo indusi gestarent : illa enim amicorum & in viros perfectos euadere cupientium consilia erant. Super hæc verba dicit sanctus Bernardus : Homini vāno & mundano non inhibet Christus, vt vno anno in vna habitet domo, & anno sequentia iam conducat, sed religioso & ei qui in virum perfectum euadere cupit, interdicat ne habitum mutet, neve Monasterio cui semel inclusus fuit egrediat : scias frater, scias te à Christo religioni, vel Monasterij claustris non fuisse obligatum : hoc tamen præcipit, vt electam hanc à te in claustro vitæ methodū obserues, neque hinc exeas, postea quam te hoc propria sponte acturum pollicitus fueris. magnæ enim perfectionis indicium est Monasterium bonis imbutum moribus querere, locaque ad malum patrandum magis procliuia sunt fugere. Notandum quoque Christum non dixisse : In quacunque elegeritis manere domo, in illa manete, solummodo dixit ne domo in

qua manebitis egrediamini. Quibus
insinuat Dei famulum opulentiùs qua-
rere Monasterium vel miserius fugere,
dulcioremque eligere Prælatum, vel
zelo magis plenum subterfugere non
debere, sed Deum orare vt eum ad me-
liorem eligendum statum, in quo ad
finem vsque perseueret, illuminet. Di-
cit Propheta Hieremias, cap. 14. *Dilexit
mouere pedes suos, & non quieuit, & Do-
mino non placuit*, quasi diceret: Eo quod
quietus nolit esse Israel, suasque cohi-
bere cogitationes, ided moestus est
Deoque ingratus. Non sine mysterio
primo dicit, quod quietis non esset pe-
dibus. postmodumque subiungit, quod
cogitationes eius inquiete essent, deni-
que quod ei succenseret Dominus.
Quibus declarat Propheta, primum
Monachi interitus initium oriri ex ni-
mia mundi visitatione, & nimia in Mo-
nasterio inquietudine. Dei famulus
qui in religione inquietus est, huc illuc
cursitans ad instar famuli cuiusdam do-
mestici, semper tribulationibus onus-
tus erit. Prælatoque admodum grauis:
egrediendi enim sibi licentia denegata,
assidue

assiduè per Monasterium obmurmurabit. Non conqueritur per Hieremiã Dominus Deus, quod oculis videret Israel, quod manibus tangeret, quod lingua loqueretur, quod auribus audiret, sed quod pedibus diuagaretur, ut cognosceremus in solo Monasterij egressu monachũ magis peccare, quam toto anno in inclusione. Idèd S. Ansel. Quod dicat, inquit Iesus Christus, *Qui lotus est, non indiget nisi ut pedes lauet*, hoc est, quod Dei famulo non sufficiat, si castus patiens & abstinens sit, ni & domi quietus sit. iudicio enim meo tunc mundis pedibus est religiosus, dum istas cursitationes & profanas motiones neglexit. Religiosus qui singulis diebus mundanos inuisere intendit, indubiè cum odio choro interest, sine pietate horas legit, festinanter celebrat, Nosocomium libenter non inuisit, & imminere noctem displicet, quod annum vnum longa foret dies, etiam tanti tempore in Monasterium non regrediens in mundo maneret. Pedes qui nos à Monasterio educunt, & in mundum perducunt, non solum

abstergendi sunt, sed abscindendi: nullus enim in hunc deambulans coelum ascendit, sed cōtemplans. A Christo nobis data est potestas pedes abscindendi, immò & oculos euellendi, si nobis scandalo sint. Tunc pedes quibus incedit sibi abscindit Dei famulus, dum à corde viuaciter id quod eum torquet aufert & vellit. nullus enim quietis pedibus esse potest, si eius cogitationes vanæ & inquietæ sint. Fuge ergo frater fratris, amici, cognati, immò tua propria fuge negotia, dilige stare in tuo Monasterio; assatim enim illic hostes sunt, non est quod alios in mundo quæras. Dicit Cassianus Abbas, quod è tribus Monachorum milibus nullus vnquam Monasterio egrediendi licentiam petierit, præter eos qui vimina ad corbes conficiendas & vendendas emebant.

Hugo Doctor in libro de arra anime inquit: Si tibi Monasterium in quo habitas miserum videatur, asperque Prelatus, locus male sanus, & labor quem pateris magnus, amore Christi illum pati debes: in religionem enim non
tuis

tuis voluptatibus fruiturus, sed animam saluaturus venisti. Porro bonus es vel malus; si bonus, quid quaeso tibi faciet Prælati? Si malus, putas alium Prælatum tuis vitijs ignotum? Sicuti crudelis & sanguinolentus Chyrurgus nullus est, nisi in eum qui graviter latus est; ita Prælatus nimio rigore & asperitate vti non potest, nisi cum dissoluto & perduto subdito: & si qui tales sunt, qui obmurmurant & se Monasteria commutare velle dicunt, in seipsos culpam rejiciant, & non in Rectorem. In Collationibus Patrum, Abraham Abbas inquit, quod subtilissima tentatio qua Dei famulos tentat diabolus, hæc est, dum sub boni alicuius prætextu Monachum à conventu educit, ut liberius vivat: nam periturum eum sevit, ea ipsa libertate quâ vititur. In antiqua quadam regula dicit sanctus Basilus: Non debet curare Dei famulus, num Monasterium in quo habitat bene sanum sit necne, sed num virtuti sit cōmodum. Prælatus qui consoletur quærese non debet, sed qui suis tentationibus medeatur. Non familiares

miliares quærere amicos, sed sanctos
frequentare: non magnum spectare la-
borem, sed quem laborans faciat fru-
ctum. S. Bernardus Rúperto religioso
scribens, inquit: Ne Rúperte pureste
propter commutationem quam Roma
Pariseos, Parisijs in Burgundiam, Bur-
gundia in Normandiam currens facis,
pacifice magis & sine tentatione victu-
rum: nam bonum, aut malum quod
patimur non ex locis in quibus mane-
mus dependet, sed ex nostri cordis
quiete vel inquietudine. Debet ergo, vt
concludamus Dei famulus arbori quæ
se in omnes ventos tuetur, & basi quæ
nunquam flectitur similis esse: Si enim
secus se gerat, eum peregrinis & aduenis
similem dicemus, qui multa bona no-
runt hospitia & paucos habent amicos:
similemque altarum turrium Ecclesiæ
vexillis, quæ vt omni vento mu-
tantur, ita quouis die ille
caput mutat.

Magnum esse decus, haberi veracem, magnum verò de decus mendacem: ubi multa sacra scriptura exponuntur figura.

CAPVT LIV.

Perdes omnes qui loquuntur mendacium inquiebat (Psal. 5.) David, quasi diceret: Scio summe Deus Israel te naturaliter eos qui mala patrant detestari, eosque qui mendacia proferunt destruere. Summum profectò debet esse peccatum mendacium, quandoquidem in illud aded asperam pronunciet sententiam Dominus Deus dicens, se omnes mendaces deleturum. Notandum quod diluvij tempore Noe ignoverit Deus, à Sodomæ destructione & ruina probum Loth liberarit, à eadē & direptione Hiericho Raab, denique quod in captiuitate Babylonica cum Hieremia dispensarit: Sic vt iustitiæ rigore nunquam tanto usus fuerit Deus, quin sua clementia temperaret, præterquam in deceptores & mendaces, quibus se nunquam ignoturum protestatur.

tur. In libro de ira dicit Seneca, nullam
ita virtutem compensant, quam veri-
tatem Dij, neque vllum ita sicuti men-
dacium puniunt vitium. Ideoque men-
daci etiam vera dicenti non creditur,
nec vllus mendacem mentientem fer-
re potest. **¶** Rogatus Philosophus Epi-
menides, quid esset veritas, illa est in-
quit, quæ cœlos regit, & terram illumi-
nat, quæ iustitiam sustinet, & Rempub-
licam gubernat, illa est quæ quod cla-
rum est confirmat, & quæ quod dubi-
um est clarificat. **¶** Chilon Philosophus
de veritate agens, Veritas inquit tuta-
mentum est quod nunquam corrui-
t, scutum quod nunquam transfoditur,
mare quod nunquam mutatur, flos qui
nunquam marcescit, portus in quo
nullus vnquam periclitatur. **¶** Anaxar-
chus Philosophus rogatus quid de ve-
ritate sentiret inquit; Veritas tuta est
salus, quæ nunquam ægra est, empla-
strum quod omnes sanat, sol qui nun-
quam occidit, Luna quæ nunquam ec-
clipsim patitur, porta quæ nulli vn-
quam clauditur, iter quod nullum fa-
tigat. **¶** Philosophus Aeschines in qua-
dam

Jam in Demolthenem inuectiua, dicit
 veritatem tantæ in se esse virtutis vt
 ipsa virtus sine ea debilitetur, & pru-
 dentia sine ea fiat malitia, temperantia
 miseria, iustitia sanguinolenta & cru-
 delis, humilitas prodicrix, patientia sit
 ficta, castitas vana, diuitiæ pereant &
 superflua sit pietas. In suo Tymeo
 Atheniensibus loquens Plato, quid sit
 veritas dicit, Centrum est inquit & su-
 stentaculum in quo omnia quiescunt,
 cardo est per quem totus vertitur &
 regitur mundus, antidotum quo om-
 nes sanantur, vmbreculum in quo om-
 nes labore leuantur, scopus in quem
 omnes collimant, & signum quod
 pauci attingunt. Magni illi Philosophi
 veræ profecto veritatis amatores fue-
 re, siquidem tanta cum laude eam ex-
 tollant, & tantis titulis honorent: vix
 enim quidquam, vel nihil omnino nisi
 quod sibi cordi est collaudat lingua.
 Dei filio, filio ab æterno, primogenito
 in cõcione dicere: (Ioan. 4.) Ego sum ve-
 ritas, & Pilato, Ad hoc veni in mundum vt
 testimonium perhibeam veritati, tunc magis
 quàm vllus alius veritatem laudauit, eisq;
 se magis quam quispiã alter, ad aliquid
 obluam.

ob suam in illam studium agendum deu-
iunxit, cum à ludæis propter illius præ-
dicationem persecutionem sit passus,
& propter defensionem morti adiudi-
catus. In Ioannem de hoc Iesu Christi
verbo, nempe. *Ego sum veritas*, com-
mentans dicit S. Augustinus, Sublimius
quam opineris loquitur Iesus Christus:
sententia est mysterijs magis plena, quàm
assequi valeas. omnes enim de veritate
loqui & de eadem tractare, eandem a-
mare, eiusdemque participes esse dice-
re possumus, sed Dei filium veritatis
participem esse dicere, summum est
mendacium: nam in omnibus & per
omnia dicitur summa veritas. Certum
est eum aliquid malitie siue stultitię ha-
bere, qui veritatis habet partem tantum:
sed in Christum neque culpa neque ig-
norantia cadere potest, ideo necessario
sequitur quod veritatis Deus sit, sum-
musque bonitatis princeps. Si Præsbi-
terorum legis mendacijs, Phariseorum-
que hypocrisi fidem adhibere voluisset
Christus, nunquam coram Pilato accu-
satus fuisset, nec ab eodem condemna-
tus; sed quod summa & unica esset ve-
ritas

ritas æternaque bonitas, mori maluit quam mentiri, & vitam finire, quam mendacium proferre. In Matthæum dicit S. Chrysostomus: In hoc Deum veritatis amatorem cognosces, quod in suum consortium Magdalenam mulierem peccatricem, Samaritanam concubinam, mulierem adulteram, sanctum Matthæum vsurarium, Zachæum diuitem, latronem, sanctum Petrum qui suam fefellerat fidem, & sanctum Paulum blasphematorē admiserit, nullum tamen deceptorem & mendacem, sic ut qui verax non est, non possit IESV Christi esse discipulus.

Ne auferas de ore meo verbum veritatis, inquit Psalmista, (Psalm. 118.) quasi diceret, ô Domine, quandoquidem me tuo obsequio mancipatum & dedicatum tanti faciam, ne patiari precor cor meum excogitare malitiam, linguamque meam aliud quam veritatem dicere. Summo pere ponderandum est, quod Deum ut suam vitam & honorem cōseruet, non roget Propheta, siue ut suos liberos ad honoris culmen euehat, siue ut sua bona nomenque augeat; solum autem ne
cum

eum vel vnicum permittat proferre mendacium, certo sciens nullam vquam in ore futuram veritatem, anima bonitate carente. Profecto singuli hoc modo Deum orare deberent vt scilicet eorum corda nostra in bonitate, veritatisque verbum in ore nostro conseruaret: nullus enim mendax probus fieri potest Christianus. *Nequaquam moriemini, sed eritis sicut Dii scientes bonum & malum* (Gen. 3.) Eue matri nostræ in terrestri paradiso dicebat serpens, quasi diceret: Non, non inquit, non morieris licet arboris interdictæ fructum comedas, sed tuæ mentis oculi aperientur, vt bonum quod agere debes eligere, malumque à quo cauere debes fugere possis.

De mendacis. Caterum hoc est primum totius mundi mendacium, primus mendax diabolus: prima fuit mulier decepta Eua, inde totius humani generis interitus emanauit: Si enim mendacio fidem non adhibuisset Eua, nunquam mortua fuisset, neque periisset mundus. S. Augustinus in Genesim scribens inquit: Mentiris diabole mentiris: quādoquidem enim è cœlo quod Deo æqua-

ijs

lis fieri velles corrueris, idèd quoque
suam inobedientiam mortem passa est
Eua. O quam graue est peccatum men-
dacium, præsertim perniciosum: nam
si è paradiso fidem mendacio adhibens
extrusa sit Eua, quam ergo merebitur
poenam qui mendacium profert? Cum
omnia à suis principijs denominatio-
nem desumant, primumque veritatis
principium sit Deus, mendacij autem
diabolus; idèd omnes veraces Iesum
Christum pro Domino habere dici-
mus, & mendaces diabolum. Dicente
Dei filio (Ioan. 8) *Hebræis vos ex patre
diabolo estis* non diaboli filios vocat
quod eos creasset, sed quod eos docuisset,
sed quod eos docuisset, quodque
veritati quam annunciabat resisterent.
Cyrillus in Leuiticum inquit, Si men-
dacij ^{potest} est diabolus, nunquid & di-
aboli filius erit mendax? toti mundo
quia dominatur Christus, idèd in furti
materia dispensare potest, immo fur-
tū ipsū peccatū nō efficere sed de men-
datio idē fieri nō potest: cū enim sūma
& pfecta sit veritas, idèd à veritate auelli
nō potest: diuinæ, n. repugnat potentie
men-

mendacium proferre. Mirum in modum ponderandum est inò formidandum, quod superbum, aut inuidum, aut gulosum, aut auarum, aut luxuriosum, vel furem siue furiosum diaboli filium non vocauit Christus, solum autem mendacem, sic vt mendacem dæmoniacum dicere possimus.

Sanctus Augustinus libro 10. confessionū inquit: Multos vidi qui alios decipere conarentur, sed nullum vidi decipi velle, multosque vidi mendaces, sed nullum qui sibi mendacia enarrari voluerit: sic vt huiusmodi sit mendacia natura, vt sibi veritatem annunciari velit, ille autem solus mentiri. *Mendaces filij hominum in stateris, vt decipiant ipsi de vanitate in idipsum*, inquit Psalmista. (Psal. 61.) quasi diceret: Licet in ijs quæ proferunt sint mēdaces filij hominum, nihilominus longè in suis stateris fraudulentiores sunt: nec fidem, nec leges curant. Hisce verbis aliud mendacij genus mendaciumq; designat Propheeta, eos nimirum qui simulanter & per hypocrisim quidpiam agunt: quidam ore mentiuntur, hi verò suis operibus.

Porro

Porro quo minoris est corpus quàm anima, eo maius est mendacium quod opere committitur, quam quod ore: ore enim commissum, solum decipit mendacium; hypocrisi autem plenum opus, non decipit duntaxat, sed & incommodum adfert. Ille falsa vitur statera, & se falso metitur pondere qui multum præsumat, & pauca meretur; qui se iustum arbitratur, & alios peccatores; qui sua collaudat opera, & aliorum condemnat, qui alius est quàm se exhibet, qui bono apparet præditus zelo, interea veritatem dissimulat, denique qui ab omnibus probari, & à nemine sibi cōtradici cupit. In suo Hexaëmero dicit S. Ambrosius, illum falsum esse pondus, imò summum mendacem, qui Rex tyranni opera exercet, qui Christianus, vt barbarus viuit, qui Prælatus vt Publicanus se gerit, qui religiosus adhuc desideria mundana sç; cupiditates retinet, & qui magnus hypocrita, sanctus vult haberi. Hoc hominum genus, homines turbulenti, seditiosi, fallaces sunt, à quorum consortio diligenter cauere debemus. In ecclesia Dei siquidē

Ee

hypo-

hypocritæ & simulators longè ijs qui mala proferunt verba peiores sunt. Siue ad bonum siue ad malum longe magis loquitur opus agens homo, quam loquens: hominum enim corda longe magis visu acuantur & moueantur quam auditu. Hominis veracis priuilegia hæc sunt, nempe quod vbique tendere possit, & cum omnibus tractare. neminem veretur, nullus eum accusare potest, omnes ei fidere possunt, quocunque lubet capite detecto pergere potest: e contra mendax semper inquietus est. si mendacium proferat debet illud alio tueri mendacio, & quod grauius est per Deum & sanctos sanctumque Euangelium, immo per proximorum parentum vitam & per sæcula preterita iurare debet. Rogatus quandoque Demosthenes, quis esset qui amicus eligendus foret, dixit: Vt amicum eligas non est quærendum num doctus, prudens, iustus, fortis aut diligens sit, tantū nū virtutis & bonitatis amans sit, nū in veritate cū omnibus communice: veraci enim omnes confidunt.

Dicit Aelius Spartianus Imperatorē

Tra-

Traianum se nunquā in electione amici aberrasse dixisse, & petita ab eo huius rei causa, hæc inquit est, quod nunquā pro amico cupidum vel mendacij signo notatum elegerim, cui enim cupiditas aut mendacium dominatur, nunquam veram potest conseruare amicitiam. In Pastoralis dicit S. Gregorius, Debet Dei famulus vera tractare, & si per conscientiam id agere non cogatur, agat saltem ad pudorem vitadum: nullus enim vnquam maiori posset affici dedecore quam mendax haberi. Conatur mercator verax haberi, ne in negotiorum contractu ei fides pereat. Utinam omnes qui magni haberi volunt, suisque verbis fidem adhiberi, sic sese gererent! at nunc ipsis mendacium proferre, æquè in promptu est, quam fabam edere. In quadam epistola dicit Seneca, omnia consuetudine roborari: si paucis cibo & somno assuescamus, facile in similibus actionibus perseuerare erit, & si multo mendacio assuescamus, mēdaces euademus & permanebimus. quidā vt quouis die edūt, ita & singulis horis solent mētiri. Certū est armorum

Ee 2 nostro-

nostrorum meliorem partem, ditioresque nostrarum thecarum thesauros non esse affinitatem aut amicitiam, sed honorem, quem nunquam potuit, neque poterit vnquam homo mendax conseruare, cum apud omnes fide careat, nullusque vlla in re ei fidem adhibeat. Magnus ille Carthagenensium princeps Hannibal animosus, & in bellis celebris fuit vir, quæ summa cum dexteritate prosequutus est, & summa cum probitate peregit, nihilominus eum infidelitatis, periurij, & mendacij accusat Titus Liuius, quod apud suos amicos promissis nunquam stare, & cum inimicis pactum non obseruaret. Non ita se gefit Cneus Pompeius magni istius Põpei filius: cœnantibus enim quandoq; cum eo in mari, Octauio & Marco Antonio, cum in aurem diceret nauis Præfectus, se vtrumque inimicum in maris profundum proiecturum, dummodo per ipsum liceret. Respondit Pompeius: Si Mendorus essem iam pridem hoc egissem; sed Cneus quia Pompeius sum, hoc agere desisto. quod si hoc agerem, illi cum honore morerentur, ego autem
sum

cum infamia viuerem. Verba profecto
tali viro tantique principis Pompei filio
digna. Dicit Herodotus Aegyptios a-
micitia siue foedus simul componentes,
pollices pollicibus iungere, & sanguine
elicere solitos quem alternatim lambe-
bant, innuentes se potius sanguinem ef-
fusuros, quam socio fidem non serua-
turos. Quod ad mendacem, ille per Do-
minam montis Serrati & S. Vincentij
sepulchrum, per Darocę corporalia,
imò per Carauacę crucem iurat, non
alia ob causam, nisi vt suo magno fides
adhibeatur mendacio, cui tamen eo
minus fides adhibetur, quo magis iura-
mentis vititur. **R**egula infallibilis est
quempiam apertissime metiri eum qui
magno iusiurando aliquid asserit. Quod
ad me, longè meli⁹ agere puto patrē filio
parcendo, amicumque amico, & domi-
num famulo, cum eos ex fragilitate de-
linquere reperiunt, quam dum menti-
untur dissimulando. Omni enim vi-
tio tempus alis amputat, præterquam
mendacio, quod vires acquirit eundo.
Verum non sufficit à mendacij vitio
purum esse; sed & eorū qui hoc vitio

corrupti sunt vitanda sunt consortia.
Audax enim dicturus quis mendaci-
um, statim amicum in testem vocat.
quot verò mendacium audiunt, æquè
culpant & damnant amicum qui ap-
probat, quam in ipsum mendacem qui
protulit. Mentiar, nisi in palatio amicus
quidam meus, se mecum in grandi
ririemi è cynamomi an castig corribus
confecta nauigasse, sed dictum eius
nullius erat momenti, ni tacendo quasi
approbassem: sed quod eum menda-
cem declarare ausus non essem, pænè
mendax credebar. Alio tēpore quoq;
cum essem in aula Imperatoris prædi-
candi gratia, manuq; arundinē cui ob-
podagrā innitebar gestarem, occurrit
ille idem: dixitq; in præsentia plurimo-
rū se aliam mihi arundinem vsque adeo
excellentem dedisse, quæ à nodo in no-
dum duo vini caperet pocula. Puden-
dum est profectò probo, homine non
verace pro amico vti. Ignorabam qui-
dem quomodo me cum isto amico ge-
rerem: vnicum erat remedium ab eius
consortio cauere & loca in quibus sua
enarrabat mendacia fugere. Quæcum-
que

que publicè per me approbabat, illa statim priuatim negabam. Debet ergo Dei famulus ab hoc mendacij cauere vitio: **N**dum enim secularis rem vnam pro alia dicit simplex est mendacium; sed dum religiosus, sacrilegium est.

Infirmities famulorum Dei, sunt magis meriti occasiones quam punctiones.

CAPVT LV.

Cum infirmor, tunc fortior sum inquit D. Paul. (2 Cor. 12.) quasi diceret. Nunquam ita sanus sum quam dum sum æger, nunquam ita robustus quam dū debilis sum, nunquam tantæ virtutis sū quam febris laborans, nunquam ita mihi p'aceo quam dum lassus & fractus sum. Sublime est hoc Apostoli verbum: inaudita est & noua sententia: nā quod vitare cupimus, admittit, & quod condemnamus approbat: quoniā inquam quod reprobamus tuetur & fouet, & quod despiciim⁹ mirū in modū extollit,

& ijs à quibus abhorremus delectatur. Quis nunc non se magis sanum gaudeat quam ægrum? & robustum quam debilem? Quod autem dicat Apostolus, se eo magis corroborari magis debilitatur, seq̃ magis agilitari quo magis infirmatur, videtur contra naturam omniumque opinionem loqui. Non sine mysterio non dicit Apostolus, quod dum concionaretur, incederet aut ieiunaret, tunc magis sanus esset sibi que magis placeret, sed tantum quod ager, vel in lecto nouas resumeret vires, tuncque summa quiete frueretur. Sed ut hoc clarius intelligamus, notandum, quod homo inter alia desideria præcipue vitam & sanitatem conseruare desideret, & in rei veritate hoc cū ratione desiderat: nulla siquidē est persecutio quæ cum sanitate non feratur, nulla que paupertas quæ non toleretur. Quod ita sit, clarum est; si enim cum amico quid cōmunicemus, vel filiū aliqd magni ponderis rogemus, statim per vitæ suæ sanitatisq̃ amorem precemur eum; ut quod petimus concedat. vsque adeo ut præcipua qua ad aliquem permouēdum

dum vtimur, sit per vitam eius adiuratio. S. Ioseph in Aegypto nunquam nisi per Pharaonis sanitatem iurabat. Rege Cyro Hebræis patriam repetendi licentiam concedente, nihil aliud Regis aulici ijs iniungere, nisi vt pro Regis sanitate orarent: sic vt inter fortunæ bona maximum sit sanitas: *Non erat in tribubus eorum infirmus*, inquit Psalmista, (*Psal. 104.*) de priuilegio filijs Israhel concessio agens, quasi diceret, Eos Aegypto Deus eduxit, captiuitate liberauit, & libertate donauit, eorum occidit inimicos, eis rubrum aperuit mare, eis coeli manna contulit, ducemque admodum insignem & bellicosum, eorumque nullus, quod dissimulandum & tacendum non est, æger fuit, nulliq; medicis opus fuit. Quid ei deest cui adest sanitas? quo vtitur beneficio, qui sanitatem non habet? Nihil non cum sanitate toleratur, cum infirmitate autem nulla voluptas: impossibile siquidē cor lætari posse existimo, corpore dolente & conquerēte. Quid prodest bonū habere lectū & in eo quiescere non posse? quid prodest in cella bonū habere vinū

si non conceditur vti? Quā sumet quis in multorum denariorum possessione voluptatem, si maxima eorum pars in medicos, & pharmacopolas impēdenda sit? Dicit Seneca: Tanta res est sanitas, vt ad eam conseruandam non solum vigilemus, sed nec dormiamus. Sed quantum bonum sit sanitas, non cognoscitur, nisi cum deperdita est. Nihilominus dicit Apostolus: *Cum infirmor tunc fortior sum*, hoc est quod aeger fortior fit, & debilis robustior: quā in re elucet veritas: nam in omnibus suis orationibus, quamuis à tentatione liberari Dominum rogauerit, nunquam tamē ab infirmitate liberari rogauit: *Virtus in infirmitate perficitur*, inquit ibidem, quasi diceret: Sicuti in periculis animosus homo, in igne aurum, in itinere socius, in mola frumentum probatur, sic in infirmitate probus homo. Super hęc verba dicit sanctus Augustinus: Non solum in agro probatur virtus, sed & virtutis magnitudo: illic enim per paucum esum locum habet abstinētia, illic per agrorum obsequium exerceatur charitas, illic vt patiatur, est patiētia, illic

Illic Dei amor, vt ad eum reuertamur; illic proximi vt illi indulgeamus: nullus enim tam stultus est æger, quin sanari magis conetur quam vlcisci. Fabato scribens Plinius dicit, Crede mihi Fabate, & nullatenus dubites, quod nullam vnquam in libris legerim, aut legem repererim quæ nos meliorem vitæ methodum docuerit quam æger: ille enim superbia non erigitur, luxuria non debellatur, auaritia non deijcitur, inuidia non fatigatur, ira non alteratur, gula non subiugatur, acedia non torquetur, neq; honore excitatur. Vtinam Fabate amice sensuū & fortunę fauore ita bonus essem, ac æger me esse iuravi & promisi. Sed proh dolor, quicquid æger promitto, sanus obliuiscor. Quod ad me, dico quod æger neq; affectionis neque passionis, neque amicitie neq; inimicitie; neque diuitiarū neque paupertatis, neq; honoris neq; dedecoris meminerim: conor duntaxat capitis dolore liberari, quo vt liberarer quicquid domi possideo, cōferrem. Hactenus Plinius. Sanctus Bernardus Donato monacho scribens, ait: Intellexite hic quartana laborare: si doleam,

solum quod doleas doleo . intellexi
enim tuum tibi horrore & contemptui
esse morbum, teque neminem conue-
nire, à nemineque visitari velle . quod
ad me, vt virum probum & Catholi-
cum cognoscam, satis est si eum agrum
viderim: non auderem enim eum pa-
radisi iter sequi dicere, qui nullum ex
morbo colligit fructum . In quadam
epistola ad Atticum dicit Cicero: Mag-
no fruerentur beneficio homines ami-
ce Attice, si sine cibo & potu viuere pos-
sent, sed longe maiori si sine luctu, eo
quod humores dumtaxat corrumpant
cibi, sed nostra exsiccant ossa luctus:
solo enim luctu fit ager homo, & ex
agritudine sapius mortem oppetit.
Crede Attice & ne dubita, quod solo
nimio cibo & potu bestia bestialesque
homines moriantur, docti autem &
prudentes nunquam nisi luctu . Nun-
quid & tu experientia scis, & è duobus
carnificibus vitam humanam destru-
entibus longè crudeliorem esse tristi-
tiā quam gulam? Si veritatem agnosce-
re cupias, attente perpende quod he-
betes, idiotæ, stultique homines semper
sani

sani & incolit mes viuant magis alijs, & ratio est, quod huiusmodi homines neque honore neque pudore moueantur. Sed omnino secus sese docti, prudentes & discreti gerunt, qui tristes & semimortui euadunt, non solum propter dicteria quæ de ipsis circumferuntur, sed & propter suspiciones quas alij de ipsis concipiunt: generosus enim & verecundus homo plus turbatur de mala opinione, quam alij de ipso habent mouetur, quam propter ea quæ ipsi fiunt. Quod ad me, dico & fateor me hoc anno adhuc eodem laborare morbo quo præcedenti anno, qui morbus non ex fructibus quos Capuæ comedi mihi accidit, sed ex notabili quodam luctu Romæ concepto, quem concepi & recepi non ad domus meæ defensionem, sed ad Rempublicam tuendam. Hæc ex Cicerone.

Vt ad rem redeamus, debet Dei famulus eum qui morbum misit considerare, num Dominus Deus vt misericordix Pater talem miserit morbum, quem non misisset ni profuturum:

sciuiſſet: certum enim eſt Domini noſtri in nos ſtudio longè noſtro in ipſum ſtudio maius eſſe. Nullus nunc paſſionis calici eſt æquiparandus morbus, de quo S. Petro loquens dicebat Chriſtus: (Ioan. 18.) *Calicem quem dedit mihi Pater non bibam illum?* quaſi his verbis dicere vellet, amaritudinis, infirmitatis, & triſtitie calix quem dedit mihi Pater, vt dilectiſſimo filio ſuo, cur ô S. Petre me bibere non viſ? Ignoras me tanti non facere amaritudinem in eo contentam, quam profeſſum inde emanantem? Quid aliud ergo ſunt omnes quos patimur morbi; veluti febris tertiana, quartana, podagra, colica, calculus, renum mala, hepatis oppilatio, ſplenis calor, niſi quædam rubigines, & vaſis quas in paſſione bibit Chriſtus feces, nobis earum quaſdam relinquens reliquias? Quod Chriſtus eſſet Dei dilectiſſimus filius, Deoque maximè cordi, ei calicem ideo iſtum bibendum præbuit, eum præ ceteris omnibus maximis pœnis & laboribus onerans. Vnde colligere & concludere licet, quod è Dei dilectiſſimis ſit quem maioribus pœnis

pœnis & morbis hoc in mûdo videmus
onustum. Cuidam Abbati agro scribēs
S. Bernardus inquit: Mitto tibi fratrem
Rogerum, non vt te confoletur, sed vt
tibi obsequium præstet: quâdoquidem
enim misericordia motus, Dominus
Deus te hoc podagræ voluit afficere
morbo, hoc fecit vel vt tibi in quârum
bono merendi oscationem daret, vel
vt occultum plecteret delictum. Dicit
in Leuiticū Cyrillus: Sicuti nobis odio
non est medicus, qui amaram ad malos
expurgandos humores confert potio-
nem: sic Domino succensere nō debem-
us, qui ad expurganda nostra peccata
nobis morbos mittit, cum pluris animę
purgationem facere debeamus, quam
corporis. Debet morbi missi sanitatis-
que ablatę causam considerare æger,
quæ sæpius procedit non ex cibis quos
comedimus, sed ex peccatis commissis.
Quemadmodū Moysis sorori accidit,
quæ scabiosa & leprosa facta quod in
Aethiopissam Moysis vxorē murmu-
rasset. In quadam Homilia dicit sanctus
Ambrosius: Dum te hinc peccatis onu-
stum reperis, & inde febri, prius tuum
con-

confessarium qui tuam excipiat confessionem voca, quam medicum qui te sanet, vix enim te peccatorem sanare poterit medicus. Super hæc Psalmistæ (Psal. 138.) verba, nempe, *Si via iniquitatis in me est, dicite suminus* doctor Rabanus: Sicut iumentum non pungit homo nisi à via deflectat, vel itinere defessum sit; sic nullus nobis mittit morbos, infirmitates siue tribulationes Dominus, nisi ipsum deliquerimus, vel quod remisse & negligenter ei inseruiamus. In Psalmos dicit S. Gregorius: Dum se ægrum conspiciet Dei famulus, primo prius cum conscientia computare debet, quam lectum adire, & si in anima aliquem repererat remorsum ac maculam, prope-
 ranter confessionem sacramque communionem adire debet: si enim cum Deo in gratiam redierit, non admodum quæ ei accidere poterunt curabit. Debet & considerare æger, quæ ex ægritudine sibi comparet profectum, in rig dis enim & vehementibus morbis, quo magis probi & generosi hominis cor corroboratur, eo magis caro lethalis hostis noster debilitatur. Proinde tantum

tum abest, vt in morbo aliquid patiaris,
quin econtra potius in ipsum qui te ma-
lis afficiebat vlcisceris.

Origenes in Iob scribens inquit:
Nunquam adeò sublimia protulit ver-
ba Iob, neq; ita heroica exercuit opera,
quam dum omnibus bonis suis eum
spoliauit corpusque scabie repleuit dia-
bolus. Vnde inferre possumus, quod
morbis & tribulationibus mali suam
malitiam declarent, boni verò spem
quam habent, aperiant, & quam magna
sint acturi. Super hac re dicit S. Ber-
nardus: Quid miraris frater, si nunc
peccato praualeas, quandoquidem le-
thalis tuus inimicus ager sit & lecto af-
fixus? Bestiale corpus nostrum hic le-
thalem inimicum vocat S. Bernardus,
quod quo crassius est eo superbius, &
quo debilius eo subiectius est. Vnde
sequitur nos longè liberaliores esse, dū
infirmatibus onusti sumus. Rogabat
quēdam monachum sui fletus causam
Abbas Sylois, cui monachus ille: Est
profecto quod flectam Pater: iam enim
à duobus annis integris morbo me non
visitauit Dominus Deus, sed indies me-
lius.

lius habeo, ideoq; me grauiori oppugnat pugna diabolus, meq; grauius tentat mundus, & longè mihi rebellior est caro mea, quam benè subditam reddere non possum, nisi æger in lecto iacens. *Multiplicate sunt infirmitates eorum postea accelerauerūt*, inquit Psalmista. (Psal. 15.) quasi diceret: vt Hebræos infirmitatibus onerasti, statim ad virtutis iter properauere, sic vt nullum vnquam prohibitatis signum in ijs viderim nisi ijs ægris & afflictis. In hæc verba Cassiodorus: peruersis inquit, non admodū bona verba monitionesque profunt, imò nec vllus sermo, neq; bona ijs data consilia, neque ijsdem impositæ poenitentiae vnquam profuerunt. Solum ijs prodesse consuevit magnum infortanium, siue magnus & longus morbus: nullus enim hoc in mundo ita peruersus homo est, quin æger meliora polliceatur. Visitati infirmitatibus aut proprijs aut filiorum, mulier Sunamitis, Hieroboam, Ochofias, Benadab, Aza, Ezechias Reges, Deo tunc (& aliqui horum vix alias) orationes fuderūt, templo magna & pretiosa offerentes mune-

munera vt Dominum placarent, digni-
que efficerentur, vt ab istis liberarētur
infirmatibus: sic vt præuio morbo
pij euaserint.

*Prælati magna religiosorum agrorum ge-
renda cura, eorum præsertim qui in
religione senes, debiles &
impotentes sunt.*

CAPVT LVI.

Infirmum suscipite: Debemus nos firmiores
imbecillitates infirmorum sustinere, inquit
Apostolus Paulus, (Rom. 14. & 15.) quasi
diceret, In hoc Romani fratres digno-
sceris, num vera sis charitate præditi,
sancti aut simulati Christiani, si bona di-
rectione imbecilles & infirmos sustine-
atis, sic vt ijs in infirmitatibus & necessi-
tatibus nihil desit. Nō sine magno my-
sterio hic parentes nostros, amicos &
inimicos nostros sustinere nobis nō im-
perat Apostolus, sed debiles & ægros
duntaxat: secundum enim S. Bernardū
nulla in re magis clucet charitas, quam
in agrorum obsequio & auxilio. Inter
oēs huius vitæ misérias, vt fames, sitis,
calor,

calor, frigus, lassitudo & morbus, omnium maxima est sanitatis priuatio, & morbus. Ideoque, quia est maximis pœnis & laboribus onusta, maxime quoque meritoria est. In Patrum vita dixit quidam cuidam seni monachus:

N Dic benedictio Pater, vter merito præstet, monachus qui tota ieiunat septimana, an qui agrorum necessitatibus in valitudinario inseruit? Cui senex respondit: Scias frater & nullatenus dubites eum qui agris inseruit magis vno die mereri illo qui integro ieiunat anno: virtutum enim omnium summa & excellentissima virtus est charitas. In hæc verba: *Infirmus fui & non me visitatis*, dicit Haymonis glossa, quod in tremêdo illo iudicij die rationem non sit exacturus Dominus, cur stationes non visitauerimus, cur conciones non audierimus, cur miracula non ediderimus, cur diu non ieiunauerimus, tantum autem cur debiles & egenos non sustentauerimus: quandoquidem æquè gratum agrò opus exhibitum esse asserat Christus, ac si ipsi exhiberetur. Iesu Christi exemplo ad visitandos cum pietate

pietate egros moueri deberemus: sanos enim & incolumes eū paucos uisitaſſe. videmus, & innumeros ſanaffe agros. Vnde concludere poſſumus omnia Chriſti opera nos monere, nulla ſæpius uifiſtanda eſſe loca quam Zenodochia & Noſocomia.

Super eadem verba: *Infirmus fui & non me uifiſtaſtis*, ſcribens S. Hieronymus inquit: Dum ſe rationem exacturum dicit Chriſtus, quod agros non uifiſtauerimus, nunquid exactiorem eſt exacturus quod ijs non inſeruierimus? Et ſi eireddenda ſit ratio quod non inſeruierimus, nunquid & ſtrictor reddenda, erit cur ijs non ſubuenierimus? Teneris eodem modo Chriſtianum uifiſitare, quo uifiſtari velles, ei inſeruire, vt inſeruiri: ſubuenire, vt tibi ſubueniri cupis: in pietatis & charitatis enim materia, neque piger, neque tenax habere debes. Qui fratrem, vicinum aut amicum agrum non inuiſit, quomodo precor ſanum uifiſtabit? In quadā epiſtola dicit Seneca: Amicum ſincerum nunquā melius probo, quam dum ager ſum: quī enim me ſincere amat,

amat, statim in propria persona suis mihi subueniendo bonis, suauibusque consolans verbis, me visitat: sic vt diuturno morbo vera probeatur amicitia.

¶ Particulariter ergo cum vnumquēque ad visitandos agros, & ex omni parte consolandos incitauerimus, religiosorum perfectorum tamen in reformatis Monasterijs habitantium dicimus esse, quod, cum mundum, parentesque suos Iesu Christi amore deseruerint, in morbis non consolati, iure in Monasterijs mœsti essent, meritoque de Prælati conquereretur. Nunquam ita iure quis conqueritur de Præfato, quam dum ager non curatur: sanus enim homo quoslibet labores necessitatesque tolerat. Dicebat in regula S. Basilii: Hic erit ab Abbatibus in religiosos sanos & agros ordo seruandus: quicquid facillè reperietur sanis dabitur, agris autem quocunque egerint. sic vt agris primo ex texturæ palmarum corbiumque venditionis redditibus provideatur, & si quid supersit, sanis erogetur. S. Benedictus in sua regula quoque dicebat: Imprimis & super omnia

omnia debet agrorum Abbatibus esse cura, debiliūque obsequium: si enim in refectorijs ciborum exiguitate delectetur abstinentia, in Nosocomijs nimietate & abundantia quoque delectatur charitas. Hugo Doctor de Monachorum institutione scribens inquit: Licet quis circūlla qua caput tegat, veste qua se vestiāt, calceis quibus utatur, cubiculo cui inhabitet careat, non ideo tamen de Pralato conqueri, aut ei succensere debet: cōqueratur autem dum eum in suis tentationibus non consolatur, dumque in morbis illius cura non habetur. Iure quidem Monasterium illud, in quo nulla agrorum geritur cura corruptum esse, dicit insignis ille Doctor: cum charitate careat Pralatus, perfectam non potest habere bonitatem. Quid quāso habere potest ille qui charitate caret? Quam rem magni pendere potest, qui in fratrem pius non est. In vitā solitariae libro scriptum est quod dum in Aegypto aut Thebaide Monasteriū construeretur, prius Nosocomiū ad seruādos agros q̄ Ecclesia ad

Notandū si m̄ notandū si m̄ notandū si m̄ quam

quam omnes confluabant erigeretur,
huius rei ratio erat, quod S. Basilius pri-
us agrorum curæ intentos vellet suos
esse monachos, quam psalmis decan-
tandis. In Imperatorū libro dicit Sue-
tonius Tranquillus, magnum illum
Iulium Cæsarem per Alpes deambu-
lantem in niue (vt cuidam suo militi
agro casam, quæ illic sola erat cederet)
ceteris etiam montis partibus niue cō-
tectis decubuisse. Si igitur paganus
Princeps & tyrannus tali in suum mili-
tem agrum vsus fuit pietate, cur tu
Christiane in fratrem tuum Christia-
num eadem non vteris pietate? *Qui in-*
firmitur. & ego non infirmor? inquebat
(1. Corint. 11.) magnus ille S. Paulus, quasi
diceret: Quis vestrum o Corinthij æger
est, & ego non sim? Quis vestrum vel
solo sui digiti vngue dolet, quin statim
& ego capite doleam? Quis imbecillis
& debilis est, quin maiorem vobis pa-
tiar debilitatem? Cui vestrum aperitur
vena, quin mea prius commoueantur
viscera? Quis vno die æger in lecto de-
cumbit, quin quauis hora eius puluina-
ri adsim? Quis æger quidpiam me roga-
uit,

uit, quin hoc ei dederim, vel quis quam
 re eguit, quin eam statim quaſie-
 rim? O quam felix ille Prælatus foret,
 qui hæc verba cum S. Paulo proferre
 poſſet, imò felicior ille qui illa adimple-
 ret, nullum ſiquidem Deo gratius præ-
 ſtatur obſequium, quam egenis & ægris
 inferuiendo. Secundum S. Baſilij, S. *transſcriptum*
 Benedicti, S. Auguſtini, S. Franciſci, &
 S. Dominici regulas, debent primo ne-
 ceſſarijs Noſocomia prouideri rebus,
 in iſſque diligenter tractari ægri: ille
 enim iniuſtè Chriſtiani nomen ſibi vo-
 ſurpat, indigneque ſe in Prælaturæ ſtatu
 gerit, qui religioſo agro inuidet. Ere-
 mitis ſcribens S. Auguſtinus inquit: Ae-
 gris candelas prouidebitis, neceſſaria
 moletis, herbas coquetis, aquam frigi-
 dam dabitis, & paſſeam cui incumbant
 quæretis, ſc. vt in iſſis patientia cluceat,
 in vobis autem clementia. Super hac re
 in regiſtro dicit S. Gregorius: Decipe-
 ris Pater Abbas, dum cogitas & dicis
 Lombardorum bellum omnia Mona-
 ſteria deuſtaturum: ſi enim S. Baſilij
 ſanctiq; Patris noſtri Benedicti corrueat
 religio, nō ex inimicorum damno, aut

paupertate quam tolerant Monasteria
accidit, sed ex Prælatorum nimia am-
bitione & exigua in ægros charitate. In
Patrum vita dixit quidam Abbati Ar-
senio monachus. Duo sunt in hac The-
baidis eremo quos novi Abbates, unus
castus est, sed charitate caret, alter verò
charitate præditus, sed non castus; dic
quæso Pater quis horum tolerabilior
est, & quis incorrigibilior? Huic petiti-
oni respondit probus Arsenius, Vterque
qui sit monachus & Abbas indignus
est: meliorem tamen habeo eum qui
charitate præditus est & non castus,
quam qui castus est & charitate non
præditus; dubito enim ego nū chari-
tate præditus homo damnari possit.
Cuidam Abbati scribens Sanctus Ber-
nardus inquit: Quod litteris Monaste-
rium tuum antiquum esse indices,
magnaque egere reparatione, tibi illud
reparandi ex Monasterij redditibus po-
testatem concedo, modo reparatio-
nem à loco in quo ægri iacent incipias,
& non à loco in quo sani dormiunt:
præstaret enim dormitorium corrue-
re, quam velé Nosocomio canalem ca-
dere.

dere. Debet ergo summa & diligens
 agro tractandi Prælato esse cura, nul-
 la expensarum habitaratione, certò
 enim scire debet Prælatus Dominum
 Deum Monasterio ob charitatem in
 agros gestam magis fauturum, quam
 ob curam quæ benè valentibus exhi-
 betur. Prælatis in suum consortium se-
 nes, debiles & agros admittere nolen-
 tibus libere dicere possumus: *Pater igno-
 sce illis quia nesciunt quid faciunt* **¶** In
 Monasterijs enim ubi multi sunt iuue-
 nes & pauci senes, multa oriuntur mala,
 Prælatisque multi occurrunt luctus.
 Nesciunt quid faciant Prælati profecto,
 dum apud se religiosos iuvenes deti-
 nent, debiles infirmosque à se dimit-
 tentes: in Monasterijs enim (vltra quod
 hoc crudele sit & immanum) in quibus
 debiliū ac senum est inopia nulla po-
 test esse authoritas, imò nulli esse pos-
 sunt in quos exerceatur charitas. Cre-
 dite mihi Patres & nullatenus dubite-
 tis, vt de rebus necessarijs Monasterijs
 vestris prouideatis ascribere consortio
 vestro monachos ætate & laborib⁹ fra-
 tros: nulla siquidē melior prouisio re-
 peritur, tam-

tāta enim in ægros charitate vtitur Dominus, tantatq; in senes & debiles pietate, vt nunquam passus neque passurus sit quempiam ad extremā necessitatem redigi, dummodo charitatem exercere amet.

Herodianus, Eutropius & Valerius magnus, Romanos pro senibus & ægris qui bello ad Reipubl. obsequium interfuerant legem fecisse narrant: eis inquit domus, quibus inhabitarent, conferebantur, & vnde viuerent erogabatur. sic vt iuuentutem probis laboribus impendere delectarentur, sperantes se idē in senectute fouendos. Si ergo hoc agebant Romani, cur in suis Monasterijs illud idē nō agerent Prælati? Vtere modico vino propter frequentes tuas infirmitates, dicebat suo Timotheo (1. cap. 5.) S. Paul. quasi dixisset: Quod stomacho doleas, quodque assidue æger sis, poteris in posterum pauillum vini bibere. Notādum hic quod hoc verbo, propter tuas frequentes infirmitates, S. Paul. motus fuerit, vt cū suo Timotheo dispenseret, eo quod sua natura valde debilis esset & semper æger. Quibus insinuat

Notandi si maior

maiolem senū laboribus confectorum habendam esse curam, quam iuuenum quandoque agrorum. In quadam epistola dicit Plinius: Seni quod ager sit dicere non debemus, eo quod senectus imperfecta sit sanitas & morbus necdū omninō formatus. In libro de ira dicit Seneca: Iuuentutis meæ & nunc senectutis hæc est differentia: si iuuenis forsitan in morbum incidissem, vno aut altero duntaxat dolebam mēbro, nunc autē sanus, omnibus meis doleo membris, sic vt tolerabilior cum morbo sit iuuentus quam cum sanitate senectus. Prælati qui religiosos senes, debiles & agros à suo excludunt consortio, eos inutiles & Monasterio graues esse fingentes, nesciunt quid faciunt: malū enim quod patrant ignorant, & bonum cuius iacturā faciunt non assequuntur, quandoquidem cui libet agro exhibitā charitatem, sibi præstitam existimet Christus. Quantumuis fractus & senio confectus sit religiosus, tamen suo Prælati utilis esse potest pro benefactoribus orans scilicet, vel in rebus alicuius ponderis consiliū præstans, quæ duo officia

ordinariè ad senes spectant, & non ad iuuenes, nam quod ad consilium attinet, senum illud dare est, & iunioris recipere. Longe magis sene religioso, qui consilium præstet Prælato opus est, quam iuvene robusto. qui ei inseruiat: quilibet enim sagacis & prudentis inguij vir, pluris amicum qui eum à suis molestiis liberat facit, quam famulum qui loculos nummis replet. Non debet credere Prælatus quod religiosi senes & membris debiles panem gratis comedant: accidere enim potest quod senum consilium vno die maioris sit pretij, quam integro anno iuuenum obsequium: præsertim cum nullus bonus possit esse Prælatus, si consilio vri non amet. Negare nullo modo possumus quin religiosus membris fractus toti Monasterio merendi causam præbeat, eo quod eum retinens mereatur Prælatus, & ei inseruiens, qui Nosocomij obsequio destinatus est, cum visitans religiosus: ille autem in sua patientia meretur: sic vt indulgentia plenaria sit quæ quouis die in Monasterio habetur.

Quam

*Quam necessaria nobis sit perseverantia; &
quod sine illa nulla virtus possit esse
utilis.*

CAPVT LVII.

VI DE *(in te bonitatem Dei, si persevera-*
ueris in bonitate, inquit Apostolus
Paulus *(ad Rom 11)* quasi diceret: hinc
videbis Christiane, hinc inquā cogno-
sces an Dei bonitas te manu ducat, nem-
pe si in finem in virtutis itinere perse-
ueres. Iesus Christus Redemptor no-
ster dicit, *(Matth. 10. & 24.) Qui perseve-*
rauerit usque ad finem, saluus erit, quasi
clarius diceret, qui in finem probitatem
amplecti conabitur, ille & non alius in
gloriam meam ingreditur. Dicit S.
Augustinus: Mirum in modum terreri
debemus fratres, quod non dicat Chri-
stus, qui perseverabunt, tantum autem
qui perseverauerit usque ad finem, saluus
erit: pauci enim in eius obsequio us-
que in finem perseverant, licet multi
se Euangelium observaturos promittant.
Notandum quoque serio, expressè Do-
minum dixisse: qui non perseverauerit
usque in finem, hic saluus non erit, nulla

virtute aut virtutibus in quibus perseverare deberemus in medium allatis, ut omnes virtutes à nobis magni faciendas, nobisque in ijs ad finem perseverandum esse intelligeremus. Dicit quoque S. Hieronymus: Aperi oculos tuos & nota, quod Christus salutem in sola innocentia aut abstinencia, aut patientia non collocarit, sed in sola perseverantia & constantia, cum dixerit: *Qui perseveraverit in finem salvus erit.* Unde colligere possumus nullum operum nostrorum coelo mercedem accepturum nisi perseverantia circumcinctum sit. Verum ut hæc Christi verba melius intelligantur, præsupponendum est, quod sicuti multa vitia virtutis pallium assumunt, ita multæ virtutes aliarum virtutum pallium assumunt, & se alias quam sint exhibent. Ut autem uniuscuiusque veritas noscatur, notandum quod unaquæque suam particularem habeat definitionem, & ad suam proprietatem naturamque alias alliciat virtutes: patientia allicit ad se firmitatem, magnanimitas longanimitatem, benignitas mansuetudinem & fortitudinē,

& omnes hæ virtutes quid vnum esse videntur. Et profectò multum interest inter id quod sonant, & id quod sunt. Ne verò sine ratione & temerè loqui videamur, pauca de vnius cuiusque definitione differemus. Patientiæ virtus nihil aliud est, quam corpus doloribus onustum & corporis passionis martyr. o gratum, quod eiusdem in aduersitate est faciet, cuius in prosperitate: Sicuti in S. Tobia & Iob patet, qui non solum patientes fuere, sed & exempla patientiæ. Constantiæ virtus est dum cor à suo bono proposito nullis laboribus aut infortunijs, nullo modo mutatur aut mouetur, sicuti in Aegypto à Ioseph & in deserto à Moyse actum est. Magnanimitatis virtus est, dum cor sublimia aggredi audet, quæ summo cum periculo peraguntur, quæ virtus in Dauid contra Goliath & Helia in Iesabel emicuit. Longanimitatis virtus est dum cor nunquam dolet aut desperat pro quibus suis occurrentibus & crescentibus poenis, serius licet accedant remedia. Hæc fuisse præditi virtute Iudas Machabæus in Synagoga, & S. Paulus in Ecclesia, quibus

bus cum amicorū iactura indies accrescebant pœnæ. Fortitudinis & perseuerantiæ virtus est, dum cor ita forte & audax & constans est, vt in tentationibus nunquam deficiat, neque idèd à bono declinet. Hæc in S. Antonio & S. Paulo Eremitis locum habuit virtus, quorum vitæ angelorum apparebant vitæ, & eorum opera plus quam humana. Sed cum nostræ intentionis sit de magnis perseuerantiæ excellentijs agere, & quana sit nobis fortitudo necessaria, hic quid de ipsa dixerint Philosophi dicemus, quidve de ipsa censuerint sancti Doctores. S. Augustinus de verbis Apostoli ait: Mihi fortitudinis virtus nihil aliud est quam vehemens amor quo se accensum monstrat animus, quoque omnia passurus esset licet graui & aspera valde, donec petita consequeretur etiam intermixtis crudelissimis tormentis. De hac virtute loquens Cicero inquit se ausum dicere constantiam & firmitatem nihil aliud esse quàm heroicam resolutionem ac determinationem, qua robustus & potens homo omnia quæ ei accidunt suffert, & quid
quid

quid vult dissimulat. Dicebat Lucius Seneca, hominis robusti & animosi excellentiam tantam esse, vt facilius foret munioissimam ciuitatem expugnare, quam firmum & constantem superare animum. Ad rem dicit diuinus Plato constantiæ priuilegia esse téperare iram cum mansuetudine, inuidiam cum amore, tristitiam cum perseverantia, & timorem cum patientia. Sanctus Gregorius in Ezechielem dicit, iusti fortitudinem in carnis cohibitione & appetituum refrenatione, in resistentia contra diabolum, in fide mundo non adhibenda, in deliciarum contemptu, in rerum asperarum, & periculorum amore consistere. In Matth. S. Chrysostomus dicit fortitudinis virtutem ita necessariam esse, vt nisi in finem vsque subueniret iustitiæ, temperantiæ, castitati & prudentiæ, rueret, immò in lutum voluerentur. Vt bonum inchoetur opus, sufficit sagacitas & prudentia: vt agatur, prudentia est necessaria: vt peragatur potentia; sed vt adimpleatur cōstantia opus est: bona enim boni nautæ fortuna non in navis

regimine consistit, sed in sani & salui portus appulsu. Nullus coronabitur nisi qui legitime certauerit, inquit D. Paulus, (2. Tim. 2.) quasi diceret, Quod ad Domini famulorumque Dei bella, nullus eius manu coronabitur, nisi qui legitime hic certarit. Porro ille legitime certat, qui in vitæ finem vsque certat. & ille illegitime, qui fugit & medio in itinere tergum vertit. Ille illegitime & vt degener certat, qui medio in aquore pugnam non subit: & ille cum dedecore & infamia certat, qui nullis resistentationibus, sic vt initio pugnae sese dedat. Dominus ijs qui ex matrimonio legitimo nati fuerint coronam nō promittit; sed ijs dūtaxat qui legitime certauerint. Ille legitime certat, qui in virtutibus cum constantia persistit, & qui resistentationibus resistens sese opponit: sic vt hæreditas ei vt filio legitimo debeatur. In hæc verba dicit Damascenus, Iesum Christum suum regnum ei qui tantum baptismum suscipit, aut ei qui aliqua bona exercet opera non cōferre; sed qui in eius obsequio ad finem vsque perseverat. ad bellum enim properanti
trium-

triumphi corona non datur, sed ei qui
victoria potitur. Parum equidem ara-
tori prodesset terram seminasse, si post-
modum in colligenda messe se pigrum
præberet. Reuera aratoris animus suo
labore dum per campos grana serit nō
leuatur, nisi ea cōgreget & in horreum
conducat. Peregrinus dum ab itinere
incepto defistit, in domū qua egressus
est reuersurus, operā perdit, & nullam
ex suo sudore percipit voluptatē. Mer-
cenario non satisfacit quod ad vineam se
contulerit, sed quod tota operi manum
admouerit die. Vxor Loth in salis sta-
tuam conuersa est quod Sodomam in-
spectura, tergū inuenterit, quæ tamen ne
id ageret prius monita fuerat. (Gen. 19.)
Vnde intelligimus mundū quo egressi
sumus adeo malum esse, vt nobis eum
tangere non tantum prohibeat Domi-
nus, sed ne quidem eum nos respicere
velit. Constantes admodū fuere Moy-
ses & Aaron, dum Pharaonis donis mi-
nistræ qui eos in Aegypto cum omni
populo detinere volebat acquiescere
noluerunt. (Exod. 8.) Vnde colligere li-
cet, quod ad mundum repetendum &

à bono iam incepto desistendum, amicis
 precibus vel inimici tērationibus assen-
 tiri non debeamus. Ioseph filius Iacobi
 sese admodum constanter gessit dum
 Dominæ suæ precibus & impudicis il-
 lecebris non condescendit viriliter re-
 sistens, vt cognosceremus maiori esse
 ad resistendum viriis, quæ se offerunt
 opus animo, quam ad resistendum ini-
 micis qui deteguntur. (Gen. 29.) Fratres
 Dauidi singulare certamē dissuadebāt,
 imò eum increpabant, quod quibus re-
 lictis bellum spectaturus venisset: ani-
 mosus miles arma deferere nolens gi-
 gantem Goliath aggredi voluit. (1. Reg.
 17.) Hinc constat vitæ iacturam potius
 esse faciendam, quam à bono opere in-
 cepto desistendū. In templi reedifica-
 tione sese constanter gesserūt Neemias
 & Esdras, qui tamen id agentes ab his
 intentabantur minis, ab alijs vitupera-
 bantur, hinc ipsis contradicebatur, vt
 sciret Dei famulus magnum esse boni
 operis à nobis futuri indicium, si quem-
 piam peruersum contradicentem repe-
 riamus. Mardocheus reginæ Esther
 cognatus se constantem præbuit, dum
 in su-

In superbum Aman idololatram & Hebræorum inimicū se humilē exhibere & cum eo amicitiam cōtrahere noluit. Dignoscimus hinc, nobis eorū qui nos ad peccatum incitant, quique salutem nostram impediunt fugienda esse confortia. Sese constātem exhibuit insignis illa Susanna, quæ in Babylone iudicibus suum matrimonium violare cum eaq; adulterium cōmittere volētibz resistit, indicans neminem timore pœnæ cōmittere debere peccatū: nostram enim vitam immō & honorem se cōseruaturum pollicitus est Christus, sicuti Susannæ cōseruauit. Has omnes in medium adferre volui historias, vt boni ad Dei obsequium magis incitentur, mali verò ab eo recedere contremiscant, postquā suos famulos nunquā deserat Deus, neque eorum qui eum sequuntur obliuiscatur. Qui quæso Daniele in fouea cum leonibz inclusum consolari meminī? Nunquid quæso sui famuli Iob meminī, dum eū à diabolo tentari cerneret? S. Anselm. inquit: Scit Dominus q̄ parū sciamus & quam parū possumus, ideoque non est quod ad eius obse-

obsequium animo deficiamus, & ad
eum imitandum nos pigros exhibea-
mus: quandoquidem cum suis fide-
libus famulis patientiam habeat, sic ut si
modo agant quod possint, ille quod
volent & optabunt faciet. *Non sumus
sufficientes cogitare aliquid à nobis quasi ex
nobis, sed sufficientia nostra ex Deo est in-*
quit Apostolus (2. Cor. 3.) quasi diceret,
Ne quidem nobis cogitare licet, multo
minus nos laudare quod propria & so-
la nostra industria aliquod bonum age-
re possimus: quin credendum firmiter
quod à Dei illuminatione procedat si
boni quidpiam peragamus, quodque
ab eo deferamur si alicubi aberremus.
Nemo bonum opus suis viribus suz-
que potentie confidens aggrediatur: et-
si enim bellum inire homo queat, vi-
ctoria tamen in manu Dei est. Hugo de
arra animæ inquit, Si Domino obsequi
velis, neque te nimis timidum esse de-
cet, neque nimis tristem: ita enim ei cu-
rasunt eius famuli, ut ræt si eos tentari
patiat, non superari. Passus est Deus
diabolum Iob tentare hac conditione,
ut corpus torqueret, animam non tan-
geret.

geret: sic vt suum studium in famulos,
eos laboribus suis subleuando non ex-
hibeat Dominus, sed peccatis exone-
rando. Rogauit quoque Deum diabo-
lus (3. Reg. 22.) Regem Achab decipien-
di potestatem: petitioni acquieuit De-
us, vt amicorū & inimicorum eius dif-
ferentiam cognosceremus: patitur
namque suos tentari & peccatores de-
cipi. O bone Iesu, o animæ meæ delitiæ,
per me licet Domine vt cum S. Iob ten-
ter, affligar & deiiciar, dummodo cum
Rege Achab non decipiar aut supereri.
nullum quippe est nostri interitus ma-
ius indicium, quam dum nos Domine
a diabolo decipi pateris. *Qui tangit vos,*
tangit pupillam oculi mei aiebat Dominus
Deus per Zachariam Prophetam (ca. 2.)
quasi diceret: Qui vnum electorum
meorum tetigerit, sciat oculorum me-
orum se pupillas tangere. Quæ gratiora
siue dulciora possent mutui & indissolubiles amici, quam hæc verba? Poti-
or corporis pars caput est: sunt in capi-
te oculi, & in oculis pupillæ: vt excessi-
uus est Christianus amor, ita excessiua &
hy-

hyperbolica voluit comparatione vti. Non sine mysterio suos electos non comparauit pedibus, aut manibus Dominus Deus, sed oculorū pupillis duntaxat: pedes enim & manus puluerem & lutum patiuntur, sed oculorum pupillæ, ne quidem puluisculi atomum, aut arenulam pati possunt. Quamlibet sub noctem, vt regulares filij in completorio rogamus & dicimus: *Custodi nos Domine vt pupillam oculi*, petimus vt nos velut pupillam oculi conseruet, & sub vmbra alarum suarum protegat. Quod agit & adimplet, dum nos in peccatum labi non permittit, & lapsos sua gratia liberat. S. Bernardus: Nullus inquit se Christianum dicere potest, imo minus perfectum religiosum, qui tentationis timore Deo obsequi negligit: ita enim suos electos Deus amat, vt semper quid dicturi sine attendat. O quâtas Deo referre debet Christiani gratias, quando quidem per hæc verba: *Oculi Domini super iustos, & aures eius in preces eorum*, labores quos patiuntur, & preces quas fundit se respecturū polliceatur. *Debilis est basius & non vincit nisi volentem*, inquit S. Au-

S. Augustin. quasi diceret: Ita timidus est dæmon, eumque vsque adeo debilitari permittit Dominus, vt nullum nisi sibi nō resistentem superare possit. cordis nostri ianuam pulsat dæmon; sed pulsat & Deus: licet hunc admittere & illum excludere. Vnde concludimus, diabolum non posse nisi nostro permissu animam nostram possidere; nec Deū nisi reiectū à nobis recedere. O me miserū, quid dicturus sum, dum obone Iesu rationem exiges, cur te ducem sequi noluerim, tibi monēti fidem adhibere denegarim, tibi vocanti non responderim, te loquentem non agnouerim, imò te tangētem non senserim? Super hæc psal. 90. verba: *Cum ipso sum in tribulatione*, dicit S. Ambros. Non solum suis dñm comedunt & dormiunt, adest Dominus sed & dum affliguntur, dñm modo eum vocent, & nō hil expectent, quos non solum afflictione liberabit, sed & honore afficiet. Dicit quoque S. Hieronymus: In hoc Christiane, cernes Dominum Deum tuum te multò amplius quam amicorum tuorum te diligere: plus se tibi ad benefaciendū. quam

quàm illi, deuincit : quod clarum est;
quoniam amici pecunias nostras quas
congregauimus nobiscum cōsumunt,
Deus autem laboribus nostris ferendis
adest. S. Gregorius in Ezechielem in-
quit: Dum dixit Christus: *Beati qui lu-
gent, quoniā ipsi consolabuntur*, felicitatem
in eo quod homines lugeant non col-
locauit, sed in consolatione, quā à Deo
expectant: tentationem diaboli ergo
non videnda Dei famulo, sed pretium
quod à Iesu Christo expectat. Si sereno
coelo siccoque tempore in terram fies-
cam granum suum mittere audeat ara-
tor, qui sit Christiane quod te Iesu Chri-
sti manibus credere non audeas? *Eccce
venio cito, tene quod habes ut nemo accipiat
coronam tuam*, (Apoc. 3.) dicebat Domi-
nus Deus episcopo Philadelphie, quasi
diceret: Scias me breui venturū: pro-
pera itaque, & quod tenes, diligenter
serua: alioqui enim tuam coronam,
tuumque sceptrum alter accipiet, & sic
decipieris. Quid aliud suadet IESVS
Christus, dum nos quod manibus te-
nemus asseruare hortatur, nisi ut in bo-
nis operibus inceptis ad finem vsque
perse-

perseueremus? Dic quæso, nunquid
beneficiū quo te ex nihilo creauit Deus,
quo te pretioso suo sanguine redemit,
quo te mundo eduxit, & in Monaste-
rium perduxit: nunquid illa beneficia
inquam summi fauores sunt conserua-
tione digni, imo qui nobis grati esse de-
bent, & pro quibus ingentes debemus
agere gratias? Terribilis est sententia,
minæque grauissimæ quas hic adfert
Dominus, nempe quod coronæ gloriæ
iacturam simus facturi, ni in bonis ope-
ribus perseueremus: vt si amore, boni
euadere nō velimus, euadamus saltem
timore. Non sine mysterio primo dicit:
Ecce venio cito, vt sciamus Dominum ad
nobis succurrendum venire paratum,
si in bonis operibus perseuerare conari
velimus. Cum aded bonus ergo tuo
laterituoque auxilio adstet Dominus,
quid bonum opus aggredi dubitas? Ego
sum. & ω, inquit in Apocalypsi Do-
minus, quasi diceret: Sum initium &
finis, hoc est, solus sum qui bona opera
incipiendi gratiam præbeo, & solus qui
vt ea peragantur auxilio sum: mundus
& mundani, caro & eius vitia, diabolus
& eius

& eius deceptiones nos laboribus im-
 mergunt, & iisdem nos intricatos dese-
 runt. Nullum ad bonum opus compel-
 lit Christus, quin illud peragendi gra-
 tiam ei conferat. In Canticis Cantico-
 rum dicit S. Bernardus: O quam glori-
 osa es perseverantia, quandoquidem
 sola virtutum dici possis virtutum val-
 dum, virium vigor, amicitie nodus, va-
 nitatis mors, sanctitatis tutela, cō-
 stantiz insula, pacis amica,
 pretij mediatrix & la-
 boris corona.

PP. Eremitarum Camaldul.
 S. Iam Monks Regy J. p. v. 1669.
 Michael Rex l. g. 1669.
 1669.

IN.

INDEX CAPITVM

quæ hoc libro continen-
tur.

Cap. 1. Quod Deus conferat magnum be-
neficium ei quem huius mundi tumult-
ibus educit, vt eum ad Religionem per-
ducat, & in monasterium in quo ei ob-
sequium præstet. pag. 27.

2. Perfectos homines à Deo electos esse,
magnumq; esse in Deum peccatum non
agere gratias, quod nos ad religionem
vocarit. 41.

3. Dei famulum tum inire viam quam de-
bet, dum quæ ipse vult non agit: & ta-
liter aberrare esse scopum attingere. 55.

4. De fallacijs mundi, & quid vtræque li-
tera, sacrae prophanaeque doceant. 68.

5. De diuersis iugi generibus, quorum
mentionem facit scriptura: & quod so-
lum Christi iugum sit leuius & minus
ponderosum magisq; meritorium. 83.

6. Quomodo examinandi sint qui in Mo-
nasterijs

INDEX

- asterijs religionis habitū suscipiunt, & quomodo diuisiones & interstitia arca Noe praefigurarint religionis ordines in Ecclesia Catholica. 100.*
7. *Quod ad seruiendum Deo in monasterijs, non sint acceptandi qui in mundo abiectissimi sunt. 109.*
 8. *De conditionibus quae requiruntur in ijs qui alios in religione docturi sunt. 115.*
 9. *Quod suos nouitios Magistri docere debeant, figuris notabilibus manifestatur. 124.*
 10. *Qui Domino seruire volunt, magno ijs opus est animo, vna hoc libri Leuitici figura declaratur. 132.*
 11. *Quomodo Dei famulus propria voluntati renunciare debeat, quod probatur in prosecutione figura supra allegata. 145.*
 12. *Figuris & auctoritatibus probatur perfectos magis, quam imperfectos obligari ad optima. 159.*
 13. *Agit de virtute abstinentiae multas sacra scriptura adducens figuras, ad sublimitatem illius demonstrandam. 166.*
 14. *Quod.*

CAPITV M.

14. Quod Dei famulus teneatur esse melior omnibus qui in mundo supersunt. 134.
15. De quatuor notabilibus sacra scriptura figuris, quibus inobedientia periculum probatur, & obedientia fructus ostenditur. 199.
16. Probatur insignibus sacra Scriptura figuris, quomodo Dei famulo omnia postponenda sint. 210.
17. De dignitate Pralaturæ, & quantum à mundo discrepare debeat qui vult bonus esse Prælatus, exemplo S. Petri & regis Saulis. 220.
18. Graue & ponderosum esse Prælati officium, & quantiponderis verbis Synagoga Prælatum Moysen, & Ecclesia sanctum Paulum constituerit Deus. 233.
19. Pericula Pralaturas ambientium. peccata tum negligenter id officij exequentium, cum impositum detrectantium. 245.
20. Quomodo obligetur Prælatus, quid in Monasterio fiat videre, & subditorum lapsus in charitate corrigere. 256.

I N D E X

21. De lingua & malis quæ committit, quæ omnia sacra Scripturæ exemplis probantur. 269.

22. Quod mala lingua quæ in mundo sunt, sint ranarum plagis, quas Deus in Aegyptum misit longe peiores, & quid super hac de re dicant Doctores. 280.

23. Periculosum esse cum multiloquo & malitioso verba habere: & tutissimum, huiusmodi homines fugere. 290.

24. De pluribus & diuersis modis, quibus suos conuocat Deus, & quomodo quoque suos diabolus vocet, & quæ in re hi ab illis dignoscantur. 300.

25. De duabus professionibus, quas proficitur religiosus, quarum vnâ ut Christianus proficitur, aliam verò ut religiosus: & quod proficiens debeat esse sufficientis ætatis. 315.

26. De excellentia virtutis abstinentiæ, ubi multa sacra Scripturæ exponuntur auctoritates. 331.

27. Inter omnes tentationes, nulla est gula pe-

CAPITVM.

*In periculosis, & quæ sancti Hieronymi
sententia. 340.*

28. *Quod non multum prodest ieiunium sto-
machi à peccatis non abstinenti, & quid
de hac re dicat Ambrosius. 348.*

29. *Literæ sancti Basilij ad Iulianum apo-
stata in abstinentia commendationem
& fauorem. 354.*

30. *Dei famulo mundi epulas & contiuiua
fugienda: sapius enim istis asidere dia-
bolum. 362.*

31. *De honestate & ciuilitate quam præ se
ferre debet religiosus, extra monaste-
rium comedens. 373.*

32. *Quod ad edendum refectoryum sem-
per adire teneatur Dei famulus, & Ho-
spitia vitare. 380.*

33. *Religiosum in cibo & vestitu singula-
ritate uti non debere, sed communem
conuentus sequi methodum. 397.*

34. *Dei famulo corpus castigandum non
interimendum. 407.*

35. *Quomodo Dei famulus in mensa se gerat*

INDEX

- vere debeat ad abstinentiam & nutritionem conseruandam. 414.
36. De diuino officio, & quod Dei laudes canere angelorum sit officinm. 427.
37. Quod felices sunt religiosi: quia diuinis solum officijs occupantur. 441.
38. Quomodo se ad diuinum officium peragendum preparare debeant Dei famuli, & quomodo in choro se gerere. 452.
39. De vetustate & excellentia orationis, & quod pauci sine bona vita parum proficiant multum orantes. 467.
40. De oratione Christi preceptum, & Apostoli consilium, atque vtriusque explicatio. 478.
41. Quod Dei famulus probus & pius esse non possit, nisi relictam malitiam. 486.
42. De quatuor orationum differentijs, quas adfert Apostolus: exponitur eius sententia, & multa Notabiles adferuntur figurae. 498.
43. De notabilibus & excellentibus quibusdam

CAPITVVM.

dam dictis Sanctorum de oratione &
eius gustu. 505.

44. De magna obedientia praestantia, &
quod sit antiquissima virtus, sicuti au-
toritatibus & sacra Scriptura figuris
probatur, 523.

45. De mirabili conscientiae exemplo, quod
reliquit nobis Christus, & quod nullus
ei obedientiae virtute par fuerit. 523.

46. De constitutionibus quas habere debet
obediens & quod imprimis debeat obe-
dire voluntate: hoc quarundam figura-
rum sacrae Scripturae expositionibus pro-
batur. 531.

47. Quod non debeat religiosus vnquam in
obediētia puncto se excusare, magnis hoc
sacrae scripturae auctoritatibus proba-
tur. 541.

48. Quod obedientia omnis debeat habere
conditiones, illustratur pluribus exem-
plis, & antiquorum Patrum dictis. 551.

49. Quod temporalia parui facere debeat
Dei famulus, eo quod periculosiora sint,
& magnum non adferant commodum.

INDEX

50. Periculosum esse iuxta S. Pauli doctrinam secularia quarere, imò non tantum quarere, sed ea expetere religiosi interdictum esse. 577.

51. Periculosum esse in Religione quippiam inscio Prelato, siue quid superfluum in cubiculo retinere. 589.

52. De labore quem Dei famuli ad castitatem obtinendam ferunt: & quod à vitio contrario valde tententur. 603.

Suam materiam prosequitur auctor, suadetque lascivia occasiones fugere. 613.

53. Quod Dei famulus non debeat ex vno Monasterio in aliud migrare, neque ad reuiscendum mandum egredi. 624.

54. Magnum esse decus, haberi esse veracem, magnum verò dedecus mendacem: ubi multa sacra scriptura exponuntur figura. 641.

55. Infirmities famulorum Dei, sunt magis meritis occasiones quam punitio-
nes. 655.

57. Pra


CAPITVM.


56. *Prelatis magna religiosorum aegrorum
gerenda cura, eorum praesertim qui in
religione senes, debiles & impotentes
sunt. 667.*


57. *Quam necessaria sit nobis perseueran-
tia, & quod sine illa nulla virtus possit
esse utilis. 679.*


FINIS.














Biblioteka Jagiellońska



stdr0029265

